



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines


Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search


Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>




1

FC
R-4





FOD



H I S T O R I A
REGUM HUNGARIÆ,
P A R S III.



A
G E O R G I O P R A Y,

ABBATE B. M. V. DE TORMOVA, ET CATH. ECCL.
M. VARADINEN. CANONICO CONSCRIPTA.

COMPLECTENS RES GESTAS

A B

ANNO M. D. XXVII. ad M. DCC. LXXX.



B U D Æ,
TYPIS, ET SUMTIBUS REGLE UNIVERSITATIS
PESTANÆ TYPOGRAPHIÆ.

ANNO 1891.



FERDINANDUS I.

ab anno 1527 ad 1564.

Hungaria, Ludovico II. clade Mohácsiana amisso, bifariam divisa, pars Ferdinandum Archiducem Austriae, pars Joannem Zapolyam, Transilvaniae Vajvodam, sequebatur. Uterque conditione, & jure dispares. Ille Augusta Imperatorum prosapia clarus, & fratris sui, Caroli V. Cæsaris, & Hispaniarum regis potentia subnixus; hic nobili quidem, sed tenui loco in Bosnia a Majoribus originem ducens: ille Comitibus a Regina vidua, & regni Palatino, cui id secundum leges proprium est, legitime indictis, rex renunciatus; hic contra, coacto ad Tocaïum, sua autoritate, Conventu, electus, de regni possessione contendebant. 1527.

Ferdinandus, cui successio in Bohemia, vetusto pactorum jure, certa erat, Pragam, ineunte anno, profectus, & VI. Kalendas Martii coronatus, tot provinciarum ad Austria.

1527. ~~_____~~ sriacas accessione, facile superior regni æmulo futurus videbatur. Nec Zapolya, arrepta jam dignitate regia, segnior, Comitibus suis ad XVIII. Martii Budam indixit. Sero observaverat, facultates suas, etsi census essent maximi, distracto in partes regno, vix suffecturas, ut cum Ferdinandi potentia collibrari possint. Quare id in Comitibus præcipue agebat, ut ad defensionem regni, omnes, nemine excepto, argenti, aurique facti, & infecti, pecorumque decimam partem conferrent, aut præbito ære redimerent, idque sub juramenti religione præstari voluit, a) quin ullus oblectaretur, quam obsequendi facilitatem si Ludovicus expertus fuisset, forte Hungaria non tot vicissitudinibus, quot deinde perpeffa fuit, objicienda erat. Sed cum nec hæc

a) Litt. Zapolyæ ad cives Bartphenfes. 7. Maji. *Præterea ut unusquisque tam Nobilium, quam ignobilium, decimam partem argenti, aurique, & paratarum pecuniarum, boum, vaccarum, vitulorum supra annum, ovium, porcorum, jure jurando interposito, exsolvat, ita tamen, & ea conditione, ut si quis aliquid argenti elaborati, aut non elaborati, pro se redimere voluerit, solvat 6. fl. bonæ monetæ pro una marca, pro auro tantum, quantum res ipsa, quam redimere volet, ponderabit. De uno bove aratore 3. fl. antiquæ monetæ, de vaccis, vitulis, ovibus, & porcis, quantum valébunt &c.*

hæc propulsando periculo satis viderentur, 1527.
 Sigismundum Poloniæ regem, misso Joanne *Statilio* Budensi Præposito, sibi conciliare studuit. Aliquid etiam spei a Francisco Galliarum rege affulgebat, a quo Antonium *Rinconem*, Legatum acceperat, cujus hæc præcipue mandata erant; ut Hungaros in illius fide confirmet, & ante omnes, Franciscum *Batthyani*, Dalmatiæ, Croatiæ, & Sclavoniæ Banum, in ejusdem partes traducere conaretur, non tam studio in Hungaros ductus, quam ut Carolo Cæsari, hujusque fratri Ferdinando ægre faceret. Neque hæc isto clam fiebant, qui jam prius Sclavoniæ causa sollicitus, Petrum *Erdödium*, cujus magna apud eam gentem erat auctoritas, in suam fidem pertraxit, ut haberet, quem isthic Christophoro *Frangepanio*, Zapolyæ partibus addicto, opponeret. In Comitibus quoque Ratisbonensibus, quibus pro Cæsare præfuit, id inprimis agebat, ne Zapolyæ fas esset, militem in Imperio conscribere, aut jam conscripto liber in Hungariam commeatus daretur. a)

His in contrarium ferventibus utriusque studiis, rex Poloniæ veritus, ne Turcis sensim occasio ad subjugandam penitus Hunga-

A 3

riam

a) Litt. Ferdinandi ad Erdödium 10. Jan. Zapolyæ ad Cassovienses 10. Febr. Regis Galliarum 5. ejusdem apud Pray annal. P. V. pag. 133. Lunig Cod. Dipl. Germ. T. II. num. 115.

1527.

riam præberetur, commode intercedens, arbitrum componendæ litis se obtulit. Non abnuit Ferdinandus, pacis præ bello alioquin cupidior, nec Zapolya, ne, si negaret, invidiæ exterorum se objiceret, dissenserat. Conventu Olomucium ad Kalendas Junias præstituto, aderant utriusque partis *Mandatarii*, acta est res aliquot coitionibus, Beato *Widemanno*, & Joanne *Statilio* disceptantibus. Ille Ferdinandi jus in Hungariam a pactis conventis, legitima electione, & uxoris titulo repetebat, hic constitutione Ordinum anni 1505. & vetere electionis consuetudine causam Zapolyæ tuebatur. Cum ita dies aliquot altercationibus traherentur, placuit, aliam concordiæ viam inire. Zapolyæ, si regno decederet, præter amplissimum, quod habebat, patrimonium, XL. millia florenorum promissa, & regnum Bosniæ hæreditario jure oblatum est. Sed cum nec hoc modo partibus convenire posset, re infecta utrinque discessum, & ad arma ventum est.

II. Ferdinandus ante, quam armis rem ageret, litteris 29. Junii vulgatis, causam soluti Conventus, & jura sua, ac conjugis suæ in regnum declaravit, hactenus quidem, quod spes aliqua concordiæ fuisset, ad arma se non esse progressum, nunc vero, quoniam pacis tractatio evanisset, coactum se vim adhibere, jusque suum armis vindicare; monitos proinde omnes velle, ut, deserto Zapolya, qui

qui illis rerum omnium decimam partem, in-
audito hactenus in Hungaria exemplo, adimi
jussisset, in fidem suam concedant, alioquin se
in eos, qui refractarii essent, graviter animad-
versurum; simul exercitum ex Bohemis, &
Auftralibus conflatum, cui magna Hungaro-
rum pars se conjunxerat, regno immisit, qui
Divinio, Posonio, & Tirnavia sponte se de-
dentibus, ad Ovarinum, donec ipse conse-
queretur, castra defixit; proximus a Casimi-
ro Brandenburgensi copiarum dux Mansfel-
dius erat. Magna huc e vicinia Nobilium,
signa sponte sequentium, concursatio facta,
quorum exemplum cum propinquæ provinciæ,
& urbes inprimis regiæ sequerentur, Zapolya
communem defectionem metuens, litteras di-
didit, quibus diminutionem capitis, & jactu-
ram omnium bonorum comminatus est, si-
quis Bohemiæ regis, ita Ferdinandum vocare
solebat, publici nationis Hungariæ hostis,
litteras nuper vulgatas reciperet, legeret,
aut plebi interpretaretur, vetuitque eadem
comminatione, ne ullus Comitibus, si quæ in-
diceret, adesse ausit.

Nihil his minis profectum. Ferdinan-
dus, ut limites regni attigit, a Palatino, ce-
terisque Proceribus magno numero confluen-
tibus, pro more salutatus, lentis de industria
itineribus, ut spacium aliis conveniendi, da-
ret, progressus, receptisque partim vi, par-
tim deditione Jaurino, Comaromio, Tata,

1520. Strigonio, Vissegrado, & classe Danubiana Budam, a Zapolyanis jam ante desertam, mense Augusto pervenit. Jam multi, relicto Zapolya, partes Ferdinandi amplexi erant, inter quos Thomas *Nédasdius*, Franciscus *Zay*, Valentinus *Török*, Ludovicus *Pecry*, & Casparus *Paxy*, præcipui. Adfuit quoque cum donis orator Vayvodæ Moldaviensis, cumque in dies magna Nobilitatis pars conflueret, Comititia ad Kalendas Septembres indicta, vulgatis quaquaverfum litteris, quas eum Zapolya graviter iterum vetaret, & præterea, non contentus rerum omnium decimatione, florenum auri omnibus imperaret, videretque multos propterea a se alienari, conclamatis quasi rebus, Rinconem Galliaë Legatum in Poloniam dimisit, ipse cum paucis suorum, ultra Tibiscum se recepit. a)

Nondum tamen Comititiis ob circumstrepentia arma initium dari potuit. In Croatia *Frangepanius*, in quo Zapolya plurimum spei collocarat, semel, iterumque, primum a *Pecrio*, mox a *Batthyánio*, & *Georgio Puchheimo*

a) Litt. Ferdinandi 29. Jun. Alexii Thurzo ex Fischement Fer. 3. post. Magdal. Zapolyæ 24. Aug. ex castris prope Agriam. Ferdinandi Budæ eod. Zapolyæ ex castr. prope Mochy 14. Sept. Alexii Thurzo Bud. 27. ejusd. Velius Urfinus de bello Pannonico, lib. 1.

mo profligatus, dum incaute Varasdinum speculatur, aeneo tormento ictus occubuit. Nicolaus Salmius contra Zapolyam, qui cum exercitu, in quo DCC. etiam Poloni, rege infcio, erant, Tocaium pervenerat, missus, praelio victum in fugam coniecit, arcemque cepit. Dissipatis hostium turmis, complures Ferdinandum ex sacro, & profano ordine, & in his Petrus de *Perén*, cui Zapolya coronam regni crediderat, certatim sequuti, Comitibus celebratis, unanimi consensu decrevere; ut electio regis Posonii facta, legitima, & rata esset; Perénio mandatum, ut coronam afferret, cui, ob intuta itinera, mille quingenti equites additi: dies coronationi tertia Novembris statuta, ad Transilvanos, & Siculos mandata missa, nisi in verba Ferdinandi jurarent, hostes habitum iri, florenus auri viritim imperatus, donationes, quas rex hactenus, & vidua Regina ab obitu Ludovici fecerant, legitimæ sint, contra Zapolyæ irritentur, iis, qui hujus partes ex Prælatibus, & Baronibus tuiti fuissent, XXV. Novembris præstituta, ut se regi sistant, ceteris locus emendationi datus. a)

Sero Zapolya, ut Comitibus obturbaret, per subornatum nuncium litteras ad regni Ordines scriptas, quibus famam Ferdinandi lacera-

a) Decretum Ferdinandi primum. Litt. Zapolyæ
2. Nov. ex Thelegd. Velius l. cit.

1527.

cerabat, pro foribus templi majoris affigi curavit; sero etiam Verböczius, ejus Cancellarius, scriptis ad varios epistolis, coronationi moram injicere studuit. Profectio XXIX. Octobris Albam suscepta, & inauguratio III. Nov. magno exterorum, & popularium concursu peracta est. Postridie epistola Zapolyæ rursus ad Ordines scripta, intercepto tabellario, ad regem perlata est, qui convocatis ante regiam aulam cum Nobilitate Magnatibus, factaque tabellario impunitate, Zapolyam, & Verböczium suffragatione communi hostes regni declaravit, illum, quod destituto ad Mohácsium Ludovico, ab hujus interitu nomen regis usurparit, hunc, quod perniciosus suis consiliis ei autor ad invadendum regnum fuerit. Peractis dein Ludovico iustis, rex cum utraque Regina, aderat enim & vidua Maria, Budam regressus comperit, Agriam a Zapolya, collecto tumultuario milite obsessam esse. Missi confestim Valentinus Török, & Ludovicus Pecry, quibus additi, Stephanus Majláth, & Casparus Paxius, qui, collectitia hac turba facile dissipata, obsessis salutem fuere. Paulo acrius cum Francisco Bodo, Zapolyanorum præcipuo duce, qui Tartaros quoque, & Polonos sub signis habebat, gesta, sed & hic post difficile certamen victus, captusque, ad regem Strigonium, inde Viennam, mox Neostadium perductus, incertum vitæ exitum habuit. Eadem facilitate Joannes Catzianerus

rus

rus ad Tirnaviam, & Nitriam usus est magno Zapolyæ incommodo, qui a fortuna, & a suis sectatoribus paulatim se deserere videns, opem a Polonis, sed irrito conatu, flagitare cœpit. a)

1528.

III. Ferdinandus enim compertis ejus consiliis Sigismundum Herbersteinum cum Laurentio Albenſi Præposito, ad regem Poloniæ miſit, qui ejus conatus interverteret; domi etiam, ne quid rerum novarum Zapolya moliretur, cavere volens, Strigonio Budam redux, rursus Conventum celebravit. Statutorum hæc fere capita erant: quoniam Solymannum ingentes apparatus facere, certis nunciis allatum ſit, ingruente periculo omnes viritim, & ſi neceſſe fuerit, cum colonis probe armatis, conſtituto per regem loco, & tempore adeſſent: Zapolyæ aſſectis, qui hactenus in gratiam non rediſſent, poena infidelitatis dictetur, quibus publica fides ad comparendum eſſet data, eaque non fuiſſent uſi, nullum deinceps, niſi aliter regi videatur, ad gratiam receptum habeant: ad florenum

a) Velius cit. l. 1. & 2. initio. Litt. Zapolyæ ad regni OO. Dominic. poſt Martini. Verböczii ad Caſſovien. d. S. Andr. ex Thasnad. Alex. Thurzo Bud. poſt Dionyſi, & 27. Sept. Leonardi Wallynczer Comit. Berſodien. ex Diósgyeur. Ferdinandi ad Bartphenſ. Alba 3. Nov.

1528.

renum prioribus Comitibus decretum, alter in belli usum additus. a) Sub finem conventus litteræ ab Herbersteinio allatæ, quibus Fratris Georgii *Martinusii*, celebre deinceps futurum nomen, b) conatus feliciter a se evessos significarat; regem Poloniæ cum Ordinibus decrevisse, ut, qui Zapolyam sequerentur, nisi bonis mulctari velint, confessim redeant, nec cuiquam, eadem interminatione, fas sit ejusdem signa deinceps sequi. Hoc comperto decreta in Zapolyam expeditio est, ne sensim vires resumeret. Copiis Germanicis præerant, Catzianer, Leonardus Vellius, & Nicolaus Turrianus, Hungaricis Törökus cum

a) Cod. Jur. Patr. & Vellius cit. l. 4.

b) Vir ut obscuro loco natus, ita summæ arrogantiae. Cum illum Ferdinandus post occupatam Transilvaniam Provinciæ præfecisset, velletque ei socium adjungere, respondit Joanni Pethe de Gersé in hæc verba: *Cum essem puer, fui primus inter pueros, cum Monachus, primus inter Monachos mei ordinis, cum essem dispensator in aula regis Joannis, primus inter dispensatores, & cum essem Consiliarius, primus inter Consiliarios, & qui socium habet, dominum habet. Ex processu post cædem illius celebrato per Nuncium Apostolicum, & juratis testimoniis firmato, quo ad res illius illustrandas crebro utendi locus erit.*

cum Pecrio; militia quidem numero exigua erat, sed exercitata virtutis. His a rege 1528. 1528. mandatum, ut factiosos nusquam quietos paterentur, ipse Ratisbonam ad Comitata iturus, Palatinum, additis aliquot Episcopis, & Baronibus, ut ei consiliis suis adessent, constituit, qui se absente rem publicam curarent, pollicitus, se, cum per Moraviam, & Bohemiam iter facturum sit, facturum, ut inde auxiliares copiae tempori adessent, nec enim se tantos ad consequendum regnum sumtus impendisse, nisi etiam propositum haberet, id tueri, & Nationi quietum, pacatumque conservare. Ita spe impletis cum utraque Regina Ovarinum discessit, & hinc, relicta isthic vidua, Viennam rediit. Hic cum Legati Vayvodae Valachiae, de quo suspicio erat, quasi factiosis clam studeat, salutarunt. Rediit quoque Herbersteinus, idem, quod ad Conventum de Polonis nunciaverat, confirmans, regem cum Primoribus optime in Ferdinandum animatos esse, sed Nobilitatem inferioris ordinis, & Sacerdotium, rebus Zapolyae mirum in modum favere. a)

Nec fefellit eventus. Zapolya, ut primum regem in Austriam rediisse comperit, fortunam periclitaturus, ad Cassoviam cum copiis confitit. Habebat sub signis praeter mille

a) Velius cit. l. 4. Litt. Ferdinandi ex Ovár Sabb, proximo ante Dominic. Reminiscere.

1528.

mille equites levis armaturæ, trecentos cataphractus, mille pedites ex Polonis, totidem ex Hungaris, D. Tartaros, & duo milia ex agrestibus collectæ militiæ. Catzianerus cum collegis numero inferior, hostem aggressus, rursus in fugam egit, Zapolya in Poloniam ad Joannem Tarnovium se subduxit. Hic, quamquam a dynasta loci liberaliter haberetur, in se tamen rediens cum videret, a quo culmine dejectus esset, cœpit modum circumspicere, quo sibi posset consulere. Pontifex præ reliquis idoneus ei visus, qui rebus pene desperatis medelam afferret. Sed ille eodem fere malo pressus, præter animi benevoli testificationem, nihil præstare poterat. Dedit quoque ad imperii Principes Ratisbonæ collectos litteras, quibus ab electione sua exorsus, quas a Ferdinando injurias hactenus perpessus, & demum regno exutus fuisset, prolixè queritur, amissæ nuper Jayczæ culpam in Ferdinandi socordiam conjiciens, alioquin, nisi litem inter se, & illum ex æquo componerent, se adactum iri, ut auxilium aliunde accersat, quod si Christianæ rei grave, & periculosum fuerit, non se in causa futurum. Jam tunc animo agibat, ut opem a Solymanno impleret. Funeustum Hungariæ consilium, &, cum nihil spei ab Imperii Principibus, religionis causa
dissi-

disidentibus, affulgeret, opere ipso conf-
pletum. a) : 1528.

Auctor hujus erat Hieronymus *Lasky*,
Provinciae Siradiensis praefectus. Is legatione
ad Solymannum perfunctus, Ludovico Grit-
to sibi conciliato, facile ei persuasit, ut Za-
polyam in clientelam reciperet. De tributo
quotannis propterea pendendo litigant inter
se scriptores, b) nec illud credibile, Fran-
ciscum Galliae regem triginta coronatorum
millia in quemvis mensem stipulatum fuisse,
cum ipse accepta recens ad Neapolim clade
majoribus angustis premeretur, quam ut tan-
tum æris ob incertas spes profunderet. So-
lymannus subjugandæ aliquando Hungariae,
occasionem sibi offerri mire lætus, Laskii po-
stulata rata habuit, & Joannem *Hobordansz-*
kium, qui nomine Ferdinandi serius veniens,
inducias iisdem conditionibus, in quas cum
Ludovico rege olim convenerat, firmari, &
Bel-

a) Litt. Ferdinandi ad Hung. Strigon. 1. Jan.
Zapolyæ ad Princ. Imp. Tharnov. 8. April.
Catianeri ad Cassovien. ex castris prope Ga-
radna fer. 5. post Dom. Invocavit. Raynald. an-
nal. Eccl. T. XIII. Velius l. cit. Litt. Petri Zyladi
Agria fer. 6. post Visitationis Mariæ.

b) Velius id affirmat, negat contra Lasky in le-
gationis suæ ephemeridibus, tamen postea pa-
tuerit, etiam de tributo transactum fuisse.

Belgradum, importunius, quam Solymanai
 1528. aures paterentur, reddi petierat, cum fastu
 rejecit. a)

IV. Laskius confecto ex sententia nego-
 1529. tio, Tarnoviam redux Zapolyam spe recu-
 perandi regni erectum monuit, ut cum pri-
 mum compererit, Solymanum Belgrado ap-
 propinquare, ejus conveniendi occasionem ne
 prætermitteret, ipse in Valachiam abiit, ut
 ex propinquo consilia tempori, & loco ac-
 commodaret. Nec Solymanus promissi im-
 memor, compresso in Asia *Dervislariorum* tu-
 multu, ingentes apparatus fecerat, parte co-
 piarum Laskio credita, datoque mandato,
 ut Ferdinando bellum indiceret. Fecit scri-
 ptis ad eum litteris satis illiberalibus. Agebat
 tunc Ferdinandus Spiræ in Comitibus, quo Ho-
 bordanszkus jam ante nuncium de infelici
 legationis suæ exitu attulerat, & Solyman-
 num longe gravissimum bellum parare affir-
 mabat,

a) Litt. Lasky ad Ferdinandum Tergovistia 10.
 April. Velius l. 5. Zermegh. T. H. script. rer.
 Hung. p. 394. §. 11. Lasky ephemerides lega-
 tionis suæ apud Matth. Belium Dec. I. monu-
 ment. 4. Leunclav. Hist. Musulm. l. 18. ad an.
 Hegyræ 935. & Nic. Istváni Hist. l. 11. Litt.
 Zapolyæ ad Gallie Legatum, & Steph. Bro-
 dericum, Varadini commorantes, Chanadine
 28. Jul.

mabat, quo non Hungariam solum, sed Germaniam etiam subjugare propositum habeat. Periculi magnitudo Principes permovit, ut, seposito tantisper religionis dissidio, quod hactenus aliquot annis Germaniam in partes distraherat, & deinceps Hungariam quoque distrahet, auxilia in bellum Turcicum, XII. peditum, & equitum IV. millia constituerent, quibus stipendium ex ea pecunia, quæ Cæsari pro coronatione Romam profecturo alias jam decreta erat, penderetur, summa belli cura Friderico Comiti Palatino credita.

1529.

Hæc cum Spiræ decernuntur, Solymanus interim cum CL. millibus fines Hungariæ ingressus Mohácsium attigit. Hic illum Zapolya cum VI. millibus salutandi causa conveniens, præstita obedientia se in ejus potestate futurum promisit, eo pene in loco, in quo Ludovicus quarto abhinc anno infelicitè pugnans occubuit, barbari *vasallum* se professus. Sub idem tempus, quo Zapolya advenerat, Petrus quoque Perenius, coronam cum regis ornamentis volens periculo subducere, a Joanne Szerechanio, cum uxore, & liberis interceptus, & ad Solymannum perductus est. Mohácsio uterque profecti, Solymanus ad Budam, Zapolya Pestini subsistere. Arx iter morata est: præerat huic Thomas Nádasdius; obsessione ad aliquot dies producta, Germanus miles primum de deditione mentionem injecerat, frustra obstitit Ná-

1529.

Nadasdus, datæ fidei eos admonens, illi importunum monitorem cubiculo includunt, & sublatò e turri vexillo regio, signum deditio-
nis edunt, & in hanc conditionem paciscun-
tur, ut dato bidui spacio, salvis rebus, &
armis absire inviolatis liceat. Buda Zapolyæ
tradita est, sed fides dedititiis male servata.
Nam ad Budam veterem progressos trecenti
Turcæ consequuti, pene omnes deleissent, nisi
is, cui cura eos deducendi mandata erat,
navi impositos in adversam ripam, direptis
sarcinis traduci imperasset. Hanc Zapolya
infestam tenuit, quod Náadasdus conspicatus,
cum paucis scapham insiliens, secundo Danu-
bio devectus, forte fortuna eo loco applicuit,
in quo tentorium Zapolyæ defixum erat, ad
cujus genua provolutus vitæ gratiam petit,
& post acerbam reprehensionem, quod Fer-
dinandum sequutus fuisset, obtinuit, ea con-
ditione, præstitoque juramento, ne adversum
se arma sumeret, & cum accerferetur, ad
præstitutum diem adesset. Ita Broderico, &
Statilio vadibus, liber dimissus domum rediit.

Solymannus, relicto Budæ Zapolya, &
Ludovico Gritto, cum firmo præsidio, ver-
sus Austriam movit. Per iter Vifsegradum,
Strigonium, Jaurinam, & Ovarinum, aut de-
serta, aut deditioe accepta sunt. Ferdinan-
dus appropinquante hoste, Lincium, inde
Pragam concessit, ut auxilia undique conqui-
reret, quibus Viennæ, hanc enim Turcæ de-
signa-

signabant, mature confuleretur. Misit quoque ad Carolum Fratrem nuncios, qui, in quo periculo res esset, significarent, sed hos Veneti, bello cum Cæsare impliciti, interceperant. a) Suorum igitur virtuti confusus, quidquid in vicinia militiæ erat, Viennam accelerare iussit. Commode accidit, quod ante, quam antesignanæ Turcarum copiæ Kalendis Septembris agrum Viennensem attingerant, VI. mille peditum ex Imperio, aliquot item cohortes ex Hispanis, Bohemis, Australibus, & Moravis in urbem advenissent, cetera militia præter præsidiarios, ex civibus, Academicis, & volonibus constabat, exigua pro amplitudine urbis ad defensionem comparata manus. Summum imperium quod Palatinus Comes cum VII. equitum milibus ad Cremsum adhærere cogeretur, penes Nicolaum a Salmis fuit. Urbs XXII. Septembris circumfessa acerrime oppugnabatur, nec minori virtute usque ad XVI. Octobris defensa est, quo Splymannus ob insolitam aeris inclementiam, & confluentes undique

B 2

auxi-

a) Litt. Stanislai Olomucen. Episcopi ad Iudicem Cassovien. d. 17. Oct. Das Volk Kayserlich May, ways noch nit, das der Türkisch Kayser vor Wien ligt, aus der Ursach, das die Venediger etlich Khönigl. poten aufgehalten haben.

~~1529.~~ auxiliares copias, quæ urbi subsidio venire nunciabantur, obsidionem non minori dedecore, quam damno, XX. enim millia lectissimæ militiæ amisisse fertur, solvere coactus, Budam rediit; inde traditis Zápolyæ cum corona, regni Insigniis, eoque rege renunciato, & per Diploma confirmato, a) omnes, ut, nisi iram suam experiri velint, ejus mandatis obsequantur, admonuit, tum copias, per iter quinquaginta fere hominum millibus ex Hungaria in captivitatem secum raptis, ad hyberna deduxit. b)

Ut magna erat non in Germania solum, sed per Italiam quoque trepidatio, cum rumor obsessæ Viennæ percrebuit, ita non minor, soluta obsidione, lætitia, & in Zápolyam, qui barbarum hostem in Christianos

exci-

a) Conf. Pray P. V. annal. p. 227.

b) Vellus l. 6, & 7. Hist. Vien. obsessæ apud Schardium T. II. p. 237. Leuncl. Hist. Musul. 1. 18. & in descript. obsidionis Viennæ. Jovius Hist. sui temporis l. 28. Istváni l. 10. Litt. Franc. Bebek, ex castro Zaard. fer. 6. ante Gall.

Hesterno die famulus noster advenit, qui fuit inter Turcas, quando Alemanniam versus ascenderant, & quando etiam reversi sunt. Ipse vesaciter retulit, quod in redeundo abduxerunt 50000. animarum secum, inter illas tamen nullus fuit Alemannus, sed omnes fuerunt Hungari.

exciverit, concepta execratio. Ipse adeo Clemens VII. ob hanc immanitatem, illum Sacris interdictum pronunciavit, quod ille, in retinendo, quacumque tandem via posset, regno obfirmatus, ita ægre ferebat, ut decori pene omnis oblitus, datis ad Pontificem litteris, non dubitarit illum iniquitatis villicum compellare. Ceterum Ferdinandus, Solymanno Constantinopolim regresso, diditis per Hungariam litteris, causam malorum, quæ in Hungaria, & Austria per Turcas patrata essent, in Zapolyam conjecit, cujus instinctu Solymannus hanc expeditionem in Christianos suscepit, monuitque, ne animos propterea demitterent, mandata jam ab se data esse, ut loca Danubio adlita quamprimum recuperentur, neque verba dare videretur, Hardeckium confestim Posonio Ovarinum movere iussit, qui arcem paucorum dierum obsidione ad deditionem compulit. Alia parte Catzianerus Trentsinio intercepto, quod inter Vagum, & Granum est, in potestatem redexit. In Croatia Pecrius Simonem Erdödium Zagrabiensem Episcopum, a Zapolya revertentem in fugam egit, prædâ opima militi ex æquo divisa; Caspar Seredius ad Agriam, Franciscus Bebekius cum Ruperto Herbersteinio ad Cassoviam profligatis Zapolyanis, urbem, & arcem brevi tempore subegerant. In Transilvania etiam Saxones in partes Ferdinandi transiere. Tenuia hæc se-

licis successus initia, multos, qui jam nutabant, in fide regis retinebant. a)

1530. V. In qua ut magis firmarentur, hyberna expeditio suscepta est. Id copiis ad Posonium collectis mandatum; fuere autem tripeditum millia, septingenti Hungari levis, & gravis armaturæ Germani non plures trecentis. Pro paucitate res satis auspicate gestæ; Insula Cituorum hoste perpurgata, ad Strigonium adhæsum, quod & rigor hyemis inclementius sæviret, & Zapolya laborantibus crebro suppetias mitteret. Itaque in flativa regressi sunt, satis operæ a se relatum fuisse rati, quod partem Danubii in potestate haberent, qui futuræ expeditioni multum commodi allaturus esset. Zapolya, postquam Ferdinandi copiæ recesserant, Comitibus universis indixit, ad quæ cum pauci præter morem comparuissent, nihilque præter Joannem Bánffy Comitem palatii declaratum in iis fuisset actum, nova utrinque odiorum causa nata

a) Litt. Zapolyæ. Alba regia 17. Kal. Dec. Ferdinandi Lincio 26. Nov. Seredii Agr. 25. ejusd. Bebekii, & Herbersteinii ex Varkon. eod. Zapolyæ Buda 3. Dec. intelleximus illud quoque, quod de deditioe Brassovienfi, & fidefragio Saxonum scribitis. Hoc apud nos jam pridem notum est, neque adeo mirum, si subditi Principis Austriae sunt fœdisfragi &c.

ta est. Qui Ferdinandum sequebantur, *Germani*, qui *Zapolyam*, *Turcæ* per contumeliam dicti sunt. Inde ad mutuas cædes, & rapinas ventum. His cavendis *Zapolya* varias artes excogitabat, sperans, reliquos a Ferdinando facile abstractum iri, verum irrito conatu; mox largitionibus agebat, cum Episcopatus, aliaque beneficia Ecclesiastica profanis contulit; neque his quidquam promotum, quin, postquam Ludovicum Gritum ærario publico præfecisset, indignati, tantum homini semibarbaro tribui, multi aperte ad Ferdinandum inclinabant. Id cum vereretur, rumorem, quin litteras etiam in vulgus dididit, Ferdinandum Hungariam *Turcis* tributariam fecisse, indignum proinde, qui *Hungaris*, Nationi liberæ, imperitaret. Frustra & hæc machina fuit. Ferdinandus, simul ut rumorem hunc comperit, scripto per provincias vulgato, facile vel ex recenti, quæ *Zapolyam* auctorem habuit, *Turcarum* irruptione ostendit, quam vanum id commentum, & ad concitandam in se invidiam excogitatum esset, cui nunquam vel in mentem venerit, ut tam Nobile, ac vetustum regnum exterorum jugo subiceret, Deum ipsum testem accersens, nec commissurum se unquam, ut eos, qui se suæ fidei commississent, per ignaviam deferat, modo ipsi etiam conatus suos in commune bonum conferrent.

1530.

Hanc ei-spem Comitia Augustana ad XXI. Maji designata ingerebant. Cum enim sæpe alias in Comitiiis de communi in Turcas expeditione, suscepta consilia fuerint, non dubitabat, quin hæc, recenti Germaniæ periculo admoniti, ipso opere tandem exequerentur. Aderat Comitiiis etiam Carolus Cæsar, quo autore ante omnia agi cœptum est, de expeditione in Turcas suscipienda, ob religionis tamen dissidium, habito inter delectos utrinque colloquio, cum neutra pars de sententia sua vellet recedere, nihil profici potuit. Quæ dissensio Ferdinandum permovit, ut Josephum *Lambergium*, & Nicolaum *Jurischium* pacis ineundæ causa ad Solymannum mitteret; verum & hujus spes exigua erat, quod Zapolya in Comitiiis Augustanis aliquid in se cudi suspicatus, ut Ferdinandi conatum elideret, Joannem *Fekete* Constantinopolim, & Michaellem *Somlay* ad Mehmetum Semen-driæ Præfectum miserat, ut cum creditis sibi copiis in Hungariam ei suppetias veniret. Nec is diu moratus, Augusto nondum inclinante adfuit, & ditiones, non solum quæ Ferdinando, sed ipsi etiam Zapolyæ parebant, sæde populatus, triplo majorem hominum copiam, quam sub signis haberet, captivam Belgradum in servitutem abduxit. Zapolya, qui Mehmeto prius autor erat, ut, intacta Hungaria, in eas Austriæ, & Moraviæ partes, quæ regno confines sunt, irrumperet, de-

dedissetque ei peritos itineris ducēs, & Petro-
 vicium præterea socium adjunxisset, nunc 1530.
 non exiguam regni partem ab homine, qui
 auxilio esse debebat, misere vastatam, & in-
 colis nudatam esse, a) videns, litteras ad
 Gritum Constantinopolim dedit, ageret apud
 Solymannum, & Ibrahimum Vezirium, ut
 id Mehmeto impune ne abiret, neve deinceps
 id fieri sineret. Mox tamen alias minarum ple-
 nas ad Comitatus scripserat, severe mandans
 ut, qui Ferdinandum sectarentur, ad Kal.
 Nov. vel per se se, vel idoneos nuncios ad-
 essent, sibi que obedientiam profiterentur, alio-
 quin, si renuerint, Mehmetum rursus ventu-
 rum, & multo acerbiores, quam nuper, ex
 eis

a) Hæc ipse Zapolya ad Gritum Buda fer. 5.
 prox. post B. Francisci perscripserat. *Osten-*
dederamus enim eam partem Moraviæ, & Au-
striæ, regno nostro conterminam, quæ anno
superiore integra remanserat, ubi impune, quan-
tum voluisset, ei deprædari licebat: dederamus
ei peritos duces itineris, adjunxeramus etiam
Petrum Petrovics, qui nobis sanguine jun-
ctus est, quibuscum hinc discedens, non qui-
dem Moraviam, neque Austriam, sed totam
illam partem regni nostri, quæ — nondum va-
stata manebat, combussit, & deprædatus est,
& cum tanta captivorum multitudine reversus
est, ut vel in triplo eorum numerus, quam
ipsorum Turcarum, major fuerit &c.

1530. adduxerat, potior tamen militiæ pars cum
 Nádasdio ad Szigethum abfuit, qui, ut, Ba-
 dam perichitari intellexit, accelerato itinere
 cum DC. equitibus in arcem, deluſis Cæſa-
 reis receptus eſt. Sed cum hi quoque ad re-
 pellendam vim ſuffecturi vix viderentur, miſſi
 ad Mehmet Begum celeres nuncii, ut obſeſſis
 ſubſidio veniret, qui haud diu moratus, cen-
 tum navigia ſubitario milite completa adver-
 ſo Danubio, terreſtri autem itinere, ſupra duo
 millia equitum præmittens, paulum poſt ipſe
 conſequutus eſt. Rogendorſius interim de-
 ſerta murorum parte aſſultum tentavit, quo ab
 obſeſſis fortiter rejecto, Cæſarei adeo animis
 concidere, ut, dum poſtridie, Mehmeto, jam
 a propinquante, arcem tripartito vellet aggre-
 di, imperata facere detrectarent. Non ceſſit
 tamen, ſed punitis ſeditioſorum capitibus,
 Hiſpanos, & Belgas cum mille Germanis pe-
 ditibus, qui Turcas a Danubio arcèrent, Pe-
 ſtinum traducens, & communito montium
 aditu, ruruſ aſſultum, ſed fruſtra tentavit,
 poſtremum, cum & cuniculi a tranſfuga Ba-
 varo proditi eſſent, & miles annonæ inopiâ
 ſe diutius in caſtris retineri non pateretur,
 ne ſibi res cum gemino hoſte eſſet, copias
 collectis vaſis Viſſegradum reduxit. Hic eum
 Laſkyus, accepta prius publica fide, conve-
 niens, nomine Zapolyæ de induciis mentio-
 nem iniecit. Cum conditiones ſatis æquas,
 & honeſtas proponeret, facile utrinque in
 has

has leges conventum: trimestri spatio utrique ab armis cessent; mercatoribus, & nunciis publicis tutus sit ultro citroque commeatus; liberumque cuivis parti in violatores induciarum, poena animadvertere; quæ hæcæus utrinque occupata sunt, tuto possideantur, ex his suos quisque proventus faciat, neutris denique fas sit, alios in suas partes pellicere, aut, dedere se volentes, recipere. In hæc capita induciæ conciliatae sunt, sed anni sequentis initio primum vulgatae. Rogendorffium ad has ineundas ea inprimis causa permovit, quod sciret, in Comitibus Augustanis de Ferdinando rege Romanorum renunciando consultari, quæ res præ armorum strepitu quietem polcere videbatur. a)

1530.

VI. Zapolya, paulo post, confestas inducias, improvido facto se invidiæ, ac prope, despiciatui suorum, eorum inprimis objecit, quorum virtus in defendenda Buda inclaruerat. Propositum habebat, Laskyo, & Verböczio præcipue auctoribus, / Gritum re-

1531.

gni

ad Litt. Gritti ad Ferdinandum Budæ 26. Octob.
Rogendorffii ad Nitrienses ex castris ad Budam
fer. 40 ante Martini Episcopi. Eiusdem ad Ca-
pitulum Budense fer. 6. post Conceptionis B.
M. Tabb. induciar. in regali curia Vilegrad.
21. Jan. 1531. Raynald. annal. T. XIII. Ve-
lius I. 19. Zermegh. l. 2.

1531.

gni Gubernatorem renunciare, nolebat tamen id sua unius auctoritate, sed senatus consulto fieri. Resistit ante alios Nádasdius, indignum ratus, ut vir, quinquagenario non major, vicarium, & hunc exterum, sibi subroget, id enim tantundem videri, ac si imparem se ad regendum palam profiteatur. Hinc inter hunc, & Grittum odiorum causa orta, quæ subinde occasionem præbuit, ut Nádasdius ad Ferdinandi partes transfret. Vicere tamen alii, qui spem omnem in Turcis collocabant, & Grittus non modo regni Gubernator, & Quæstor, sed mox etiam perpetuus Marmarohensis Comes declaratus est. Ea re multum offensi sensim ad Ferdinandum respicere coeperunt, quare id consilii Zapolyæ suggestum, ut Grittus speciosa Legatione ornatus ad Solymannum mitteretur, huiusque locum Nádasdius teneret. Hoc illicio Grittus, etsi versuto esset ingenio, in fraudem inductus, illum, quamdiu ipse abesset, sibi vicarium substituit. Verum Nádasdius honorem hunc cum homine averfatus, ut primum is iter Constantinopolim ingressus erat, missionem a Zapolya petiit, oravitque, ut sibi a iuramenti religione, qua ei obstrictus erat, soluto privatam vitam agere liceret. Ægre quidem, liberum tamen a iuramento, ea conditione dimisit, ne ad Ferdinandum transfret, nec sub eo stipendia mereretur. Missionem hanc plerique in Zapolya carpebant, quod, gratia
exter-

externi hominis, se viro privarit, cujus opera ei hactenus in rebus arduis utilis erat, & deinceps usui esse poterat. a)

1531.

Ferdinandus, postquam V. Januarii Coloniæ rex Romanorum electus, & XI. ejusdem Aquisgrani coronatus fuisset, a fratre divulgatus, Viennam properavit, ut induciarum tempore necessarios apparatus præverteret, si quid Turcæ, vel Zapolya his finitis inimicum molirentur, signis per inferiorem Austriam constitutis, quæ adveniente hoste vicinis darentur, & munitis locis, ad quæ salutis causa confugerent. Zapolya per id tempus apud Transilvanos agebat, ut sibi Moldaviæ, & Valachiæ Vayvodas conciliaret; inde Laschyum Viennam misit, qui inducias prorogari peteret, idem Ferdinandus per Legatos suos apud Solymanum agebat, quo non invito, iisdem, quibus trimestres, conditionibus in annum prorogata, & XXVII. Aprilis per regnum vulgata sunt, conventu, quem aliqui, Ferdinando, & Zapolya insciis, Veszprimium pro XVIII. Maji indixerant, gravissime inter-

a) Litt. Zapolyæ Bud. f. d. Gritti ad Franc. Kápolnai ibid. fer. 2. post Circumcis. Ejusd. ad Nádasdium ibid. 12. Jan. Zapolyæ ad eund. ibid. fer. 4. post Epiphan. Zermegh. l. 2. §. 4. Hæc apud Istvánii non rite ad an. 1533. signantur.

1531

interdicto. a) Multi ex Episcopis, & Magnatibus. invitata etiam Nobilitate, ad eum diem se conventuros polliciti sunt, ut positis dissidiis, consilia ad conciliandum utrumque regem inter se conferrent. Vulgato interdicto pene omnes paruerunt, pauci, secessione facta, id clam agebant, ut Ferdinando, & Zapolya desertis, delectoque e numero suorum; qui reliquis praeesset, in clientelam Solymanni, promisso annuo tributo se dederent, quæ destinatio, cum desipientium potius, quam Patriæ emolumento consulentium esset, tunc quidem compressa, postea tamen iterum resumpta fuit.

Nec induciarum fides satis servata, non tam paciscentium, quam eorum virio, quorum causa conciliatæ erant. IncurSIONES utrinque, quasi bellum esset, frequentatæ, quandoque

a) Litt. Archiep. Colocensis ad Brodericum Buda 18. April. *Instat periculosa Dieta, Vesprii indicta, infcitis, &, ut ita dicam, invitis ambobus regibus. In illa facient Capitaneum contra ambos reges, quæ erit causa, ut Turci inter tot dissidia occupent regnum, & jam miserunt ad Bassam, offerendo tributum &c.* Procerum encyclicæ ex Belovar Dominic. Lætare. Rogendorffii Poson. 3. Febr. Ferdinandi Edictum 24. Jan. Ejusd. Praga 20. & 27. Apr. Andr. Báthor ex Chycsva 21. Mart.

doque etiam in Poloniam procursum. Malo 1531.
 huic Sigismundus, qui haud ita pridem filiam
 Ferdinandi Elisabetham, Sigismundo filio
 suo desponderat, modum positurus, Legatos
 suos Vislegradum, consentiente utraque par-
 te, miserat, quorum arbitrio in hunc modum
 utrisque convenit. Ferdinandus Strigonium in
 Hungaria, & Zapolya Sebesum (Müllenbach)
 cum aliquot arcibus in Transilvania, fidei
 regis Poloniæ eousque permetterent, donec
 pax in solidum coalescat. Valuit regis solici-
 tudo ad eam quoque Hungariæ partem, quæ
 trans Danubium ad meridiem porrigitur. In
 hac præcipui Nobiles, ad firmandas inducias
 in oppido *Kenyese*, quod lacui Balatoni adfi-
 tum est, conventum finitimis accolis indixe-
 rant, Ferdinando non invito, qui ut suos co-
 lendæ paci sensim consuefaceret, Leonardum
Nogarolam Veronensem, & Iosephum *Lamber-*
gum, ad Solymannum cum amplissimis do-
 nis misit, qui annuas inducias porro peterent
 prorogari. q)

-
- a) Litt. Franc. Bebek ex Thorna fer. 6. post
 Marci. Andr. Báthor ex Chycsva fer. 5. in oct.
 Ascens. item fer. 3. post Trinitatis. Ferdinandi
 ex Insprug 3. Dec. Zapolyæ Bud. 26. ejusd.
 Cod. Pol. Diplom. T. I. sect. 3. n. 26. Ist-
 vânsi I. 11. Surius in Comment. ad h. a.

1532.

VII. Constantinopolim delati, admisi-
que ad Sultanum, ambigua primum responsa
acceperant, mox ex vario, terra, marique
apparatu cum viderent bellum parari, re in-
fecta rediere. Erat tum Ferdinandus Ratis-
bonæ in Comitibus, cum illi advenerant, ex
quibus cum intellexisset, belli vim non Hun-
gariæ solum, sed & Germaniæ incubituram,
egit cum Cæsare apud Imperii Ordines, ut
promissa toties auxilia contra Turcas opere
ipso tandem præstarent. Parum in principio
profectum, donec composito utranque reli-
gionis negotio, & ad futurum Concilium di-
lato, ea se duros opportune addixissent.
Jam enim Gritus, quem anno superiore Con-
stantinopolim missum fuisse memoravi, cum
magna Turcarum manu, in Valachiam men-
se Aprili venerat, Moldavos cum Valachis
sub signa collecturus. Inde in Transilvaniam
profectus, Cibiniensibus sex mensium indu-
cias, acceptis obfidibus, indulgit, si intra hos
Ferdinandus cum Solymanno non conflixerit,
aut habito conflictu superatus fuerit. Gritum
Solymannus cum CCC. millibus non longe
post sequutus, Belgradum attigit. Hungariam
ingresso Zapolya volens occurrere, Episco-
pos cum Baronibus, & præcipuis Nobilibus
monuit, ut, quam possent, decenti apparatu
se comitentur, notam perpetuæ infidelitatis
comminatus, qui morem non gererent. Pau-
ci fuere, qui, Turcas, eorumque auxilia exe-
crati

crati, obtemperarint. a) Præverterat illum tamen Petrus Perenius, qui Solymannum Mohácsii adiens, ut se, a Ferdinandi, & Zapolyæ obedientia exemptum, in peculiarem beneficiarium reciperet, orabat, ut sensim viam sibi, utroque rege oppresso, ad tyrannidem pararet. Grittus, detecto mature dolo, autor Ibrahimio fuit, ut hominem ambiguae fidei, comprehendi juberet: captus est, & Zapolyæ, qui sub idem tempus advenerat, custodiæ traditus. Inde cum Solymanno Budam progressus, hic versus Austriam, ille cum Gritto, & copiarum parte Vissegradum profecti. Id cum a nostris desertum esset, Grittus expugnando Strigonio animum adjecit. Zapolya Vissegradi moratus, rursus Comitibus indixit, spem minime dubiam præcipiens, plurimos, metu Solymanni, a Ferdinando abstractum iri. Hic extremus, quem ad eos alliciendos tentaverat, aries fuit, nullo tamen successu adhibitus. b)

C 2

Soly-

a) Pauci admodum hoc servitutis obsequium præstare. Episcopus Zagrabienfis, qui ante alios Zapolyæ addictus erat, hanc animi demissionem averfatus, ita ad Nádasdium: *Certum est, nos cum Cæsare Turcorum constitui nullo modo volumus, nisi, quod Deus avertat, ligatos nos duxerint.*

b) Litt. Gritti Tergovistia 16. Apr. & Alba Jul. 1. Maji. Archiep. Coloc. Lipa 14. Jun. & 13. Jul.

~~1532.~~ succisas videns, iussit. Gritum Strigoni ob-
 1532. sidionem solvere, & Solymanum, qui Bel-
 gradum prope jam attigerat, consequi, roga-
 tum, ut præter navales Turcarum copias,
 quæ adhuc Budæ hærebant, partem militiæ
 terrestria in Hungaria relinqueret, quæ sibi,
 si Ferdinandus aliquid tentaret, auxilio esse
 possint. Navales, quod earum usus hyemis
 tempore vix ullus esset, Belgradum revoca-
 tæ, & in harum loco, prope LX. millia ad
 Eszekinum hybernare iussa sunt, & Zapolyæ,
 si quid ei periculi a Germanis immineret,
 subvenire. Carolus, qui post Solymanni
 discessum, futuri Concilii causa cum Pontifice
 prius colloqui, dein in Hispaniam redire con-
 stituerat, relicta in subsidium non temnenda
 Hispanorum, & Belgarum manu, auctor fratri
 fuit, ut Legatos pacis tentandæ causa ad So-
 lymanum mitteret, cujus obtinendæ spes
 non vana erat, quod Dorja archithalassus Æ-
 geum mare infestum haberet. Missus est inter
 alios Hieronymus Zara, qui impetrato com-
 meatu, eodem fere tempore, quo Solyman-
 nus terra, Constantinopolim mari pervenit. a)

VIII.

-
- a) Litt. Lud. Pecry ex Körmend 14. Aug. Juris-
 ficii ad Ferdinandum Ginfio 20. Jul. & 22.
 Aug. Valentini Bölthes ex. castr. ad Strigon. 23.
 ejusd. Broderici Bud. 25. Aug. & Quinqueecl.

VIII. Andreas Doria, ut primum mare navigationi opportunum erat, classe Peloponneso applicata, *Coronem*, & *Patras*, Turcae *Balubadram* vocant, intercept, his paulo post utramque arcem, quibus osium Corinthi clauditur, adjecit. Id Legatis Ferdinandi promittent ad conciliandum Solymannum viam præbuit. Admissis spes induciarum facta, dataque confestim ad limitibus Præfectos mandata, ut ab hostilitate terra, marique abstineant, Gritto, qui interim Buda advenerat, frustra obnixo. Hoc facilius Zapolya quoque animum ad has adjecit, *Laskyo* Vietnam propterea proficisci jussit. Ferdinandus annuas concessit, sed, ne ad Carolum in Hispaniam proficisceretur, vetuit, alioquin, cum de pace apud Solymannum agatur, quam speret prius confectum iri, quam annus ad finem vergat, iter sumtuosum, & inutile videri. Induciarum hæc præcipua conditio fuit, ut uterque communi studio in eos dynastas agat, qui neutrius partes sequuntur, regnum infestare pergerent, inter quos *Ladislaus Moræ*, vir

1533.

14. Oct. Turcarum multa millia, ad 60. di-
cunt hybernatura prope Eszek, ut, si opus
sit, possint esse auxilio regiae. M. Leunclav.
Hist. Muselm. l. 18. Soisterus T. II. Script. rer.
Hung. p. 257. Zernegi l. 2. Murash. 11.
Jovi de Hist. sui temp. l. 30. Rommioni

1533 inquieto ingenio, præcipuus fuit, qui per Vespri-
mientem, vicinasque provincias, & in ipsa
Sclavonia prædas agebat, arcemque *Palotam*,
latrociniorum sedem constituerat. Ad hunc igi-
tur in ordinem cogendum Ferdinandus CCCC.
operas ex montanis ad agendos cuniculos,
& Zapolya militem, præbuit. Arx ab Las-
kyo obsessa prope deditionem fuit, cum *Mo-
re* locum servari posse desperans, relicto,
quem ex rapinis collegerat, thesauro, fuga
se subduxit. Recepta arce, Turcis, qui ma-
xima militiæ pars erant, præda omnis cecidit,
nostri, plebe servituti erepta, nobilioribus,
quam illi, manubiis potiti sunt. Hoc exem-
plo ceteri metu adacti ad officium rediere,
& induciæ bona fide aliquamdiu servatæ, tam-
etiã has *Gruttus*, qui si ex induciis pax coa-
lesceret, non eadem, quæ ante, lucri com-
pendia se facturum præviderat, interterbare
conaretur. Sæpe enim Constantinopoli scri-
bens nuntiabat, pacem non aliter coalitu-
ram, quam ut Ferdinandus tota Hungaria
decedat, a) qui rumor cum per regnum spar-
geretur, Ferdinandus, vulgato edicto, inan-
nem, & ab adversariis confictum esse, inter-
posi-

a) Litt. Agr. Episc. Vien. 12. Oct. ad Nádasd.
*Id certum habeto, Grittum nec velle, neo,
si vellet, posse quidquam, quod regi nostro
incommodet, transigere. Hæc ad te unum
scribo.*

posita fide regia, professus est, a) Scintillo se-
quentis anni Zapolyæ significaverat, pacem 1523.
inter se, & Solymanum re ipsa cepisse. Ve-
rum is, auctore Georgio Martinio, sordi-
bus avaritiæ, supra quam dici possit, inqui-
nato, qui jam id temporis ei a consiliis, &
Gritto amicitia conjunctus erat, hæc insuper
habens, multos spe beneficiorum a Ferdinan-
do abstraxit, eorum vero, qui renuerent, ar-
ces, & bona vi occupans, etiam Turcas Bel-
grado accersit, qui, ut reliquos terrent,
stationem Pestini fixerunt.

Ferdinandus, qui Pragæ tunc rei publicæ
causa agebat, ut primum inducias a Zapolya
violari comperit, Alexio Thursoni, & Tho-
mæ de Zalaháza, Episcopo Agricensi, adjun-
cto iis collega Leonardo Nogarella, potesta-
tem fecit, non solum cum iis, qui a se defe-
cissent, sed iis etiam, qui hactenus Zapolyæ,
aut

a) Broderici ad eund. 19. Iul. *Addit Dominus
Gritti, eam esse voluntatem Cæs. M. ut nul-
la regni particula penes Ferdinandum maneat.
Edictum Ferdinandi Vien. fer. 3. post Barthol.
Intelleximus, adversarios nostros magna con-
tentione palam dicere, neque vereri etiam
juramento asseverare, quod iis legibus inter
nos, & Turcarum Imp. facta sit pax, ut
regnum nostrum Hung universum, Joannis
de Zapolya potestati subjiçatur, &c.*

1534. ~~neutra~~ partes sequuti fuissent, honestis con-
 ditionibus transigendi, si juramentum fide-
 litatis ednceptis verbis praeferrent. Multos,
 qui Turcarum societatem abominabantur,
 oblata eranturum venia ad fidem adduxit,
 inter quos & Nádasdius erat, non alia tamen
 conditione, quam ne contra Zapolyam, nisi
 is Turcos in exercitu haberet, arma sumere
 cogeretur. Hujus exemplo cum plures a Za-
 polyam ad Ferdinandum transfirent, aliorum
 quoque defectionem veritus, Gritum, qui
 cum copiis Turcicis in Valachiam venerat,
 ut iter matusaret, crebris nunciis admonuit.
 Jam is ante, nuncii quam adessent, in Trans-
 silvania erat, & occupato per vim *Alegye-
 fiao*, Saxonum urbe, *Gibacum*, & *Doxyum*,
 ad se vocatos, contra datam fidem obtrunca-
 ri iussit. Commoverat immane facinus Trans-
 silvanos, qui subito coorti hominem in eadem
 urbe obsident, & volentem elabi, per Vala-
 chos retractum, cum duobus filiis neci de-
 dunt, Turcois, quos secum ducebat, penitus
 deletis. Perculit Zapolyam caedes hominis,
 quem nosset, apud Solymannum magno gra-
 tiae loco fuisse, non mediocriter, cujus patra-
 tae auctor, cum Laskyus passim haberetur,
 reducem e Transsilvania in custodiam conji-
 ci iussit. Verum praecipiti hoc consilio mul-
 tos, captivo amicitia junctos, rursus a se
 avertit. Itaque, quod caeso Gritto parum spei
 in Turcis Belgrado accitis, qui magis Chri-
 stianos

Rianos in captivitatem rapiendi, quam ejus juvandi, studio ducebantur, reponi posse intelligeret, nec quidquam opis a Solymanno apud Persas occupato speraret, coactum se vidit, ut Ferdinandum pro induciis, quas primum repudiarat, & dein initas violaverat, per Legatos conveniret. a)

IX. Obstabat tamen illud, quod Ferdinandus in anni principio Petrum Moldaviæ Vayvodam in clientelam receperit, adeoque animum ad inducias difficulter adjecturus videretur. Dubitanti suggestum est, ut periculum faceret; consensit, sed, quos mitteret, hærebat: Las-kyus legationibus jam alias feliciter perfunctus, maxime idoneus huic negotio videbatur, sed is, licet jam e custodia liber, & duobus præterea maximi census oppidis, Kesmarki-

-
- a) Litt. Ferdinandi Prag. 9. Mart. Valentini Far-
kas Quinqueeck. 9. Apr. *Nos fame perimus,
quia bonus cremita (Martinus) non permit-
tit fruges transire Danubium. Quæstor ma-
ximus vini, salis, tritici, boum, ovium, &
velleris, & coriorum. Eo thesaurizante
consumetur infelix hæc patria.* Verböczil
Bud. 22. Jul. Conditions cum Nádasdio per
Commisarios initæ in Vásárhely 6. Aug. Litt.
Nic. Jurissich Vien. 19. Sept. Ejusd. ibid. 30.
Octobr. Episcop. Zagrabien. ex Ivanich 30.
Sept. Zapolyæ Lippa. 15. Nov.

1535. *markino*, & *Debrecino* donatus, provinciam hanc a se amolitus in Poloniam secessit. Locum illius supplere iussit Franciscus de *Frangepan*, — Archiepiscopus Colocensis, Stephanus *Brodericus* Episcopus Syrmienſis, & *Verböczius* Cancellarius, additis collegis Benedicto *Bajonyi*, & Sigismundo *Rhomanno*. Ferdinandus, ut induciæ ad Croatiam quoque pertinerent, Episcopum Zagrabienſem, Petrum Erdödium, & Thomam Nádasdium adesse voluit: illi sine mora adfuere, Nádasdus, qui anno superiore Urlulam de *Kanyſa*, unicam amplissimorum bonorum hæredem, bona Zapolyæ venia, duxerat, ne in utramvis partem offenderet, domi restitit. Itaque sine illo de induciis actum, & ante omnia constitutum, ut, si coalescere non possent, & Legati, re infecta, abire cogerentur, post eorum discessum, neutra pars XXV. diebus quidquam hostiliter tentare ausit, & Stephanus *Majláth* obsidionem Cibinii in Transilvania solveret. His utrinque ratihabitis, induciæ iisdem legibus, in quas anno 1530. conventum erat, scriptæ, & Viennæ XII. Maji, in Hungaria vero V. Junii vulgatæ sunt. Sed, dum sub ipsa induciarum tractatione adversarii, incio, ut ferebatur, Zapolya, Cassoviam per insidias occupassent, negotium pene adhæserat, nisi opera Lundensis Archiepiscopi, quem Carolus propterea Viennam miserat, res composita, & induciæ ad ultimam Februa-

xii sequentis anni, utriusque partis consensu, nec invito, qui interim advenerat, Turcarum Legato, firmatae fuissent; quibus ut stabilitatem Ferdinandus adderet, Comitatus suis Tyrnaviam ad XXX. Novembris, postea rogatu Procerum, ob gravitatem negotiorum, de quibus tractandum erat, ad XIX. ejusdem mensis indixit, licet ob novas inter Cæsarem, & Franciscum Galliae regem inimicitias, ea in sequentem annum differri oportuerit. a) Nec hoc quidem confestim pro regni commodo Ordines conciri poterant. Martinus enim, quem Zapolya Cibaco perempto in Varadinensi Episcopatu subrogaverat, collectis ad Tocaicum copiis ditiones Ferdinandi infestabat, & Vellus vicissim, Cassovia recuperata, arces Perrenii occupavit. Videbatur res sub ipsis induciis jam bellum spectare, cum mors Ibrahimi Vezirii intervenit, quem Solymannus ex Persica expeditione redux, quod arcana consilia prodere Christianis soleret, dormientem strangulari iussit. Proditio prætexebatur, & thesaurus, quem ingentem corraferat, mortis

a) Litt. Ferdinandi Vien. 17. Jan. Episc. Cracovien. ibid. 26. April. & 31. Aug. Ferdinandi indid. 12. Maji, Christoph. de Boczkovich, & Czernahor. Cassov. 5. Jun. Zapolyæ ad Nádasd. 26. ejusd. Tab. induciarum apud Pray P. V. p. 278.

1536.

tis causa fuit. Eo vivo rex Galliarum, qui Cæsari, & Ferdinando undique inimicos parare solebat, quod pronior in Germanos, quam Gallos, esset, nihil apud Solymannum profecit, hoc autem sublato, opera *Foresti*, qui jam aliquot annis Constantinopoli clam agebat, facile cum eo in foedus coaluit, quo alter alteri, si res posceret, distractis alio hostium viribus, opem vicissim se laturos receperant.

Ibrahimio, & Gritto, velut totidem fulcris, quibus se Zapolya hactenus sustentabat, e medio sublatis, cum se minus jam molestum Ferdinando præberet, Ordines ad Comititia toties dilata conciti sunt. Convenere Posonii XIX. Novembris, & tot annorum malis, quibus exagitati fuere, edocti, in id curam præcipue conferebant, ut tranquillitate regni restituta, dissensiones, harumque causæ, penitus tollerentur, &, si fieri possit, inter æmulos regni amicitia tandem stabiliatur. Quare cum rumor esset diditus, Hungariam inter utrumque divisum iri, rogatus est rex, ne, si de pace ageretur, id se inconsultis fieret. Cum autem possessiones bonorum dissidii tempore, seu donatione, seu alio titulo adiæ, præcipuum hactenus obicem concordiae posuerint, placuit, ut hæc illis, qui jam ante resipuerant, cujuscunque Ordinis essent, confestim a finitis Comitibus, iis vero, qui deinceps cum rege in gratiam redirent, evolutomen-

mensis unius; & illi spacio, si cautionem de servanda fidelitate præsent, restituantur. Denique in universum, quæ ab interitu Ludovici regis, per vim, aut interverso jure, occupata fuissent, præsertim Ecclesiastica, ad XXIV. Februarii sequentis anni, legitimis Dominis reddantur. Societates privatae, & conventicula, etiam si ex honestis causis initæ fuerint, ne posthac coalescant, graviter, & adjecta infidelitatis nota, vetitæ, quod usu compertum esset, publicam quietem his plurimum solere interturbari; quam si ab hoste externo intercipi contingeret, Nobiles viritim, educta etiam, si opus esset, quinta colonorum parte, in bellum se ituros polliciti sunt, decretis florenis duobus, quorum alter Januario, alter Julio, mensibus pendendus sit. Idem sequente anno in Comitibus XXIV. Januarii opportune firmatum est. Solymanus enim maximos apparatus facere nunciabatur, paulumque post ex pacto, cum rege Galliarum inito, classem mari mediterraneo, duce *Luftibejo* immisit, quæ Italiæ litora, in primis Neapolitanum infestum redderet, parte alia Mehmetum Belgradensem, elapsis induciis, ut Sclavoniam incurfaret, jussit. Huic Ferdinandus justum ex Hungaris, Germanis, Bohemis & Italis exercitum, ex VIII. equitum, & peditum XVI. millibus constatum, duce Caczianero, opposuit. Ut prope Eszekum est ventum, ob annonæ, quam dux nimium

1536.

1537.

lon-

~~longo~~ 1537. ~~longo~~ post se intervallo reliquerat, defectum, regredi ad *Garam* oppidum, & *Valponem* coacti sunt, mox etiam in insidias præcipitati, amissis impedimentis, fere omnes trucidati. Dux ipse inter primos se fugæ dedit, qui, cum non modo rei male gestæ, sed perfidiæ etiam accusaretur, iudicio experiri non ausus, ad Turcas transfugere, idemque Nicolao Zrinio persuadere volebat, qui proditorem aversatus, capi, & supplicio affici iussit. Rex ad cladem reparandam, cæso Jurisichium subrogavit, addito Francisco Batthyánio, castrum ferrei comite, qui indicto ad diem V. Novembris in oppido *Dombo* conventu, de rationibus, quibus hostium conatibus obviari possit, cum regni illius Ordinibus consulere; &, quod constituerint, ad se Græcium referrent, quo jam Carinthos, Carniolas, & Goricienses accersisset, ut communi omnibus periculo, communibus etiam viribus occurratur. a)

X.

a) Litt. Casp. Seredy ex Tokai 1536. d. 12. Apr. Leunclav. l. 18. hist. Musulm. Cod. jur. patr. Decret. ann. 1536. & 37. Zermegh l. 2. Istvánfi l. 13. Surius comment. ad an. 1537. Jovius l. 36. Instructio pro Nic. Jurisich. Vien. 28. Oct. Sanctiones hujus conventus primum seq. an. Crisi vulgatæ sunt. Litt. Jean. Szalay ex Syul fer. 2. post 3. Reg.

X. Excursiones Turcarum in litus Itali-
cum anni superioris Pontificem mire solici-
tum reddidere, eratque in eo totus, ut Cæ-
sare, & Galliæ rege conciliatis, commune in
Turcas bellum conflaretur, ac Galliæ quidem
rex, etsi Nicæam Pedemontis, ad congressum
se venturum pollicitus sit, nullam tamen in
foedere, ob pacta cum Solymanno inita, par-
tem habere voluit. Itaque foedus inter Pon-
tificem dumtaxat, Cæsarem, Ferdinandum,
& Venetos coaluit, & VIII. Febr. in Vatica-
no vulgatum est. Cæsar præterea, ut con-
sociatio felicem exitum haberet, etiam Per-
sas per internuncios in Turcas concitabat,
& fratri auctor erat, ut, si pax cum Zapo-
lya in solidum conciliari non posset, indu-
cias saltem prorogari pateretur, quæ cura
rursus Joanni Lundenfi Archiepiscopo man-
data est. Arbitri utrinque delecti, primum
in *Rozgony* oppido, mox *Sdrospatakini*, ac
Varadini denique congressi sunt, pax tamen
conferri tum quidem non potuit, induciæ so-
lum annuæ a XXIV. Febr. in easdem, ut
ante, leges firmatæ, id solum additum, si
qui induciis consentire nollent, eos utraque
pars, præbitis mille equitibus, & peditibus
totidem, in ordinem cogat, violatores autem,
capite, & bonis, citra spem veniæ, mulcten-
tur: ad lites reliquas, quæ alio titulo ori-
rentur, componendas, quatuor utrinque ju-
dices delecti, qui sententiam ex æquo ferrent.

1538. Hæc tametsi ne ad Turcas efferrentur, constitutum sit, tamen, incertum, quo autore, indicium ad illos pervasit, quamquam plerique in Martinusium, qui famulum in Turciam ad coemendos equos miserat, suspicionem conjicerent. Utcunque id fuerit, Mehmetus, postquam inducias inter æmulos coaluisse intellexit, Zapolyæ, velut Turcarum fiduciarii, perfidiam superbe inculans, castra infer Zemlinum, & Szabacsum metatus est, bellum in illius ditiones traducturus. Id animum Zapolyæ, quem factus barbarici jam tædere cœperat, ad pacem cum Ferdinando conciliandam, modo honestæ conditiones darentur, tandem inflexit. Misit propterea ad Cæsarem, in cujus æquitate plurimum fidebat, item ad Galliæ regem, & Montmorancium, Galliæ, ut vulgo dicitur, *Conestabilem*, nuncios, qui, collato cum iis consilio, de pace, hujusque conditionibus conferrent. Cæsari, cui aliud ex alio negotium in Imperio subnatum est, nihil magis opportunum accidere poterat, quam ut fratrem cum regni æmulò, sublati tot annorum dissidiis, conciliaret. Datum est negotium eidem, qui annuas nuper inducias inter utrumque consecrat, Lundenfi Archiepiscopo. a)

Is

a) Tab. induciar. Pragæ 3. April. signatæ. Lit. Mathi. Baronay ad Thom. Nádasdium ex Ta-
ta

Is nomine Cæsaris, initio sequentis anni Varadinum veniens, Legatos Zapolyæ, Archiepiscopum Colocensem de Frangepan, & Verböczium, cum collegis jam isthic repererat, cum quibus post aliquot dierum consultationes, pax his potissimum capitibus sancita fuit. Cæsar Zapolyam fratris loco habebit, dabitque operam, ut junctis cum eo, & Ferdinando viribus Hungariam cum adnexis provinciis defendat, imprimis vero, ut Belgradum recuperetur, curam geret: Zapolya vicissim foederibus, si quæ contra Cæsarem, & Ferdinandum pepigisset, renunciabit, quorum deinceps locum confœderati Carolo Principes tenebunt: ut animorum conjunctio, optimum pacis vinculum, firmior sit, Cæsar jam nunc fidem præstat, ut, si Zapolyæ filius nascetur, huic una ex filiabus Ferdinandi in manus conveniat, uxorem autem, quamcunque, si aliam volet, ducturus est, in filiam, & proles nascituras in tutelam recipiet. Hæc prima quasi lineamenta foederis erant: postea de regno, dissidii præcipuo fomite, actum, mutuoque consensu statutum; ut uterque titu-

D 2

lōm

ta fer. 6. ante Pentec. Lettres, & Memoires d' Estat, par Mr. Guillaum Ribier, Conseiller d' Estat. à Paris 167. 6. Tom. II. Tom. I. p. 241. — 53. cujus sæpius postea occurret mentio, Raynald T. XIII. ad h. a.

1539.

lum regis Hungariæ ex æquo gerant, eumque sibi vicissim tribuant: quisque eam regni partem, quam obtinet, deinceps etiam regia potestate retineat, ne autem limitum causa lis oriatur, ii octovirum, quos quisque deliget, iudicio dirimentur: Slavonia cum Croatia, & Dalmatia Ferdinando, Transilvania vero Zapolyæ, quoad vivet, cedant, sed ab ejus obitu universum regnum cum provinciis, & partibus eidem veteri jure adnexis, ad Ferdinandum, hoc præmortuo ad ejus filium, & isto quoque defuncto ad legitimos ejus hæredes, his denique penitus deficientibus, ad Cæsarem, hujusque filios, posterosque legitimos, &, si ex his utrumque legitimis hæredibus carere contigerit, ad Zapolyæ filios, horumque, si quos habuerint, hæredes devolvatur. Sin hi quoque masculam prolem legitimam non relinquerent, tum libera regis eligendi potestas penes regni Ordines esset. Ut autem de hac successione in regno serie, modoque Ferdinandus, hujusque hæredes reddantur certiores, universi Prælati, Barones, potioresque Nobiles, & magistratus Comitatum, liberarumque urbium, fidelitatis juramentum edent, idem facient, qui defunctis, aut loco decedentibus subrogabuntur, & litteras juramenti testes consignabunt, quas Joannes rex Ferdinando, vel hujus, aut Cæsaris oratori, duorum mensium spatio ad id definito, tradent. Liberæ civitates præter-

ea

ea omni quinquennio juramentum instaurent, eadem jurisjurandi religione filii Baronum, & potentiorum Nobilium, qui arces possident, cum paternam hæreditatem adueant, si legitimam ætatem attigere, se obstringent, quorum litteræ similiter Ferdinando, aut hujus, Cæsarisve oratori intra sex menses transmittentur. a)

Ut autem Zapolyæ, ejusque posteris Cæsar gratificaretur, & consulere, has præterea conditiones adjecit: filius, si quem ducta uxore tolleret, omnia bona paterna, & quæ a regibus olim dono acquisita sunt, & deinceps acquirerentur, perpetuo jure possideat; ea tamen patrimonii pars, quæ in Ferdinandi ditione est, Cæsari sequestro servanda dabitur; quæ in pignore habet, ad tempus red-

D 3

em-

a) Id opere ipso præstitum esse, testatur præcipuus ex Mandatariis Archiep. Colocen. scripta an. 1540. ad Pontificem epistola, quæ exstat in Cod. MS. Bibl. Vaticanæ num. 3901. *Ut hæc, ita scribit, magis firma essent, voluit (Cæsar) ut tunc daremus litteras nostras Sigillis nostris munitas, prout & dedimus, in quibus promissimus bona fide, nos sinceram operam daturos in Dieta publicationis pacis, apud omnes fratres, & amicos nostros, ut tractatus conclusi debitum sortiantur effectum &c.*

emtionis retinebit. Huic patrimonio Cæsar
 1539. Ducatum sub nomine *Scepusiensis* adjunget,
 quære ex utriusque ditionibus colligendo intra
 biennium redimi debeat, nec prius Ferdinan-
 do, hujusque posteris, universi regni posses-
 sionem adire fas erit, quam Ducatus Scepu-
 siensis manibus nascituri filii consignatus fue-
 rit. Interim Prælati, Barones, Nobilesque,
 & Civitates, in iis Comitibus, in quibus pax
 vulgabitur, securitatis causa, juramentum fi-
 delitatis Ferdinando perinde, ut filio Joa-
 nis regis, etiamsi posthumus esset, præstabunt.
 Ducatu autem re ipsa jam consignato, Cæ-
 sar, & Ferdinandus communibus viribus fi-
 lium in eodem, & patrimonii dominio, ac
 possessione, contra quosvis turbatores tuebun-
 tur; sin vero sine prole mascula decederet,
 media patrimonii pars Cæsaris erit, quo
 majoribus animis tuendæ Hungariæ curam
 suscipiat, ea tamen conditione, ut, si regina
 sine liberis esset, fructu illius mediæ partis
 tam diu fruatur, donec ad secundas nuptias
 transierit, tum vero persoluta ei dote centum
 millium florenorum auri, ad Cæsarem redeat,
 &, si forte dos viventi non persolveretur,
 de hac testandi potestatem habeat: Ferdi-
 nando denique incumbet, ut filiabus, quæ
 superstites erunt, de honestis, & sobole regia
 dignis nuptiis provideat.

Simul ac pro utroque rege limites ditio-
 num diremti fuerint, in proximis, quæ co-
 gen-

gentur, Comitibus, tractandum quoque erit de ~~limitibus~~ limitibus inter Croatiam, interque Styriam, Carnioliam, & Carinthiam, qui dissidiorum tempore convulsi erant, a) in pristinum statum redigendis: damna, quæ utrinque illata sunt, pro abolitis habeantur, injuriarumque omnium perpetua sit obliteratio. Bona Ecclesiis, a Ludovici regis obitu, aliisve subrepta, & per vim occupata, nemini liceat retinere: utriusque Principis donationes, quas in sua quisque ditione fecisset, aut postea facturum esset, modo nitantur iusto titulo, vim suam habeant: documenta litteraria, quæ ad patrimonium, aliaque bona Joannis regis, aliorumque, qui in ditione alterutrius Principis sunt, pertinent, & dissidii tempore ablata erant, post promulgatam pacem bona fide reddantur, qui proventus Principis utriusque hætenus procurabant, cujuscunque ordinis, conditionisve sint, rationes administrationis secundum regni instituta reddent: nemini, qui unam hucque partem amplexus

D. 4 est,

a) Hac etiam occasione urbs Fluminensis cum suo territorio sensim avulsa est, quæ tamen juris Hungarici fuit, ut patet ex chartis Belæ III. an. 1181. Belæ IV. an. 1260. Stephani IV. an. 1271. Ludovici I. 1358. Marci de Frangepanibus an. 1431. aliisque, quas longum esset, hic referre,

1539.

est, hac deserta, ad aliam transire integrum sit, quod si quis contra hanc confœderationem aliquid moliri auserit, ad hunc domandum uterque mille pedites, totidemque equites, vel quot necessarii videbuntur, sine mora coget, ne mali contagio ad plures serpat: monetam cedere, quod jus magno rei publicæ damno aliqui hactenus sibi arrogassent, privatis interdictum, de ea autem, quæ Principum nomine feriunda sit, ipsi inter se decernent: proventus uterque suæ ditionis integros percipiet, neutri tamen liceat nova vectigalia in præjudicium alterius constituere: saltem, ex quo non exiguum esset lucri compendium, quisque in sua ditione, Joannes quidem Transilvanicum, Ferdinandus contra Marmarossiensem venum exponent. Pace confecta, magistratuum ratio hæc servabitur: Palatinus communi Nationis voto eligetur, ejus auctoritas ad utriusque Principis ditiones pertineat, ceteros quisque in sua renunciat: amici, & hostes utrique communes sunt, de iis, quæ ad consolidandam magis pacem fortasse adhuc deessent, in futuris Comitibus transigetur. Postremum, quoniam Joanni regi ad pacis hujus conciliationem, id præcipue incitamento fuit, ne Hungaria in partes distracta, & per hanc vicina Christianorum regna, Turcarum incursionibus, ut fere hactenus, exponantur, visum est, ut ne imprudente Cæsare in vulgus efferatur, cujus judi-

judicio se staturum Ferdinandus promittet, agetque pro viribus, ut regnum ab infestatione hostium deinceps tutum reddatur. Si tamen notitiam confederationis ad Solymannum pertingere, & Joannem ab eodem contingeret, regno propterea exigi, Cæsaris, & Ferdinandi cura erit, ut ei, suisque de honesto, & qui regem deceat, vitæ statu, & conditione prospiciant. a)

Atque hæc præcipua fere capita pacis erant, quæ priusquam coaluisset, videtur Zapolya cum rege Poloniæ de ducenda ejus filia Isabella, matre Bona Sforcia Veronenſi edita, clam consilium iniisse, cum jam sub exitum anni superioris Brodericum, & Verböczium cum Petro Perenio in Poloniam miserit, qui cum rege de conditionibus ineundi matrimonii agerent. Facilem se Sigismundus, qui sororem Zapolyæ prius conjugem habuit, oratoribus præbuit, dote LXX. millium aureorum filię constituta, conditione addita, ut Zapolya tantundem futuræ conjugii polliceretur, vel certo numero fundos designaret, quorum vectigalia dotem æquarent, & pacta matrimonii Cæsar cum Ferdinando, a XXIV. Februarii intra sex menses suis diplomatibus rata haberent, id si abnuerent, præter LXX. aureorum millia, alia XXVI. quod

a) Tab. pacis vide apud Pray, P. V. p. 297. ex Wolfg. Bethlen.

1539. quod tantundem filia in Hungariam illatura esset, vel apud regem, vel Venetos deponeret. *a)*

Pactis nuptialibus utrinque pridie Idus Aprilis confirmatis, sponsa Budam deducta, Albæ in manus regi convenit, ritu coronationis ex more Majorum peracto. Intersuit nomine Ferdinandi Casparus Seredius, qui, dum Perenium, quin mandata haberet, ad partes Ferdinandi pertrahit, parum aberat, quin novo inter recens conciliatos dissidio causam dederit. Dissimulatum tamen fuit, quod gravius malum a Solymanno imminabat, qui Moldaviam ingressus, ut de fœdere inter Ferdinandum, & Zapolyam nuper inito comperit, misso ad hunc nuncio, *Chiausum* Turcæ vocant, ingratum ei animum, beneficiique immemorem oggessit, addita comminatione, se brevi facturum; ut, quam facile ei olim regnum comparasset, tam facile etiam adimat. Territus hac denunciatione, Petrum Vayvodam, qui se illius fidei crederat, ad Solymannum misit, quo ille tradito utcunque pacatus quievit. Atque id postremum erat, quod servituti Turcicæ præstitit ministerium, exiguo cum suo, tum regni emolumento, quod confecta etiam cum Ferdinando pace, non minoribus, quam ante, malis

a) Dogiel diplomat. Polon. T. I. p. 132. — 48.

a 1. Jan. an. 1539. ad 12. April. anni 1540.

lis laborabat. a) Budam redux, Statilium, quem ante annum in Galliam miserat, Pontificis item nuncium, & Turcicum Legatum reperit. b)

XI. Quæ hi mandata habuerint, quidve egerint, nusquam in vulgus manavit. In Transilvania non pauci, exemplo Petri Vayvodæ, Solymanno contra datam fidem dediti, ne parem fortunam experirentur, metuentes, ad Ferdinandum inclinabant, inter quos uterque provinciæ Præfecti, Stephanus Mayláthus, & Emericus Balassa, fuere, qui jam plerosque Procerum Ferdinando clam auctoraverant, cum res per Petrum Pythar Vayvodæ Valachici apud Cibinienses nuncium prodita,

1540.

Za-

a) Litt. Nic. Olahi ad Nádasd. Vien. 17. Nov.

Video rerum omnium faciem tristissimam, rem nostram publicam undique labefactatam, concussam, nutantem, & vix spirantem; omnium animos prædis agendis intentos esse, amicos factione distractos, vulgum adeo miserandæ sortis, ut nihil, præter luctus, lamenta, & lacrimas emittat.

b) Valent. Török ad eund. Papa 4. Nov. *Adfunt apud ejus M. Pontificis, & Turcarum Imp. Oratores, Legati. Rediit item D. Statilius Transilvanien.*

1540. Zapolyam, ut tempestive malum opprimeret, cum copiis in Transilvaniam excivit. Balassa facile in ordinem redacto, Mayláthus ex arce *Fogaras*, quam æquo jure cum Nádasdio possidebat, acriter restitit, & Valentinum Törökium, quem Torda ad Comitiam iturus, obsidioni præfecerat, pari constantia rejecit. Promulgata universa erratorum venia, magno numero ad conventum confluerant, facileque in eam sententiam ab omnibus itum est, ut annuus census ad placandum Solymannum sine mora Constantinopolim a Martinusio deferretur. Hoc vix iter ingresso, Joannes morbo tentari coepit, quem cum *Zabesi* sensim ingravescere sentiret, testamento condito, Martinusium, & Petrovicsium cognatum suum, prolis, quam regina enixura esset, Tutores constituit, plus tamen illi, quam huic, potestatis tribuens, cum hic solam præfecturam Temesiensem, ille autem ærarii, vectigalium, salis, & auri fodinarum administrationem obtineret. Sub hæc nuncium Buda allatum est, Reginam VII. Julii partu levatam, filium edidisse; quo ille mirum in modum gavisus cum hilariis plusculum indulget, & mox ob litem duorum Nobilium ira excandescit, hemiplectico fulmine ictus, inter balbutientia verba exspiravit, non sine veneni suspitione, quod ei, subornante Martinusio, prius, quam iter esset in-

ingressus, porrectum fuisse, communis per provinciam fama fuit. a)

1540.

Resignato testamento Martinusius ex itinere cum censu revocatus, hanc provinciam Joanni de Eszek, Quinqueecclesiensi Episcopo, & Verböczio mandavit. Prima Tutorum cura erat, ut Maylátho, qui arcem hactenus fortiter pro Ferdinando tuebatur, induciæ annuæ offerrentur, quas cum ille ratas haberet, corpus defuncti Albamregalem deductum, & regum sepulcris additum est. Jussis persolutis de ratione administrandi regni deliberatum. Erant sententiæ, cum quæstio de regno secundum pacta in Ferdinandum transferendo moveretur, mire discrepantes. Archiepiscopus Colocensis, qui ante alios Joanni regi addictus erat, pacificationi standum esse,

a) Acta Process. in Martinusium an. 1553. petente Ferdinando rege, Julio III. Pontif. indulgente, per Hieron. Martinengum Nuncium Apost. instituti. In his die 1. Maji Petrus Filetialski Nob. Hung. Diocesi. Zagrabien. Clericus, hæc passus est: *rex Joannes mortuus est, non sine suspitione, ut inter regnicolas murmuratum est, quod Frater Georgius per Medicum ipsius Joannis, veneno tollendum curavit, quem Medicum ego, tum Judex Budensis existens, comprehendendum curavi, sed ille aufugit.*

1540.

acriter tuebatur, et si enim pro tempore publicandæ solum pacis, hæc datis litteris stipulata fuerit, non posse tamen salva cujusvis stipulantium fide, & honore fieri, ut menti regis defuncti, qui filium sciens, volensque, successionis jure privavit, contrarium statuatur, metuendum esse, ne qui id agunt, suo magis, quam regni, commodo studeant, velintque Hungariam, quæ nuperna pacificatione a diuturnis malis vix respiraverat, novis rursus calamitatibus objicere. Idem Nicolaus Salmius a Ferdinando missus, vi pactorum contendebat. Frustra hæc oggerantur. Tutores, inprimis Martinus, qui se non obscure notari senserat, pacta omni robore, quod vulgata non essent, desitui speciose prætexens, consultationem abruptit.

Archiepiscopus levitate hominis offensus, clam cum Nádasdio egit, ut sibi ad regis partem transeundi viam pararet, & Ferdinandus, cum videret, jure nihil effici posse, Budam a Vello tentari jussit, non tam quod autumno jam inclinante eam recuperari posse speraret, quam ut Regiam armorum metu ad eam, vi pactorum reddendam, adigeret; verum a Martino, qui Mehmetum Belgrado, & Uzresum e Bosnia accersierat, tum Verbötzi etiam litteris Constantinopoli sub idem tempus redditis, in spem erecta, nihil de deditione audire sustinuit, eo maxime persuasa, quod Verböczius significarit, Solymannum,

Regi-

Reginam cum filio in possessione Hungariæ, & Transilvaniæ, vulgato edicto, confirmasse; quæ fama cum in castris, & studio didita erat, percrebuit, & hyberna frigora ingruerent, Vellius, relicto Pestini peditum Bohemorum, ac Germanorum præsidio, quibus mille navisularios, nostri vocant *Nádaszlas*, & CCC. levis armaturæ equites adjunxerat, receptaque Perenii studio Albaregali, copias XVI. Nov. reduxit. Per iter Vissegradum, quod in descensu celeritatis gratia præterierat, paucorum dierum obsidione in potestatem redegit. a) Parum prospero obsidionis successu, nihil a proseguendo suo jure remissior Ferdinandus, Ratisbonam ante contendit, quam comitiis V. April. initium daretur, ad quæ Archiepiscopum Colocensem, qui recens ad eum transierat, & Thomam Náasdium

1541

a) Litt. Christoph. Zenichy ad Náasdium Zagrab. 12. Sept. Frangepanii ad eund. Agria 14. ejusd. Vellii ad eund. Vien. 16. ejusd. Rursus ad eund. ex Genyeu 29. ejusd. Verböczii ad Martinusium, Petrovics, Töszök, & Podmaniczky Constantinopol. 17. Oct. Petr. Gerendy ad Mayláth Oltsova 11. Nov. Vellii ad Náasd. ex castris ad Vissegrad. 25. ejusd. Emer. Bebek ad Mayláth Constantinop. 26. ejusd. Orationem Archiep. Coloc. ad Comitum Imperii habitam vid. apud Pray P. V. p. 345.

1541. dium pro impetrandis subsidiiis adesse voluit, Legatis etiam Vayvodæ Valachiae persuasum, ne abessent. Archiepiscopus gravi oratione ad Imperii ordines IX. Junii habita, Principes Catholicos, ut laboranti Hungariæ succurrerent, facile permovit, refragabantur Protestantes, nec ante consenserant, quam Cæsar religionis securitatem promississet, tum auxilia in tres, & si necessitas posceret, in quartum etiam mensem decrevere. Sed Ferdinandus non ignarus, quam lente hæc alias administrata fuerint, jam prius necessarios ad bellum apparatus fecerat, & exercitui, ut plurimum ex Hungaris, Australibus, Bohemis, & Moravis conflato, Rogendorhium, et si senio jam confectum, præfecit.

Is famæ jacturam, quam in priori obfidiione passus erat, reparare cupidus; acceleratis itineribus, VI. Nonas Maji jam ad Budam constitit, arcemque ex quatuor suggestibus continenter verberans, per murorum ruinas assaultum parabat, cum Regina sibi, filioque metuens de deditione cum suis cœpit agere, plerisque consentientibus, idem Legati a Sigismundo patre missi, & Comes *Mirandola*, cum Sigismundo *Herbersteinio*, qui eadem de causa a Ferdinando aderant, suaserunt. Annuit, & Rogendorhius clam admonitus, ut noctu ad secretam arcis portam copias in promptu habeat. Stabant jam paratæ, cum Martinus rem per suos excubitores sub-

subodoratus, accersito ad se Petrovicsio, quid immitteret, paucis aperit, & celeritate periculum antevertit. Sequenti die Legatos Poloniae, deditionis praecipuos auctores, ex arce illiberaliter pelli, lapidibusque impeti, Ferdinandi autem Oratores acerbe subsannans facessere, & ipsam Reginam probris increpitam, arctius, quam ejus dignitas, sexusque posceret, custodiri jussit, eo amentiae, ut nihil de barbaro quadrifariam secti Reginae internuncii facinore dicam, prolapsus, ut non vereretur palam dicere, malle se baptismo renunciare, & Turcam fieri, quam Germanis Budam tradere. a)

1541.

Reginae calamitatem plerique miserati sunt, Statilius rusticitatem monachi abominatus, delusis excubiis in Transilvaniam secessit, judex quoque urbis cum civibus inhumanum factum detestabantur, sed militia omnis cum Praefectis in potestate Martinusii fuit, qui,
ut

-
- a) Act. Proc. Falsio Judicis Buden. 1553. d. 1. Maji Sopronii. *Reginam exire volentem, ut constituerat, custodiri in suo palatio jussit, & Franc. Baczi, qui a me teste ad reginam missus ibat, eratque internuncius meus, & Reginae in consilio, & deliberatione dedenda urbis regiae Majestati, comprehendi, atque in partes 4. vivum secari fecit, & Legatos*

1541.

ut male sibi conscii semper in metu sunt, securitatis causa M. pedites, & septingentos equites pro corporis custodia adhibebat. Præcipuam tamen tolerandæ obsidionis spem in Turcarum auxilio reposuit; alebat in hunc finem XXIV. celeres nuncios, quorum alter post alterum ad Turcas, ut maturent, nocte, dieque commeabant; Rogendorfius contra, spem in Regina collocans, lentius operas urgebat, quæ conniventia paulo post ei exitio fuit. Turcæ enim, qui opinione celerius aderant, erumpentibus quoque ex arce præsidariis, nostros fere imparatos aggressi, magna clade affecerant, castris, reliquoque apparatu bellico potiti, in quo, quod ea ætate multum videri potest, XXXVI. majoris, & CL. minoris formæ tormenta fuisse memorant. Equitatus mature periculo se subducens, incolumis evasit, Rogendorfius, accepto vulnere

tos Pol. regis urbe excedere jussit, distributis etiam hominibus, qui egressos lapidibus impeterent. — Ego testis eum in consilio dicentem audiui, potius, quam Germano Budam traderem, baptismo huic renunciare vellem, & Turca fieri. Oblitus sum supra monere, testimonia omnia Processui inserta, juramento firmata fuisse.

nere, dum reditum parat, in insula Cretorum exstinctus est. a)

1541.

XXII. Solymannus, at primum comper-
ta Germanorum clade, suorum castra attigit,
postridie filium Reginae ad se afferri, & Con-
siliarios una adesse jubet. Regina de salute
filii sollicita, primum restitit, tandem majore,
si negaret, periculo territa, filium dimisit.
Remissus eodem die est, sed Consiliarii
octiduum retenti. Praecipui fuerunt Martinus,
Petrovics, Verböczius, & Valentinus
Török. Cuivis seorsim colloquutus, si Bu-
dam sibi dederent, praefecturam arcis, & vi-
cariam in regno potestatem pollicebatur; id
cum illi se, inconsulta Regina, non posse,
affirmarent, de retinendis iis, & in Turciam
deducendis cogitabat. Martinus, id quod
erat, suspicatus, Ulumbegum clam sibi mu-
neribus conciliavit, cujus ope liber cum Pe-
trovicsio, & Verböczio dimissus est, sed ea-
dem occasione effecit, ut Törökus, cujus
militarem ferociam, & fastum metuebat, ca-
ptivus Constantinopolim abduceretur. Dimis-

E 2

lis

a) Act. ead. Litt. Joan. Eisler secretarii bellici
Vien. 2. Maji Jos. Raiky Canisa ead. Th. Ná-
dasd. Ratisbona 15. ejusd. Eisleri Vien. 16.
ejusd. Joan. Szalay. ex Syul 30. ejusd. Alexii
Thurzo Vien. 3. Jun. Istvánfi l. 14. Jovius l. 39.
Sed hic veris multa falsa immiscet.

1541.

lis illis Iudex urbis, cum primoribus civium advocati. Ab his eadem postulat, si detrectarent, ferrum & flammam comminatus. Rediit aliquot cohortes *Janicsarorum* securitatis, ut præferebat, causa adjunxit, qui, ut eorum vestigia usque ad arcis portam premebant, facto impetu in urbem irrumpunt, illaque, nullo a præfidiariis accepto maleficio, XXI. Aug. potiuntur. Id locum suspicioni præbuit, Martinusium clam cum Solymano de dedenda arce transegisse, quemadmodum id ei Petrovicius coram Regina discrete oggesserat, nec is criminationem diluere ausus, perfidiam taciturnitate confessus est. Biduo post nuncii a Solymano adsunt, qui Reginae, ejusque filio, Transilvaniam, cum Transtibiscana regione, fiduciario jure offerrent, si claves arcis, velut spontaneum dedicationis signum, ad castra mitteret, non obscure vim se adhibituros professi, si renueret. Cessit minis, & cum filio in comitatu Petrovicii, ac monachi, qui sero spe sua turpiter se frustratum doluit, Lippam abiit. In hunc modum unius hominis perfidia, Buda in potestatem Turcarum venit, non nisi multo sanguine post centum, & octoginta quinque annos recuperanda. a) Solymanus a Regina disces-

a) Acta Proc. Istváni, & Jovius l. cit. Leunclav. hist. Musulm. l. 18. ad an. hegyræ 948. Vid. etiam Pray P. V. p. 358.

discessu urbem ingressus, eam Solymanno, natione Hungarica, sed qui jam dudum secta Musulmannorum initiatus erat, gubernandam credidit, & Verböczium, dicundo iuri praefecit; quo munere non diu functus, sequente anno prope corumani, viros, quos in concitandis, alendiisque factionibus pene totam traduxerat, finem fecit, in loco, sepulchris Iudeorum destinato, conditus.

Inter ea copiae auxiliares ab Imperio decretae, prope Lincium pervenerant, his, ut maturent, significatum, sequi Velfio, qui iussu Ferdinandi Posonium ad colligendas a rupe glade reliquias profectus est, coniungant, hostemque ab ulteriore progressu morerentur. Sed is, quod certiora de rebus, quae in Asia turbari ferebantur, jam pacatius, comperisset, Budae adhaesit. Id cum per transfugas cognitum esset, opportunum regi visum, ut Legatione animum Solymanni tentaret. Misi sunt, cum muneribus Nicolaus a Salmis, & Sigismundus Herbersteinus, qui impetrato securitatis commeatu, a *Rustane* liberaliter accepti, & postridie ad Solymannum deducti, de induciis, & captivis permutandis mentionem fecere. Munera, quoniam inter haec horaria machina, miri, rarique operis erat, accepta quidem sunt, induciae autem, nisi rex omni Hungaria decederet, & titulo Austriae praeterea annum tributum polliceretur, arroganter negatae. Cum hoc responso di-

1541.

missis, ipse rebus Budæ constitutis Belgradum regressus, Hieronymum Laskyum Ferdinandi Legatum, quem ad id tempus captivum tenuerat, liberum dimisit. Inde discessurus, Achmeti Nicopolitano Præfecto in mandatis dedit, ut cum Petro Valachiæ Vayvoda Transilvaniæ invigilarent, ne quid novi ob commutatam Regiæ fortunam molirentur. Vayvoda, cui olim simulas cum Stephano Maylátho intercesserat, hac occasione usus, ejus intercipiendi, subornante, ut suspicio erat, Martinusio, consilium cum Achmete inivit, pacisque tractandæ causa, missis personatis obsidibus, ex arce Fogarasiensi proliciunt, venientem, sui que securum, cæsis aliquot comitibus, spoliant armis, captumque Constantiopolim mittunt, quo perfidiæ exemplo Transilvania sapere poterat, si alterius, quam monachi, imperio paruisset. a)

Facile ex accepta nuper repulsa Ferdinandus intellexit, bellum sibi anno sequenti instare, cui propulsando ut necessarios apparatus præverteret, Comitia Pragæ indixit. Venere illuc & Oratores ex Hungaria, auxilia flagitatum, missi quoque nuntii ad Moravos, idem oratum, & utrobique promissa,

ac

a) Litt. Alexii Thurzo ad cives Leucsovien. ex Galgotsz 5. Sept. István I. c. Act. Proc.

ac præstita. Bohemi sex peditum, & equi-
tum duo millia decreverant, quibus si impe-
riales, aliarumque ditionum copiae accede-
rent, dubium non esse, quin præclarum ali-
quid effici possit, modo ne Hungari sibi ipsis
deessent. Consultatum dein de belli, si ge-
rendum esset, rationibus. Hungari, qui Tur-
carum morem ceteris melius norant, vim præ-
cipuam in classe Danubiana, & equitatu le-
vioris armaturæ ponebant; illa siquidem com-
meatus, & annona, quæ Turcæ adverso Da-
nubio soleant subvehere, commodum impe-
diri, eoque impedito hostem facile enervari
posse, equitatum vero gravis armaturæ, li-
cet magnum ad victoriam momentum, si sta-
taria pugna sit, afferre soleat, cum Turcis ta-
men, qui non uno loco, nec junctis ordini-
bus pugnare assueverint, non videri commit-
tendum; præstare, si hunc peditatus numero
superet. Ante omnia autem, prius, quam
ver se explicet, & pabulationem equitatus
præbeat, hostem esse occupandum, Budam-
que ad ictum destinandam; constare enim si-
bi, Solymannum mandasse, ut Bassa, repa-
ratis, quæ vitium acceperant, arcis muni-
tionibus, novas in insulis supra, infraque Bu-
dam sitis ad frænandum utrobique Danubium,
hostemque arcendum, adjiceret, quarum stru-
ctura nisi mature impedita fuerit, Budæ ob-
sidio.

fidionem longe difficillimam fore. Hæc Pragæ acta. a)

1542.

XIII. In Hungaria non minor de futuro bello cura regni Ordines exercuit. Confluxerant XXI. Febr. jussu regis, qui ad habenda Comitata Spiram abierat, Neosolii, & pro gravitate imminentis periculi subsidia decrevere. Præter florenum more veteri ab omnibus pendendum, ditioribus pro facultate rerum plus, quam pauperibus imperatum, colonis, qui propriam domum haberent, quadraginta, & uno floreno æstimatis; ex his Domini terrestres sexagesimam partem ex suo pendunt, quam Nobiles quoque unius *sessio-*
nis, præterquam quod viritim militiam profitebuntur, facta rerum aurearum, argentearum, æris parati, pecorum, vinorum, frugum, omniumque rerum mobilium, dentis solum vestibus, & apparatu ad bellum necessario, iusta æstimatione, præbebunt, tantundem cives, etiam mercibus in censum vocatis, præstare jussi. Prælati, Barones, & po-
ten-

a) *Responso* DD. Moravorum in conventu Brunensi data DD. Hungaris. Item: *Nunciata* DD. ac Nobilium regni Hung. ad DD. Magnates Boh. in Pragenfi Dieta collectos. Rursum: *Consilia* Hungarorum Ferdinando regi Pragæ data, de modo bellum cum Turca gerendi. Exstat in MS.

tentiores Nobiles, præter hæc non solum expeditioni per se se aderunt, sed vicissimum quemque ex suis colonia equitem secum ducent, Canonici autem Capitulorum, quisque pro se, equitem statuent, quos pinguiora beneficia habentes in præbendis stipendiis adjutum ibunt. Nunquam alias tanto studio, animorumque conspiratione ad servandam Patriam Ordines coaluere. Hæc ab se in Conventu statuta, Spiram ad regem perscribere, additis precibus, ut operam suam pro eliberando e captivitate Maylátho, apud Isabellam Reginam, cujus potens esset in aula Turcica patrociniū, interponere non gravetur. a)

Non eadem in Spirensibus Comitibus voluntatum consensio viguit. Etsi quidem commune periculum omnes agnoscerept, Protestantes tamen nihil prius, de subsidiis audire sustinebant, quam pax religionis in quinquennium prorogaretur, & tum quoque, decreto auxilio, de duce deligendo altercatio orta est, cum hunc ex suo gremio copias præfici vellent. Lectus est Joachimus Brandenburgicus,

a) Cod. jur. patr. ad h. a. Litt. Statuum ad regem, Neosolio 2. Mart. Martinusii ad Nádasdium ex Vászrhely fer. 3. post. Corp. Christi. Lundensis Archiep. ex cella Ratoldi 9. Apr. 1543. Istváni l. 14. Surius ad h. a.

1549.

cus, itaque, cum ipse rei militaris expertem se profiteretur, non optimus. Additi sunt ei ex Imperialibus decem consultores, quod ipsum in tanta, quæ futura erat, voluntatum dissensione, mali exitus omen fuit. Vienna, quo auxiliares convenirent, designata: peditum fuere XXX. equitum VII. millia, præter Hungaros, & Australes: Pontifex quoque tria peditum millia, ductore Alexandro Vitellio misit, sed pro hac copia minor machinarum numerus ad obsidionem necessarius. Omnium igitur animis ad hanc expeditionem erectis, datoque ad prosecutionem signo, septimis castris ventum est Strigonium. Hic quæstio mota, Budane, an Pestinum esset tentandum? Perenius, qui Hungaros, & Ungnadius, qui Australes ducebant, cum Vitellio Budam præferebant, contra Electoris consultores Pestinum delegere. Itaque Danubio ad Vadium transmissio, obsidione cinctum, & aliquot diebus nullo operæ præcio tormentis verberatum est, & signa ad receptum data. Sinistri eventus causam alii in annonæ, & commeatus bellici defectum, alii in Perenium, quasi cum hoste senserit, conjiciunt. Utrumvis fuerit, valuit tamen suspicio, ut custodiæ traditus, ductusque Neostadium, misere tandem contabuerit. Alexius quoque Thurzo *Locumtenens*, cum se in suspicionem propterea etiam vocari intellexit, officio renunciavit, iudicio cum iis

ex-

experiri voluit, qui hoc sibi crimen impegerant, cum in ipso litis apparatu obiit.

1542.

Sub ipsum pene obsidionis Pestienſis initium, Iſabella Regina, Turcici jugi impatiens, nuncios ad Ferdinandum miſerat, qui de tradenda ei Tranſilvania, honeſtis conditionibus convenirent. Datum eſt negotium ex parte Ferdinandi Caſparo Seredio, ab Iſabella Martinuſio Varadienſi, Statilio Tranſilvanienſi, Episcopis, & Petrovicſio. Utrunque in has leges conventum: Ferdinandus Reginae arcem Scepuſienſem, cum civitatibus, & oppidis, ad eam ſpectantibus, præter XII. aureorum millia filio quotannis numeranda, pleno jure conſignabit; Regina viciffim Tranſilvaniam cum arcibus, quas in Hungaria poſidet, ſimul cum regni corona Ferdinando reddet. De filii patrimonio, & bonis, quæ dotis nomine a marito tenet, intra biennium ſine arbitris ipſi inter ſe tranſigent, ſi quid difficultatis interveniret, eam Caroli Cæſaris, & Sigismundi patris judicio dirimendam committent, ſi vero illum mori interea contingeret, omne arbitrium penes Patrem erit. Tabulæ XXVI. Julii ſubſcriptæ ſunt, & Martinuſius Varadinum ſeceſſit, vitam privatam æcturus. Biennii ſpaciũ, intra quod reſidua componerentur, ſerunt, ab eodem conditionibus de induſtria adjectum eſſe, ut interea pro temporis habitu occaſionem a pactis recedendi nanciſceretur, quemadmodum ſimu-

1542.

simulate etiam Quæstura se abdicaverat, cum non longe post a Transilvanis, quos a primo in provinciam ingressu, largitionibus sibi conciliaverat, ut Moldavis, & Turcis, qui arcis Fogarasiensi imminebant, resisteret, per nuncios, & litteras revocaretur, plus monacho, quam Petrovicsii scientiæ militari, & experientiæ, confisis. a)

Dum hæc apud Transilvanos aguntur, rex rursus Ordines ad Kal. Nov. Posonium concivit, ut de ratione consulerent, qua damnum nuperna clade acceptum reparari possit, & privatorum injuriis, publicisque rapinis modus poneretur. Non enim deerant, qui, quas hosti opponere debebant, vires, in populares converterent, ipsis pene Turcis similes. Joannes, & Raphael Podmaniczki ob latrocinia, & cædes, quibus regionem inter Albam, Jaurinum, & Strigonium, usque ad Vagum infestabant, & Petrus Keglevics ob usurpatam malo dolo hæreditatem, publico decreto proscripti, datum tamen bimestre spacium, ut resipiscant. Thomæ etiam Nádasdio, moderati cæteroquin ingenii viro, quod

a) Dogiel Cod. Dipl. Pol. T. I. P. I. p. 148. Cod. jur. patz. Acta Præf. Litt. Joan. Szalay ad Præfectos arcis Fogarasii, Poson. 25. Nov. Jos. Fejérfy ad Nádasd. Sopron. 1. Dec. Istvánfi l. 15.

quod Stephanum Istvánium, immodico iræ æstu in Danubium præcipitem agi jusserit, actio famæ, & honoris intentata, amicorum tamen interventu, & conniventia regis, primum ad ordinariam juris viam relegata, post suppressa penitus est. Reliquæ sanctiones in eventum belli conditæ: florenus subsidii rursus in omnes decretus, & media pars sexagesimæ, imperata militia, & locis defensionī opportunis præsidia imposita. Scriptum quoque est ad Ordines Imperii, & pro submissis auxiliis gratiæ actæ, additis precibus, ut, si Solymannus iterum Hungariam infestus peteret, ne hanc, pro communi in rem Christianam studio, ope sua destituere vellent. a)

XIV. Nec supervacanea hæc cura erat. Ferdinandus de Turcarum apparatu certior factus, ante, quam ad Conventum Norimbergam proficisceretur, Transilvaniæ volens providere, Paulum Bornemiszam illuc misit, ut Martinusium in Quæsturæ officio confirmaret, & provinciæ regio nomine præficeret, ne tamen potestate sibi credita abuti posset, voluit, ut ei Andreas Báthor collega adderetur. Sed is arrogantior, quam ut socium pati posset, misso Norimbergam ad regem familiari suo, flagitabat præterea, ut se Præsidem quoque Tribunalis judiciorum de-

a) Cod. jur. patr. ad h. a. Decreto II.

1543.

declarare vellet. Rex homini, ad id tempus litterarum rudi, tam grave officium, ex quo multorum fortunæ penderent, negandum censuit, hortatus tamen illum est, ut Transilvaniam pro muneris sui ratione, ab incurfione hostium tueretur, se in Comitibus omnia acturum, ut Imperii Ordines nova auxilia decernant, esseque ad hæc litteris, quas Hungari ex conventu anni superioris, ad Cæsarem, & illos dedissent, permotos, ut a Kal. Maji in sex menses stipendia promiserint, quibus in Hungaria, alibive pro arbitrato militem conscribere, sibi integrum sit.

Nihil magis opportunum rebus nostris accidere poterat. Turcæ enim mense Aprili, in Sclavonia *Velestino*, & *Chasma* occupatis, late grassabantur, quos Solymannus mox consequutus arcem *Valpo*, *Quinqueecclesias*, ceteraque loca per iter admotis machinis in potestatem redegit. Trepidatio ipsam Germaniam pervasit, ex qua cum promissa subsidia lentius adessent, & ob copiarum paucitatem, aperto Marte congregari periculosum esset, quatuor millia Italarum, quæ Pontifex iterum, Julio Ursino duce, suppeditas miserat, & reliqua militia, Albæ, Vesprius, Agriæ, Strigonio, Jaurino, & Comaromio celeriter inducta, Nobilitas cis Danubium Jaurini, trans vero Nitriæ, armata convenire iussa, fruges demessæ, & scrobibus conditæ, pabulatio quaquaversum corrupta, ut vel hac ratio-

tione hostem morentur, vel penuria pressum regredi cogerent. Interim Solymannus Visegrado rejectus, Strigonium XXVIII. Jul. obsedit. Præerant loco *Lascanus*, & *Salamanca*, Hispani, qui dum arcem, magna hostium clade edita, fortiter tuentur, signifer Italus, injussu ducum, clam de deditioe, si salvis abire liceret, cum Turcis pactus est, præsidarii pene nudi, & semineces contra datam fidem dimissi sunt, & duces jussu regis custodiæ traditi, ut de iis judicio militari cognosceretur. *Tata* sub idem tempus ab *Achmete* expugnata, igneque corrupta est. *Albam*, cui *Tornicellus* præfuit, postea aggressus, tentato semel, iterumque assultu, cum Præfecti fere omnes occubuissent, facta deditioe, præsidariis libere dimissis, Solymanno asseruit, qui tribus occupatis urbibus satis emolumentum se consequutum ratus, suos, nullo, præter tria Tartarorum millia a *Zrinio* cæsa, accepto damno in hyberna reduxit. ^{a)}

Nihil tamen magis illius discessu res quietæ in Hungaria fuere. Vixdum exacta hyems erat, cum *Bassa Budensis*, ceterique illius im-

1543.

1544.

- a) Litt. Episc. Quinqueeccles. ad Consiliarios Posonii. 5. Mart. Joan. Ungnad ad Nádasdium Vien. 15. Apr. Caroli Cæs. ad OO. Hung. Barcinona 10. ejusd. Statuum Imp. ad OO. Hung. Norimberga 20. ejusd. Strigonien. Archiep. ad

1544.

imperio obnoxii Præfecti, in varias partes dispersi, regnum incursabant; *Vissegradum* vi expugnatum, *Neogradum* a nostris desertum, *Ofora*, & *Simontornya* occupatæ, spolia ad *Levam* acta: in Illyrico arx *Velica* ab agrestibus prodita, mons *Claudius* interceptus, & ne quid ad mali cumulum deesset, Zrinius cum *Vildensteinio* ad *Selniciam*, amissa copiarum parte fusus. Molestum id regi fuit, qui per idem tempus apud Imperiales de ferendis Hungariæ auxiliis agebat, idem Cæsar urfit, cui quidem stipendia, quibus in sex menses quater mille equites, & XX. peditem millia ali possent, quæ prius contra Galliæ regem decreta erant, ea conditione polliciti sunt, ut copiarum partem adversum Turcas fratri cederet. Bohemi quoque tria equitum millia, & quingentos equites, quibus *Velfum*, & hujus Legatum *Zerotinum* præfecerant, subsidio in Hungariam misere. a) Multum etiam spei ex pace inter Cæsarem, & Gallum *Crepiaci* inita, affulgebat, vi cujus Fran-

Nádasd. Poson. 16. Jul. Thom. Nagy ad Præfect. arcis Palota 25. ejusd. Joan. Garay ad Mich. Vals ex Valpo 15. Jun. Joan. Szalay ad Nádasd. 29. Jul. Acta Process. Leunclav. l. c. Istvánfi l. 15.

a) Balbinus rer. Boh. epit. c. 12. Istvánfi l. 16. Joan. Stella epist. 4. T. I. Script. rer. Hung. p. 621.

Franciscus decem millia peditum, DC. equites, si Cæsar id posceret, se missurum promiserat, idemque auxilium anno sequente *Cameraci* nova pactione firmavit. Cæsar Gallo conciliatus, in id maxime Vormatii incubuit, ut commune in Turcas bellum decerneretur: nec minus Ordinum Hungariæ in id studium fuit, qui indicto ad IV. Nonas Februarii Tirnaviam conventu, præter annonam, & floreni unius subsidium, militiam Nobilibus viritim tam severe imperarunt, ut, si morbo, ætateve, vei alia de causa hanc profiteri non possent, alios sibi subrogare obstricti sint. His constitutis, poterat, præsertim, quod uterque Solymanni filius inter se dissidentes, patris curam ab Hungaria averterent, præclarum aliquid effici, si Imperii Principes magis inter se consentientes fuissent. Catholici quidem facile in vota Cæsaris concessere, Protestantes contra, in primis autem Joannes Saxonie Elector, nihil prius, quam religionis negotium finiretur, de bello decerni posse, contendebant. Ita sensim studia in bellum Turcicum refrixerant, & fundamentum Smalcaldici fœderis jactum est, in quo etsi ipsi paciscentibus non satis conveniret, facile tamen Cæsar intelligebat, quorsum molitiones hæ evasuræ essent. Quare, communicatis cum fratre consiliis, Solymanni animum Legatione pertentandum censuit, utrum ad pacem vel inducias flecti posset, ut hac ratione, si

1546. quid in Germania turbaretur, Hungaria à Turcis tuta esset.

Ad hanc obeundam Gerardus Veltwilius a Cæsare delectus, vir negotio huic tractando præ ceteris idoneus. Venetiis solvens, ut peragrata Thracia Constantinopolim venit, magnas in principio difficultates superandas habuit, quas ei *Cambrayus* Galliarum Legatus alias ex aliis apud palatinales ingesserat, vicit tamen, etsi altercatio de dirimendis finibus orta esset, sua constantia, & dicendi libertate, qua nec *Rustanem*, cum quo agebat, offenderet, nec de jure suo quidquam remitteret. Induciis igitur, Solymanno ob mortem filii, quem charissimum habuit, magis ad pacem, quam bellum, prono, conciliatis, Budam ineunte Decembri, inde Vienneam rediit. a)

1546. XV. Admissus ad regem, postquam Legationis rationes exposuit, Ratishonam contendit, ut ad Cæsarem quoque de induciis referret, Ferdinandus vero, qui rursus Ordines ad Comitia exciaverat, Posonium profectus, quid de induciis cum Solymanno transactum

a) Cod. jur. patr. Du Mont. Corps diplom. T. IV. P. II. num. 181. Lunig. Cod. Germ. dipl. T. I. p. 627. Litt. Ferdinandi ad Locumtenen. Hung. Vornatia 5. Jul. Veltwikii ad Thom. Nádasd. Bud. 7. Dec. IRvánsi I. 16.

actum fuisset, conventui exposuit. Gratia 1546.
propterea regi habitæ, & rogatus, ut deinceps, si de his, aut pace actum fuerit, Hungarorum consilio uteretur. Ceterum ad defensionem regni florenus rursus omnibus imperatus, militia, imminente periculo, viritum statuta, in eos, qui regni sanctiones violarent, diriperent regios proventus, & Ecclesiarum, quive plebem opprimerent, cædes, aliudve facinus patrarent, integrum regi sit, non servato juris ordine, intra, extraque regnum pœnis animadvertere, nec enim dignos censebant, ut immunitatibus Nobilium fruantur, qui has impune violare sibi licere putent. His, aliisque pro tempore, & bono publico constitutis, rex Ratisbonam ad fratrem abiit, qui cum videret, omnia contrario religionum studio fervere, & intestini belli indicia jam satis paterent, Ferdinando suavit, ut Veltvikium, ne quid Turcæ a Gallo subornati interea moliantur, Constantinopolim remitteret. Annuit, datisque ad Sultanum, & Russanem litteris, iussus est illo operam in primis conferre, ut si minus pax in solidum conciliari possit, induciæ in plures annos prorogarentur.

Inde Pragam properans, egit cum Bohemis, ut in partem belli, quod Electorem Saxonie, cum Philippo Halse Landgravio, in Cæsarem parare non obscurum erat, ipsi quoque venirent. Verum cum isti ob vetera

1546.

paçta cum Ducibus Saxoniae in principio ter-
giverfarentur, mandata Viennam ad Salmi-
um dedit, ut mille peltatos, & hafatos equi-
tes Hungaros conſcriberet, eosque Franciſco
Nyário in Bohemiam ducendos committeret.
Jam bellum, quod a loco percuſſi foederis
Smalcaldicum vocant, exarſerat, cum Nyá-
rius initio Octobris cum mille, centum &
quingenta equitibus Tirnaviam venerat,
indeque, numerato ſtipendio, per Moravos
in Bohemiam, ex hac cum ceteris, quas rex
interea conduxerat, copiis, in Saxoniam pro-
fectus, occupato *Altdorffo*, ac ſemel, iterum-
que profligatis hoſtibus, Mauritio Saxoni ad
Czvicaviam conjunctus, Ducatum pene omnem
in poteſtatem redegit, præda adeo opulenta
potitus, ut res, maximi ceteroquin pretii,
minimo venirent. a)

Læta

a) Cod. jur. patr. Litt. Caroli Cæſ. ad Solyman-
num, & Ruſſanem Ratiſbona 16. Jul. Ferdi-
nandi ad eosd. ibid. 13. ejusd. Cambray ad
regem Gall. Pera 4. ejusd. apud Ribier T. 1.
cit. p. 582. — 84. Franc. Nyári ad Archiep.
Strigon. ex civitate Elzencz 4. Nov. Nic. Olahi
ad eund. Praga 5. ejusd. Iſtváni l. 16. Balbi-
nus l. cit. Videri etiam poteſt, Mamerani ca-
talogus omnium Generalium, & Tribunalium
cet. Colon. 1550. -

Læta hæc initia anno sequente XXVII. Januarii, mors Reginae, postquam decimo, & quinto partu Joannam filiam enixa esset, interrupt. a) Testamentum jam anno 1532. Oeniponti condiderat, quo Maximilianum primogenitum, ceterosque filios, quemvis singulatum, si alium sine prole mascula decedere contingeret, Hungariae, Bohemiae, aliarumque provinciarum hæredem ex æsse scripsit. b) Parentatione quinto post die peracta, curæ belli resumtæ sunt. Cæsar sub veris initium ductis in Misniam copiis Hispanicis, & Belgicis, Ferdinando, Mauritio, & Augusto Saxonibus se conjungens, Electorem ad Mülbergam nactus conserto prælio vicit, captumque ab Erdelya c) Quinqueecclesiensi, custodiæ cum Landgravio Hassiæ tradidit. Eodem vi-

1547.

F 3

ctoriæ

a) Numerum, seriem, & nomina prolium vid. ad Pray P. V. p. 406.

b) Exstat in Tabulario sacr. aulico. Clausula hæc est: *Beschehen in unser Stat Insprugg, an Montag nach unser lieben Frauen gepurdt den newndten Tag des Monats Septembris, nach Christi unsers lieben Herrn gepurdt im fünfzehnen hundert, und im zway und dreissigsten Jare. Anna Runigin. Septem Sigillis, totidemque testium subscriptione munitum.*

c) *Istváni Lucanum* vocat, nomen, ut patet, ex Hungarico ductum.

1547. **ctoriae cursu pleraque castra Duci Wirtember-**
bergico erepta, nec aliter, quam per solutis
ducentis scutorum millibus, in fidem receptus
est. Bohemi quoque, quod cum Electore
clam conspirasse comperti essent, in ordinem
reducti, bona consciorum Fisco addicta, ci-
vitatibus eodem crimine obnoxiiis arma ad-
emta, de reliquis, quorum nomina nondum
cognita essent, in proximis comitiis ad XXII,
Augusti cogendis, quaestiones haberi iussae, a)

Sub hac Veltwicius inducias, quantum-
 vis *Aramontius* Galliae Legatus contra move-
 ret, in quinquennium pepigit, Solymanno ob
 cladem a Persis, & Georgianis acceptam, ad
 has ineundas non difficili. Nec dubium erat,
 quin, si idem Legatus cum palatinalibus,
 viam nunciis de victoria Caesaris ex Saxone
 relata, non praepedivissent, pax honesta, &
 stabilis iniri potuerit. Conditiones inducia-
 rum haec fuere: utrique quod in Hungaria, &
 quae ad hanc spectant, nunc possident, reti-
 neant; Ferdinandus quotannis XXX. aureo-
 rum millia, quemadmodum Zapolya consue-
 verat, census nomine Solymanno mittet, a
 maleficiis, damnisque inferendis se abstine-
 bunt, nec Caesari fas sit, mari in Turcicas
 ditio-

a) Litt. anonym. ad Nádasdium Praga 22. Jan.
 Fejértói ad eund. ibid. 16. Aug. Nic. Olahi ad
 eund. ibid. 18. ejusd.

ditiones, quidquam hostiliter moliri: violatores induciarum severe castigentur, transfugas uterque bona fide reddet, mercatoribus, modo consueti vectigalia solvant, libere utrinque, salvisque commeari liceat; induciæ intra tres menses tabulis firmentur, ni fiat, irritæ sint; rex Galliæ, & Veneti iisdem induciis comprehensi censeantur. Postremas has, Aramontius, postquam tractationem penitus impedire non poterat, ut Rustanes adderet, invito Veltwikio, effecit. a) Redierat is Pragam ad Ferdinandum eo tempore, quo nuntii ab Isabella Regina venerant, quæ Martinus tyrannidem averfata, opem adversus hominis factam a rege implorabat: remissi sunt spe accepta, fore, ut, ubi ex Augustanis Comitibus redierit, malo huic consulat. Rebus Augustæ fere ex sententia Cæsaris feliciter confectis, Conventum Ordinibus Tirnaviæ in XXV. Nov. præstituit, cui cum ipse, negotiorum causa, interesse non posset, Nicolaum a Salmis, & Thomam Nádasdium Judicem

F 4

dicem

- a) Exemplum induciarum, exstat Gallice, apud Ribier T. cit. p. 31. Latine in Act. Process. contra Martinum, Legati Aramontii, ad regem data, epist. Constantinop. 12. Jun. *Et se avec condition que V. M. et les Veneçiens seront compris audit accord, — ce qui est tout que j'ay pu faire.*

1547.

dicem Curiae regiae, Oratores delegit, qui suo nomine ad regni Status referrent, quinquennes cum Solymanno inducias esse confectas, caverent, ne rumori, quem malevoli sparsissent, quasi Hungaros cum ipse, tum Cæsar, exclusos ab induciis voluerint, fidem habeant, dedisse se Oratoribus suis mandata, ut earum exemplum Ordinibus exhiberent, nec tamen spem in his penitus collocandam esse, quas hostis ex suo fere commodo æstimare soleat, darent igitur operam, ut in omnem eventum de subsidiis mature provideant, neve hæc, ut hactenus, per publicæ tranquillitatis turbatores, intervertantur, hos, & qui decimas Ecclesiarum diripiunt, in ordinem cogant, simulque in medium consulant, ne quid, se absente, res publica detrimenti patiatur. Hæc cum Oratores exposuissent, unanimi consensu, licet non exigua regni pars Turcis pareret, nec minor a Martinusio Transilvaniæ esset addita, subsidium duorum florenorum, ex omnium bonis sine discrimine exigendum decrevere, quo militia Hungarica, quæ parvo contenta esse sciret, mature conscribi possit: statutum quoque, ut, quod ex præteritorum annorum subsidiis nondum rite exhibitum esset, integre omnino numeretur. Tranquillitatis autem publicæ curam se quidem habituros, non aliter tamen magis huic posse consuli, se arbitrari, quam si rex in regno degeret, alioquin corpus a capite avulsum

sum, ex se se iners esse, quod si id aliarum ~~causarum~~ conditionum causa, fieri non posset, certe Maximilianum filium sibi subrogare velit. Cum enim Ordines, & Status universi non solum regi, sed ejus etiam hæredum imperio, & potestati se in omne tempus subdiderint, eos non minori fide, studio, & observantia in filium, quam patrem futuros esse. a)

1547.

XVI. Gratam suorum voluntatem rex habuit, & paucis, quæ in bonum rei publicæ constituissent, paulum aliter ordinatis, data ad eos sequente anno epistola testatus est, monuit tamen, ne quid contra inducias fieri sinerent, certum enim se interim a Rustiane esse redditum, multa in confiniis, licet paucorum temeritate, fieri, quæ pactis adversentur. Precibus eorum, qui, ut Mayláthus e Turcica, & Perenius e Neostadiensi captivitate liberentur, orabant, libenter se deferre: illius quidem se curam habiturum, hunc vero non aliter dimissurum, quam si, reddita Agriensi arce, quadraginta aureorum millia, quæ ex profanatis Ecclesiæ redditibus corraserat, fisco regio inferret. Accepta conditione, & præstito ab amicis vadimonio, liber dimissus, cum domum redire parat, in itinere

1548.

a) Instructio data Oratoribus C. a Salmis, & Thomæ de Nádasd, ad Conventum ituris. Augusta 5. Nov. & Cod. jur. patr. ad hunc an.

1548.

re obiit. Data igitur Paulo Bornemilzæ mandata, ut cum vidua, & Gabriele filio, secundum fidem a marito datam, transigeret. De elliberando Maylatho ad *Malvezzum* internuncium Constantinopolim scripsit, tametsi ante Solymanni e Persia reditum vix aliquid spei appareret. Martinusius ipse operam suam ad id se collocaturum spoponderat, magis tamen sui, quam ut regi, & captivi amicis gratificaretur, causa. Cum enim ab Isabella, & Statibus Transilvaniæ, missis crebro Constantinopolim litteris, & nunciis, id agi intellexit, ut officio motus ad privatam fortunam redigatur, præterea in Comitibus Posonii decretum esset, ut Comitatus ab Hungaria avulsi, regno iterum conjungantur, suopte de dedenda Ferdinando Transilvania consilium cœpit, misitque nuncios suos ad Conventum Posoniensem, qui regem absque arbitris convenirent. Admissi litteras illius exhibuere, quarum hæc erat sententia: Reginam cum filio, si de honesta utrique conditione prospiceret, paratam esse, Transilvania decedere. Rex, cui alioquin ex pactis cum Zapolya initis, provincia jam dudum debebatur, nuncios cum responso dimisit, se, ut primum res Bohemicas penitus composuerit, cum Regina uberius de deditione acturum. Perculit ea res nuncios, qui scirent, Martinusium hæc inconsultis Regina, & Transilvaniæ Ordinibus moliri. Re enim ipsa, ut ex eventu patuit,

tuit, id agebat, ut provinciam, non regi, sed sibi sensim assereret. a)

1549.

Non poterant tamen hæc ita clam agi, quin indicium Constantinopolim ad Legatum Galliae pertingeret. Tanto magis rem Martinus urgere, obtestarique regem, ut locum in Hungaria designaret, ubi commode cum iis, quos missurus esset, tractare possit, se Varadini mandata præstolaturum esse. Ferdinandus semel, iterumque ab homine interpellatus, negotio huic perficiendo delegerat primum Bornemisiam cum Gregorio Sybrikio, dein Georgium Vernerum addidit socium, & Nádasdium, cui mox Nicolaus a Salmis accessit, quorum consilio ceteri regerentur.

Ná-

-
- a) Litt. Perenii ad Nádasdium Vien. 15. Jan. Andr. Báthori ad eund. ex Báthor. 22. ejusd. Cæsaris ad Solymannum, & Rustanem Augusta 4. Febr. Ferdinandi ad Secretarium Legat. Constantinopolitan. ibid. 23. Jan. apud Ribier T. II. p. 106. Item ad Cameram Posonien. Praga. 10. & 29. Mart. 29. Apr. 19. Maji. 27. Jun. & 25. Aug. Steph. Mayláth ad Gabrielem filium Constantinop. ex castro Jedicula 22. Apr. Martinus ad Comitiam Posonien. 11. Jun. ex Thorda. Myrche Vayv. Valach. ad Annam Nádasd. conjugem Steph. Mayláth, ex Bucarest 11. Jul. Instructio pro Paulo Bornemisza apud Pray P. V. p. 417.

- 1549.** **Nádasdius cum collegis, Agria pro Conven-**
tu designata, Martinusium, eo ut veniret, in-
vitavit, sed is, ut erat inconstantis animi, ad
Comitia, quæ Albam Juliam pro XXVII.
Apr. indicta erant, & quibus Orator regis
Poloniæ, Nunciusque a Solymano interfu-
turi essent, necessarium sibi iter instare præ-
texuit, orabatque, ut ipsi quoque in Trans-
sylvaniam proficisci vellent. Apparebat, ho-
minem de industria Conventum, quem tanto-
pere desiderabat, subterfugere, quod cum re-
gi perscriptum est, jussi sunt in Scepusium
divertere, ut controversiam de limitibus, &
1550. æquanda Poloniæ moneta cum Hungarica,
ortam componerent. a) Sed quod neutris
 conveniret, negotium in sequentem annum ad
 regni Comitia differri oportuit, ad quæ alios
 pro dirimenda lite rex deligendos censuit,
 quod Salmii, & Nádasdii opera alibi magis
 necessaria videretur. Martinusius enim intel-
 lecto, Legatum a Solymano Viennam mit-
 ti, veritus, ne consilia sua ante tempus pro-
 de-

a) Litt. Comitum a Salm ad Nádasd. Poson. 2.
 Febr. Franc. Kendi ad eund. ex Zeek. 16. Apr.
 Martinusii ad eund. ex Monostor. 18. ejusd.
 Commissarior. ad regem Agria 24. ejusd. Steph.
 Mayláth ad Nádasd. Constantinop. 12. Maji.
 Dogiel Cod. diplom. Pol. T. I. p. 149. Acta
 Process.

derentur, Nádasdium litteris primum, post
misso etiam Stephano *Ilosvai*, suffraganeo 1550.
suo, monuit, ut de negotio, quod ante an-
num de Transilvania ceptum erat, regem
admōneret, sibi videri, rem quacunque tan-
dem rimā Constantinopolim effluxisse, occu-
pandum proinde tempus esse, ut destinatio
felicem successum habeat. Nec vana erat,
quam de Legato conceperat, suspicio. Ve-
nerat is quidem Viennam, ut victoriam sui
domini de Persis relata, regi significaret,
re ipsa vero, ut, quid suspicioni de dedenda
Transilvania, quam Galliae Legatus crebro
Rustani ingesserat, veri subesset, tamquam
aliud agens, exploraret. Idem Transilvani;
præcipue Petrovicius, suspicabantur, mone-
bantque Reginam, ut indicto Thordam Con-
ventu Martinus officio privaret, cogeret-
que, ad rationes redituum, quos hactenus
percepisset, exhibendas. Id huic ad matu-
randam deditionem incitamento fuit.

Ne tamen ingrati animi notam incurre-
ret, egit cum Andrea Báthori, usus inter-
nuncio Caspare *Horvátho*, de conditionibus,
quibus provincia regi dedenda esset. Has au-
tem designabat: Isabella, donec Scepusium
redditum fuerit, Cassoviam deducatur, fide
tamen data, ne, reddito Scepusio, ab Hun-
garia avellatur; Regina vicissim arces, quas
in Transilvania peculiari jure possidet, Fer-
dinando consignabit, proventus tamen ex
illis

1550. illis tam diu Reginae cedent, donec illi de dote satis fiat. Episcopatum Transilvanien- sem Martinusio conferet, ex cujus redditibus XII. millia florenorum quotannis Reginae nu- merare obstrictus sit, quem, ut primum huic, ejusque filio, pro dignitate provisum fuerit, sine mora resignabit: Cumanos etiam, quoad Buda e manibus Turcarum liberabitur, ei- dem Martinusio subesse jubebit, omnesque excessus cum a se, tum suis commissos, be- nigne condonabit: praepriis autem, ut Petro- vicius praefectura Temesiensi moveatur, ra- tio ineunda erit: De Vayvodis Moldaviae, & Valachiae, ipse, quod ex usu videbitur, consilium alias suggeret. His conditionibus si rex subscripserit, mille equites gravis arma- turae, praebito stipendio, concessim mittet, de levis armaturae sibi curam relinqueret, ut il- lorum subsidio, si vis adhibenda esset, uti possit. In haec fere capita cum Báthorio con- venerat, quae ante ad regem quam perfer- rentur, mandata ad Transilvanos a Soly- manno allata sunt, ut monachum aut vivum, aut caesum Constantinopolim transmittant, si neutrum posset fieri, officiis privatum ex pro- vincia proturbent, & Reginae solum obtem- perent: Moldaviae, & Transalpinum Vayvo- das, Bassamque Budensem auxilio, si opus sit, venturos. Id classici instar erat ad per- dendum monachum. Petrovicius collecta Rascianorum Lugosiensium, & Valachorum manu,

manu, *Csanadinum* exulsit, mox arcem *Alvin-*
zum, a Martinusio erectam, firmisque operi- 1450.
 bus munitam, non tam obsidione, quam pro-
 ditione cepit. Non deerat sibi Martinusius,
 collectis sub signa Siculis hostem e vestigio
 consequutus, Albæ Julię cum Regina inclu-
 sit, abstinuit tamen ab oppugnatione, solum-
 que Petrovicsium, velut hostem publicum,
 sibi dedi postulavit. Id cum negaretur, ver-
 berationi datum initium est. Regina pericu-
 lo territa, pactis initis in priore illum digni-
 tate confirmavit. Vixdum amicitia redinte-
 grata erat, cum Vayvodæ ex Moldavia, &
 Valachia, & Bassa Budensis, prius a Regina
 in subsidium vocati, ex Hungaria ingruerant.
 Commodum Martinusius Siculorum partem
 securitatis causa apud se retinuerat, quibus
 cum magna provincialium pars, viso pericu-
 lo, se junxisset, celeritate usus, Vayvodam
 utrumque prius oppressit, ejecitque provincia,
 quam Turcæ adessent, in quos eadem celeri-
 tate profectus, pari fortuna profligatos in fu-
 gam conjecit. a)

XVII.

-
- a) Cod. jur. patr. ad h. a. Litt. Episcopi Agrien.
 ad Nádasdium Vien. 23. Mart. Martinusii ad
 eund. ex Monaster. 23. ejusd. Idem ad eund.
 Alba Jul. 11. Maji Idem ad summum Pontif.
 ex Alvincz. 7. Sept. Andr. Báthori ad Nádasd.

Agria

1551.

XVII. Facile providebat, qui inde motus Constantinopoli adversum se futuri essent. Sux igitur, & provinciæ securitati volens consulere, litteras ad Carolum Cæsarem dedit, obtestatus, ut fratri suo ad recuperandam Transilvaniam adesse velit, idem ut Ferdinandus in Comitibus Augustanis ageret, orabat; scripsit etiam ad Fridericum Rheni Palatinum, ut Cæsarem, & regem ad ferendam Transilvaniæ opem hortaretur, monuit quoque Nádasdium, ne Hungari opportunum tempus elabi sinant, periculum opinione majus esse, cui sola celeritate caveri possit. Ferdinandus, ne partibus suis deesset, mandata ad Andream Báthori, & Erasmus *Teuffel* dederat, ut ad locum a Martinusio constitutum, mature se conferrent, & quæ conditiones propone-

Agria 30. ejusd. Com. Salm. ad eund. ibid. 21. ejusd. Sigism. Balassa ad eund. ex Diósgyőr 1. Oct. Anton. Verancii ad eund. Agria. 12. Oct. Franc. de Batthyán ad eund. ex Ujvár. 24. ejusd. Martinusii ad eund. Enyedino 23. ejusd. Andr. Báthori ad eund. 8. Nov. Franc. Desöfy ad eund. Jaurino 25. ejusd. C. Salm. ad eund. Agria. 27. ejusd. Com. a Tyrnstein ad eund. Comáromio 18. Dec. Acta Process. Aramont. Legati Galliae ad suum regem Constantinop. 24. Apr. 27. Sept. & 13. Dec. apud Ribier. T. II. P. 285. — 95.

ponerentur, sibi perſcriberent. **Convenere** ~~in~~ *Dióſzegh* Kalendis Febr. & prima conditionum lineamenta generatim delignarunt, ut de iis rex ſuo arbitrato decerneret. Sub idem tempus nuncia de proſtigatis nuper *Vayvodis*, & Baſſa Budenſi *Conſtantinopolim* alata, *Solymannum* permovere, ut *Transilvanos* filium reginæ, eſſi pupillum, conſeſtim coronare juberet, poteſtas autem penes matrem, & *Petroviciſium* eſſet. Hic ſine mora, imperato provincialibus *Conventu*, juſſa exequi conſtituerat, cum *Martinuſius* ex clanculariis coitionibus, id, quod erat, ſuſpicatus, immiſſo in ejus bona milite, *Conventuque* diſſipato, coronationem impedivit. Nihilo felicior alter conatus erat. Venere rurſum nuncii ex *Turcia*, qui, ut illis ſenatus datus eſt, nomine *Solymanni* cenſum, quinquaginta millium aureorum, & arcem *Bechke* ſibi tradi poſtulabant; privatim autem *Reginæ* colloquuti, alia mandata afferebant, quæ primum in *Comitiis Enyedinum* ad XV. Martii indictis, patuerunt. Ad hæc *Hungari*, *Siculi*, & *Saxones* juſſi magno numero comparere, addito mandato, ut quævis Natio mille equites armatos ſecum duceret. Scriptum quoque *Varadinum* eſt *Martinuſio*, ut veniret, ſed ſine militia. Venit, eſſi ad cædem ſe designatum non ignoraret, ſed *Siculis*, quos fidiffimos habuit, ſtipatus venit, qua animi præ-

1551.

sentia cum sibi Regina rationes conturbari videret, Convētum dissolvit, & ille dissipata adversariorum machinatione, regem orare non desistit, ut serio animum ad occupandam provinciam adjiceret, rem ob flexilem Reginae animum non esse arduam, praesertim quod a Solymanno, qui praecipuum militiae robur Persis in Mesopotamia grassantibus opponere coactus fuerit, parum periculi immineret. a)

Redierat Augusta Ferdinandus ex Comitibus, cum nuncii Transilvani adfuere, quibus auditis, iuncto cum suis consilio, ante omnia litteras Caesaris, & suas ad Reginam, & Petrovicsium eadem sententia scriptas, Martinusio, ut has utrique exhiberet, mittendas censuit; tum delecti Thomas Nádasdius, Andreas de Báthor, & Sigismundus ab Herberstein, qui primum cum Martinusio, ac deinde cum Regina de ineundis pactis transigant, sed cum haec secundum pacem cum Zapolya factam, ob notabiliter mutatum interea Hungariae statum,

a) Litt. Martinusii ad Palatinum Rheni Varadino 7. Jan. Nic. Olahi ad Nádasd. Augusta. 11. ejusd. Ejusd. ad eund. ibid. 17. ejusd. Martinusii ad regem ex Diószeg. 4. Febr. Andr. Báthori, & Erasmi Teuffel ad eund. ex Nagyléthe. eod. Nádasdii ad eund. Canisa. 5. ejusd. Verancii ad Nádasd. Vien. 8. Mart. Andr. Báthori ad eund. ex Báthor. 18. ejusd. Acta Process.

tam, omni ex parte servari non possent, hanc
eis normam præscripsit. Quoniam Scepusium, 1551.
quod Cæsar Ducatus titulo se ornaturum rece-
perat, juribus Regis Poloniæ adhuc obnoxium
esset, tres pro hoc in Silesia Ducatus, *Saganen-*
sem, *Naumburgensem*, & *Pribusensem*, eo jure,
quo decessores Bohemiæ reges conferre illos
solebant, filio Reginæ in feudum offerrent,
ex quibus facile XII. vel XV. florenorum
millia perciperet, si minus redderent, defe-
ctum nomine regis aliunde suppletum iri pol-
licerentur. Reginam autem de dote C. mil-
lium florenorum, securam reddent, si ad hæc
XL. millia, quorum Martinus indicium
alias fecerat, adjici peteret, de his quoque
ex illius consilio decernant, agerent tamen,
ut Regina de his annum quinque florenorum
censum, quoad rex nomen penitus dilueret,
sibi interea numerari sinat, id si abnueret,
certe dent operam, fidemque præstent, dimi-
dium dotis confestim solutum iri, reliquum
autem eodem censu in aliquot annos Reginæ
obstringant, consulerent tamen prius Marti-
nium, an is census, quod alias pollicitus
erat, ex Transilvania confici possit. Si nec
huic conditioni viderent consensuram, nec vel-
let in Poloniam redire, designent ei pro dote
compenfanda, & domicilio, Ducatum *Mün-*
sterbergensem, vel *Frankensteinensem*, qui in
pignore XL. millium aureorum essent, reliquum,
quod restaret, parato ære exhibendum pollice-

~~1851.~~ antur: Spem quoque ei ingerant matrimonii cum Principe ineundi, si ad id aspirare videbitur; filium etiam, nisi aliter statuatur, in aula regis pro dignitate educandum promittant.

Cum Petrovicio, si aliter transigere non possent, quam ut ea, quæ nunc in ejus potestate sunt, eidem, quam diu vivet, relinquuntur, ne difficiles sint, modo jurejurando spondeat, se cum suis in fide regis mansurum, & regni coronam reddat. Reliquos, ut *Blandratam* Medicum, & quorum operam ad consequendum finem, necessariam putabunt, muneribus, & promissis conciliabunt, caute tamen, & ex usu temporis, quod eorum prudentiæ permissum cupit. His conditionibus si Reginam consensuram intelligent, continuo ad se referant, ut ad eam, quæ prope Tibiscum est, militiam supplementa mature mitti possint. Martinusium præterea certum reddent, si Turca Transilvaniam, aliasve provincias bello invadere statueret, Principes Imperii communi suffragio subsidia decrevisse, quorum pars media futuro Augusto, & altera eodem sequentis anni mense exhibenda sit, vicissim autem Status, & Ordines in eo entantur, ne sibi, & publicæ saluti defuisse videri possint; inirentque secum rationes, quanto numero ipsi quoque militem possint, velintque educere: de Vayvodis Moldaviæ, & Valachiae, Rascianorum item ducibus, consilium ex temporis habitu capient. Si quod dubium

in

in tractatione incideret, id secundum exempla pacificationis cum Zapolya anno 1539. & Regina anno 1542. imitæ, quandoquidem utrobique eadem sermone conditionum ratio sit, pro sua in regem fide, & prudentia declarabunt. Postremum agent. privatim cum Martinulio, spemque, si nihil operæ prætermiserit, ei facient, Cardinalium Collegio proxime adscribendum, & Strigonienſi Ecclesiæ præficiendum esse. a)

XVIII. Nádasdius, & Herberſteinus, accepta potestate, in ſolū cum Regina tractandi, Varadinum conceſſerant, ubi accerſito collega Báthorio, orationes cum Martinulio conferebant, quibus Regiā ad dedendam Transilvaniam opportune perſuaderi poſſet. Hos paulo poſt conſequutus eſt Joannes Caſſaldus cum copiis, quas poſtquam reliquæ militiæ ad Tibiſcum conjunxiſſet, non poterat non id Petroviciſium advertere, qui extemplo Muſapham Begum de periculo admonuit, ſineſt oratis, ut copias ſuas ad Szegedinum paratas haberet, ſe, quod inſeſſet, ſecturum, ut monachi conſilia in iriſtum eſſent. Sed is, ſuppreſſis Solymanni ad ſe, & provinciales datis litteris, monitoque Caſſaldo, ut montium fauces ante Petroviciſium occu-

G. 3. p. 101. pet. 101

a) Inſtructio Commiſſarii data Vien. 30. Mart. exſtat apud Pray P. V. p. 430.

1551.

pet, in Transilvaniam contendit, ut Conventum Thordam indiceret. Confluentibus majore, quam alias, numero, quæ hactenus Transilvaniæ causa, cum Cæsare, & Ferdinando rege egisset, quæ illi, & Imperium Germaniæ subsidia fuissent polliciti, si a Turcia, quorum conatus ad subigendam provinciam omnibus alioquin cogniti essent, periculum aliquod ingrueret; adesse Oratores a Ferdinando, qui, si Status, & Ordines paterentur, libenter cum iis conferre velint, attulisse honestissimas condiciones, & has ordine recensuit, quibus Regina, & pupillo, si Transilvania decesserint, pro dignitate regia abunde sit consultum, constare etiam omnibus, provinciam ex pactis a Zapolya firmatis, Ferdinando jure deberi. Deliberarent igitur, utrum condiciones admittendas, an repudiandas censeant, illud tamen præ oculis haberent, feminam, nec Nationi, quæ armis dedita sit, gubernandæ, nec defendendæ contra hostes provinciae, satis idoneam esse. Cum vere, & studio boni publici ductus, loqui videretur, post brevem consultationem, modo quædam conditionum capita magis explicata redderentur, in ejus sententiam itum est, missique ex Conventu, qui idem Reginae referrent. Illa his auditis, quid enim mulier, absente Petrovicio, cujus consiliis regebatur, aliud faceret, haud difficulter assensa est, petiitque, ut, qui se inconsulta hactenus progressi fuissent,

sent,

lent, ea quoque, quæ in conditionibus obscura videbantur, illustrarent.

1551.

Fuere autem tria præcipue: primum; Ducatibus tribus supra memoratis *Opoliensis* ut substituatur, concessum, quem donec ad XXV. Decembris redimat, Regina cum filio sedem *Cassoviæ* interimaget, cui ex XXIV. aureorum millibus tantum reddetur, quantum tempori ad Kalendas Novembres admensum est. Alterum; quoniam de conjugē pupillo olim collocanda, & prolibus ex eo conjugio nascentur, nihil prius constitutum erat, placuit, si regi visum fuerit, Joannam, ejus natū ultimam pupillo despondere, ea tamen conditione, ut, si is sine masculino hærede obiret, Ducatus in pristinum jus devolvatur, rex vero viduæ, habita conditionis ratione, provideat, & filias, si quas supersites relinquet, pro dignitate sanguinis, nuptiæ collocet. Tertium; si interea, dum Regina *Cassoviæ* morabitur, *Transilvaniæ* periculum immineret, rex nihilominus cautionem præstet, se, quæ transacta erant, bona fide servaturum. His mutua utriusque partis stipulatione firmatis, Regina coronam *Nádasdio*, & *Castaklo* tradidit, mox sponsione futuri matrimonii, in cœnobio *Monostóriensi* peracta, & *Transilvanis* juramenti religione solutis, cum filio *Cassoviam* profectura, *Nádasdium*, & *Báthorium* ad se vocatos admonuit, nunciarent *Ferdinando*, monachum, ut *Budam Turcis* pro-

~~=====~~ 1551. diderat, & se nunc vendidisset, haud aliter olim regi quoque facturum esse. Transilvania egrediens, fertur monumentum versatilis fortunæ, suasu, ut creditum est, Blandratæ, arbori incisum his verbis reliquisse: *sic fata volunt. Isabella Regina. a)*

Conjectura Reginae, eventu firmata est. Ferdinandus recuperatæ Transilvaniæ Martinusium ob navatam operam, adjuncto Quæstoris officio, Vayvodam decreto XX. florenorum millium stipendio præfecit, nec multo post Cardinalium Collegio adlectum, Strigoniensem Archiepiscopum renunciavit. Prima huic ab adito magistratu cura fuit, ut Pontificem eorum, quæ hactenus gesta erant, edoceret, tum ut Solymanni, ad quem obscurus rumor ex Transilvania jam pervaserat, antimum leniret. Ad quod consequendum statuit, censum annuum ante tempus Constantinopolim mittere, licet Nádasdius magnope-

re

-
- a) Plenipotentia Commissariis data Vien. 30. Mart. Lit. Joan. Malvezzi ad Náasdium Adrianop. 7. Apr. Petrovicsii ad Mustapham. Temesvarino. 16. Mei. Martinusii ad Náasd. Thorda 17. ejusd. Rursus ad eund. Alba Jul. 5. Jun. Bjusd. ad eund. ibid. 7. ejusd. Castaldi ad eund. Ehyedino 13. ejusd. Martin. ad eund. ex Zazsebes 27. ejusd. Solymanni ad regem Pol. Constantinop. 31. Jul. Acta Process.

re obniteretur, moneretque, regem non aliter consensurum, nisi simul efficeret, ut Transilvania induciis quinquennialibus inclusa censetur, aut certe Solymanno significaret, nihil ob Transilvaniam occupatam, quæ veteri jure ad Hungariam pertinuisset, adversus inducias commissum fuisse. Frustra monitus est, misit censum, sed de industria non integrum, addidit quoque litteras ad Solymannum, Rustanem, aliosque, quibus partem rerum gestarum refert, partem extenuat, & causas in Petrovicsium detorquet, qui motus hos concitavit, ad quos comprimendos Ferdinandus militiam Germanicam mittere coactus sit, in tam perturbato autem statu impossibile fuisse, ut census integer redderetur; Reginam cum pupillo abiisse Cassoviam, ut filium suum Ferdinandi filiae despondeat, facturum se, ut pro ea, qua Imperatori obstrictus esset, fide, Germani sepito motu vel sponte excedant, vel vi exigantur. Ad extremum rogabat, ut nunciis, qui spectatae fidei sint, res ipsas coram spectaturis, tuto utrinque commeare liceat. Hic primus ad prodicionem gradus fuit.

Solymannus redditis litteris aliquamdiu pacari videbatur, sed, postquam fascis litterarum a Ferdinando ad Malvezium Inter-nuncium missus, per exploratores interceptus, apertusque fuisset, nec omnes, quod aliquæ numeris exaratae fuerint, etiam *Phebo* Legationis Gallicæ Secretario in consilium adhibito,

1551.

to,

1551.

to, legi potuissent, tum vero exorta primum suspicio, mox undique nunciis perlatis, firmata Transilvaniæ deditio fuit: Solymanus ira in hominem accensus, & Malvezzius, quasi omnium conscius fuerit, in carcerem coniecto, mandata ad Budensem, Nicopolitanum, & Silistriensem Præfectos dedit, ut collecta militia ex proditore pœnam sumerent. Verum is a suis familiaribus, quos in aula Turcica magnis sumptibus alebat, mature de periculo edoctus, egit per litteras, nuncios, & munera cum Rustane, ut Solymanno suspicionem de se conceptam eximeret, fieri hæc omnia, ut Germanos sensim ex provincia extrudat, visurum ex eventu, quam vere, cupideque Solymanni rebus fudeat. In eandem sententiam ad Beglerbegum scripsit, eumque per familiarem suum monuit, faceret, quod ex usu faciendum putaret, se nihil contra moliturum esse. Ille monenti obsequutus, trajecto Danubio sensim Tibisco appropinquabat: Andreas Báthor, cujus curæ ea regio credita erat, cognito hostis adventu, vicinos Comitatus ad arma iussit concurrere, vetuit Martinus, nec ex Transilvania, etiam crebro rogatus, suppetias flagitanti misit, quo factum, ut *Lippam* a nostris desertam Turcæ, nullo accepto damno occuparint, eadem ratione *Chanadinum* jussu Martinusii Beglerbegi traditum est. Cassaldus cum Nádasdio, ne, si moras necterent, intra montes ab hoste conclu-

cludantur, Lippam obsidendam censebant, idque Martinusio significatum. Libenter annuit, cum videret Germanos, quod semper optabat, sponte e provincia excessuros, cum statim rogaretur, ut suos etiam ad obsidionem adduceret, tergiversatus est, moremque Nationis prætexuit, quæ militiam extra provinciam profiteri non sôleret, mandato tandem regio adactus, copias suas Castaldo conjunxit, verum tam lente, ut de industria obsidionem impedire velle videretur. Moræ causa erant litteræ, quas per nuncium Turcicum ad Solymannum misit, quibus se ad obsidendam Lippam invitum a Germanis cogi, significabat. a)

1551.

a) Litt. Solymani ad Martinusium, & Transilvanos mense Junio, & Augusto. Hujus ad illum, ad Rustanem, ad Hajdar Bassam, Dumisch Zelebi, ad Achmeth, & Ibrahim Bassas, ad Beglerbegum, & hujus ad illum. Exstant partim integræ, partim earum fragmenta in Act. Process. Litt. Ferdinandi ad Castaldum Vien. 20. & 30. Jul. Ejusd. ad Martinusium ibid. 30. ejusd. Hujus ad regem ex Kolôsvár. 31. ejusd. & 7. Aug. Ferdinandi ad Castaldum Vien. 14. ejusd. & ad Martinusium 21. & 28. ejusd. Secretarii Legati Gallici ad suum regem. Constantinop. 3. Aug. Martinusii ad Ferdinandum 8. Sept. Andr. Báthori ad Castaldum ex Temesvár 19. ejusd. Martinusii ad Nádasd. ex castris ad Rudus 2. Oct. Huc quoque faciunt:

Com-

1551. XIX. Castaldus locum prius, quam sup-
 plement a Beglerbego mitti, aut annona in-
 ferri posset, circumfedit. Præerat illi *Ulyman-*
begus, idem ille, cujus ope Martinus, cum
 Solymannus Budam occupaverat, ne eodem
 quo Valentinus Török, malo involveretur
 evasit. Huic igitur ut beneficium referret
 omnia, quæ obsidionem morari, aut irritam
 reddere possent, molitus est. Nam Turci
 altero die se dedere volentibus, si salvis re-
 bus sibi abire liceret, Castaldo autem, nisi se
 captivos dederent, id negante, nihil non, cum
 res in consultationem adducta est, agebat, ut
 liberi dimitterentur, speciosa ratione usus, ita
 futurum, ut miles regis integer, alibique me-
 lius adhibendus, servetur, & Solymannus ob-
 occupatam Transilvaniam minus causæ ad-
 indignandum haberet. Rejecta est ab omni-
 bus, & arx vehementius verberari coepta.
 Turcæ serio rem videntes agi, & pene omni-
 bus ad tolerandam obsidionem necessariis de-
 situti, dato signo, & obsidibus colloqui pe-
 tiere; missi sunt, Carolus de *Scherentain*, &
 Thomas de *Nádasd*, interpretes additus est
 Casparus *Petrusich* Martinus famulus, qui,
 dum

*Commentarii della guerra dio Transilvania
 del signor Ascanio Centorio degl' Hortensij.
 Venet. 1565. Lib. 2. Autor fuit Secretarius Ca-
 staldi.*

ſum Turcæ deditiōis capita fere ad mentem Castaldi proponerent, oculis, & capite, ne 1551.
ſe dederent, innuebat, quod ubi Nádasdio vi-
ſum, & Caſtaldo poſtea relatum eſt, is Mar-
tinuſium acrius deinceps obſervare cœpit, ni-
ſilque diligentia in oppugnando prætermiſit.
Sed ille impedimentum aliud ex alio ingerens,
apparatum bellicum parcius primum admi-
niſtrare cœpit, mox annonam quoque noſtris
carius vendi, quin longius etiam a caſtris ſub-
luci imperavit, ut vel ipſa vehiculationum dif-
ficultate, Caſtaldum ad ſolvendam obſidionem
rogeret. Cum nec ſic quidem proficeret, partem
horum militum ſponte dimiſit, licet palam de
eorum deſertione queſtus, graves ex iis pœnas ſe-
bunturum minaretur. Caſtaldus comperta hac
ſtaude duces convocat, & habito cum illis con-
ſilio, aſſultum in ſequentem diem edicit: hunc
quoque ut inutilem redderet, quamprimum
ad ſuorum caſtra rediit, vulgari per præco-
lem jubet, ne quis ad aſſiliendum ire auſit,
ſocte autem ingruente arcu appropinquans,
ſum Ulymanbego plures horas ſine arbitris col-
loquutus fuiſſe, per ſpeculatores a Caſtaldo ſub-
ſtratos deprehenſus eſt. Id huic ſuſpicionem
movit, Turcas de aſſultu fuiſſe præmonitos,
itaque hunc ex ſuorum conſilio in aliud tem-
pus differendum cenſuit, quo cognito Marti-
nuſius poſtridie Caſtaldum adiit, certo ſibi
conſtare affirmans, Beglerbegum cum Buden-
i Baſſa, obſeſſis auxilio propediem aſſutu-
rum,

1551. rum, periculosum igitur videri, dilabente
 sensim militia, hostem præstolari, satius esse,
 ut dimissis Turcis, locum munitum deditione
 recipiat, quam prælio rem experiri, cuius
 exitus incertus esset, habere se privata etiam
 a rege mandata, quibus si morem non gerat,
 & exercitus discrimini objiceretur, se immu-
 nem a culpa futurum. Creditum est homini,
 & Turcæ dimissi, quamquam Castaldum an-
 nonæ penuria, ut ei consentiret, præcipue
 moverit. Ulymanbegus, ut se gratum exhi-
 beret, liberatori septem equos Turcicos, &
 clavam ingentis precii misit, hic illi vicissim
 quatuor gradarios, & vasa argentea, reliquis
 autem pannos purpureos dono dedit, duos-
 que currus adjunxit armis plenos, quibus, si
 quid sinistri, ut factum est, a) in itinere acci-
 deret, se tueri possint. b)

Recepta Lippa, & fidei *Aldanæ*, Hispani
 Tribuni credita, in hyberna itum. Martinu-
 sius prior in Transilvaniam movens, Castaldo
 suaserat, ut cum suis ad Lippam, & in vicinia
 sta-

a) Irruerat in abeuntes Melchior Balassa, ma-
 gnæque fragem edidit, quod Martinus ægre
 ferens, regi per litteras questus est, petitque
 ut pœnam ex eo sumeret. Act. Process.

b) Act. ead. & Litt. Ferdinandi ad Isabellam
 Praga 29. Dec. apud Pray P. V. p. 446. et
 Wolfgang. Bethlen-hist. lib. 4.

sationem figeret, ne, si ea regio milite nudaretur, Turcarum infestationibus pateat. Sed is homini ex rebus in obsidione gestis, sibi utcumque jam cognito, parum fidens, advocato cum suis Sfortia Pallavicino, illius vestigia premens, copias circum arcem *Alvinczum*, quam Martinus sibi sedem delegerat, distribuit, ut Lippæ, & Temesvarino, si periculum moneret, possit succurrere, & monachum, hujusque familiares e propinquo observare. Permolesum id quidem huic fuit, ferendum tamen erat, ne suspicionem de se conceptam firmare videretur. Tanto magis se se occulere, simulatione uti, & amicus videri volebat, sed arduum erat, Italos, quos Castaldus ab obsequio habuit, diu fallere, quorum indicio non multo post cognitum est, *Dervishum*, monachorum id apud Turcas genus est, in cella vinaria interdum apud illum latere, noctu autem ad colloquium admitti. Pallavicinus quoque, cujus stativa magis Alvincio disita erant, nuncios ab eo ad Beglerbegum, & ab hoc ad illum crebro commeare, significavit. Monitus propterea familiariter a Castaldo, respondit, hæc omnia regis causa fieri, ut ei possessionem Transilvaniæ firmiorem reddat. Diu hac simulatione, alter alterum circumducebat, cum Secretarius Martinus, horrore eorum, quæ domus sua moliebatur, perculsus, Castaldum lacrimans adiit, &, frustra, inquebat, tua,
tue.

1551. tuorumque opera erit, nisi rex monachum hunc e Transilvania exesse jubeat: nihil enim aliud agit, nihil cogitat aliud, quam ut te, & regis copias Turcis prodat, quo scelere perpetrato, facile sperat, se Transilvania, depenso, quem rex Joannes persolverat, quotannis censu, potiri posse. Nec sibi optimus rex persuadeat, eum beneficiis a se collatis delinitum esse, nec enim Vayvodæ, & supremi Quæstoris officium, tum Strigoniensem Archiepiscopatum, & ut collegio Cardinalium adnumeraretur, alia de causa ambierat, quam ut regem, vosque omnes tutius fallat, differatque eousque meditatam scelus, donec de Turcarum adventu certior reddatur: Tum vero nemo mortalium est, qui vos ex ejus manibus eripere possit. Se quidem, qui crebro litteras non solum ad Pontificem, Cæsarem, & regem, sed ad Solymannum quoque, ceterosque Bassas ejus nomine scripssisset, omnia fuisse periclitatum, ut illum a tam funesto proposito averteret, frustra tamen omnem a se impensam operam fuisse: rationes igitur mature secum iniret, quibus sibi, suisque consulat.

Castaldus, qui monachum quidem monstri aliquid alere, non dubitabat, ægre tamen animum induxit, ut, eo feritatis illum probabi posse, sibi persuaderet. Victus tandem asseverantis fide, regem per celeres nuncios de his, quæ comperisset, edocet, acceptoque respon-

responso, videret, ne quid periculi propterea Transilvaniae immineat, suos, consultis etiam provincialibus, advocat, periculum exponit, rogat sententias; vox una omnium erat, tollendum e medio, si se, & exercitum cum provincia salvos cupiat. Decreta morte, Palavicinus, adlectis Marco Antonio Campesio, & Scaramucia sociis, negotium exequendi facinoris sibi deposcit. Vix illucescente die XVII. Decembris Alvinczium veniunt, litteras a rege præ foribus excubanti puero adesse, referunt, petunt admitti, admissi litteras exhibent, quas dum ille legit, Marcus Antonius semel, iterumque sicam gutturi lentis immergit, prolabantem, & loqui volentem ceteri vulneribus caesim, punctimque feriunt, & trucidant. a) Hic ambitiosi viri exitus fuit: cetera, cum nihil mediocri in eo fuerit, si potestatem sibi creditam, & quæ illius fere ubique comes erat, fortunam temperamento quodam moderari novisset, ad summa quæque factus. Hæc, quoniam scriptores, qui viri casum memoriæ prodiderunt, magnopere a se discrepant, b) ex litteris autogra-

a) Lith. Castaldi ad Nádasdium ex Zazsebes 17. Dec. Act. Process. Centorio I. cit. lib. 3.

b) Inter hos minime omnium veritati litat Canonicus *Bechet* in opere, cui titulum fecit: *Histoire du Ministere du Cardinal Martinusius, Pars III.* H ar-

~~1551.~~ **tographis, actisque publicis, licet prolixius,**
1551. quam voluerim, promenda existimabam, cum
 ut vera a falsis secerni possint, tum ut regem
 ab invidia, qua passim per Europam propter
 ea, præsertim in Italia laborabat, vindica-
 rem. a) Cædis patratores variis subinde sup-
 pliciiis affecti periere. Marcum Antonium
 Alexandria in furcam actum, Campegius
 Augustæ dextra manu in rixa truncatum,
 Viennæ ab apro effusis visceribus discerptum,
 & Scaramuciam in Gallia Narbonensi a mi-
 litibus confectum memorant. Pallavicinus,
 nondum evoluto anno, a Turcis captus, XVI.
 aureorum millibus, regis, & conjugis bene-
 ficio redemptus est. b)

Didi-

*archeveque de Strigonie, Primas, & Régent
 du royaume de Hongrie, avec l'origine des
 guerres de ce royaume, & de celles de la
 Transilvanie. Dedie A. S. A. S. Monfi-
 gneur le Prince Rakoczy. à Paris. 1715.* Er-
 ronea etiam sunt, quæ Odoric. Raynaldus an-
 nal. Eccles. ad an. 1551. refert, documentis
 destitutus.

a) Act. Process. litt. Ferdinandi ad Isabellam 7.
 Jan. anni seq.

b) Litt. Franc. Batthyán ad Nádasd. Vien. 27.
 Aug. 1552. Franc. Strepati ad eund. Vien. 8.
 Sept. 1557. Centorio 1, cit. Istvánsi 1. 17.

Diditus de nece rumor variis per Europam opinionibus locum fecit, præsertim in Gallia, quæ quo diligentius per Legatos suos Constantinopoli agebat, ne Transilvania in potestatem Ferdinandi veniret, & ad id etiam opera Martinusii utebatur, eo magis e medio sublatum doluit, & Ferdinandum invidiæ aliorum objecit. 2) In Transilvania minor, quam apud exteros, animorum motus fuit. Castaldus enim, confestim vulgatis per provinciam litteris, causas prolixè exposuit, cur hominem e medio tolli iusserit, quibusve ærumnis, si viveret, omnes fuerint involvendi, declaravit, quæ cum a nuncio recens intercepto, & quæstionibus subjecto firmata fuissent, pauci erant, qui ejus mortem graviter ferrent, aut non jure sublatum dicerent, mallentque Ferdinandi potius imperio parere, quam paratum sibi jugum Turcicum subire, magisque paulo post in fide confirmati sunt, cum ex confessione alterius

H 2

Tur.

-
- a) Falluntur, qui thesaurum Martinusii in causa fuisse putant, cur cædi juberetur. Constat enim ex Actis Process. & Castaldi litteris ad regem Hispaniæ ex Zazsebes 16. Oct. scriptis, hunc jussu Martinusii, dum Lippha obsidebatur, per 30. bajulos e Transilvania, prætextu stipendii militibus solvendi, elatum, & in Varadiensi arce repositum esse.

1551. Turcæ patuit, Russiam XL. millia Tartarorum, cum non temnenda Turcæ manu, Moldaviæ item & Valachiæ Vayvodis, grandique ære stipendiis destinato, pollicitum Martinusio fuisse, quibus regium exercitum ex Transilvania ejiceret, & hoc ejecto, aut cæso, Posonium, inde Moraviam, & Sileciam invaderet, Viennamque infestaret. Quibus cognitis Ferdinandus, ut mature periculum averteret, Bathorio Transilvaniam interea curare jussu, Conventum ad XVIII. Januarii sequentis anni Posonium indixit. a)

XX. Prius tamen, quod patrata necis causæ nondum in Hungaria satis cognitæ essent, has per regnum prolixis litteris vulgavit, ut Status, & Ordines, perspecta periculi, quod Hungariæ etiam imminabat, gravitate, tanto frequentiores Comitibus interessent, & ad hanc servandam pro virili opem suam conferrent. Spei respondit eventus. Primum regi procura, quam recuperandæ Transilvaniæ impenderat, gratiæ habitæ, ad quam deinceps conservandam, aliaque ab regno propulsanda pericula, præter militiam, si rex, aut Maximilianus filius copias ducerent, Nobilibus viri-

a) Acta Process. Litt. Ferdinandi ad Hungariam, apud Pray P. V. pag. 449. & 50. Cardinalis de Selve ad regem Galliar. Venetiis, apud Ribier l. c. T. II. pag. 372.

virum imperatam, de viginti colonis Eques, de decem unus Pedes constituti; qui signa se- 1551.
qui detractarent, aut injussu ducis ea defere-
rent, pœna capitis, præter infidelitatis notam,
dictata: militi Hungarico, ne, ut fere hastenus,
externo serè aleretur, subsidium pro hoc an-
no trium florenorum, in duos autem conse-
quentes annis, & dimidii statutum; neve coloni
injuriiis militum pateant, annonæ, rerumque a-
liarum præcia ex æquo definita; illata damna ex
suis quisque rebus, vel stipendio sarciet; si Præ-
fecti ad hæc conniverent, vel suos prædatum
excurrere paterentur, tamdum gradu moti in vin-
culis hæreant, donec duplum illati damni
perfolverint. Datum deinde negotium Domi-
nico Deboni, ut coronam regni, quam Ná-
dasdio, & Castaldo ab Isabella traditam, me-
moratum est, in Hungariam referret, & An-
dreas Báthori Transilvaniæ Vayvoda re-
nunciatus est. Ne præterea quidquam rex in-
tentatum relinqueret, litteras ad Rustanem
dedit, quibus causas, cur Transilvaniam, quæ
& vetustò jure, & ex pactis sibi debita erat,
occupasset, nihilque propterea induciis adver-
sum fuisse actum, explicuit, quæ, se Malvez-
zius e custodia liber dimitteretur, & Orato-
ribus, quos esset cum donis missurus, tuto ad
Solymanum venire licuerit, luculentius se
declaraturum, significavit; simul Legatus ad
regem Poloniæ missus, qui illum ad societa-
tem armorum invitaret.

Verum ante, quam litteræ Rustani essent
 redditæ, jam Turcæ Martinusii subsidio desti-
 nati, cum regis militiæ robur in Transilva-
 nia hæere comperissent, bellum in Hunga-
 riam traduxerant. Id. minus propitia nobis
 fortuna gestum. Dum nostri Szegedinum oc-
 cupant, hostis interea in plures partes divi-
 sus, post *Dregel* arcem interceptam, *Gyerna-*
to, *Szecsensio*, & castro *Saghienfi* exultis,
 Veszprimium aggressi, decem dierum obsidio
 ob *Hajdonam*, qui locum tueri debebant, re-
 bellionem subegit. *Achomates*, is Turcas du-
 ctabat, occupato Veszprimio, ut Castaldum
 e Transilvania proliceret, copias *Femesvaro*
 admovit, *Losoncius* mensem integrum obsi-
 dionem, magno hosti illato damno, fortiter
 sustinuit, ad extremum, cum nec suppetiæ e
 Transilvania, cui Moldavi minabantur, ad-
 esse posset, & pulvis tormentarius, annona-
 que deficerent, salutem commilitonum pactus
 deditionem fecit. Egressos, sui que sacros
 Turcæ, violata fide, aggressi magnam par-
 tem, non tamen iultos, cædunt, *Losoncius*
 fortiter dimicans, cum, accepto jam lethali
 vulnere, evadere nititur, e fuga retractus ca-
 pite truncatus est. *Femesvaro* dedito, *Ca-*
ranschabum, & *Lugosum* sponte se subdiderant.
Aldana, vicino hoste territus, corruptis sup-
 posito pulvere tormentis, & moribus, *Lip-*
pam turpiter deseruit, qua ab hoste restaurata,
 eadem facilitate, *Solmosa* arx, & *Csanadi-*
 num

nam occupatum est. *Achomates* hoc successu tumidus supra centum millia *Agriae* circumfudit. Ferdinandus, etsi quidem *Stephani Dobonis*, qui arci praeerat, virtuti plurimum tribueret, veritus tamen, ne hostium numero opprimeretur, Mauritium Saxonem, contracta undique militia, opem ferre obsessis iussit; verum is magna aestatis parte, donec plures confluerent, in castris ad *Jaurinum* haesit, cum Turcae interea summa vi *Agriam* oppugnarent. Difficile dictu est, utrum diuturniore pertinacia hostis impeteret, an maiore periculo, & constantia, novisque inventis nostris locum tuerentur. Nihil non a Turcis actum, ut cuniculis, ignitis globis, & pluribus eodem tempore, diverso loco tentatis assultibus obsessos lassarent: Frustra omnis conatus erat. Nihil etiam fraude profectum. *Stephanus Hegedus*, qui arcem depacto precio prodere volebat, de perfidia convictus poenam capitis subiit. Frustra quoque fossis, terra, & ligno, arcis muro aequatis, res tentata. Toties rejecti, universis viribus, assultu tribus in locis tota fere die, submissis recentibus semper copiis, frustra producto, obfidionem, maiore, quam tertia, exercitus parte amissa, solvere coacti sunt. a)

H 4

Ser-

a) Cod. jur. patr. ad h. a. Litt. Episc. Jaurin. ad Nádasd. Pofon. 26. Jan. Castaldi ad eund.

1553.

Servata Agria magno omnibus incitamento fuit, ut in Soproniensi Conventu opem regi in defensionem regni liberaliter offerrent. Præter subsidium duorum florenorum, aliud quoque decretum, ex quo ii, qui in servanda Agria inclaruerant, præmium obtinerent, reliquum captivis redimendis impenderetur, & cum res ab se loqueretur, tot arcium jacturam anni prioris non aliunde, quam ex lente coacta militia, profectam fuisse, cuivis Comita-

ex Kolovár. 28. Febr. Jos. Macarii ad eund. Patavie 9. Apr. Franc. Kendi ad eund. Thor-
da 16. ejusd. Ferdinandi ad Rustanem. Liscio
24. ejusd. apud Ribier. T. II. pag. 401. Episc.
Jaurin. ad Comit. Veszprimien. Poson. 28. Maji.
Joan. Balassa ex Komisth. 12. Jul. Erasmi Teuf-
fel. Leva. 20. ejusd. Ladisl. de Geurbeth. Vien.
3. Aug. Franc. Batthyán. ibid. 27. ejusd. Mau-
ritii Duc. Sax. ad Franc. Bebek. Jaurino. 15.
Oct. Joan. Ungnad ad eund. ibid. 10. ejusd.
Supplicatio OO. Hung. ad Conv. Patavien. Po-
son. 26. Jul. Solymanni ad Andr. Báthori. &
Transilv. apud. Pray. P. V. pag. 481. Litt.
Episc. Jaurin. ad Nádasd. Poson. 23. Oct. Co-
dignac Legati Gall. ad suum regem. Constan-
tinop. 24. ejusd. Regis Gall. ad Solymannum
Rhemis. 28. Nov. apud Ribier. T. II. p. 408.
& 10. Istváni I. 18.

mitatui imperatum, ut copias statuas in numero habeat, quæ cis, ultraque Danubium, & Tibiscum, Hungariæ Præfectiæ obnoxie, quocunque periculum vocaverit, semper præstent. Ne autem exequendis mandatis morosa consilia, ut hactenus, obessent, rogatus rex, ut, si ipse non posset, Maximilianus in regno resideret, qui præsentia, & auctoritate sua quemvis officij sui admonere, & ut mandatis pareat, cogere possit.

Religionis etiam, quæ Pastorum defectu sensim labascebat, non postrema cura est habita. Strigonienſi Ecclesiæ Nicolaus Olabus, Agrienſi Franciscus *Eſtakhus*, Transilvanienſi Paulus *Bornemisza*, Mathias *Zaberdinus* Varadienſi, Quinqueecclesiensſi Antonius *Verancius*, Vacienſi Blasius de *Varadinopetri*, & Paulus de *Gregorianæ* Jaurinenſi, Antistites dati sunt, & leges priorum annorum, ut prisca tot seculorum religio ad pristinum florem reducat, & quæ novitatem præferret, tollatur, rursus confirmatæ, poenæque in eos statutæ, qui Episcopos, & verbi divini præcones vituperiis, contumeliis, aut verberibus afficerent, quive Ecclesias destruere, profanare, spoliare, & sacras imagines flammis addicere audent, luculento satis indicio, quantum mali studium novandæ religionis, & Germania sensim etiam in Hungariam intestini dissidii, & belli tempore invexerit.

Conven-

~~1559.~~ & pacis conditiones uberius proposituri essent.
 1559. Difficilem se primum præbere visus est, & *Aramontius* Gallie internuncius nihil non apud *Rustanem* egit, ut Legatorum conatus impediret, id enim *Ferdinandum* agere, ut pace, vel induciis conciliatis, copias *Carolo* fratri, ad opprimendum suum regem, conjungat, id autem si fieri pateretur, inconstantie notam in *Solymannum* redundaturam esse. Verum is, audito *Rustane*, ne sibi cum duobus hostibus eodem tempore negotium esset, rem ex suo magis, quam foederati regis commodo metiens, Legatos bene sperare iussos ab se dimisit, datis simul ad *Tuygonem* *Bassam* *Budensem*, mandatis, ut, cum Oratores regii adfuerint, incolumes *Constantinopolim* deduci jubeat, & interim ab omni hostilitate abstineat, tum revocata, ad tunc da *Græciæ* litora, ex *mediterranea* classe, apparatus in bellum *Persicum* fieri jussit. His intellectis *Ferdinandus* *Antonium* *Keramicum*, *Quinqueecclesensem* Episcopum, & *Franciscum* *Zay*, classis *Danubianæ* Præfectum, Oratores deligit, qui, quod *Transilvani* Legati coeperant, ad finem perducerent, simul rationem agendi, quam cum *Balsis* tenerent, in hanc sententiam præscripsit.

Cum *Budam* venerint, obtento a *Tuygone* *Bassa* libero, tutoque commeatu, *Constantinopolim* properabunt, hic *Rustanem* præ reliquis, sibi ut pollicitatione faventem red-

reddant, omnes nervos contendunt, spemque ei ingerant, si industria sua effecerit, ut Hungaria iisdem limitibus comprehensa, quibus sub Ludovico rege fuit, in Ferdinandi potestatem veniat, perpetuaque pax coalescat, primo anno XXX. millia, altero XX. deinceps autem, ut Joannes rex solebat, quotannis decem millia aureorum, muneris honorarii loco, obtenturum: sin vero restitulis omnibus locis, quæ anno superiore occupata erant, induciæ solum aliquot annorum concederentur, tum eidem primo anno quinque, & reliquis tria aureorum millia, durantibus induciis pendenda, promittent. Deinde modeste querentur, *Malvezium*, qui hactenus internuncii regii partes egisset, contra jus gentium, omnesque æquitatis rationes, innocuum custodiæ fuisse traditum, agent proinde omni studio, ut liber dimittatur, quod si obtinuerint, cum eodem, qui multorum annorum usu morem aulae Turcicae sibi probe cognitum haberet, consilia sua in rebus tractandis conferent, petentque a Rustane, ut, quanto celerius fieri potest, ad Solymanum admissi negotium, cujus causa venissent, ei proponere liceat. Similiter operam dabunt, *Achomatem*, & ab hoc *Ibrahimum*, & *Haydar Bassas*, qui a Rustane proximi sunt, facta annui muneris honorarii spe, sibi, suæque causæ concilient, in eo autem præcipue nitentur, ut primariam Solymani conju-

1553.

Kemény, & *Arimai*, qui Constantinopoli redierant, additi, his subrogati *Sebastianus Zekely*, & *Stephanus Budai*, qui censum Solymanno adferrent, neve ulla mora interpone retur, *Petro Haller* Thesaurario mandatum, ut hunc mutuo, aut alia quavis ratione corzaderet, quo uterque celerius mitti, & mandata regis exequi possint. His in provinciæ commodum statutis, novi in Hungaria motus a Petrovicsio excitati sunt. Venerat is. ex Polonia *Munkacsinum*, quod ex pactis a rege obtinuerat, ubi cum *Clemente Arthandi* consilia plena periculi agitabat, inde *Debrësinum* digressus. Nobiles vicinorum Comitatum in suas partes nitebatur pellicere, ab his rejectus *Turcas Szolnokenses*, & *Kaxon Bassam* accersit in subsidium, his conjunctus spem recuperandæ pro *Isabella Transilvaniæ* conceperat, præsertim, quod *Siculos* res novas moliri, & *Budensem Bassam* auxilio venturum, intelligeret. Commodum huic *Malvezzius*, Constantinopoli ad regem dimissus, in itinere factus obviam, quid *Solymannus* de induciis constituisset, retulit, eumque a consilio juvandi Petrovicsium avertit, qui, ubi se a *Turcis* deseri, & copiosam illarum partium Nobilitatem ad *Nyved*, duobus stadiis *Varadino* dissitum, in castra convenire audierat, receptum parans a *Zaberdino Episcopo*, & *Tahio*, magna suorum strage, in fugam conjectus est: *Siculi* quoque brevi post

in

in Conventu *Somkerekienſi*, poſitis armis quie-
vere. Caſtaldus, cum ſe præſentibus Vay-
vodis inuiſum omnibus cerneret, impetrata
miſſione, conſtituto, qui Germanis, & Hiſpa-
nis interea præſeſſet, legato, e Transſilvania,
invidiam cæſi Martinuſii ſecum ferens, diſceſ-
ſit. a)

XXII. Malvezzius interea Viennam ve-
niens, ut ad regem admiſſus eſt, in quem lo-
cum Oratores rem Conſtantinopoli adduxe-
rint, ordine retulit. Solymannum in anni
prioris exitu Alepum cum exercitu profe-
ctum eſſe, ut, exactis hybernis, primo vere
in Perſias movere poſſit; Ruſſani ſuſſectum
Achomatem, qui minus illo regis partes
ſoveret, ab induciis quidem non abhorrere
Solymannum, ſed ea conditione, ut Iſabellæ
filio aliquot arces in Transſilvania permit-
tantur, nec enim ſe puero, cujus tutelam
ſuſce-

a) Litæ Ferdinandi ad Petr. Haller. Vien. 3. Jun.
Caſp. Pécsi ad Nádasd. ibid. 29. Jul. Záberdi-
ni ad Franc. Tahi Varadin. 1. Aug. Nic. Ola-
hi ad Nádasd. Vien. 5. ejusd. Ferdinandi ad
Petr. Haller ibid. 13. ejusd. Caſp. Pécsi ad
eund. ibid. 5. & 11. Sept. Ejusd. ad eund.
ibid. 25. ejusd. Andr. Báthori ad eund. ex
Eched. 29. Oct. Epiſc. Bornemiſza ad eund.
ex Somkerek 8. Nov. Joan. Paxi ad eund.
Comarom. 4. Dec.

1554. suscepisset, ullo modo deesse posse, optareque, ut illi hac ratione consulatur, donec de statu ejus aliter ordinando se occasio offerret: sed id Oratoribus periculosum videri, si enim concessum fuerit, ut puer vestigium in Transilvania figat, brevi futurum, ut plerique ejus partes sensim amplectantur. Sub idem fere tempus ab Oratoribus significatum est, Solymannum alia omnia, quam prae se ferret, agere, qui nuper scriptis Alepolitteris, Petrovicsium *Lugosino*, & *Caransebeso* donatum, Transilvaniae praefecerit, omnemque operam jusserit impendere, ut Reginam cum filio in provinciam reducat. His a rege in consultationem adductis, nova mandata expectare jussus est, eaque Constantinopolim perferre, ob nuncium tamen a Vayvodis allatum, quo Isabellam cum filio reditum in Transilvaniam parare, eamque a pluribus cupide expectari, significabatur, destinatio in aliud tempus differri debuit, cumque fama in dies etiam e Polonia firmaretur, rex ad Calendas Martias Ordines Posonii adesse jussit. Convenere ad praestitutum diem, & praeter subsidium, si res Transilvaniae causa ad bellum veniret, collatum, poenamque in Praefectos militares, qui creditam sibi stationem metu, ignaviaque desererent, statutam, illud a rege praepriis flagitabant, ut Palatini magistratum, qui ab obitu Stephani Bathorii vacabat, ex legum praescripto instaurari

rari juberet. Ex candidatis electus est Thomas Nádasdius, per omnes tam in militari, quam civili re publica gradus ad primam a rege dignitatem Ordinum suffragio evectus. In *Aldanam*, qui *Lippam* turpiter prodiderat, constituto militari concilio, perfidiæ convictum, ut ceteris exemplo esset, pœna capitis decreta. a)

Comitiis ad finem vergentibus repente ad invidiam regi conflandam rumor diditus est, missum esse sicarium *Petricopiam*, ut filium Isabellæ, hic enim degebat, e medio tolleret. Id plerique Petrovicsis subornante factum judicabant, ut speciosam causam recuperandæ Transilvaniæ, quo illius curæ semper ferebantur, prætexeret. Vulgata fama, cui nunquam non aliquid veri subesse solet, regem permovit, ut Malvezium cum novis mandatis ad Oratores remitteret: accedebat illud quoque, quod Turcæ violatis induciis, duce *Hazanbego*, nuper e captivitate dimisso, *Filecum* in Hungaria, & in Croatia *Chasmam* cum *Verucia* occuparint. Malvezius Vienna dimissus, cum ob classiariorum, *Nazadistas* vocamus, tumultum, Comaromii subsistere cogeretur, & mox in gravem morbum incideret, Ferdinandus Augerium *Busbe-*

I 2

quium

a) Istvánfi l. 18. memorat, illum Mariæ, Maximiliani conjugis, intercessu liberatum esse,

1554

quum e Belgio accitum ei substituit. Eadem huic, quæ Veransio, & Zaya, mandata sunt data: illud adjectum, ne in censu annuo, Transilvaniæ causa, pendendo ultra XXV. millia aureorum progrediatur, spem quoque iis faceret, qui absente Solymanno rerum curam habent, muneris honorarii, ea ratione, qua illi se in Oratorum postulata proclives ostendent, dederintque operam, ut induciæ meliori fide serventur, neve Præfecti colonis, qui ex pacto mediam tributi partem Solymanno, & regi mediam pendunt, hanc deinceps vi eripiant. a)

Busbe-

a) Cod. jur. patr. ad h. a. Litt. Episc. Bornemiza ad Nádasdium, ex Gyalu. 16. Febr. Franc. Kendi. & Steph. Dobo ad eund. ex castro novo. 14. Mart. Solymanni ad Transilv. Alepo. 7. Apr. Ferdinandi Poson. 15. ejusd. apud Pray P. V. pag. 497. Casp. Pécsi. Vien. 20. ejusd. Ferdinandi ad Oratores suos. Vien. 25. Maji. Episc. Zaberдини ad Nádasd. Gyula. 31. ejusd. Joan. Balassa ad eund. Veterofolio 21. Sept. Eustach. de Keledz ad eund. Cassov. 22. ejusd. Pauli Zarkandy ad Episc. Ujlak. Agr. 24. ejusd. Verancii ad eund. Constantinop. 24. ejusd. Franc. Zay ad Nádasd. ibid. 25. ejusd. Steph. Dobo ad eund. ex Vincz. 3. Nov. Ferdinandi ad Oratores. Vien. 6. ejusd. Instructio pro Augerio Busbequ. ibid. Vien. 23. ejusd. Tuygon Bassæ Ruden. ad Nádasd. ex Rákos. 28. Jul.

Busbequius sub finem Novembris Vienna discedens ut Budam venerat, suffecto sibi hic Legato, Paulo *Deák de Palyna*, sequente anno 1555. ipsis Calendis Januarii Constantinopolim attigit, rebus interea magnopere mutatis. Achomate enim jugulato, Rustanem in priorem dignitatis locum repositum reperit, qui, ut ante bellum Persicum Oratoribus favebat, ita hoc feliciter confecto minus tractabilem se præbuit. Quod, si Malvezzius morbo non præpeditus ante finem belli adfuisset, vitari, & stabilem pacem confici potuisset, Busbequius facile intellexit, nec tamen propterea cum collegis in credita sibi provincia quidquam negligendum, & meticuloſe tractandum putabat, tametsi videret, rem difficultate non carituram, quod ab adventu suo certis indiciiſ comperisset, Petrovicsium jam anno priore a Solymano Transilvaniæ præfectum, admonitumque fuisse, ut Reginam cum filio in provinciam reduceret.

Interea Ferdinandus malignum rumorem, quasi in filium Reginæ sicarium constituiſſet, jam late per Europam propagatum diſſipare volens, scripſit ad regem Poloniæ, ut in eum locum, in quo ſicarius tenebatur, viros fide dignos præſtituto tempore mitteret, qui cum Georgio *Rakovſzki*, quem illuc deſtinaveſſet, captivum ad detegendam veritatem quaſtionibus ſubjicerent: ſua enim magnopere reſerre, ut tam gravis criminis ſuſpicionem a

1555. se amoveret. Rakovszkius acceptis mandatis itineri confestim se accinxit, rectaque *Visniczam* profectus Reginam adiit, expositaque adventus sui causa, rogabat, ut, cum nemo adhuc ex Polonis ad condictum tempus adesset, liceat sibi interim adire ficiarium, & præsentibus, quos fide dignos putaret, quid rei subesset, ex illo rescire. Regina tergiversari primum visa est, mox per Cancellarium suum responderi iussit, se magis de virtute Ferdinandi, ejusque magnanimitate persuasam esse, quam ut tantum scelus, obscuri hominis testimonio, regi ausit appingere, nec posse se, inscio patre rege, quidquam constituere, latius videri, si re, cui alioquin pauci etiam e vulgo fidem habeant, supersederetur. Verum, cum ille identidem urgere non desisteret, veniam obtinuit, ut *Violunum*, ubi captivus teneri dicebatur, concederet. Illuc digressus intellexit loci Præfectum, cujus curæ ficiarius erat creditus, in Rusiam abiisse, igitur ejus vicarium adit, petit, ut sibi cum captivo Hungaro loqui liceret, ille negare, quidquam ad id mandatorum se a Regina habere, nec de Commissariis a rege constitutis aliquid accepisse. Quare composito se circumduci videns, literas conducto bajulo ad Præfectum dedit, a quo cum in sextum diem frustra responsum expectat, concitis urbis primoribus scriptum porrigit, quo se a rege Ferdinando missum esse,

esse, protestatus, ut in consortio delegatorum Poloniæ ex captivo resciret, a quo ad necem filio Reginæ machinandam subornatus esset? jussu se propterea ad hanc urbem venire, sed nec delegatos a rege adesse, & Præfectum iter longinquum de industria, nec alia de causa suscepisse, quam ne cum sicario loqui, ex eoque veritatem exsculpere posset: hæc se idcirco protestari, ut ostenderet, nihil a se, quod ad detegendam veritatem, famamque regis sui vindicandam pertineret, prætermisissimum fuisse. Inde domum redux seriem actorum ad regem perscripsit, adjecitque, se, cum apud Reginam, & *Violuni* moraretur, diligenti indagatione famulorum suorum comperisse, communem tam in aula Reginæ, quam vicinis urbibus sensum obtinere, captivum præ nimia tormentorum, quibus excruciabatur, acerbitate fassum esse, se a Thoma Nádasdio regni Palatino ad id facinus subornatum, sed a dolore sibi redditum rursus negasse, & constanter etiam nunc negare. a)

I 4

Tam

a) Busbequii epist. ad Nádasdium Constantinop. 5. Febr. inter editas secunda. Litt. Georgii Vernerii ad eund. Eperies. 15. Mart. Relatio Georg. Rakovszki ad regem Violuno. 26. ejusd.

1555.

Tam exquisita in occultando homine, ex quo uno vulgati criminis veritas, aut falsitas in lucem protrahi poterat, sedulitas luculento indicio est, rumorem de sicario ex composito sparsum esse, ut Isabellæ, quam privatæ vitæ jam tædebat, speciosam causam pro^{re}ditu in Transilvaniam prætexerent, de quo jam ante per occultos nuncios Constantinopoli opera Legati Galliæ agitatum erat, & recens, Francisco *Cranddy* ad Solymannum *Amasiam* misso, filii nomine petebat, ut in pristinam possessionem reponeretur. Non latebat id Oratores nostros, qui communi consilio Busbequium ad regem, ut in re tam ancipiti nova mandata afferret, remittendum existimabant, ipsi autem impetrato com metu Isabellæ Oratorem, ut ejus conatus everterent, consequuti sunt. Accelerationem suadebat periculi gravitas. Solymanus enim parum Ferdinandi litteris, quas ad eum dederat, tribuens, Isabellæ filium rursus in tutelam recepit, pollicitus, se mandata ad Græciæ Præfectos daturum, ut ei ad recuperandam Transilvaniam adjumento sint. Regina his promissis illecta cum filio *Zonorum* in Hungariæ, & Poloniæ confinio situm venit, cum interea Bassa Budensis ad Vardinum, Petrovicius ad Lugosinum, & Moldavi, ac Valachi in Transilvaniæ limitibus copias cogerent. Jam omnia in promptu erant, ut Regina in provinciam induceretur, cum
repen-

repente studio Oratorum apud Solymannum interposito induciæ in sex menses prorogatae sunt, sed mala fide a Turcis servatae, qui *Babolcsam*, & *Corothnam* interim, nostris induciarum fide securis, occuparunt, nec ante rapinis finis factus, quam Solymannus justis Ferdinandi querelis motus severe imperasset, ne quid hostiliter auderent, donec Busbequius rediret, qui per idem plane tempus Constantinopolim cum novis mandatis, & muneribus advenerat, indeque *Amassiam* ad collegas profectus exiguam pacis in solidum conciliandæ spem superesse vidit, quod hanc Solymannus non aliter inire propositum habebat, nisi rex Isabellæ filio præter Transilvaniam *Varadinum*, *Gyulam*, *Cassoviam*, aliaque cis, ultraque Tibiscum insigniora loca cederet, in qua ditione cum multi, qui Ferdinandi partes sequebantur, bona possiderent, resque in utramvis partem difficilis consultationem Ordinum poscere videretur, comitia ad Calendas Januarias Posonium indicta sunt. a)

XXIII.

- a) Litt. Episc. Bornemisza ad Nádasdi ex Székelyvásár 5. Maji. Tuygon Bassæ ad regem ex Kelenföld. 15. ejusd. Casp. Pécsi ad Nádasdi Augusta. 17. Jun. Fanc. Zay ad eund. Constantinop. 30. ejusd. Mich. Takaró ad eund. ex Tihany 3. Jul. Steph. Dobó ad eund. ex Zazse.

1556. XXIII. Hæc, cum rei momentum in celeritate situm esset, spacio XV. dierum, seposito altercandi studio, finem habuere. Præter subsidium consuetum quinquaginta numi, & operæ ad muniendas arces constitutæ, si bellum per Legatos gereretur: Nobiles de centum colonis decem Equites se ad id missuros, si rex copiis præesset, viritum cum eo se ituros polliciti sunt. Eodem pene tempore Transilvani, quos Petrovicius adventantis Solymanni fama territabat, celebrato *Vádsárhelyini* Conventu, nuncios ad regem misere rogatum, vellet pro sua in provinciam cura copias eo numero mittere, quæ hosti propulsando pares sint, alioquin sibi vitio, & fraudi minime verti posse, si alterius domini impe-

Zazsebes. 3. Aug. Pallavicini ad regem ex Csehi. 21. Sept. Maximilian Boh. regis ad Nádasd. Vien. 29. ejusd. & ad Oratores. ibid. 23. ejusd. Regis ad eosd. Vien. ad eosd & ad Solymannum Oenipont. 4. Oct. Hujus ad Isabella filium, Amasia. 15. Maji. Ejusd. ad Ferdinandum regem. ibid. 1. Jun. Hujus ad Solymannum. Augusta 17. Sept. & eod. ad Oratores. Rursum ad eosd. Oenipont. 4. Oct. & Hungariæ OO. Vien. 13. Nov. apud Pray. l. c. pag. 507. Codignac ad regem Gall. Martines ad eund. Constantinop. 20. Maji, & 2. Jul. apud Ribier. T. II. pag. 559. — 78.

imperata facere coacti fuerint, oratum proin-
velle, ut in eum eventum se a fidelitatis ju-
ramento solutos pronuntiare non gravetur.
Hæc ad speciem dicebantur, jam enim mul-
to ante ad Isabellam respiciebant, quæ per
nuntios apud Solymanum, & regem Galliarum,
ut non solum Transilvania, sed ea etiam,
quæ conjux in Hungaria possederat, sibi
redderentur, Petrovicsii suasu agebat. Ac
Gallus quidem, quod ad Transilvaniam at-
tinet, operam suam se interpositurum rece-
perat, a reliquis autem ut abstineret, & spon-
sioni nuptiarum cum Ferdinandi filia renun-
ciaret, monuit. Hæc dum Legatus Galliarum
cum Rustane regis sui nomine agit, nuntii e
Transilvania Viennam, ut periculi gravita-
tem regi proponerent, venere: auditos bono
esse animo, &, quid Oratores cum Solyman-
no confecissent, exspectare, nihilque interim
in provincia innovare iussit. Responsum non
perinde ab omnibus acceptum est: major
pars, eorumque in primis, qui Lutheri, &
Calvini doctrina imbuti erant, constans Fer-
dinandi in religionem avitam studium aver-
sati, Petrovicsium cum Moldavis, & Vala-
chis accersierant, qui sine mora Transilva-
niam mense Martio ingressus, abrogatis in
Sebesiensis Conventu Ferdinandi Statutis, &
occupatis Episcopi, ac Capituli Bonis, Al-
bam Iuliam obsedit, qua subacta, facile reli-
qua in potestatem redegit; *Dobó* provinciarum

Yay-

1556. Vayvoda, *Kendius* enim ejus collega, jam ad *Isabellæ* partes transierat, in arce nova inclusus tenebatur, quo factum, ut plerique in verba *Isabellæ*, ejusque filii jurarent; *Andræ de Báthor LX.* dierum mora deliberandi concessa, in quam partem se dare vellet: *Franciscus Bebek*, *Gabriel Perényi*, & *Georgius Báthori*, sponte defecerant.

Turcæ interim, ne nostri *Transilvaniæ* possent opitulari, *Szigetum* obsederant, a quo semel, iterumque *Marci Horváthi* virtute rejecti sunt. *Babolcsa* primum irrita labore a nostris tentata, victo dein gemina pugna hoste, in potestatem redacta est. Commode *Ferdinandus* regis filius, rudimenta militiæ positurus, exercitum ex *Bohemis*, *Moravis*, & *Styris*, præter mille Equites Hungaros, decem fere millium adduxerat, cujus adventu hostis aleam tentare non ausus, intra suos limites se continuit. a) Utcunque autem ad *Babolcsam*, & *Szigetum* prospere res gesta fuerit, *Ferdinandus* tamen adversa sibi alias, & recens *Caroli* fratris, cui anno priore bellum cum Gallo infeliciter successerat, fortuna

na

a) Litt. Episc. Bornemisza ad Archiep. Strigon. ex Gyula. 15. Mart. Andr. Báthor ad Nádasd. ex Alvincz. 17. ejusd. Steph. Dobó ad eund. ex Ujvár. 13. Apr. Casp. Magochi ad eund. Gyula. 20. Jun. Marci Horváth ad regem Szigeto.

na motus, Oratoribus mandata dedit, ut pacem quibuscumque conditionibus, modo ne regiae dignitati derogent, cum Solymanno in-
cant: Transilvania se decessurum, si Isabel-
la vicissim duos Ducatus in Silesia, & Petrovicius *Munkacsinum* secundum transactionem olim initam reddiderint: agerent etiam cum Rustane, ut, qui arcibus inclusi adhuc tenentur, salvis rebus, cum tormentis, & reliquo apparatu bellico, quem ex Hungaria, & Austria in Transilvaniam afferri curasset, quæve induciarum tempore, & nuper a Turcis occupata fuissent, reddantur, de limitibus dirimendis habere illos jam mandata, &, si novis opus esset, hæc se quoque, ut res se dederint, missuram, acturumque, ut in Comitibus Ratisbonensibus Imperii Principes nova subsidia decernant, quo pax facilius coalescat.

Finium constitutio, postremus protractæ jam in quartum annum Legationis actus,
ma-

geto. 10. Jul. Franc. Batthyán ad Nádasd. ex Némétújvár. 14. ejusd. & 22. 26. ejusd. Consultatio bellica in castris ad Csorgó, 16. Jul. ad Babolesam, 18. ejusd. ad Berzencze, 24. ejusd. & ad Canisam 28. ejusd. Ferdinandi ad Nádasdium, & ceteros duces. Vien. 27. ejusd. Codignac. ad regem Galliarum. Apud Ribier. T. II. pag. 591. Franc. Forgács hist. I. 2.

1556.

maximam difficultatem Oratoribus confecit, quod Rustanes fastuoso supercilio Imperatorem suum non contentum sola Transilvania, Hungariam quoque totam velle, nec aliter pacem conciliari posse, diceret. Id licet Oratoribus stomachum moveret, leniter tamen hominem tractandum rati, non satis assequi se posse dicebant, qui fiat, quod, cum Solymanus, si rex Transilvaniam Isabellæ filio cederet, quidquid extra hanc illius esset, depenso quotannis munere honorario, in ejus potestate mansurum, antea promississet, nunc mentem repente mutarit, vereri se, ne, si hujus fama ad externos pervaserit, invidia in Solymanum, qui apud Principes Christianos datæ semel fidei tenacissimus haberetur, aut potius in Rustanem, cujus consilio illum omnia agere constaret, magna nominis diminutione recidat. Sensit se per latus peti, & aliorum sermonem flectens, mirari se interjecit, cur Ferdinandus se regem Hungariæ diceret, & dici ab aliis pateretur, cum non ignoret, illam, victo ad Mohácsum Ludovico rege, Budaque Metropoli occupata, jure armorum Imperatoris, & ab hoc Joanni regi subdito suo, & fiduciario datam fuisse? Illi pauca de pactis inter reges Hungariæ, & Austriæ Duces olim, & nuper inter Joannem etiam initis, tum quid inter jus hæreditarium, ac electivum interesset, proloquuti, præcipuam quæstionem de industria in memoriam

riam ei revocantes petebant, ut finium dirimitio in eum modum fieret, quem Solymanus jam ante verbis, & litteris suis regi ipforum constituisset, hac solum conditione, nec alia, se conciliandæ paci posse assentiri; Hac ipse jam in quartum annum se lactatos, & Solymannum magna cum sua, tum itineris molestia in Cappadociam fuisse consequutos; nunc rem in eum locum redire, in quo erat, dum Constantinopolim venissent, habere se in mandatis, ut, si, quæ petiissent, negarentur, domum redeant; itaque rogatum velle, ut de missione sua cum Solymano quamprimum agat, firmam sibi spem esse, se non tam illiberaliter, ut olim Barnabam *Belajum*, retinendos, hæere adhuc Hungaris facti illius memoriam, non facile, nisi a Solymano oblitterandam videri. Ille & *Belaji* exemplo se admonitum, & petita missione præventum videns, cum responsam rei opportunum in promptu non haberet, captiosis, & a proposito alienis quæstionibus Oratores fatigans, tandem ad *Stigetum* delapsus est, quod nisi sanditus convellatur, de pace ne cogitandum quidem esse affirmabat. Quoties enim præsidarii ex eo loco in domini sui ditiones procurrerent, ut hætenus crebro factum est, actisque prædis homines abigerent, toties quoque pacem interruptum iri, quæ autem stabilitas pacis sperari posset, si hanc privatis, cum libet, violare liceat? his dictis Oratores

1556. ~~_____~~ tores futuri incertos ab se dimisit, quod nihil prius de pace vellet constituere, quam, quo eventu res Transilvanicæ se darent, comperisset. *a)*

Hæc, ut jam antea in fide regi obstricta nutabat, ita revocata Isabella penitus defecit. Adventanti cum filio XII. millia aureorum in limitibus dono oblata sunt, & Conventus Claudiopolim indictus, in quo, cum ante omnia agendum de re publica fuisset, hac cura insuper habita, postulatum a Regina est, ut cuivis, quam vellet, novitiæ religionis sectam profiteri fas esset, tum ut Episcopatus cum Capitulis aboleatur. Primum, hæc enim præcipua a Ferdinando recedendi causa erat, liberaliter concessum, non item alterum, graviterque Regina ferebat, quod Albenſe Capitulum demoliti fuissent, bonaque illius, Fisci quidem nomine occupata, sed a quovis, ut erat potentior, in suos usus direpta essent. De Dobonæ Vayvoda deinde actum, ut cum fratre Dominico, & familia liber dimitteretur, redire volentem Regina, quod inter impedimenta etiam arma veheret, contra fidem a se, tum Poloniæ regis Oratoribus, ac ipsis etiam provincialibus datam, rebus direptis, cum sociis in carcerem conjici jussit. Ea re plerique offensi sunt,
illud

a) Litt. Ferdinandi ad Oratores. Vien. 15. Jun.

illud quoque graviter ferebant, quod proven-
tus, quos ante Quæstor curabat, suæ uni-
curæ committi, nec provinciæ Præfectum,
quod plures prensabant, ceterosque magistra-
tus constitueret, Polonis plerumque in publi-
cis negotiis usa. Itaque multos jam facti
pœnitere cœpit, inter quos Melchior *Balassa*,
& Gabriel *Pereni* fuere, qui cum amicis in
Hungaria, ut regem sibi concilient, clam age-
bant. Ferdinandus de his edoctus, tanto
magis subsidia ab Imperii Ordinibus flagita-
bat, quanto major, vacillantibus in Trans-
silvania rebus, si non recuperandæ provin-
ciæ, certe vicinam illi ditionem refinendi
spes erat, scripsitque Posonium ad Consilia-
rios, ut regni nomine Oratores Ratisbonam
mittant, quorum adventu Imperiales ad fe-
rendum auxilium proniores reddantur. Fran-
ciscus *Forgács* Episcopus Varadiensis, vir di-
fertus, Petrus de *Macedonia*, cubiculorum
regiorum magister, & Georgius *Hofzathóti*
ad obeundam hanc provinciam delecti sunt. a)

XXVI.

a) Litt. Anonymi ad Palatinum Nádasdi. 7. Sept.
Joan. Lifthii Episcop. Jaurinea. ad Franc. de
Batthyén. Vien. 3. Oct. Ferdinandi ad Archiep.
Strigonien. Ratisb. 9. Dec. Episc. Jaurin. ad
eund. Poson. 26. ejusd. Georg. Serédi ad re-
gem, ex Makovicza. 3. Jan. 1557. Relatio le-
gationis Turcicæ.

XXIV. Rediere sequenti anno XVIII
 1557. Martii, promissis amplissimis onerati. Or-
 dines enim Imperii, cognito nostro periculo
 tantum æris se collaturos polliciti sunt, u
 XL. Peditum, Equitum vero VIII. millia
 gravis armaturæ conscribi, & octo mensib
 ali possent. Facile tam liberali subsidio Trans-
 silvania recuperari poterat, si aut integre
 præstitum, aut tempori adfuisset, quæ enim
 ex Franconia venerant copiæ, & paucæ nu-
 mero, & sero aderant, cum Petrovicius in-
 terea, quidquid extra illam Tibisco, & Ma-
 rusio fluminibus contineretur, ipsa hyema
 occuparet, *Gyula* solum, *Huszum*, & *Szölö-*
sum vim represserant, quæ quo minus in ho-
 stis potestatem venerint, Rustanes Ipe mu-
 nerum delinitus, in causa erat, qui Buden-
 sem, ceterosque Præfectos, ne, confectis jam
 induciis, se rebus Transilvanicis ingerent,
 vetuit, Reginæ graviter infensus, quod mis-
 sis ad Solymannum Joanne *Zaldnczio*, &
Keményio non solum ea, quæ extra Trans-
 silvaniam occupasset, & Imperator jam ante
 ei pollicitus erat, sed quidquid inter Tibi-
 scum, & Valachiam Turcis paret, jure m-
 riti, & filii repeteret. Negatum cum ind-
 gnatione utrumque postulatum est, & nu-
 cii, quin adeundi Solymanni veniam obt-
 nuerint, remissi, arctioresque limites ita co-
 stituti, ut, quod a fonte Marusii ad *Dev-*
tenditur, Reginæ, & filio, reliquum Turc
 mane.

māneret. Periculosa res Transilvanos, qui, 1557.
eodem, quo nūcīū redierant, tempore. Con-
vectam agebant, seque nimium angustis li-
mitibus coarctari, nec tam Regiñe posthac
subesse, quam Turcarum servos fieri dole-
bant; multosque temporis, quo Ferdinando
parebant, recordatione admonitq̃ non ob-
scure feminei impetū tēdebat, præsertim
quod Petrovicius a Martinusium imitatus, re-
stituta Regiñe potestate, gravissimis exaction-
ibus plerosque ab ea averteret, qua occa-
sione rex facile in suum commodum uti pot-
erat; nisi illum induciarum fides, & Ora-
torum adventus, qui relicto Constantinopoli
Busbequio, proxime affuturi erant, remora-
ta fuissent. Viennam mense Octobri, itaque
serius, quam Ferdinandus Pragam auxilio-
rum causa profecturus optabat, attigere, &
Legationis suæ rationem, quoque loco rem
Constantinopoli reliquissent, scripto compre-
henderunt.

Summa illius hæc erat: Inducias quidem
esse prorogatas, pacem tamen solum a *Szi-
geto* pendere, cujus, nisi id funditus everta-
tur, ambigua spes sit, atque hanc unicam
viā a Rustane esse propositam, qua domi-
nus suus ad eam conciliandam flecti possit.
Ad limites atrinque dirimendos viros dele-
ctum iri, qui hos secundum pacta secernant;
de his vero, quæ extra Transilvaniam Re-

1557.

gina occupasset, nihil nunc consistui posse, quod, quibus conditionibus Transilvaniam olim regi cesserit, sibi non constaret, egere rem declaratione, quæ si jure niteretur; Solymannum deinde facturum, quod æquitati consentaneum esset. His conditionibus si rex consentiret, pacem, si contra, bellum ei denunciarent. Hæc Rustanes quidem solito sibi fastu, non ea tamen, qua alias, oris libertate. Cum enim non dubitaret Oratores, qui *Ferhato* natione Hungaro interprete utebantur, minime latere, Philippi regis Hispaniæ relatum nuper de Gallo victoriam, verebatur, ne non in hoc ancipiti fœderati regis statu, parum æquas pacis condiciones Oratoribus proposuerit. Accedebat & illud, quod ante, quam discederent, Persarum Legatus liberum in Armeniam commercium, & Præfecturam Babylonis filio regis sui peteret, & hac solum conditione stabilem pacem utriusque futuram, sin minus, regem suum tempore usurum diceret. Hæc Rustanem, qui Solymannum crebro morbo laborare sciret, ipse autem mulierum suarum lenociniis irretitus a bello abhorreret, permoverant, ut abituris Oratoribus spem de honestioribus conditionibus eminus ostenderet, modo explorata regis sui mente, quamprimum redirent, & Busbequium interea, quæ tractanda superessent,

essent, curare sinerent. a) Sic per hunc in Ferdinandi partes alioquin proclivem, facile jam nunc pax coalescere poterat, nisi *Aly Bassa* paris fere apud *Solymannum* admissionis, bellicque appetens, ob diuturnam cum illo similitudinem restitisset, qui clam nuncium in Galliam, quo loco isthic res essent, exploratum misit, & *Petrovicsio* præterea, ne ab armis desisteret, autor erat, sive æmulo suo pacis, si quæ futura esset, gloriam præciperet, sive illi apud *Solymannum*, jacto novi bellisemine, invidiam consciscere voluerit. Utrumvis sit, *Petrovicsius* monitis *Aly Bassæ* obsequutus, dum annus jam in exitu erat, *Leleſzino* intercepto, castrum *Szölös* obfidione cinxit, quod cum ob hyemis rigorem, ad deditionem cogere non posset, actis, quacunque ibat, spoliis, in Transilvaniam rediit. b)

1557.

K 3

XXV.

a) Relatio Ant. Verancii, & Franc. Zay, de legatione obita ad regem. Ex Keupcsin. 18. Oct.

b) Litt. Casp. Pécsi ad Nádasd. Ratisb. 9. Jan. Joan. Lifthii ad eund. Vien. 12. ejusd. Bassæ Buden. ad Casp. Magocsi Buda. 11. Febr. Joan. Paxi ad Nádasd. Comarom. 25. ejusd. Archiep. Strigon. ad eund. ibid. 18. Mart. Casp. Magocsi ad eund. Gyula. 15. Jul. Sigism. Tor-da ad eund. Eperies. 21. ejusd. Articuli Comitatum citra Danubium, in Körmend. 22. Aug. Episc.

1558.

XXV. Tam frequenti induciarum violationi, ut rex modum poneret, litteras per celerem nuncium ad Solymannum plenas querelis dederat, petitque, juberet Transilvanos, & Præfectos Turcarum, ne quidquam deinceps hostile tentarent. Erat is tum Adrianopoli, quo Busbequius quoque accersitus, cum ex litteris sibi inscriptis mandata regis intellexisset, gravi oratione, quæ esset induciarum ubivis gentium sanctitas, & fides, explicuit; venerat eodem & ab Isabella nuncius auxilia postulatum. Hærebat anceps, quid faceret, consilia sua ex eventu rerum Gallicarum metiri solitus, fuere domi quoque, quæ vicinum periculum minabantur. Odia inter *Bajazethem*, & *Selymum* filios ita jam gliscebant, ut in apertum eruptura plerique metuerent, & Persas in Tartaros bellum parare, non inanis rumor erat, ex nuncio quoque, quem *Aly Bassa* in Galliam miserat, reduce intellexit, Ferdinandum Germaniæ regem, vivo etiamnum Carolo, renunciatum esse. Quæ ille omnia mente complexus, ne quoad res apertius se darent, in alterutram partem offenderet, consueta simulatione usus, ad

Episc. Nitrien. ad Nádasd. 26. Sept. Aut. Vrancii ad eund. ex Keupcsin. 18. Oct. & regis ad hunc. Vien. eod. Sigism. Torda ad Nádasd. Eperies. 4. Nov. & Cassovia. 27. Dec,

ad Bassam Budensem scripsit, ut ad constituendos ditionum utrinque limites loca designet, eaque, si Ferdinandus suos delegarit, in numero habeat: Reginae autem nuncio mandatum, ut Moldaviensi Vayvodæ bona, quæ in Transilvania possederat, reddantur; de auxiliis ita ambigue respondit, ut ea distulisse magis, quam negasse videretur. Nondum Transilvanus redierat, cum Moldavus celerrime per suos familiares, quid Solymanus statuisset, edoctus armata manu, ut sua recipere, in Transilvaniam irrupit. Id *Kendio* utrique, & Francisco *Bebekio*, qui dudum feminæ Imperium exosi erant, occasionem præbuit, ut Regnam ab administranda provincia remotam Varadinum mittere, & filium a feminarum consortio abstractum retinere cogitarent, per cujus adolescentiam ipsi Triumviratum se consequuturos sperabant. Tempestive tamen machinatio detecta est, fatalis paulum post auctoribus futura. Petrovicius a Legato Gallico admonitus, ut Reginae suaderet, Solymanum nova Legatione convenire, qua partis Moldavo cedendæ jacturam, Lippa, & Temesvaro redditus, compensari peteret. Id *Kendiis*, & *Bebekio* interitum conscivit. Cum enim ipsi quoque nuncium Constantinopolim misissent, qui Solymanum edoceret, Regnam nil aliud, si Lippa, & Temesvarum redditum fuerit, moliri, quam ut Transilvaniam Ferdinando ex

1559.

contineret, nullique, si in ditiones Ferdinandi excurreret, impune esset, Isabellam autem spe duceret, quod cis Marusium extra Transilvaniam est, eidem adjectum iri. Quæ ubi indicio Busbequii ad regem pertigere, Ordines Posonium ad Conventum excivit, cum subsidiorum causa, tum ut licentiæ militari modus poneretur, fere enim more Turcarum non gregarii solum, sed Præfecti etiam in ditione, ubi stativa habebant, stipendia non rite præbita causati prædas agere solebant, plebe ad incitas fere redacta. His ad deliberandum propositis, ad Comititia, quæ primum Imperatorio nomine indixerat, Augustam profectus, Principes, quod quædam in pace religionis non satis perspicua viderentur, difficiliores in principio ad decernenda subsidia reperit, postea tamen, quam Passaviensem concordiam iterum ratam haberet, non solum XL. florenorum millia, quæ ex superioribus annis restabant, sed in quinquennium præterea quingenta quotannis se numeraturos receperant.

Ex Comititiis reversus, Archiepiscopum Gnesnensem a rege Poloniæ, & Michaellem *Gyulai* ab Isabella missos, Viennæ reperit. Mandatorum, quæ afferebant, hoc præcipuum caput fuit: Reginam, cum se a Turcis inani spe circumduci videret, periculumque esset, ne non Transilvaniam sensim penitus sub jugum mittant, paratam esse, consentiente etiam

etiam patre suo, in clientelam regis concedere, si, ut pactis olim conventum erat, filio uxorem daret, eique Transilvaniam cum ditione Marmarosensi permitteret, & patrimonio *Hufutum*, ac *Munkacsium* præterea adderet. Quorum aliqua cum aperte conditionibus cum Joanne rege quondam initis adversarentur, & non vanam suspicionem regi ingererent, rem simulate agi, uterque re infecta, dimissus est. Regina partim ob repulsam, partim quod se suis in dies magis invisam existimaret, XV. Septembris mœrore confecta obiit. a)

XXVI. Nec feliciorum exitum Transilvana Legatio sequente anno habuit, cum Joannes Sigismundus, defunctæ filius, non solum priora postulata instauraret, sed præter regium titulum, ut Danubius ditiones utriusque, & Tibiscus limes extra Transilvaniam

a) Cod. jur. patr. ad h. a. Litt. Verancii ad Nádasd. Eperies 13. Jan. Casp. Magocsi ad eund. Gyula. 25. Mart. Joan. Liffhii ad eund. Viën. 6. Apr. Anonymi ad eund. 12. Jul. Episc. Quinqueecci. ad eund. Augusta 27. ejusd. Fran. Batthyán ad eund. ex Zolnok. 26. ejusd. Verancii ad eund. Viën. 16. Aug. Casp. Pécsi ad eund. ibid. 11. Sept. Andr. Báthori ad eund. ex Lifzkava 22. Oct. Episc. Modrusien. ad eund. Vien. 22. Dec. Franc. Forgács hist. I. 9.

1560. vaniam confisteretur, peteret. Titulum rex negavit, id enim quid aliud erat, quam jus ei in Hungariam asserere, & ut sub patre erat, reddere bicipitem? Transilvaniam quidem fiduciario jure se ei concessurum, modo vicissim, quæ extra hanc matris tempore occupata erant, redderet, & Transilvania, si sine hærede masculo obiret, in pristinum Hungariæ jus redeat: quæ cum Legati in Transilvaniam perscripissent, nova mandata accepere, jussique sunt in petendo regio titulo, quem ei Solymannus, sui que tribuissent, persistere, si Imperatorem difficiliorem viderent, negotium illo usque differre studeant, donec avunculum suum regem Poloniæ possit consulere, in reliquis habere illos satis explicata mandata, quæ sequerentur, agantque sedulo, ut inducias inter tres, duosve annos, si nec id possent, certe annuas impetrare conentur, nec in eo difficiles sint, ut loca, quæ hactenus utrique parti tributum solverunt, etiam deinceps pendant. Cum neque hac ratione quidquam, præter inducias annuas, impetrassent, in Transilvaniam rediere.

In Solymanno, cujus tutela alias nitebantur, nihil tum quidem spei erat, quem multiplices curæ magis occupatum habebant, quam ut illorum causam tuendam susciperet. Classis Hispana, Pontificiæ, & Siculæ conjuncta, provinciis illius imminabat, Turcica vero, quæ ex sinu Arabico mare Indicum oberabat,

rabat, a Lusitania partem messis, partim capta est, & *Bajaethes*, postquam Persarum Legatus frustra cum patre de concordia egisset, summo ex desperatione animo, Turcicas ditiones infestabat. ^{a)} Tot eodem fere tempore allata nuncia Solymanni mentem ab Hungaria, & Transilvaniz rebus penitus abstraxerant.

1560.

Hoc, si ullum alias, tempus Ferdinando opportunum erat, ut inducias toties a Turcis violatas ulcisceretur, nisi earum fides, & curæ ad consananda vulnera domestica, ex religionum dissidio inflicta, illum ab hoc proposito retraxissent. Bona Ecclesiarum exemplo Germaniz promiscue direpta, quo fiebat, ut Prælati, cum subsidia in bellum postebantur, parum præbere possent, iniqui autem possessores ea vel inutiles, vel sero præstarent, magis de constabilienda novitia religione, quam repræmandis Turcarum progressionibus solliciti. Huic vulneri curando, rex convocatia Viennam ad peculiarem Conventum Episcopis,

a) Litt. Casp. Pécsi ad Nádasdium. Vien. 5. Jan. Fränk. Batthyán ad eund. ex Ujvár 7. Mart. Andronici Tranquilli ad eund. Tragurio 15. Apr. Szentgothárdi ad eund. Vien. 1. Jun. Sigismundi regis Polon. ad suos Legatos Albis Jul. morantes. 1. Apr. apud Wolsf. Bethlen, 1. 5. apud Pray P. V. pag. 531.

1500. scopia, & Magnatibus prius religioni addictis statuit, ut Bona Ecclesiarum sive virepta, sive a se aliis collata fuissent, sine mora legitimis possessoribus, si viverent, sin. decessere, Archiepiscopis, & Episcopis interim curanda, donec dispensationis pro jure suo constituat, reddantur, aliis solum exceptis, qui condendis scholis, & alendis Præceptoribus catholicis jam alias concessi. Hæc Viennæ, cum fundi Ecclesiarum ad jus patronatus majestatum pertinentem non concitis regi Ordinibus acta. Id exteris scriptonibus non satis verum nobiscum peritis occasionem præbuit, ut Ferdinandum ad opprimendam Protestantium religionem hæc egisse, in litteras referrent, quasi fas ulli unquam fuerit, cujuscunque tandem sit religionis, aliena invitis dominis rapere, & usurpare? a) Consultatam etiam fuit de Maximiliano coronando, intercessit tamen Palatinus Nádaschius, qui magis in Ferdinandum, militaris animi Principem, quam illum inclinabat, maluitque rem ad regi Ordines referri, quam ut privatim de ea decernatur.

In Transilvania novi pene motus ex vicina Moldavia orti. Jacobus quidam natione Græcus, variis actus erroribus, ad Alexandrum Moldaviæ Vayvodam pervenit, cujus crude-

a) Ludov. Gebhard, Geschichte des Reichs Hungarn. P. II. pag. 350.

crudelitatem cum plerosque execrari videret, consilium ejus de sede deturbandi cepit. Primum illi res cum copiis Alberti Laskii Siradiensis Palatini parum auspicato cecidit, mox permissu Ferdinandi a Francisco Zayo Cassoviæ præfecto octo armatorum millibus adjutus, victor provinciam regi clientelarem fecit. Transilvani, qui hostem sibi in novo Vayvoda parari metuebant, Comitiam trium Nationum, vocatis etiam iis, qui Hungariam cis Tibiscum colunt, ad V. Idus Novembres Claudiopolim coegerant. Hærebat illud præcipue omnium animis, quod Ferdinandus titulum regis suo Principi negasset. Ab hac de rege querela initium Comitibus datum, mox non servatæ fidei postulatus, quasi Transilvanorum ditioni vim intulisset, cum hanc solum repulerit. Id illo spectabat, ut majora a provincialibus subsidia extorquerentur. Decimæ Episcopatus, & Capitulorum, quarum pars exactis e provincia possessoribus ad Fiscum recidit, partem Saxones usurpabant, in hunc censum venire. Ad hæc florenus ad sextam Decembris exhibendus cunctis imperatus, nec Siculi ab hoc onere liberi, Saxones præterea, si opus esset, militiam viritim se professuros receperant; ita religio mutata etiam animos, & immunitatum prærogativas, quod nec imperantium mandata, nec publica necessitas forte fecissent, subito immutavit. Inter hæc Solyman-

nus,

1560.

nus, qui jam diu expeditionem in Persiam meditabatur, comperto Hispanam classem accepto ad Tripolim damno, domum revertisse, signum ad profectionem dedit, ne quid intutum tamen in limitibus relinqueret, misso ad regem Poloniæ apud Livones commorantem Legato, Tuygonem inducias inviolatas servare jussit, de Transilvanis minor illi cura, quod ab imperio suo penderent, & domi oborto inter Calvinii, & Lutheri afsecclas religionis dissidio paribus fere odiis altercarentur. a)

1561.

Idem dissidium a *Melanchthonis* obitu in Germania exarsit, ad quod sedandum Conventus Naumburgum Saxonie oppidum indictus erat, cujus causa Ferdinandus, ut illi interesset, Comitia, quæ Polonium ad VI. Januarii indixerat, in aliud tempus prorogavit; sed cum videret disceptantes vel in ipsis suæ confessionis capitibus discordare, nec Concilio Tridentino, quod jam tertium illorum causa convenerat, adesse velle, relictis

a) Decretum Ferdinandi. Vien. 10. April. Litt. Jean. Eifeler ad Nádasdium ex Paumgarten. 21. Sept. Articuli Statuum Transil. Kolosvári. 11. Nov. Litt. Mart. Szentgothárdi ad Nádasd. Poson. 3. Dec. Ferdinandi regis ad Alex. Thurzo. Vien. 23. ejusd. Pauli Gregoriancz ad eund. ibid. Poson. 22. Jan. an. 1562.

lictis illis Pragam divertit; mox, quod Turcas Szigeto minari crebro nunciaretur, Vienne vocatus mandata ad Palatinum misit, ut vicinas hostibus arces, quæ defensioni minus aptæ, & illis forte, si occuparentur, usui esse possent, funditus evertat, militiamque *Papam* deducat, quod is locus Jaurino, & Comaromio tuendis, hostique a reliqua ditione arcendo præ aliis idoneus videretur; ipse, si quid rumori de Turcis didito subesset, Conventum ad Calendas Augusti Posonium indixit, ad quem Legati etiam e Transilvania adfuturi nunciabantur, qua de causa *Cromerus* Poloniæ regis nomine jam Viennam quoque advenerat; frustra tamen expectabantur, quin pro Legatione arma, Turcis etiam in societatem vocatis, parabant. Ferdinandus, cui necessarium in Bohemiam iter erat, constituto interea, qui res Hungariæ curaret, Maximiliano filio, Franciscum *Zayum*, ceterosque finitimos Transilvaniæ Præfectos monuit, diligenter excubarent, ne quid contra induciariam fidem Transilvani committant, nec tamen vim primi inferrent, sed illatam repellerent. Sed periculum, si quod erat, Mosci discusserant, qui magnam regionis Tartarorum partem occuparunt, quibus ut succurteretur, cum Turcas a Transilvaniis abstrahi necesse esset, nec Solymano res

in

1562.

tampus non suos tantum in quiete contineret, sed Joanni etiam, quem his induciis comprehensum voluit, severe præcipiet, ne quid hostilitatis in citeriore, & transtibiscana Hungaria in populos Ferdinando subjectos moliri ausit. Melchior Balassa cum Nicolao Balthori, aliisque, qui ad regem transiissent, eodem pacis beneficio fruantur: cognitio damnorum, quæ utrinque illata sunt, ne novæ liti occasio detur, in aliud tempus prorogata: captivos, & transfugas, si qui postea futuri essent, utrique bona fide reddent, castralla in sinibus reparare, & erigere, liberum regi erit, singularia tamen certamina ex condito hactenus usurpata, quæ crebro dissidiis utrinque occasionem præbuerant, vetita: lites inter colonos, aliosve oriturus iudices utrinque constituendi diriment, & violatores induciarum graviter punient, Legatis denique, nunciis, & id genus hominibus, quos tractandarum rerum causa Principes ultro citroque mittent, commeatus liber, tutusque erit. Tabulæ ipsis Calendis Septembris a Solymanno signatæ, & Ibrahimio *Strotschenio* origine Polono cum muneribus traditæ sunt, qui in comitatu Busbequii Viennam primum, mox Francofordiam, quo Imperator Maximiliano XX. Septembris Pragæ coronatus venerat, profectus, & tertio post die, quam Ordines Imperii Maximilianum regem Romanorum XXIV. Novembris salutarunt, admissus,

missus, exposita in Principum corona Legationis causa munera exhibuit, ac vicissim splendidioribus, quam tulerat, exultus rediit. a)

Induciis sismatis nihil magis Ferdinando in votis erat, quam ut filium Germaniæ, & Bohemiæ regem jam declaratum, Hungariæ etiam regem vivens cerneret. Dedit propterea, cum Francofordia discedens Oenipontum venit, ad regni Ordines litteras, ut XX. Augusti ad Comititia Posonii adessent, causamque, cur id cuperet, adiecit. Ut conveniant, prima de legendo Palatino cura, & quaesito erat: discordes fuere inter deliberantes sententiæ. Quidam dignitatem hanc hoc quidem tempore, & in tam exigua, quæ hosti non pareret, regni parte, nec necessariam nec auctoritati Palatini accommodatam vi-

L 3

deri

- a) Litt. Sigismund. Torda ad Nádasd. Posonii 11. Februarii. Zrinii ad eund. ex Szigeth 16. ejusd. Nádasdii ad regem ex Kapornak 22. ejusd. Franc. Forgács ad Nádasd. Praga. 12. Mart. Joan. Lishii ad eund. Lincio 17. ejusd. Casp. Pécsi ad eund. ex Ujfalu 28. ejusd. Nic. Zrinii ad eund. 30. ejusd. Franc. Thurzo ad eund. ex Baymočz. 12. Apr. Steph. Mathisi ad eund. Tridento. 23. Jun. Busbequi epist. inter editas 4. & Relatio Legationis Turcicæ.

1563.

deri dicebant; alii contra Majorum instituta
 ne ipso tempore præjudicium firmetur, inhae-
 rendum existimarent, tandem relicta in me-
 dio potius, quam finita disceptatione, (Maxi-
 milianus VIII. Septembris, & postmodum Ma-
 ria, ejus conjux solito ritu coronati sunt. Pen-
 ante inauguratione Nicolaus Olavius Strigoniensis Archiepiscopus pro Palatino regis lo-
 cum tenere jussus, mox de rebus ad reli-
 gionem, & regni commodum pertinentibus
 consultavit; limitum ratio in primis habita,
 ad quos conservandos tres floreni in sequentem
 & in duos proxime futuros duo decreti, at-
 que hos etiam Rutheni, ac Valachii, & qui
 sub Austria oppignoratas colunt, Turcis
 autem subjecti dimidium pendunt: Praefecti
 qui finitima castra tenent, praefidarii de du-
 plicata ab aona providebunt, cavebuntque;
 ne Sacerdotibus hæresi infectis, & aliunde
 pulsis perfugium præbeant, qui fecerint, fla-
 gitione, & officio moveantur. Rogatus præ-
 terea rex, ut avitam, veramque religionem,
 quam sectarii nova doctrina contaminarent,
 integram servare, tuerique vellet. a) Mili-
 tes

c) Cod. jur. patr. ad h. a. Joan. Lischii com-
 mentarius de coronatione Maximiliani I. apud
 Math. Bel. Coll. Miscell. Dec. 1. Heinrich Wir-
 rich, wahrhaftige Beschreibung &c. ejusd. ar-
 gumenti. Vien. per Mich. Zimmerman. 1563.

István.

res exteri damna colonis illata ex stipendio
sarciant, neve deinceps iustam querendi cau-
sam præbere possint, e publica quiete vi-
deri, ut regno exesse jubeantur, & rex mi-
litares Præfecturas Hungaris credat.

Prius, quam Ordines Polonium conve-
nissent, aderat Viennæ e Transilvania Ora-
tor Stephanus *Báthori*, qui exhibitis Princi-
pis sui litteris condiciones pacis offerebat.
Pleræque negatæ sunt: titulum enim *regis*,
quem confirmari petebat, & hactenus Principi
negasset, salva Imperatoris dignitate concedi
non posse, nec quiddam propterea a Solyman-
no metuendum esse, si eo etiam in litteris
ad illum scribendis abstineret, præterea mon-
struosum videri, si se superstiti, & filio pro-
xime Polonii coronando, etiam Princeps ti-
tulo *regis* uteretur, id enim posteris facile
in errorem induceret, quasi in eodem re-
gno, eodemque tempore tres reges existe-
rint, quod quid magis absurdum esset? nec il-
lad Imperatorem largiri posse, ut Princeps,
si titulo *regis* abstinuerit, eandem tamen Ma-
jestatem, & potestatem in sua ditione retineat,

L 4

cum

Itvāni hist. l. 21. Franc. Forgács hist. l. 13.
Confer. Pray commentatio historica, de vete-
re Reginas Hung. coronandi consuetudine, &
quid inde juris consequutæ videantur, Pesti-
ni. 1792.

1562.

cum Orator, quid majestatis, & ditionis nomine comprehensum velit, non satis declaravit. Hæc itaque prius in luce collocari oportere, quam de ceteris tractatio instituitur. Cæsarem probe etiam eorum meminisse, quæ olim per Castaldum, Nádasium, & Andream Báthorium cum Principis matre transacta fuissent, esseque eodem nunc animo comparatum, si æquis, & honestis conditionibus locum dederit. De matrimonio autem cum aliqua filiarum Cæsaris, ineundo jam ferum esse, cum interim, dum Princeps a pactis conventis recesserat, & Cæsaris se hostem declaravit, aliis Principibus partim jam locatæ, partim promissæ fuerint, quæ autem reliquæ sunt, certo proposito decreverint, in nuptiæ manere; facturum tamen Cæsarem, ut Principi de honestis, & illo dignis nuptiis consulat; postremo cum gubernationis, & successuum prosperitas in conservanda vera, & avita religione ut plurimum sita sit, monitum Principem velle, ut Ecclesias, & Catholicam religionem defendere, & conservare pro viribus nitatur.

Hæc responsa Oratori generatim IX. Julii data, ad quæ ille quadriduo post iis, quæ obscura videbantur, illustratis reposuit: Principem suum a titulo *electi regis* facile recessurum, modo ille, quem suggereret, *Principis* nempe *Hungariæ*, & *Transilvaniæ*, ei tribueretur, & auctoritas, potestasque conferendi

di Bona ne negetur: ditionem vero eam ab se intelligi, quæ citra, ultraque Tibiscum *Bereghienfi, Ugonienfi, & Marmarosensi* provinciis, una cum arcibus *Hufy, Munkacs, Tokaio, & Zerensino* comprehenditur, quæ, si certior spes cum aliqua filiarum Cæsaris inveniendi connubii affulgeret, sponsæ in dotem conferri possent, nec eo Principem suum videri indignum, qui non tam ex proposito Cæsaris adversarium se fuerit professus, quam sua se tueri debere crediderit. De religione nulla quidem se habere mandata, minime tamen se dubitare, quin Princeps, qui morituræ matri idem pollicitus erat, pio, & salubri huic consilio morem gesturus sit.

Neque hæc Imperatori probabantur: verba enim solum, non rem mutari, si ad titulum Principis *Transilvaniae* etiam illum *Hungariae* adjici sineret, cum non aliud eo, quam iura in Hungariam tacite exposci videatur, satis esse, si solum *Principis Transilvaniae*, cujus celeberrima sit inter Christianos existimatio, deinceps titulo utatur. Quod ad ditionem attinet, ea, quæ petebantur, videri non solum pactis, quæ cum ejus patre, quin matre etiam, dum *Transilvania* excessit, sed cum ipso etiam Principe, quoties induciæ erant confectæ, inerat, omnino adversari. Meminisse item oportere Principem, dum e *Polonia* cum matre reversus erat, Cæsarem non alia, quam publicæ quietis causa *Transilva-*

1504.

& Carole Styriam, Carinthiam, & Carniam reliquerat, nondum exacto ætatis anno sexagesimo primo Vienna XXV. Julii obiit, Praga, quod Abbatialis in potestate Turcorum esset, sepulchro illatus. Princeps a pietate in DEUM, studio religionis, & pacis in Ecclesia, ac Imperio instauranda, clementia, liberalitate, & cæde, quam dedisset, servanda, cœvis scriptoribus, & ipsi etiam Solymanno collaudatus. a) Primus Hungariam veterum quoque pactorum fide, Ordinum regni suffragiis, & jure uxoris, ex qua XV. liberos, quatuor viros, & XII. feminas, plerasque Principibus matrimonio junctas, sustulerat, Domum Austriacæ innexit. Regimen non illuturum, sed multis calamitatibus implicatum fuit. Regnum, quod intestinis dissidiis jam pridem a primæva compage sua magnopere laxatum, dein in partes distractum ab æmulo, & ab hoste externo prope in ruinam impulsus adiit, mox sectarum religionis, quæ e Germania Hungariam inundabant, varietas, perpetuis fere deinceps motibus adeo involverat, ut mirum sit, in tam crebra rerum vicissitudine vel hanc, quam moriens reli-

a) Joan. Artopæi oratio funebri, Brigone, Joan. Sambuci Vien. & Comitis a Saueran Græcii, Ferdinando dictæ. Busbequius epist. 4. & Surius ad h. a.

reliquerat, Hungariæ partem ab eo servatam 1564.
fuisse. Quamquam autem illi res cum exter-
nis hostibus fere semper fuerit, nullam ta-
men magis infestum habuit, quam reges Gal-
liæ, qui a Francisci I. tempore, cui cum Ca-
rolo Cæsare perpetua æmulatio interceſſerat,
& ad successores propagata est, adornatis
ubique, præsertim Constantinopoli per Lega-
tos suos machinationibus Domum Austriacam
constanter infestabant, quo minus posses-
sione tot regnorum ad reprimendos hostium co-
natus uti posset, quo factum, ut, quantum
illi ex Germaniæ Imperio sensim decerpse-
rant, tantum fere Hungariam, magno floren-
tissimi olim regni damno, perdere cœgerint.

MAXIMILIANUS.

Ab anno 1564 — 1576.

1564.

I. Curam rei publicæ confestim a tractatione pacis cum Transilvano, quæ prius abrupta erat, orsus est. Sperabat enim illum, quod ad hanc conciliandam se interprete alias usus esset, magis tractabilem futurum; sed is rursus suorum consilio inductus bellum præ illa maluit, & sub ipsa pacis tractatione Szatmarinum, absente Melchioré Balassa astr interceptit, mox eodem impetu Rivulo dominarum, & vicinis oppidis potitus ad obsidendam Cassoviam animum adjecerat, a quo tamen proposito illum annus jam inclinans, & Lazarus Schvendius cum copiis appropinquans avertit, qui adscitis in societatem Andrea Báthorio, & vicinis militiæ Hungaricæ Præfectis ipsa hyeme sequentis anni expugnato Tokaio Szatmarinum cum Rivulo dominarum recuperavit.

1565.

Missi propterea Constantinopolim nuncii, qui, ne invidia in regem, quasi prior inducias violarit, recideret, seriem rei gestæ, & causas referrent. Transilvanus, ne nostri porro progredierentur, Stephanum Báthori ad Schvendium inducias flagitatum misit, quibus durantibus de pace possit agi. Coaluit in eas fere condi-

tiones

hones, quas Ferdinandus ante dictaverat, quibus Joanne etiam consentiente, Szatmari scripto firmatis, Báthorius Viennam proficisci iussus, ut eas Maximilianus ratas haberet. Hic, dum rem sui Principis diligenter agit, alia ab eo mandata accepit, quæ cum in consultationem adducta fuere, & *Schwendius* Joannem cum Turcis Temesiensibus arma parare nunciasset, rex ludificari se ratus, Báthorium, Legato Poloniæ frustra obnixo, honesta custodia teneri iussit. Inde bellum ad Tibiscum recruduit, & mox in Croatiam propagatum, alterna utrobique fortuna gestum est. a) Interea, cum nuncii nondum Constantinopoli rediissent, missus est *Hofsfutotius*, qui largitione benevolentiam palatinalium captaret, daretque operam, ne Transilvanus induciis, quas pro arbitrio suo rumpere, & discordiæ semen inter Cæsarem, & Solymannum jaceret, deinceps comprehensus censeatur. Hæc ille quidem pro muneris sui ratione naviter egit, sed cum & census jam biennio intermissus, nec Tokaium esset reditum, Solymanni iussa, ut pro captivo Báthorio obsidem haberet, in custodia retentus est.

a) Hist. l. 22. Franc. Forgács. l. 18. Resolutio Cæsaris, cur Steph. Báthori in custodiam traditus sit. Vien. 21. Jun. & 25. Jul. Vid. etiam Alphonsi Ulloa hist. belli anni 1565.

1566. est. Cæsar, qui Turcarum morem patris exemplo probe nosset, bellum sibi instare videns, Conventum regni Ordinibus ad IV. Nonas Februarias Posonium indixit, cui, quod ipse ad Comitia Augustam profecturus esset, Carolum fratrem præesse iussit. Initia non satis pacata erant, nam & Cæsaris absentiam moleste ferebant, & exteros nondum belli præfecturis amotos, militumque, qui his parebant, in Nobiles perinde, ac plebem, insolentiam, minus, quam promissum erat, repressam querebantur, duo tamen floreni in bellum unanimiter decreti, &, quæ majori deliberatione, regisque præsentia egere videbantur, ad futurum Conventum dilata. Satis etiam prospere res in Comitibus Augustanis gesta. Eth enim Imperii Ordines graviter ferrent, exterum militem cum suis Præfectis, qui sæpe adjumento Hungariæ fuissent, officiis moveri, & regno exigi, communis tamen periculi causa, si bellum Hungariæ Solymannus inferret, XL. Peditum, & VIII. Equitum milia in subsidium decrevere.

II. Durantibus adhuc Posonii Comitibus, Transilvanus quoque suos Tordam VI. Idus Martias concivit, causamque, cur eos vocari iussisset, exposuit; Solymannum nempe universis viribus expeditionem in Hungariam parare, se propterea per *Chausum* fuisse ab eo admonitum, ut ipse socius quoque accederet, propositum sibi esse, voluntati Imperato-

ratoris morem gerere, si ipsi ære, & milite
 se adjutum irent. Consensere, metu magis, 1566.
 quam æquitatis causa persuasi. Bello, post-
 quam Solymannus Dravum attigit, prælusum.
 Turcæ Temesienses *Gyulam*, Transilvani *To-*
kaium obsidendum delegerant, quo reliquam
 belli molem Solymannus vellet convertere,
 cum incertum esset, nostrorum quoque vires
 distrahi oportuit. Schvendius ad Cassoviam,
 Comes Salmensis ad Comaromium, alii alibi,
 quo periculum vocare videbatur, excubabant,
 Cæsar cum robore exercitus, & Carolo fra-
 tre stationem Ovarini fixit. Dum hic de belli
 ratione consultatur, Solymannus ab itinere,
 quod inierat, repente digressus, *Szigetum* con-
 tendit, eique centum pugnatorum millia cir-
 cumfudit. Zrinius ad famam adventantis ho-
 stis copias undique contrahens, annonam, ce-
 teraque tolerandæ obsidioni necessaria arci
 intulit, certus animi, vitam prius ponere,
 quam deditionem facere. Nec minore, quam
 constituerat, virtute, locum eoque tueba-
 tur, donec mœnibus in rudus prolapsis fa-
 cta eruptione in medio hostium dimicans oc-
 cumberet. Mortuo caput amputatum, &
 triumphi specie per castra circumlatum. So-
 lymanus magna suorum jactura, supra XX.
 & quod supra est, millia amisisse fertur, vo-
 tis suis tandem potitus non diu superstes fuit,
 paullo post in castris exstinctus; cujus mor-
 tem cum Turcæ summo silentio premerent,

1566. Cæsar copias Jaurino Comaromium promovit, ut ex temporis opportunitate consilium caperet, Strigoniumne obsidendum, an hostis alio distrahendus esset. Neutrum ob instabiles Turcarum evagationes præstitum, res velitationibus solum acta, post vero, quam Transilvanos Tokaio recessisse allatum, & Solymannum certo obiisse, a Venetorum duce nunciatum est, communita adjectis operibus Canisa, copiarum in hyberna distributæ. a)

1567. III. Defuncto Solymano certior spes paucis affulgebat. Selymus illius successor *Hoszjutotium* cum ambiguis quidem responsis liberum dimiserat, sed cura stabiliendi imperii recens aditi, & nostrorum, qui *Munkácsum* interea, *Senderoviam*, & *Patakinum* occuparunt, progressionem illum magis, quam pater fuerit, tractabilem reddituræ credebantur. Ipsi etiam regni Ordinibus visum ad servandas, quæ supererant, reliquias pacem bello præferendam esse. Missus igitur est Verancius jam alias legatione apud Solymannum perfunctus

a) Litt. Joannis Sigismundi. Alba Jul. 6. Febr. Nic. Zrinii ad Ursulam de Canisa ex Csáktornya. 19. Apr. Maximiliani ad Viennam. 21. ejusd. Andronici Tranquilli ad eand. Vien. 24. Jul. Istváni l. 23. Franc. Forgács l. 16. Surius ad h. a. Hist. Szigeti capti. T. I. Script. rer. Hung. pag. 723. & seq.

functus cum Christophoro *Teuffenbachio*, qui
 Selymi animum periclitarentur, monito prius
 de eorum adventu Alberto de *Vys*, qui in-
 ternuncii locum Constantinopoli tenebat. Op-
 portune Persarum Legatum, qui ipse etiam
 pacis causa paullo post aderat, prævenere,
 alioquin provinciam multo difficillimam adi-
 turi erant. Pax in octennium, quamquam
 non sine molestia, quod Turcæ pagos dediti-
 tios, qui hactenus tributum utrique parti ex
 æquo pendebant, sibi penitus dedi postula-
 rent, non incommoda Adrianopoli sequente
 anno confecta est, ea in primis conditione,
 ut, quæ in alterutrius potestate jam essent,
 tuta, salvaque utrique parti maneant, & ab
 omni hostilitate utrique durantibus induciis
 abstinerent. Joannis nulla in conditionibus
 facta mentio, qui Varadinum, unde Canonici
 rebus omnibus privatos jam ante expu-
 lerat, indicto Conventu, religionum triticis,
 quæ Lutheri, & Calvinii assecclas colliferant,
 magis erat implicitus, quam ut tunc quidem
 Cæsari negotium facessere potuerit; sed his
 utcunque sopitis, quod armis prius frustra
 tentaverat, occultis machinationibus perficere
 statuit. Fuere nonnulli, & inter hos Joannes
Balassa, & Stephanus *Dobó* præcipui, qui
 non tam exemplo Francisci *Forgács* Varadi-
 nensis Episcopi, qui ob denegatum sibi Jau-
 rinensem Episcopatum jam ante ad Joannem
 desciverat, quam largitione, & pollicitis per-

1567.

1568.

1569.

1569. **moti una cum arcibus, quas nomine regio tenebant, in partes illius concedere proposuerant, cum detecta ante tempus conspiratione majestatis rei in Comitibus acti, & in carcerem coniecti sunt, serius postea Ordinum deprecatione dimissi. Transilvanus expectatione sua frustratum se videns, cum nec a Selymo ob bellum Cyprium, nec a Vezirio Mehmete sibi perinfecto quidquam auxilii speraret, pacem misso ad Cæsarem Gasparo *Bekefsio* sollicitabat, & *Konarszkio* Poloniae Legato interprete his conditionibus obtinuit. Principis *serenissimi* titulo deinceps uti integrum ei sit, modo a *regio* abstineat: Transilvaniam jure hæreditario possidebit, in Hungaria vero titulo *domini*, Comitatus Bihariensem, Kraszensem, Marmarosensem, & Zolnok mediocrem solum vita comite. Cæsar, cum unam filiarum Hispaniæ, & alteram Galliæ regibus jam desponderit, pollicetur se facturum, ut alterutra ex suis neptibus, ad quam animum adjecerit, ei connubio jungatur, ex qua si nullos liberos susciperet, Transilvanis liberum erit ab ejus obitu Vayvodam, quem volent, eligere, qui tamen fidelitatis jure regibus Hungariæ obstrictus sit. Si quid versus ortum Turcis eripuerit, id in ejus patrimonio censebitur; sin autem per eosdem Transilvania cogeretur decedere, Ducatum Opoliensem, & Ratiboriensem jure fiduciario obti.**

obtinebit. Conventum prætereà utrinque, ut pax, hujusque conditiones clam Selymo haberentur, liceretque Principi pristinis externæ amicitiae signis illum etiam dehinc observare, ne irritato hoste sibi, & provinciæ periculum accersat. Pactis in hunc modum consignatis cœpit per Legatos, præcipue Bekesium de matrimonio cum alterutra Cæsaris nepte ineundo agere: Juliacenſis ob non satis liberalem formam displicuit, Bavarâ autem, nisi nuncium Socinianismo mitteret, rediretque ad sacra Catholica, nuptias averſata eſt. a)

1570.

IV. Mœror, quem ex repulſa animo conceperat, ſenſim in corpus etiam ceteroquiſ

1571.

M 3

mor.

- a) Cod. jur. patr. ad a. 1567. & 69. Litt. Vrancii ad Franc. Forgács. Episc. Varadinen. Vien. 22. Maji. 1567. Ejusd. ad D. Dornberg. Adrianop. 19. Mart. 1568. & ad Cameram Aulic. 28. Maj. ibid. Ejusd. ad Abbatem S. Georgii in portu Veneto. 3. Sept. & ad Episc. Zagrabien. Vien. 29. Apr. 1569. Sigismundi Pol. regis ad Adam. Konarszki 26. Apr. Varſav. 1570. Dogiel Diplomatar. Pol. T. I. pag. 151. Cæsaris ad Camer. Poſon. Spira. 7. Nov. Joannis ad Albertum Bavar. Ducem. Alba Julia. 15. Dec. Istváni. I. 23. & 24. Wolſg. Bethlen. I. 5. Forgács I. 17. & ſeq. Octavianus Strada in Maximiliano II.

1571. morbis crebro tentatum redundans, quadri-
duo post, quam Cæsar X. Martii peculiare
tabulas de Ducatu Opoliensi, & Ratiboriensi
signaverat, tricesimo primo ætatis anno lan-
guentem exstinxit. Condito testamento equos,
& vetusta ex auro, & argento numismata
Cæsari, Selymo autem phaleras aureas gem-
mis ornatas legavit. Transilvani secundum
nuperna pacta liberam ab ejus obitu eligen-
di Vayvodæ potestatem nacti in partes ab-
iere. Nobiles Stephanum Báthori, Siculi Chri-

1572. stophorum *Hagymdsium*, & Saxones Caspa-
rum Békefsium apud Cæsarem Pragæ com-
morantem designabant; vicit tamen Nobilium
auctoritas, & Báthori Vayvoda provinciæ re-
nunciatus est, qui, ut se in dignitate constabi-
liret, Legatos confestim misit, qui Cæsarem,
& Selymum de re edocerent. Uterque ele-
ctionem ratam habuit; Cæsar quidem ea con-
ditione, ut pactis cum decessore initis stare,et
fidemque suam juramento obstringeret, quod
ille haud gravate præstitit, paullumque post
cum aliquas ex conditionibus, quæ magis
familiam decessoris, quam provinciam ipsam
spectabant, mutari petiisset, Principis *Trans-*
silvaniae, sed *partium* regni Hungariæ solum
Locumtenentis titulo, vetere *Vayvodarum* pe-
nitus abrogato, uti cœpit, qui ad reliquos
successores regum dissimulatione transit.

Cæsar asserta rursus Hungariæ juribus
Transilvania, & finito Pragensi Conventu
Vien.

Viennam reversus lætissimum nuncium accepit; classem Turcicam ad sinum Corinthium auspicio Joannis de Austria, cæsis IV. hostium millibus, & C. ac LXXX. triremibus in potestatem redactis, ceteris meritis, & vix quinque fuga servatis die VII. Octobris profligatam fuisse. Ex hac victoria, cum hostis vires magnam partem accisæ fuerint, rex spem emolumenti aliquam concipiens, regni Ordines ad diem XI. Novembris Posonium convocavit, sed, cum ob grassantem aeris contagionem adesse non possent, Comitia in VI. Januarii sequentis anni differri oportuit. In his ante omnia provinciarum Legati Rudolphum Cæsaris primogenitum regem designari flagitabant, quod liberaliter illis datum, cumque præterea precibus contenderent, ut primo quoque tempore coronandum decerneret, VIII. Septembris cum conjugē, Rudolpho, Mathia, & Maximiliano filiis Posonium venit. Regem designatum Verancius Strigonienſis Archiepiſcopus poſtridie luculenta oratione ſalutavit, paucis ea complexus, quæ rex regno, & hoc illi ad ſervandam animorum utrinque conjunctionem, ſine qua rem publicam vacillare neceſſe ſit, ex Majorum inſtituto, quod gentibus lingua, moribus, & indole diſcretis diverſum quoque eſſe ſolet, præſtare debeant. Inauguratione ſolito ritu peracta Cæſari ſubſidium, & no-

1572.

vo regi donum gratuitum pro veteri more ab
 1572. Ordinibus constitutum.

Intervenerat utrisque Comitiiis destinato tempori, ipsis Calendis Julii mors Sigismundi regis Poloniæ, quæ in tam frequenti, qui futurus erat, concursu competitorum Cæsarem sollicitum habuit, veritum nempe, ne non hic etiam Gallia suas machinas adhibeat, ad quas impediendas Guilielmum *Rosenbergium* Comitiiis interesse voluit, privatis mandatis instructum, ut pro Ernesto filio suffragia sollicitet. Pro ambientium regiam dignitatem numero. & largitionum copia, diversæ etiam Senatorum, aliorumque suffragatorum erant sententiæ: pars ipsum Cæsarem, ejus filium Ernestum altera, Hispanum alii, rursus alii Gallum, vel Moscum designabant, quin non deerant, qui in Cæsaris Legatum *Rosenbergium* etiam conspirarent, ut Comitiiis quamdam fere nundinationis imaginem referre viderentur, donec anno insequente Henricus Galliæ regis frater reliquis tandem prælatus, &, ut regnum capesseret, per Legatos eo fere tempore invitatus est, quo nuncius a Selymo Viennam advenerat annum munus petiitum, & nisi confestim exhiberetur, etiam bellum comminatus. Arrogantiam hominis fovit spes pacis cum Venetiis ineundæ, eosque a reliqua in Turcas confœderatorum societate abstrahendi. Illud etiam perincommode in idem tempus incidat,

derat, quod decem fere rusticorum millia inter Culpam, & Savum arma in dominos, a quibus se nimium premi querebantur, corripuerint, & Turcæ hac occasione usq; Slavoniam, & Croatiam percurstantes spolia agerent, magnaque colonorum pars propterea aliorum migrare cogeretur. a)

V. Remisso sine annuo munere, quod illius mittendi tempus nondum adesset, nuncio Turcico, ne quid molestiæ propterea regno conficeretur, additus est ei socius, qui non solum causas dilati muneris referret, idque consueto tempore exhibendum polliceretur, sed locum quoque defuncti Alberti de *Wys* internuncii teneret. Ut Constantinopolim venit,

- a) Cæsaris diploma Pragæ. 10. Mart. 1571. apud. Wolfg. Bethlen. l. 5. & Báthorii juramentum Cæsari præstitum. l. 6. Litt. Verancii ad Georg. Drascovics. Episc. Zagrabien. Poson. 8. Mart. Ejusd. ad C. Eckium a Salmis. Tirn. 14. Apr. Ejusd. ad Drascovics. ibid 27. Maji. & ad Paul. Bornemisza. Ujvár. 26. Jul. Cæsaris ad Verancium. Vien. 29. Sept. Anonym. ad eund. ex portu Cardella Ægei maris 9. Oct. Verancii ad Sambucum Tirnav. 13. Dec. Cod. jur. patr. ad an. 1572. Litt. Verancii ad Franc. de Nádasd. Vien. 1. Jul. Cæsaris ad Verancium. Vien. 27. Febr. 1573. & rursus 28. ejusd. Verancii ad Sambucum Poson. 20. Apr.

1575.

venit, parum liberaliter a Selymo acceptus est, nec apud Amurathem, qui haud multo post patri defuncto successerat, spes ulla prorogandi inducias apparebat. Cæsari magnopere propterea sollicito altera mox cura ex improvise subnata est. Henricus, qui superiore anno electus regnum jam adierat, repente insalutatis Polonis, ut fratri Carolo succederet, in Galliam reversus est. Fuga regis Polonos valde anxios reddidit. Scripsere idcirco ad Cæsarem, ipsum quoque Henricum, aliosque Principes, ut sinistram de se famam, si quæ spargeretur, mature occuparent, cumque frustra integro prope anno reditum Henrici præstolantur, Senatores unanimi consensu regnum vacare editis sequente anno XV. Julii litteris declararunt, Comitibus ad Calendas Decembris Varsoviæ indictis, in quibus de novo rege eligendo ageretur. Poloniam prensantium pene idem nunc, qui ante numerus erat: præter Cæsarem, filiumque Ernestum, fuere Joannes rex Sueciæ, Alphonsus Ferrariensis, & Jannes Basilides Moscorum Duces. Stephanus quoque Báthorius Georgium Blandratam eo miserat exploratum, & si quæ spes potiundi regni appareret, confestim ad se referat, ut misso Oratore ipse etiam inter candidatos nomen suum profiteretur, monuit tamen, ne, si vota in Cæsarem conspirare videret, quidquam adversum moveat, mox tamen, ut ex eo intellexit,

tellexit, Oratorem, si mitteretur, non frustra venturum, Martinum *Berzeviczium* Var-
saviam legavit, simul apud Amurathem egit, 1575.
ut sibi ea in re adjumento esset, vetera fœ-
dera inter Turcas, & Polonos olim sancita
se optima fide servaturum pollicitus. Diu-
turna fuit Legatorum Cæsaris, erant hi Joan-
nis *Cobenzl*, & desertor religionis *Andreas*
Dudicius cum *Berzeviczio*, in Comitiiis con-
certatio.

Conditiones, quas Principis sui nomine
proponebat, erant splendidæ, & regno uti-
les: præter immunitates, quas juramento se
firmaturum receperat, promisit quoque se non
solum regni debita, quæ prope quingenta
aureorum millia æquabant, velle diluere,
sed quod per Moscos hactenus ex regni di-
tione decerptum erat, recuperaturum, limi-
tesque ita firmaturum, ne ulli hostium adi-
tus deinceps pateat, &, si uspiam interea
periculum ingrueret, ad id propulsandum
ducenta florenorum millia, ut primum volue-
rint, missurum, His addebant pondus Amu-
rathis litteræ per *Chiausium* ad collectos Or-
dines missæ, quibus suadebat, ut, si nemi-
nem ex suis vellent, regem vel Suecum,
cui soror Sigismundi nupta esset, vel Bátho-
rium deligant. Unica, quæ hunc morari pot-
erat, ea conditio a Polonis proposita fuit,
ut Annam defuncti regia sororem duceret
uxorem, in hanc quoque, licet quadragena-
ria

1575.

ria jam esset, regni causa consensit. Cæsar interea, dum Comitia apud Polonos variis opinionibus æstuabant, post absolutum Polonii Conventum, Pragæ, ut filium Rudolphum coronari curaret, morabatur, inde Ratisbonam, ut eundem Germaniæ regem daret, digressus est. Hæc mora cum videretur minus, quam par erat, ambiendi studium præferre, multos Procerum in Báthorium, qui largitione Cæsarem superabat, inclinare visa est, cumque ad suffragia ventum, Gnesnensis Archiepiscopus Cæsarem, & Palatinus Cracoviensis Báthorium regem renunciarunt, missique e vestigio ad utrumque Legati, qui eos gentis nomine ad capeßendum regnum vocarent. a)

VI.

a) Joan. Ozwog. Pol. Legati oratio ad Steph. Báthori, dicta in Megyes. 25. Jan. Litt. Senatorum Pol. ad Cæsarem, & Henricum regem, horum responsa. Tom. III. script. rer. Polon. Amurathis ad Polonos. Constantinop. 13. Mart.* Cæsaris ad Báthorium. Vien. 30. Jul. Georg. Blandratæ ad eund. Varsovia. 20. Octobr. Wolfg. Bethlen. l. 6. Sed conditiones aliquæ dissentiunt ab iis, quas Blandrata ad Principem perscripsit. Confer etiam hist. belli Valachici anni 1574. Leonardo Gorecio autore.

VI. Uterque electionem ratam habuere: ac Cæsar quidem Legatis urgentibus XXIII. Martii Viennæ juramentum Ordinibus præstiterat, sed cum tempus morose terit, & jus acquisitum in Ernestum filium transferre cogitat, Báthorius concitis provincialibus, iisque consentientibus fratrem Christophorum Transilvaniæ præfecit, & servata sibi in eam suprema auctoritate, parteque proventuum, in Poloniam profectus *Andreovici* omnium consensione rex confirmatus, & Calendis Maji coronatus fuit. Sero Cæsarem moræ pœnituit, nec restabat aliud, quam ut vel jus in Poloniam persequeretur, vel Transilvaniam ex pacto repeteret. Neutrum sine armis fieri posse cum videret, & Turcæ etiam occupata *Canisa* non quiescerent, constitutis, qui se absente curam Hungariæ haberent, Carolo fratre, & Ernesto filio, Ratisbonam abiit, ut cum Principibus Imperii de subsidiis decernendis ageret, in quo conatu illum mors XII. Octobris præter opinionem occupavit. a) Toto, quo rerum summam tenuit tempore, illud sibi propositum in primis habebat, ut, quoad posset fieri, pacatissime re-

1576.

a) Wölfg. Bethlen. l. cit. Istvánfi. l. 25. Litt. Maximiliani ad Cameram Posonien. Ratib. 1. Jun. & 22. Sept. Rudolphi ad eand. Piespordius in in Maximiliano II.

1576. regnaret. Hac de causa nulli religionum molestus fuisse legitur, cura, quæ Principes illius temporis magis, quam res politicæ, exercebat, posteris relictæ. a)

RUDOL.

a) Filios quatuor superstites præter Rudolphum, reliquit Ernestum, Mathiam, Maximilianum, & Albertum; filias tres, Annam Philippo II. Hispaniæ, Elisabetham Carolo IX. Galliæ, regibus nuptas, & Margaretham inter sacras Virgines cooptatam.

R U D O L P H U S.

Ab anno 1576. — 1608.

I. Cum ab adito regno provinciae Belgicae magis jam, quam alias, aperte nutarent, id ante omnia sibi agendum existimavit, ut inducias cum Turcis stabiliret. Negotium id datum est Joachimo *Sinzendorf*, qui Davidis *Ungnadii* missionem flagitantis locum Constantinopoli deinceps teneret. Nec Amurathes bello Persico occupatus prorogatis ad octennium induciis difficilem se prae-buit. Sed, ut Turcarum Praefecti longe Constantinopoli remoti inducias ex suo commodo servabant, ita impune per Sclavoniam, & Croatiam ad fines Styriae, & Carnorum grassabantur. Hanc partem jussu Caesaris Carolus patruus curandam acceperat, qui, ut hostium procurfiones sisteret, fundum situ opportunum a Zriniis coemerat, in quo munimentum, collato ab Ordinibus Imperii, & provincialibus octingentorum, & quadraginta quinque millium florenorum precio erexit, *Carolo stadium* a suo nomine dictum. Ob praesidii hujus utilitatem Ordines ad Calendas Februarias sequente anno Posonium convocati praefecturam militarem in Sclavonia Carolo, in Hungaria Ernesto ea conditione decreverant, ut hic Hungarorum, ille

1576.

1577.

1578.

1578. ille Bani consilio uterentur. His constitutis Rudolphus Pragam sibi stabilem sedem delegit, majorem temporis partem, neglecta fere rei publicæ cura, litteris, & si ab his vacabat, hastiludiis impendens, quæ vitæ ratio primus ad amittendum postea regnum quasi gradus fuit.

1579. Carolus vero, & Ernestus, quibus cura militiæ erat credita, hanc inter se rationem inierant, ut inducias quidem bona fide se servaturos, procurfiones tamen in hosticum, si has Turcæ inchoarent, demtis solum, quod induciis diserte cautum erat, obsidionibus, facturos constituerint. Et Carolus quidem, postquam Turcæ primi inducias rupere, coactis ex Styria, Carniôlia, & Carinthia copiis, aliquot arces in Croatia iis ademit, tametsi nostris in hyberna dilapsis rursus in hostis potestatem venerint. Quare, ut res majoribus viribus agi posset, Comitiam, quibus absente Rudolpho Ernestus præerat, coacta sunt, quorum non is tamen, qui sperabatur, exitus fuit. Nobilitas, quæ frustra toties flagitaverat, ut exteri a militaribus præfecturis, aliisque, quæ magis opulenta erant, officiis moverentur, nec subsidia decernere, nec de iis, quæ ad communem regni defensionem pertinebant, consulere voluit, quin Ernesto obtestante, ut Cæsaris responsa exspectaret, a Conventu, quod nunquam alias contigit, rebus infectis digressa est.

est. Quæ secessio cum periculo non vacaret, Cæsar rursus Comitia, quibus se inter-
futurum promiserat, in annum sequentem ad
VIII. Idus Januarias indixit, quæ tamen par-
tim ob res Belgicas nondum pacatas, par-
tim Transilvanas, quæ mortem Principis
Christophori Báthori consequutæ sunt, ad
diem XI. Novembris differri debebant. Trans-
silvani vivo adhuc Principe, utrum summa
rerum Sigismundo illius filio, nec ne, a pa-
tris obitu committenda esset, in partes scissi-
erant, nec Stephano regi eorum opinio pro-
babatur, qui id onus puero imponi cupie-
bant, Cæsar quoque ex pactis cum Step-
hano initis ad se pertinere arbitrabatur, ut
Transilvanis Vayvodam, quem vellent, li-
bera eligendi potestas inviolata maneat, a
se deinde in dignitate confirmandum. Difr-
ctas sententias mors Principis, & Stephani
regis, Cæsare non invito, & dissimulante, sus-
fragium conciliavit, & puer sub cura Tuto-
rum Vayvoda declaratus est. a)

II.

-
- a) Cod. jur. patr. Wlfg. Bethlen. l. 6. Istvánfi.
l. 25. Valvasor Descript. Carniolæ, pag. 347.
Cæsar Canonic. Lateran. Descript. Styriæ P.
I. pag. 464. Megizerus annal. Carinth. l. 12.
Litt. Cæsaris ad Bassam Budensem. Vien. 4.
Oct. Ejusd. ad eund. 4. Nov. ibid. Ad Turcar.
Imp.

1582.

II. Interea tempus Comitibus præstitum
 aderat. Præfuit illis, ut receperat, ipse Cæsar, sed ob contentiones, quas Ordines de firmandis regni immunitatibus instaurabant, in annum sequentem protracta sunt, diuque nihil effectum, donec Procerum sponfione omnia futuro Conventu in pristinum statum reponenda esse, Nobilitas tandem pacata, subsidium, ceteraque, quæ petebantur, decreisset. Nicolaus Istvánfius, elegans rerum nostrarum scriptor, omnium consensu, ut locum Palatini teneret, ejusque officio fungeretur, electus est, & soluto Conventu Stephanus Nyári Legatus ad Amurathem missus, qui prope anni finem inducias in novem annos firmatas, ducto a Calendis Januarii sequentis anni initio, retulit, ad cujus Calendas Martias rursus Conventus Posonii habitus priore nihil ferme pacatior. Subsidium quidem in futuros duos annos ea conditione decretum est, ut Cæsar immunitates regni secundum leges Majorum in integrum reponat, nisi id fieret, nulla deinceps subsidia a se conferri posse

1583.

retur, electus est, & soluto Conventu Stephanus Nyári Legatus ad Amurathem missus, qui prope anni finem inducias in novem annos firmatas, ducto a Calendis Januarii sequentis anni initio, retulit, ad cujus Calendas Martias rursus Conventus Posonii habitus priore nihil ferme pacatior. Subsidium quidem in futuros duos annos ea conditione decretum est, ut Cæsar immunitates regni secundum leges Majorum in integrum reponat, nisi id fieret, nulla deinceps subsidia a se conferri posse

Imp. eod. ibid. 1577. Ejusd. ad Bassam Buden. ibid. 19. Febr. 1578. Ejusd. encyclicæ ad Hung. Prag. 6. Jan. 1581. Joan. Zamoisci Pol. Canc. ad Wolfg. Kovácsoczi. Vilna, 10. Jun. 1582. Andr. Báthori Cardinalis ad Princip. Transilv. Cracov. 11. Sept.

posse indicabant. Delecti postea, quoniam id Ordines vehementer flagitabant, duo Consiliarii ex Hungaris, qui ad certum tempus, & his recedentibus alii duo semper Cæsari ad latus sint, quorum opera in rebus Hungaricis utatur. Actum præterea, ut usus Calendarii novi, seu Gregoriani in regno induceretur, sed obstabat illud, quod auctoritate Pontificis, & Catholicorum studio annus emendatus fuerit, a) satis probabili indicio eos, qui ab avita religione desciverant, præcipuas tunc in Comitibus, ut fere deinceps, partes habuisse. Ceterum nimia Ordinum libertate Cæsar offensus tricesimo post, quam cœpit, die Conventum solvit, & quadriennio ab habendis Comitibus abstinuit.

1583.

N 2

Vien-

-
- a) De Calendario res Episcopis commissa, ut ejus usum in suis Diœcesibus provehant. Sed obstabant A Catholicis. Certe Schemnicenses d. 8. Dec. cur id nolint acceptare, hanc rationem reddidere: *quia nusquam, nisi ubi Papatus dominatur, illud receptum esse intelleximus.* Et Emeric. Forgács, ex castro Byche d. 12. Dec. ad Trenchinien. Ministros: *proinde mandamus — ne ulla ratione audeatis recipere recens Calendarium, — quod non solum regni Status repudiant, sed neque Imp. Principes, neque vicinæ provinciæ approbarunt.*

1583.

Viennam reducti litigium cum rege Poloniarum obortum. Petebat is *Szatmarinum* non tam sibi, quam Transilvanis restitui, præterea conscribendi in Hungaria, & Imperio militis veniam poscebat, tum, ne Cæsar cum Moscis consilia Polonis noxia ineat, neve navigationem Narvicam iis impediat, denique ad finitimorum querelas, injuriasque cognoscendas, & discernendos utriusque regni limites ex Hungaris probos viros deligat. Ad postulata nomine Cæsaris respondit Joannes Cyrus: Cæsarem nihil contra regem moliri, cum Moscis tractari res privatas, quæ nihil ad Poloniam pertineant: *Szatmarinum* vero contra pacta cum Joanne Sigismundo inita, quæ ipse rex, dum Transilvaniarum præerat, rata habuisset, repetere haud æquum videri, militem in Imperio conscribere, lege vetitum exteris esse, & Hungariam, quæ potentissimum hostem in visceribus habeat, si milite nudetur, manifesto periculo expositum iri: Narvicam navigationem cuius ex constitutione Imperii esse liberam, modo ne arma, aliasve res bello idoneas hostibus vehat, quod ad finitimorum querelas attinet, Cæsarem amicitiae colendæ constanter studuisse, si quid contra factum fuisset, id privatis tribuendum; ad discernendos vero regni limites, in proximis Comitibus, nec enim sine Ordinum consilio id fieri solere, arbitros deligendos, qui litem ex æquo componant. De-

mum

nam, equoniam dissidium a Szaत्मनो. or-
tum haberet, Cæsarem pacis, & quietis re-
tinendæ causa Nagybányam, olim Rihulam Do-
mesticon dictum, a) oppidum ab auri fodinis
celebre pro Szaत्मनो cedendum, duxisse. b)
III. Late in hunc modum composita Cæ-
sar ab fame, & quæ hanc consequuta est,
pestem integro fere biennio per Hungariam,
& vicinas regiones grassantem in Bohemiam

1583.

1586

N 3

con-

a) Fere enim semper dotis nomine Reginis in-
scribi solebat, unde *Dominarum* nomen accepit.

b) Cod. jur. patr. ad a. 1582. Cæsaris respons.

ad supplicat. Ordinum. 21. Apr. 1583. Repli-

ca illorum. 24. Apr. Modus a Cæs. propositus

tollendi gravamina. 25. ejusd. Ordinum respon-

sa. 26. ejusd. Litt. Cæsaris ad regem Polon.

Vien. 28. Febr. Ejusdem ad suum Legatum ex

Ebersdorf. 24. Jun. Ejusd. ultimum responsum

Legato Pol. datum. Pragæ. 17. Sept. Magistratus

Schemnitien. ad Emeric. Forgács. 8. Dec.

Hujus ad Pastores Trencsinien. de novo Calen-

dar. ex Byche. 12. ejusd. Wlfg. Betlen. 1. 6.

Sed quædam ex testamento Stephani, quæ ha-

jus in religionem catholicam studium commen-

dant, omittit. Coll. Georgii Chihakor, de mor-

te Stephani regis libellum Claudiop. editum fi-

ne a. Fuit Secretarius regis, refertque hunc

non sine veneni suspitione ab Italo Medico por-

recti extinctum.

1589.

se impediturum promittet, Lubloviam cum bellico apparatu, quem ibi repererat, XXI. Julii Polonis reddet, &, ut sopitis dissidiis amicitia in solidum stabilietur, vetera pacta, quæ inter regna, & provincias utriusque partis olim sancita erant, novo fœdere roborentur, conditiones denique has præter Cæsarem, regem Poloniæ, & Maximilianum, reliqui quoque Archiduces, regnorumque omnium, & provinciarum utriusque partis Ordines iuramento firmabunt, & litteras fidei testes regi Poloniæ tradent.

Exemplum transactionis ad Cæsarem eo tempore missum est, quo ei ob dilatam manus honorarium difficile cum Amurathe negotium intervenerat, quo per Oratorem, & litteras ad Sultatum, aliosque datas utriusque composito, Episcopum Vratislaviensem in Poldniam ire iussit, ut postremam transactionis caput de iuramento per Cæsarem præstando mutari, aut certe teniri curaret, satis esse ad fidei auctoramentum, si Cæsar, & rex verbo regio, Legati autem iuramento transactionem firment, qui mos olim inter Ferdinandum Imperatorem, & Sigismundum Poloniæ regem observatus fuisset, esse enim inter Principes, & qui horum personam gerunt, Legatos discrimen, Cæsarem sibi persuadere eos magis civiles esse, quam ut id exigent. Poloni, qui capto Archiduce potestatem dandi, non accipiendi leges, in suo arbitratu habe-

bebant, in proposito perſiſtere. Itaque Caeſar juramentum praſentibus Poloniae Legatis Pragae tandem praſtavit, nondum tamen Maximilianus e cuſtodia dimiſſus, niſi cum Caeſare data cautione promiſerit, Hungariae etiam Ordines pacta in proximis Comitibus juramento confirmaturos eſſe, verum hi, ſi Lublowia cum reliquis oppidis, & in jus Polonoꝝum concederet, veriti, ne juſſibus coronae praejudicium creetur, adduci non poterant, ut, hoc capite transactionis nondum ſatis illuſtrato, ſe juramenti religione obſtringant.

1589.

1590.

Rex Poloniae hoc ſergerverſatione iuſſu ari ſe exiſtimans, litteras quereſarum plenas ad Pontificem, qui conciliationis autor erat, ad Caeſarem, & Archiduces dedit, acerbis quoque pacta, quae unanimi partium conſenſione inita, ac Oratorum ſtipulatione firmata fuſſent,

a) In formula juramenti haec reſtaſſentur: *nosſum Lublow, velut Lublow cum oppido, & oppidum Podolſka cum Forſſicia, Lacroſſis, & nec non Civitatibus & parochiis noſtris Seipſenſi, Diocleſi Strigontienſi ſubactis, & deſſe, Gnyzn, Bala, Lubtow, Maynhardſdorf, Douchetſdorf, Micholſdorf, Elka, Wietendorf, Kyrehdorf, Georgenberg, Durelsdorf, nuncupatis.*

1593.

rum milibus Adrianopoli movens Belgradum Octobri exeunte venit. Hic ei primum de profligato III. Novembris ad Albam regiam Bassa Budensis, & paulum post id occupato a nostris *Fitchito*, vicinisque aliquot castris, & amisso ad *Sisciam* Peditatus robore nuntium allatum est. Tot cladibus, præsertim Albeni, qua XIV. milia amisit castris perierant, coactus est distributo in lybera milite alias consilii rationes inire. Incertum tamen erat, in quam partem sequente anno evasurus esset, præter Hungariam enim Valachiam quoque quibus eo deservium Legatus Angliæ ad Principem Transilvaniæ perscripseret, qui, ut avertendo periculo, nec enim socium se Turcis iungere volebat, mature caveret, missis ad Pontificem, Cæsarem, & regem Poloniæ, aliosque Christianos Principes nuntiis auxilia implorabat. Ac Cæsar quidem *Teuffschbachio* mandarat, quantum sine suo periculo posset copias, si opus fuerit, Principi ad-

1594.

sis, Regina quoque Angliæ datis ad Sultannum litteris petebat, ne arma in Transilvaniam converteret, Poloni, ut lenta ambiguaque spe *Sinadam* duceret, suadebant. Via itaque qua Hungariæ innotitura videbatur, quantum ex hostis apparatu conjici poterat, quem ut Cæsar anteverteret, fratrem Mathiam copias in Hungaria, Maximilianum in Croatia præfecit. Utriusque ducta res initio satis feliciter gesta: Maximilianus *Petriniam* arcem, Ma-

Mathias Neogradum subegere; tentatum quoque est *Hatvanum*; & *Strigonium*; sed cum 1594. prope deditionem jam esset, adveniente *Sina*-*no* relictum; qui nostris *Comaromium*, mox in mediterranea insula *Cituum* regressis *Vesprimianum*, & *Palotam* nullo pene negotio occupavit; tum ultra progressus dedita *Tota*, *Jaurinum* obsedit, & post duos menses proditione *Hardeckii* obtinuit.

Cæsar Hungaros tot arcium jactura confectos litteris in spem erigere nitebatur, auxilia non solum in Comitibus *Ratisbonensibus* decreta tempori affutura, sed *Moldaviæ*, & *Valachiæ* etiam *Vayvodas*, qui Legatos ad Imperium jam misissent, in belli communionem futuro anno venturos pollicitus, quos propterea in Principum Imperii cœtum cooptatos missis vexillis in auctorasset. Princeps quoque *Transilvaniæ* *Constantinopoli* a familiaribus admonitus XL. *Tartarorum*, & X. *Circassorum* millia ad invadendam *Transilvaniam* destinata esse, de exortiendo *Turcarum* jugo, & communi cum Cæsare, & Principibus ineundo fœdere cogitabat. Causa amplectendi hujus consilii erat *Sinani* fastus, qui præter imperatum tributum augmentum, in bellum futuri anni tormenta currulia, naves, annonam, ac reliquum apparatus a Principe subministrari, & ut sibi ea pompa, quæ *Johannes Zapolya* *Solymano* obviam veniret, poscebat. Re Ordinibus proposita plerique ser-

1595.

id gerendum apparatus, ut res, loca, & tempus poscent, juvabit: postremo, si nuptiæ non coalescerent, utraque pars liberam a fœdere recedendi, quin id alterutri fraudi sit, potestatem habeat. Actum quoque de pactis nuptialibus, quibus rite conditis Legati Praga Græciam profecti *Christiannam* Caroli Archiducis Patruī Cæsaris filiam Principi in Transilvaniam adduxere, & Cæsar conditiones cum eo initas, ab Ordinibus, qui Posoni in Comitibus collecti erant, firmari curavit.

His solutis apparatus ad bellum, quod Mehemetem Amurathis successorem moliri allatum erat, per hæreditarias provincias facti. Collectæ præter Hungaros, ex Imperio, Bohemia, Italia, & ex hac Pontificis præcipue sumtu, ex Belgio, & aliunde stipendiis copiarum LX. facile millia superabant, his ut Carolus *Mansfeldius* sub Mathia Archiduce præesset, e Belgio accitus, qui in citima Danubii parte rem gereret, trans Danubium Maximiliano additus est *Teuffenbachius*, ut ex pacto Transilvanis adesset, his enim proximum ab hoste periculum imminebat, vocatus etiam in societatem rex Poloniæ, qui, quod Transilvanus Moldaviæ, & Valachiæ Vajvodas, quos sibi fiduciario jure obnoxios prætendebat, in clientelam recepisset, subornante Zamoiscio venire renuit. *Mansfeldius* igitur nihil morandum ratus in Hungariam duxit, & caesis non longe Strigonio XV. Turcarum millibus

ar.

ascem illuſtu cepit. 2) Alia parte Sigismundus Partis Liſſa, totaque vicinia exactis, Vajvodæ Transalpinenſi, cui Sinanus imminabat, Germanicis copiis a Maximiliano adjuſtus, auxilio veniens, gemino præſto hoſtem proſtigatam trans Danubium repulit.

Meſemetes tot cladibus irritatus expeditionem ſuis in ſequentem annum edixit, cuius fama cum perſeſcereſceret, nec Turcas fruſtra minari ſolitos conſtaret, Tranſilvanus, cujus provincia periculo proxima erat, Pragam, ut de belli futuri rationibus conſultaret, ad Cæſarem contendit. Promiſſi ſunt ex Hungaris mille Equites, & tria Peditum millia, ex Germanis bis mille Equites, & triemeſtri ſpacio ſupendia, in quemvis meſem XXX.

1596.

a) Conventio inter Cæſ. & Principem Tranſilv. Pragæ 28. Jan. Privatae utrinque conditiones, ibid. 6. Febr. Tab. foederis inter Sigismundum, Moldav. & Valach. Vajvodas. Alb. Jul. 20. Maji apud Pray ſupplem. Annal. pag. 154. Litt. Sigismundi ad Cæſ. & Maximilian. Archid. Alba Jul. 2. Jun. item 10. ejusd. Maximiliani ad Sigismundum, ex caſtris ad Rakomaz. 6. Sept. Conſilia Tranſilvanorum. ad Maximilian. quibus Turca vinci poſſit. I. d. Wolff. Bethlen. I. 8. & 9. Iſtván. I. 29. & 30. Závodski Diar. I. c. Legatio Cæſar. ad regem Pol. apud Math. Bel. monument. Dec. 1. pag. 399.

1597.

regi, ad quam vetustio ceteroqui jure pertinebat, tradere constituit. Hoc proposito Pragmam profectus Cæsarem in principio difficilem reperit, qui, ut ab hac destinatione desisteret, multis rationibus agebat, facile enim fieri posse, ut hæc, qua erat, ætate illum coepto non sine nota Inconstantia pœnteat, spemque rerum, quæ hactenus utuque feliciter cecidissent, importune succidat; idem cum Pontificius Legatus, & Hispaniæ Orator irritò conatu suasissent, de conditionibus agi coeptum: interpretes fuere Stephanus *Bocskai*, quem multi auctorem hujus consilii habebant, & Josephus *Josik* Cancellarius Principis, qui magis, quam Princeps tunc fuerit, pacato, subastoque animo deliberarent, quorum studio in hæc capita conventum: Cæsar Principi Ducatum *Opoliensem*, quem *Isabella Regina* quæ sibi quædam tenebat, cederet, adderetque quinquaginta annorum millia, quæ *Venetis*, vel *Romæ*, ad Gentem eidem numerandas. Privatum ipsi cum Cæsare de divortio egit, sed, si fortassis animum ad Sacerdotium appelleret, unde apud summum Pontificem pro consequenda purpura adjumento sit, & redditus ex optimo quod in ejus potestate futurum esset, beneficio Ecclesiastico designet. His utrinque reboratis Princeps ad suos rediit, ut transactionis condiciones Ordinibus proponeret. Quamquam autem hæc clam acta fuerint indi.

indictam tamen ad Cardinalem Andream Balthorium pertigit; qui, cum jus in Transilvaniam ad se pertinere existimaret, nullam sui in tractatione rationem fuisse habitam Pontifici questus, orabat; ne, si coepta tractatio impediri non posset, se deferere vellet, a quo cum responsum accepisset, curam illius pro dignitate habitum iri, monitusque esset, ne se rei jam transactae ingereret, accepto desistens ipse etiam conventionem ratam habuit. 1597.

Interim res belli fere alterna fortuna agebantur. Nostri *Tatam*, & quæ non longe disjuncta est, *Papam* occuparunt, etsi paulum post cum *Vacio* iterum a Turcis receptæ fuerint. Jaurinum quoque frustra hoc anno tentatum, sequente *Schwarczenbergii*, & Nicolai *Pálfi* virtute paulum post, quam XXIX. Martii Comitii finis esset Posonii impositus, recuperatum est. Accepta hac jactura cum Turcæ quiescerent, Cæsar ad capeffendam secundum pacta Transilvaniam Stephanum *Skuhai*, Franciscum *Nédasidium*, cui postea Nicolaus *Istvánfi* subrogatus est, & Bartholomæum *Pezius* Legatos ad Principem misit, qui sub idem tempus Conventum *Tordæ* eadem de causa habebat, res tamen, cujus causa venerant, per *Josikam* Cancellarium, qui ipse Principatum clam prensabat, interversa erat, nisi machinatio mature detecta fuisset. Dicto igitur ab Ordinibus regi Hungariæ, &

1597.

regi, ad quam vetustior ceteroqui jure pertinebat, tradere constituit. Hoc proposito Pragmam profectus Cæsarem in principio difficilem reperit, qui, ut ab hac destinatione desisteret, multis rationibus agebat, facile enim fieri posse, ut hæc, qua erat, ætate illum coepto non sine nota inconstantia poeniteat, spemque rerum, quæ hactenus uterunque feliciter cecidissent, importune succidat; idem cum Pontificius Legatus, & Hispaniæ Orator irritò conatu suassent, de conditionibus agi coeptum: interpretes fuere Stephanus Bockai, quem multi auctorem hujus consilii habebant, & Josephus Josikal Cancellarius Principis, qui magis, quam Princeps tunc fuerit, pacato, subastoque animo deliberarent, quorum studio in hæc capitula conventum: Cæsar Principi Ducatum Orbiliensem, quem Isabella Regina quæ sibi totum tenebat, cederet, adderetque quinquaginta aureorum millia, quæ Venetiis, vel Romæ, at Genæ eidem numerentur. Privatum ipse cum Cæsare de divortio egit, sed, si fortassis animum ad Sacerdotium appelleret, ut ubi apud summum Pontificem pro consequenda purpura adjumento sit, & reditus ex optimo, quod in ejus potestate futurum esset, beneficio Ecclesiastico designet. His utrinque roboratis Princeps ad suos rediit, ut transactionis condiciones Ordinibus proponeret. Quamquam autem hæc clam acta fuerint, indi.

indictum tamen ad Cardinalem Andream Balthorium pertigit; qui, cum jus in Transilvaniam ad se pertinere existimaret, nullam sui in tractatione rationem fuisse habitam Pontifici quæsus, orabat; ne, si coepta tractatib; impediri non posset, se deferere vellet, a quo cum responsum accepisset, curam illius pro dignitate habitum iri, monitusque esset, ne se rei jam transactæ ingereret, a cepto desistens ipse etiam conventionem ratam habuit.

1597.

Interim res belli fere alterna fortuna agebantur. Nostri *Tatam*, & quæ non longe disjuncta est, *Papam* occuparunt, et si paulum post cum *Vacio* iterum a Turcis receptæ fueriat. Jaurinum quoque frustra hoc anno tentatum, sequente *Schwarczenbergii*, & Nicolai *Pálfi* virtutē paullum post, quam XXIX. Martii Comitii finis esset Posonii impositus, recuperatum est. Accepta hac jactura cum Turcæ quiescerent, Cæsar ad capeffendam secundum pacta Transilvaniam Stephanum *Szuhai*, Franciscum *Nádassium*, cui postea Nicolaus *Istodnsi* subrogatus est, & Bartholomæum *Perium* Legatos ad Principem misit, qui sub idem tempus Conventum *Tordæ* eadem de causa habebat, res tamen, cujus causa venerant, per *Josikam* Cancellarium; qui ipse Principatum clam prensabat, interversa erat, nisi machinatio mature detecta fuisset. Dicto igitur ab Ordinibus regi Hungariæ, &

1598.

1599.

curitate Demetrium *Napragium*, & Stephanum *Bocshaium* Pragam misit, qui post explicatas, cur Princeps redisset, causas, novas redintegrandæ amicitia conditiones proponerent, quæ ejusmodi fuere, ut vacillantem Principis animum satis proderent, magisque fucata Legatio videretur, quam conciliationis gratia suscepta. Præterquam enim, quod ad priorem *Illustri Principis* titulum etiam Moldaviæ, & Valachiæ adjici, omnesque arces, quas Cæsar extra Transilvaniam ex fœdere occuparat, reddi peteret, postulabat quoque, ut ingruente a Turcis bello, eoque durante CCC. imperialium millia cum necessario belli apparatu quotannis præberet, & copiis subsidio esset Principi, si major vis ab hoste immineret, conscripto ex regnis Christianorum Principum exercitu se hosti opponeret. Si his Cæsar assentiri nollet, nec jure suo in Transilvaniam decedere, locum in Tyroli, vel Bohemia, aut Austria designet, in quo ut cum conjuge pro utriusque dignitate possit vivere, centum florenorum millia quovis anno administret, posterorum utriusque sexus, si quos relinquerent, eandem curam gerat; erratorum venia omnibus detur, donationes Joannis Sigismundi, Zapolyæ filii, patruï sui Stephani, & quas ipse fecisset, suo, & successorum Hungariæ regum nomine ratas habeat, nihil in Transilvaniæ immunitatibus mutet, nec, si provinciali-

et alibus. Mayrodamque ex ipsa Transilva-
nia compert. diligendus erit; praestiterit, eos 1599.
novo fidelitatis juramento obstringat.

Apparebat conditiones ex ingenio Bocskaii, qui, ut principem ex Silesia revocaret, ita eundem in provincia voluit conservatum, dictatas fuisse, nec enim Caesarem his consensurum sibi persuaserat. Verum quoris dolo Caesarem ludere cogitabat, eodem a Principe delusus est. Rursus enim conjugis traditio captus Transilvaniam patrueli Andrea Bathorio Cardinali asserere constituit, quod cum videret praesente Bocskai, inter quem, & Cardinalem, ob eadem fratris Balthasaris Bathorii, autore illo patratam, inimicitia intercesserat, commode fieri non posse, specioso Legationis titulo illum ab se amovit, quo apud Caesarem absente, Cardinalis jam ante per nuncios e Polonia accersitus, in Transilvaniam venit, quem Princeps *Megyesinum*, quo Conventum, sed numero, quem excedere nefas esset, praestituto indixerat, cum praetoriana militia deduxit, ubi utrumque armati Siculi jam praestolabantur. Comitium ingressus, paucaque pro tempore loquutus, Cardinalem inopinantibus omnibus, & pene invitis Principem declaravit, annuo XXIV. millium florenorum censu sibi servato, conjuge dein, decreta per Cardinalem XIV. millium aureorum annua pensione, ad matrem dimissa, ipse in Poloniam ad Zamoiscium affinem suum discessit.

In.

1599.

Inter hæc Legati rerum, quæ apud Transilvanos agebantur, ignari, concordiam capita paucis mutatis ad finem feliciter adduxerant, id solum sibi Cæsar servavit, ut, quem ex familia sua Principem voluerit eligere, Cæsari, & successoribus regibus Hungariæ fidelitatis jurementum præstet. Praga in Hungariam reversi cum res interim in Transilvania mutatas intellexissent, *Napragius* recta ad novum Principem contendit, *Bocskaius* vero in Hungaria primum substitit, mox, quod sibi Cardinalis diem dixisset, duorum mensium spacio ad respondendum præstituto male sibi conscius Pragam reversus, & cum ad constitutum tempus non adesset, bonis omnibus, quæ perampla a Sigismundo obtinuerat, privatus est, quam jacturam ille in suum commodum vaserrime vertens, Cæsari persuasit, se non tam ob cordis suspicionem, quam fidelitatem Domui Austriacæ hactenus præstitam, & deinceps servandam rebus omnibus a Cardinale exutum fuisse, qua simulatione Cæsar in fraudem inductus illum Consiliariis suis adlegit, brevi credulitatem suam damnaturus.

Cardinalis intellecto *Bocskaium* Pragam rediisse, veritus, ne istic sibi negotium apud Cæsarem conficeret, consilio *Malaspinae* Nuncii Apostolici, qui recens in Transilvaniam advenerat, persuasus, missis Pragam Michaelē *Bogatio*, & Stephano *Kakasio* in Cæsaris clientelam itidem, in quas primum cum Sigis-

giemundo conventum erat, conditionibus præter illas, quæ a Sacerdotio alienæ erant, concessit. Hac parte cum se adversus *Bocskaii* 1599. technas tutum credebat, aliunde ei periculum confectum est. Michael Transalpinus Vayvoda, etsi iuramentum fidelitatis Cardinali præstiterit, facto tamen belli Turcis, ut præferebat, inferendi apparatu, repente posita larva Transilvaniæ infusus Cardinalem cum paucis tumultuarie collectis congregi ausum cruento, & ad octo horas protracto prælio victum in fugam egit, quem per silvas errantem, & per Moldaviæ fines in Poloniam volentem evadere, Siculi spe potiundæ prædæ, quamquam non inultum, trucidarunt. Vayvoda nullo, sed Cæsaris nomine rem egisse videretur, Georgium *Bastam*, qui Maximiliano Cassovia Viennam digresso locum illius tenebat, ad recipiendam in fidem Transilvaniam crebris nunciis accersit, apparebat tamen hominem longe alia, quam præferebat, agitare. Vix enim ille cum Davide *Ugnadio*, & Michaeli *Székelio* ad res provinciæ coordinandas a Cæsare missis Varadinum venerat, ut ex propinquo consilium caperet, cum Vayvoda non solum Transilvania excedere noluit, sed Cæsareos etiam hostilem in modum fere habere coepit, unde inter utrumque simulas, & odiorum causa orta, quæ, quo minus tum quidem in apertum erumperent, Ibrahimi Vezirii in Hungariam adventantis fama præpedivit.

Ve-

1799. Venerat is cum mandatis a Sultano, ut pacem cum Cæsare conficeret, cui ob componendam Transilvantiam nihil magis opportunum erat. Datis utrinque obsidibus infula, quæ Buda, & Strigonio pari fere spacio dissidet, ad tractandum delecta est. Pacis arbitri a Cæsare constituti fuere, Joannes *Katasi* Archiepiscopus Strigoniensis, *Pálfius*, *Nádasdius*, & *Pexius*, sed confestim in primo congressu exigua conciliationis spes apparebat. Ibrahimus enim præter Jaurinam alia quoque loca nostris occupata repotebat, id cum negaretur, nec enim nostris ignotum erat, Turcas recrudescente bello Persico vires suas alio conversuros esse, abrupta tractatione, & redditis utrinque obsidibus, discessum est. Quamobrem Ibrahimus fortunam armis volens experiri, castra nostrorum castris ad Strigonium opposuit. Præerat his *Schwarczenbergius*, qui cum ad pugnam, etsi id *Pálfius*, ceterique magnopere cuperent, elici non posset, Tartari vastata ea regione, quæ inter *Ipolim*, & *Gannum* amnes sita est, ac *Uj-helinum* usque divagati ingentem hominum, pecorumque vim abegerant. Cum ne sic quidem *Schwarczenbergius*, qui equestribus copiis inferior hostis erat, se prolici lineret, Ibrahimus Belgradum rediit. a)

VIII.

a) Volfg. Bätzken, l. 10. Istváni l. 31. Diar. Zavadski l. cit. Litt. Cardinalis Báthory ad Cæs.

VIII. Transilvan, quibus Vayvoda Trans-
 alpinus perinde, ac suis superbe imperitabat, 1600.
 crudelitatem illius, & avaritiam pertasi, vo-
 cato in auxilium *Bassa* copias eidem iungere,
 & hominum barbarum pugnam primum de-
 trectantem, postea in insidias pallectum, ac
 memorabili clade affectum, in Valachiam eja-
 cere, ex qua cum in Moldaviam reparatis
 viribus parat, a Zamoiscio quoque victus, da-
 tis unore, & filio, obfidibus, facultate, quam
 quam egre, a *Bassa* ad Cæsarem eundi obti-
 nuit. Vayvoda utraque provincia exuto, Co-
 mitis quoque celebratis, præter juramentum, si
 immunitates, & religionum consuetudo salva,
 intactæque sinerentur, Cæsari ab Ordinibus
 dictum, & his illius nomine a *Bassa* vicissim
 præstitum est, aliæque ad reparanda Trans-
 silvanie damna præclare constituta. Illud quo-
 que sancitum, ut *Boskaius*, quod reducto ex
 Silesia Sigismundo malorum quantum causa
 fuisset, hinc omnibus, & jure civitatis priva-
 tus Transilvania in perpetuum excludatur,
 ad quæ firmanda Legati ex Comitibus ad Cæ-
 sarem missi, quibus hæc rata haberi peterent,
 rogarentque, ne Transalpino Vayvoda fidei
 deum habeat, venit postea ex perisdo summa
 Maximilianum Archiducem, quem alias jam
 Albi Juss. d. Relatio Melchior Bogati, ali-

1601. *ante Kihata, urbeque Alba regia quinquagesimo*
 anno possidendo; quam a Botymenou nobis
 crepta octas; octoperata; majore fœnore per-
 sivit. a).

1602.

IX. Exiit in Moldaviam Sigismundo,
 & Michaelē Vayvoda caeso, nihilo pacatior
 in Transilvania fuit. Provinciales; qui
 Basta sacra perinde; ac profana diripientis
 avaritiæ; & militum licentiæ, qua in plebem,
 & Nobiles grassabatur; offensi, a Germano-
 rum impetio vehementer abhorrebant; Sigis-
 mundus *Grone* clam morantem ad resoluenda
 arma coherciti sunt; verum is adversa si-
 bi toties fortuna cæcior redditis maluit pa-
 cis, quam bello afflictis provinciæ rebus con-
 sulere. Condicois igitur ad Calenham Marti-
 as inducitur; cepit per familiares suos cum Ba-
 sta agere; quasi Transilvani pacis expectis,
 quo consiliis illius essent evasura, intelligerent.
 Consiliatio; quod Basta magis imprudente Ce-
 sare vellet transigere; bonique producta est,
 mones responsa Bogatso internuncio Praga in
 hanc sententiam fuisse missa; Caesarem in-
 jarperant, quibus a Principe affectus fuisset,
 remonitum posuit ponere; gratumque tibi
 esse; quod summo proposito Transilvania re-
 cedens hanc pristino juri; & Regibus domino

1602. *ante Kihata, urbeque Alba regia quinquagesimo*

a) Bethlen 1. 10. & 11. Havani 1. 32. Diar. Za-
 vodski ad hoc an. 1. sic Relatio Mich. Bogati.

restituere cupiat, pro qua cum Opoliensis Ducatus ei displiceret, in Bohemia ditionem 1602.

Lobcoviczianam cum annua quinquaginta millium aureorum pensione daturam, & alia, quæ ad dignitatem Principis pertinerent, liberaliter administraturum esse. Rata hæc habuit Sigismundus, & itineri in Bohemiam se accinxit. Præcipuum dedendæ provinciæ auctorem habuit *Bocskaium*, qui, cum ab eo tempore, quo bonis a Cardinale privatus erat, Cæsaris partes necessitate magis, quam æquitatis studio sequeretur, ut primum, quæ mens illius esset, animique nosset mobilitatem, comperit, per nuncios, & litteras eum in proposito confirmabat, idque ut quantocius faceret, cohortatus est, viam sibi, ut ex eventu patuit, sensim ad Principatum sternens, ad quem cognationis, qua Sigismundo junctus erat, jure non exiguum spem habere sibi videbatur. Cæsar dedita, rursum provincia Michaeli *Székelio*, & Joanni *Molardo* adjunxit Nicolaum *Istvdnsium*, qui res istuc perturbatas in ordinem redigerent.

Quod dum illi secundum data sibi mandata diligenter agunt, *Hafanes*, qui anno superiore Albam regiam amiserat, dolore, & vindictæ studio incitatus eam absente *Rosvurmio* aggressus est. Obsidio paucos dies tenuit; Germani præsidarii, qui insciis Præfectis de ditione cum hoste pacti sunt, præcipua amissæ iterum Albæ causa fuere. *Rosvurmio*

1602. us quidem deducto Vaciam exercitu, & hac extemporaneis operibus communita, Pestioque expugnato damnum reparare volens, Budam obsidione in mensem Novembrem producta, irrito tamen conatu premebat. Aliquot in receptis, quæ Danubio vicina erant, occupata Castella unicus fere expeditionis fructus erant. a)

1603. Commissarii, postquam Sigismundus Transilvania excesserat, consilio cum Basta inito provinciales Albam Juliam ad Comititia convocarunt, in quibus Ordines iisdem conditionibus, quibus anno superioris seculi nonagesimo octavo cum Sigismundo transactum erat, quibus libertas religionem quamcunque libere profitendi recens addita est, in fide Cæsaris se futuros promiserant, orabantque, ut, si Maximilianus provinciæ præfici non posset, Bastam ei subrogaret, magnam enim jam gratiam apud eos inierat, quod *Hajdonum*, & *Valionum* partem, qui plebem expilare solebant, Debrecinum, alioque exegerit. Designati dein ad Cæsarem Legati, qui postulata firmari peterent. Aderant Comitibus nuncii quoque a Je-

a) Idem, qui supra. Baste responsa ad Sigismundi postulata. Claudiopoli. 29. Jun. Litt. Cæs. ad Transilvanos. Praga 8. Sept. Commissar. Cæs. responsa ad postulata Transilvanor. 13. Dec. Bogati relatio cit.

1603.

Jeremia *Mogila*, Moldaviæ Vayvoda, qui sine arbitris ad Bastam admisi veniam suo Principi, quod Sigismundo nuper suppettias venerit, flagitabant, ejusque nomine polliciti sunt, illum deinceps partes Cæsaris sequuturum, cujus indicium cum ad *Radulem*, quem Valachi cælo Michaelæ Vayvodam elegerant, pertigisset, suspicatus Moldavum aliquid contra se moliri, Legatos cum muneribus Pragam misit, qui suo nomine clientelam professi, provinciam sibi a Cæsare firmari rogarent. Libenter Cæsar, cui belli curæ aliquin jam molestæ erant, annuit, modo constans in fide maneret. Sub idem tempus oratores e Transilvania Pragam advenere, qui, dum tractando, cujus causa missi erant, negotio sedulam operam navant, Transilvani, postquam Basta illis nimium confusus copias ob lente administrata stipendia *Szatmarinum*, & *Tokaium* incaute eduxisset, *Moysem* Siculum, qui hactenus apud Turcas *Temesvarini* latebat, sibi Principem delegerunt, quem Turcarum Sultanus missis pro more insigniis, & decreto, *Athname* Turcæ vocant, per *Chiausum* inductoravit.

Cognita hac perfidia Cæsar oratores Praga excedere, & Bastam damnum, cujus causa deductis importune e provincia copiis fuerat, reparare jussit, qui confestim *Mogila*, & *Radule* fidei admonitis, militeque collecto versus Transilvaniam movit, præverterat il-

1603.

lum *Moyſes*, qui præmiſſo Gabriele Bethlenio cum *Becta* Temefienſi, & quos hic ductabat, Turcis, ac Tartaris occupata *Claudiopoli*, & *Alba Julia*, *Cibinio* autem dedito, *Coronam* prius obſederat, quam Baſta limites Tranſilvaniæ attigiffet. Radul, qui, donec Baſta adeſſet, *Moyſi* ſuam amicitiam literis teſtatus erat, cum videret illum moras trahere, ſuperatis alpibus hunc XVII. Julii inopinato aggreſſus cæſis quatuor millibus, inter quos & *Moyſes* erat, reliquos metu conſternatos facile diſſipavit; *Bethlenius* magno Hungariæ malo incolumis evaſit, ſigna militaria CLV. Cæſari in teſſeram victoriæ tranſmiſſa. Victo, cæſoque *Moyſe* Baſta, qui interim in provinciam penetraverat, palantes a prælio, Ludovici *Rdkoczii* ductu, partim cepit, partim diſperſit. Inde laudem receptæ Tranſilvaniæ ſibi tribuens, morem ſuum ſequutus, provinciales crudelitate in officio continebat, quod cum diuturnum eſſe non poſſet, Commiſſarii auctores Cæſari fue-
re, ut homini decem viros adjungeret, qui præferocem illius indolem conſiliis ſuis temperent. Lecti ſunt ex Hungaris, & Germanis æquo numero, ſed hoc ipſum, quod componendis animis maxime opportunum credebatur, mox occaſionem provincialibus, qui exteros ſibi præponi ægre ferebant, ad ſeditionem præbuit, quam cum Commiſſarii prudentia ſua ſopiviſſent, Baſta otii impatiens
cum

eum parte copiarum provincia egressus *Lip-*
pam, & *Lugofinum* Hungaris, qui ea tueban- 1603.
 tur, sponte se deditibus recepit. In Illyri-
 co duo castella a Turcis recens exstructa,
 e quibus ditionem Cæsaris crebro infesta-
 bant, a Nicolao *Zrinio*, & *Trautmansdorfio*
 funditus everfa, *Hatvanum* a Nádasdio recu-
 peratum, & Turcæ ad *Sexardum* a *Kollonicsio*,
 rursus ad Budam a *Rosvurmio* cæsi, non so-
 lum tuta nostris hyberna reddidere, sed spem
 etiam pacis conciliandæ eminus ostentabant. a)

X. Hujus indicium primus Bassa Buden- 1604.
 sis *Althamio* Strigonii Præfecto per litteras
 ante fecerat, quam *Mehmetus* Idibus Janua-
 rii relicto *Achmete* filio impubere e vivis
 excessit. Cum successoris ætas paci magis,
 quam bello apta esset, Turcæ nihil ma-
 gis optabant, quam ut pax iisdem con-
 ditionibus, quas defunctus alias proposuerat,
 coalesceret, ad quam conciliandam sub ipsis,
 quæ *Posonii* agebantur, Comitibus delecti fue-
 re

P 3

a) Idem, qui supra. Legatorum *Mogilæ* postu-
 lata, & Bassæ responsa 25. Jan. Litt. Radulis,
 & Boerorum ad *Moysem Siculum*, *Tergovistia*.
 11. Jun. quas *Bethlen*, l. 12. suis verbis, sed
 non integre reddit. Bassæ resolutio data *Trans-*
ilvanis. 13. Sept. *Bogati* relatio. *Aloysii Radi-*
brati, Radulis secretarii commentar. Italice
 script. de pugna *Moyfis Siculi*.

1604. re Andreas Szuhay, Agriensis Episcopus, Thomas Eördödi, Althamius, & Bartholomæus Pezius linguæ Turcicæ gnarus. Conventum est in agro Pestano, & conditiones propositæ. Turcæ præter intermissum aliquot annis munus honorarium, *Jaurinum*, & *Strigonium* sibi dedi postulabant, Cæsarei his repudiatis *Canisam*, & *Agriam* contra induciarum fidem interceptas repetebant. Cum Turcæ nihil de suo fastu remitterent, & nostri ex adventu Persarum Legati, qui Cæsarem ad commune in Turcas bellum hortabatur, animum summissent, re infecta utrinque discessum, & ad arma ventum. Hæc Turcæ primi resumerant, quorum metu *Jagenreuterus* Pestino præfectus avecto *Strigonium* bellico apparatu urbem deferuit, ab Althamio postea custodiæ traditus, cujus exemplo *Hatvanien*ses quoque incensa arce profugerant.

Interrupto hac ratione pacis negotio Comititia Posonii finem prope turbulentum habuere. Prodierat libellus, qui Statuum, & Ordinum nomen generatim præferebat. Petebatur eo, ut libera cuivis esset religionis professio, additis querelis ob Ecclesias, harumque proventus ereptos, & ministros locumotos, Cæsar indignum ratus petitioni eorum, qui nec sua nomina, nec cujus essent, religionis, aut, quas prætendebant, injurias speciatim edere ausi fuissent, morem gerere, actis Comitiorum sua auctoritate, ut leges omnes,

omnes, quæ a decessoribus ad constabiliendam religionem Catholicam perlatæ erant, firmæ, & inviolabiles essent, adjecit, vetuitque, ne ulli posthac in Comitibus, quæ bono solum rei publicæ, non item tricis religionum, quæ ex instituto ad Synodos pertinerent, sermonem inferre liceat. Intempestivam contentionem diremit *Hafanes*, qui cum LXX. millibus Strigonium obsederat, forte etiam expugnaturus, nisi Balsa, cui hostis destinatio prodita erat, citatis itineribus e Transilvania *Parcanum* prior veniens, accita Jaurino, & Comaromio militia, & contabulato duobus pontibus Danubio ex adversa ripa Turcarum conatus inutiles reddidisset.

Sub ipsum obsidionis initium Stephanus *Bocskai* telam ordiri cœpit, quam postea, qui rerum in Transilvania potiti sunt, usque Leopoldum pertexebant. Is ab eo tempore, quo a Sigismundo Báthorio Legatus Pragæ missus, & mox decreto provincialium hostis declaratus erat, ita se Cæsari insinuaverat, ut, si quid ambiguum in rebus Transilvanicis occurreret, ejus potissimum consilio uteretur, eique post recuperatam provinciam bona restitueret. Inter hæc cum aliqua essent, quæ jure ad Michaellem *Bogatium* pertinebant, hic porrecto Cæsari libello versipellem illius animum, fluxamque fidem incusans omnium, quibus Transilvania hactenus agitata erat, motuum, amissæque provin-

1604.

cix auctorem faciebat; ad quam criminationem cum respondere iussus esset, frivole admodum se purgavit, compertoque litteras, quas ad Gabrielem Bethlenium, & Turcas, ut sibi ad occupandam Transilvaniam adjuumento essent, a Cæsareis fuisse interceptas, clam fuga se in Hungariam subducens, posita simulatione, diu agitatam prodicionem maturavit. Ut vulgum in suas partes pertraheret, sparsis per regnum litteris Cæsarem militia Germanica in regnum inducta nihil aliud moliri commentus est, quam ut omnes, qui religionem Catholicam deseruerant, exstirpentur. Invenit apud plebem, quæ alioqui militiæ Germanicæ ob crebras rapinas infensa erat, fidem. *Hajdones*, erant hi primitus ex variis nationibus coorta hominum colluvies, quos sola prædæ spes militiæ auctoraverat, primi omnium violata fide, victisque, qui obstabant, Cæsareis ad *Bocskaium* defecere, quorum exemplum mox *Cassovia*, *Cibinium*, *Leucsovia*, & *Eperiessum* sequutæ. His initiis in spem erectus, cœpit de fœdere cum Turcis ineundo agere. Conditiones *Bassæ Temeñienſi* has proposuerat: Turcæ a munitis Hungariæ oppidis, & urbibus, quæ suas partes erant amplexæ, vim abstinebunt, præbito dein suis stipendio conjunctis animis, armisque Cæsari, & Germanis perpetuo molesti esse pergent, si quæ præterea ex usu futura essent, de iis postea communicato utrinque

que consilio agetur. Icto in has leges foedere, causas defectionis vulgato libello in Comitibus *Belgiojoso* Cassoviensis antea Praefecti avaritiam, & crudelitatem, militum Germanorum rapinas, & Caesaris desidiā, odiumque, quo in religionem a Catholica diversam ferretur, coniecit; quo factum, ut ingens agrestium copia se Blasio *Némethio* Hajdonum duci adjungeret, in quos dum Basta a liberato Strigonio redux fortuito incidit, congregi ausos profligavit, & Eperiessum duce, quem ceperat, post varia supplicia quadrifariam secto recepit. a)

1604.

1605.

XI. Barbarum Bastæ facinus eos sensim apud omnes, jam ante exacerbatos, animi motus concitavit, ut non solum Comitibus ad VIII. Idus Januarias indicta, in aliud tempus differri oportuerit, sed non pauci etiam ex primoribus ad Bocskaium transirent, inter quos præcipui fuere, Sigismundus *Rákoczius*, celebrem postea in Hungaria futuram progeniem editurus, & Paulus *Nyárius*, uterque prius a Caesare ad Senatorium ordinem, & illustres praefecturas promoti. Horum accessione, & missis a Vezirio in subsidium Turcis, ac Tartaris, aliquid se dignum patraturus in Moraviam procurrit, hac vastata in vicinam Silesiam, & utrobique sparsis litteris incolas ad-

a) Istvánfi I. 33. Zavodski Diar. c. Bogati relatio. Manifestum *Bocskai*.

1605.

defectionem sollicitans, actaque præda, & ingenti captivorum numero, quos Turcis deinde ac Tartaris vendiderat, abducto in Hungariam rediit. Diu Basta redituro frustra insidiabatur, nactus illum tandem loco opportuno, ad pugnam coegit, victumque, & castris exutum in fugam egit. Infelici pugnae eventu animum pene despondens, Budam ad Turcas securitatis causa profugere cogitabat, nisi hæsitantem alii crexissent, qui communi Baronum, & Nobilium nomine libellum *a)* in vulgus emisere, in quo nec veritatis, nec, quæ regibus alias debetur, reverentiæ habitatio est. Illud Cæsari maxime crimini datum, quod stipendia ab Imperialibus in bellum Turcicum decreta, ad comparandas gemmas, & uniones converteret, *b)* Pragæque hærens, neglecta rei publicæ cura studium omne affligendis, & opprimendis iis impenderet, qui religionibus addicti essent. Hæc dum vulgari lingua in vulgus edita passim circumferrentur, brevi incredibilis ex superiore Hunga-

a) In vetusto Ms. reperi auctorem hujus fuisse Leopoldum Beck, Camerae Posonien. Secretarium.

b) Gemmarum & unionum etiam ad ostentationem fuisse studiosum, Bohusl. Balbinus, epit. rer. Bohem. l. 5. c. 14. notat.

garia ad eum concursus hominum factus, qui, dum religionem suam in summo discrimine versari putabant, nova illi fomenta ad confirmandam tyrannidem imprudentes subdidere. Ne seditio reliquas partes regni corripere, primores ex Consiliariis Posonio Viennam profecti, autores Mathiæ erant, ut legatione decreta hominem ad saniora reducere conaretur, quod cum ille injussu Cæsaris se facturum negaret, ipsi privato studio Demetrium *Napragium*, & Sigismundum *Forgácsium*, familiariter olim ei notos, misere, quos ille, dum *Epericssum* frustra obsidet, sero admissos, quod suo, non item Principis nomine venissent, aspernatus re infecta dimisit, solutaque oblatione Conventum factionis *Szerenchinum* ad XVII. Aprilis indixit. Convenere frequentes, Transilvani quoque, in primis Siculi, ut adessent, invitati. Prima in hoc Conventu religionis cura erat; professio trium religionum *Catholicæ*, huic primum locum ad conciliandos Catholicos dabant, *Lutheranæ*, & *Calvinianæ*, reliquis exclusis, libera cuilibet permixta: mox in suffragia itum, & *Bocskaius* Stephano *Báthorio*, qui proximum jus habere videbatur, præterito, Princeps Transilvaniæ XX. Augusti declaratus est, qui credita Valentino Homonnaio copiarum præfectura, ceterisque rebus pro tempore constitutis, sine mora in Transilvaniam profectus, dictoque *Claudiopoli* provincialibus, & præstito vicissim

1605.

sim eidem ab his juramento in dignitate confirmatus, non multo post clavam, & vexillum Principatus, & clientelæ Turcicæ tesseras a Sultano missas grato animo accepit. a)

Jam sub ipsum Conventus initium videns omnium vota in se conspirare, regia pene usus autoritate, Stephanum *Illésházi* Quæstorem regni, & partium cis Danubium Gubernatorem constituerat, principatum vero adeptus, ut memorem beneficii animum ostenderet, legatos Constantinopolim misit cum ingentis precii muneribus, quibus pueros Germanos liberalis formæ, quos bello ceperat, purpura amictos, &, ne ludibrium deesset, infula, qua Episcopi, dum ad aras operantur, uti solent, ornatos adjunxit. Post, ubi Basta infestæ multitudini cedere coactus Posonium se receperat, copias suas in omnem partem dimisit, quæ occupatis partim vi, partim deditioe, quæ ibant, urbibus, in societate Turcarum, & Tartarorum in Austriam, Styriam, & Moraviam effusæ incendiis, cædibus, & rapinis graſ.

a) Istvánfi l. 34. Diar. Zavodski l. c. Querelæ, & protestatio regni partium superior, contra Cæs. Litt. Baron. & Procerum ad Siculos ex Zerencs. 30. Apr. affirmant in his se Conventum *invocato nomine Spiritus S.* celebraturos. Ladisl. Gyulafi ad Nobiles Transilv. ex Zékely Wásárhely. 25. Apr.

grassabantur, captosque, quos magno numero abigebant, Turcis vilissimo pretio reduces vendebant. Interea praesidiarii Germani Strigonium, *Dampiero* loci Praefecto custodiae tradito, Turcis prodidere; Sclavonia Joannis *Draskovicsii* virtute servata est. Bocskaius prospero suorum successu majora animo volvens, ut Budam a Bassa vocatus venit, se, suaeque fidei asseclas potenti patrocinio Sultani commendans, & ab hoc propterea laudatus, neve posthac Germanis se crederet, monitus, corona lignea aureis lamellis vestita donatus, rex Hungariae renunciatus est. Accepit donum, sed id mox Georgio *Szelcsio* proxime adstanti tradidit, &, sive vera, sive simulata modestia respondit: gratum quidem id sibi esse, verum superstitute legitimo rege se vetari, ut eo utatur; urgente consilii animi monitu testari coactus, se injusto titulo arma in dominum corripuisse.

Caesar his motibus tandem expectatus fratri Mathiae potestatem fecit, ut conciliationis ineundae periculum faceret, qui etsi sentiret, quam difficilis sibi provincia mandetur, pro ea tamen, qua Hungaros in se ferri expertus erat, animi propensione, & quod plures factionis sectatores cis, ultraque Danubium se Caesaris clementiae permisisse sciret, de successu nihil dubitans Sigismundum *Forgácsium*, & Benedictum *Pográny* Leucsoviam, in pacificationi locus a Mathia erat destinatus,

1605. ~~_____~~ tus, properare jussit, sed Bocskaius *Carpo-*
nam, hoc ei quoque indultum, delegit. Id
 eo consilio illum fecisse, existimabant, ut, si
 conciliatio non cederet ex sententia, monta-
 nis urbibus, ubi aurum, argentumque eruitur,
 propinquior nervum trahendi belli in prom-
 tu haberet. Forgácsio ea præcipue cura da-
 ta est, ut, convento seorsim Bocskaius, tam-
 quam aliud agens, indicaret, quam male neg-
 lecta securiore via in perniciosum bellum
 prorumpens, beneficiis à Cæsare acceptis re-
 sponderet, meminisset, quam benevole, dum
 e Transilvania proscriptus, bonisque priva-
 tus erat, ab eo fuisset acceptus, auctus hono-
 re, & recuperata provincia, in possessionem
 suorum bonorum repositus: frustra illum spem
 in Principibus Imperii reponere, qui, nisi posi-
 tis armis a societate Turcarum recederet,
 Cæsari copiosa auxilia promississent, sed illum
 malle concordia, quam armis cum eo transi-
 gere, annuere postulatis, quæ privatim pro-
 posuerat, conditionibus tamen in hunc mo-
 dum immutatis: Transilvaniam durante vita
 possideret, si fidelitatis juramentum coram
 provincialibus præstaret, regique in clientelæ
 testificationem munus honorarium quotannis
 mitteret; fas ei erit, nuncios ex Transilva-
 nis eligere, qui Comitibus Hungariæ cum jure
 suffragii intersint; limites provinciæ ita præ-
 fidiis firmet, ut hostes ab aditu sine magnis
 impendiis arceri possint, *Varadinum*, cum *To-*
kaio,

kato, & quidquid extra Transilvaniae montes cis, ultraque Danubium occupasset, restituat, detque operam, ne interim quidquam istorum in manus Turcarum veniat: arcem quoque *Fogaras*, cum reliquis bonis, quæ Sigismundus Báthori Christiannæ conjugii suæ in dotem dederat, indemnem servet, nec impediat, quo minus ei proventus rite ex iis administrantur. Quod ad auxilia, quæ necessitatis tempore sibi mitti cupit, attinet, Mathiam nomine Cæsaris polliceri, hæc semper præstio futura, modo ne ipse hostium incursionem occasionem præbeat. Ceterum ipsis etiam Imperii Principibus, qui conciliationis suaves essent, indignum videri, ut Cæsar ejus militibus, qui violata fide, desertisque signis, ex hæreditariis provinciis sæde vastatis, ingentes prædas abegissent, stipendium præterea in duos menses præbeat, satis esse, si sædifragos, in quos jure, & ex præscriptio legum possit agere, oblitterata præteritorum memoria in fidem reciperet.

Hæc Forgácsius cum Bocskai candidè, & diligenter secundum data sibi mandata egit, sed hic, ut ii solent, quibus commemoratio beneficiorum tacita exprobratio est, ambitione jam eo abreptus erat, ut nihil sani consilii facile videretur admittere, & procul a sincero conciliationis studio ea cum factionis

XXIV. Novembris in medium proferret, quæ nec sine regiæ auctoritatis, nec religionis

Ca.

1605.

1605.

Catholicæ detrimento indulgeri poterant. Ea huc fere redeunt: præter libertatem, quam quis volet religionem profitendi, antiquetur lex anno 1525. de comburendis Lutheri assellis statuta, & quod proxime in Comitibus anni 1604. Cæsar de prærogativa religionis Catholicæ statuerat: pax cum Turcis ne fiat, nisi fieret etiam cum Cæsare: Palatinus eligatur idoneus, qui regni jura tueri norit, coronam extra regnum servare nec regi liceat: nemo, nisi Nobilis fieri possit Episcopus, horum numerus sit restrictior, nec pateat illis deinceps ad dignitates regni aditus, jurisdictio fori Ecclesiastici una cum *Capitulis*, & *Jesuitis* tollantur, Concionatoribus *Romanis*, ita Catholicos nominabant, negentur stipendia, bonorum collationes a Bocskaiio factas Cæsar ratas habeat. Flagitatum præterea, ne factionis, quod hactenus patratum erat, unquam oggeratur, neve Cæsar propterea in eos animadvertat, justo enim titulo se in eum arma sumsisse, qui prior jura regni læserit, bulla aurea Andreæ II. quod fere in morem deinde abiit, pro scuto impunitatis usi. Hæc propemodum imperiose petebantur, quorum aliqua cum Forgácsius judicio regis relinqui oportere, quædam posse temperari, alia videri cum multorum injuria esse conjuncta, complura autem, de quibus sine Ordinum arbitrio nihil constitui posset, proin ad Comitia esse differenda affirmaret, altercatio ad

XXIX. Novembris extracta est, donec sopito tantisper. dissidio, qui acta ad Cæsarem, vel Mathiam referret, *Ilkshdxtus* cum Petro *Mladafovicio*, &, qui Constantinopolim ad tantandam pacis conciliationem proficiscantur, Nicolaus *Bdyst*, & Joannes *Lubkivias* designati fuissent. a)

XII. Mathias, qui conficiendi negotii plenam a Cæsare potestatem acceperat, prorogatis ad XXIV. Junii induciis, & accitis in consilium Hungaris, rem cum Legatis eo adduxit, ut in ea fere capita, quæ Forgácsius Carponæ proposuerat, coaluerit: electione Palatini ad futurum Conventum dilata, religio in eo, quo sub Ferdinando, & Maximiliano erat, statu permaneat; Episcopos nominandi potestas regi salva sit, & integra, modo ex Nobilibus deligantur, regni coronam, cui turbulento hoc tempore vix tutus in Hungaria locus sit, Cæsar ad vicinum regno præsidium perferri curet, qui cum ob Imperii curas abesse ex Hungaria cogatur, fratri Mathiæ

a) Istváni, & Diar. Zavodski, c. I. Litt. Bocskai ad Claudiopolit. 18. Jan. Cassov. Instructio pro Commissariis, hor. propositio. Legatorum Replica, Forgácsii Respons. Legator. altera Replica, Actor. Conclusio. n. 24. — 29. Novembr. Ex Cod. Ms. hist. civil. Num. 907. Biblioth. Cæs.

1606. **thiæ plenam auctoritatem dabit, regnum gubernandi: de bonorum restitutione, aliisque querimonijs cognoscetur in futuris. Comitibus Bocskaiæ Principatus Transilvaniæ cum solitis provinciæ, suisque Insignijs, & Comitibus Hungariæ, qui Sigismundo Báthorio amicitiae causa permisi erant, concessus, alios quos sibi adjungi petebat, negati: cautum etiam, ne Transilvania a jure regni propterea censeatur avulsa, in cujus agnitionem quotannis munus honorarium regi, & ad regni Comitibus nuncios suos mittet, & ut ab ejus obitu provincia rursus Hungariæ jungatur, cujus fidem cum ipse, tum ejus consanguinei, & affines, arciumque Præfecti literis, subscriptione nominum, & sigillis pro more firmatis præstabunt, idemque Ordines Transilvaniæ in proximis Comitibus coram Legatis a Cæsare designandis edito juramento facient. Jus monetæ non aliter ei tributum, quam ut ex una parte nomen Cæsaris referat, sine cujus, aut Mathiæ scitu, & consensu nihil cum Turcis, aliisque Hungariæ, & Cæsaris hostibus tractabit, aut societatem inibit; protestabitur quoque se coronam a Vezirio nequaquam in præjudicium sacrae coronæ accepisse, nec ea se unquam usurum. Postremo additum, ut firmata concordia possessoribus reddat, quæ vi rapuerat, & Vayvodam Valachiæ in fide regis confirmet.**

Poterat, ut a plerisque etiam ejus affectis existimatum est, his conditionibus ambitio illius satiari, sed, ut privati homines raro modum tenent, cum repente ad fastigium emergunt, ita is has averfatus, graviter Illésházio indignatus est, quod Legatione tam oscitanter perfunctus fuisset, qui dum omnem invidiam in Franciscum Forgácsium Nitriensem Episcopum, a quo multum sibi in tractatione negotii esset confectum, rejecisset, Viennam additis locis Paulo Apponyio, Thoma Vizkeletio, & Andrea Ofztrofsicio, ut quasdam ex conditionibus mutari, aliasque addi peteret, remissus est.

Interea autem, dum Bocskaius de immutandis conditionibus Cassoviæ cum suis consultabat, Mathias fratrem Maximilianum cum patruelibus Ferdinando, Ernesto, & Maximiliano Viennam accersit, quibus cum exposuisset, Cæsarem ea, quæ periculosa intervalla habeat, ægritudine teneri, minusque propterea tot regnis, & provinciis gubernandis esse idoneum, ut adeo periculum sit, ne, quæ a Majoribus parta erant, sensim amittantur, illorum interesse ajebat, ut rationes secum inirent, quibus præsentis malo occurrì possit. Quibus intellectis, habita inter se deliberatione, unanimi consensu Mathiam secundum Ferdinandi I. constitutionem caput Austriacæ familiæ declararunt, in reliquis judicio summi Pontificis, regis Hispaniæ, & Alberti Archi-

1606. ducis iudicio se staturos polliciti, interea, dum opus fuerit, se opera, & consilio eidem affuturos, &, si Imperium Germaniæ ob easdem causas de eligendo rege cogitaret, omnem conatum impensuros, ut suffragia in illum conspirent, edito, sigillisque firmato documento promissere. Hic primus ad Rudolphum a solio Hungariæ amovendum gradus fuit.

Incertum, cujus indicio Viennam redux Illésházius hæc compererit, quibus cum nihil aptius suo foro videret, nova a Bocskaió postulata Archiduci remotis arbitris aperuit, &, ut ad hæc concedenda proniorem redderet, spem ostendit, Bocskaium, aqua intercute laborantem, ac hærede destitutum non diu superfuturum, a cujus obitu quidquid ei concederetur, facile mutari posset. Archidux non tam suo, quam Consiliariorum arbitrio rem cupiens transigere, Sixtum *Trautsonium*, Carolum *Liechtensteinium*, Ernestum *Molardum*, Sigfridum *Preinerum*, & Ulricum *Crembergum* Cancellarium ex Germanis, ex Hungaris Thomam *Erdődium*, Georgium *Thurzonem*, & Sigismundum *Forgácsium* delegit, ut, quod e re publica videretur, decernerent, Francisco *Forgácsio* Nitriensi Episcopo, & Regni Cancellario a consultatione excluso. Id, ne sibi rursus negotium facesseret, suasu Illésházii factum, qui, dum inter deliberandum ex Trautsonio intelligeret, inter Cæsarem, & Archiducem, quod ille hoc præterito Ferdinandum Sti-

Stiriae Ducem Germaniae, & Hungariae regem designet, simultatem intercedere, convento privato Archiduci pollicetur, se curaturum, ut ei, in quem ceteroquin animi Hungarorum ob militarem illius indolem propenderent, regnum Hungariae prae aliis obtingat. 1606.

Hoc verborum lenocinio captus indulgentiorem se Illésházio praebuit. Postulata eadem, quae ante, paulum tamen mutata fuisse. Religionis negotium difficultatis plurimum habebat, & diu ab utraque parte disceptatum est, donec exercitium illius cuivis liberum quidem esset permissum, sed *absque*, ut diferte cautum erat, *præjudicio Catholicæ Romanæ religionis*, quæ prærogativa cum & hujus vetustatem, & novitatem aliarum luculente indicaret, crebris postea tricis multorum ingratis ansam praebuit. In reliquis facilius omnibus convenerat: Illud præprimis constitutum, ut Cæsar Mathiam Hungariae Gubernatorem renunciet, qui in consortio Hungarorum exclusis Germanis eandem, quam Cæsar, in regno auctoritatem habeat, & ab hoc Palatinus, qui in proximo generali Conventu eligendus erit, Quæstor item, sublati Cameris, regios proveniunt prisco more administret, neque hic unquam ex Sacerdotum ordine sumatur; præfecturæ militares conferantur Hungaris, Jaurino solum, & Comaromio, quæ Imperii Germaniae sumtu servata erant, possint præfici, arcibus tamen, quas in pignore habent, red-

1606.

dito ab Hungaris precio excedant. De donationibus a Bocskajo factis iudicium ad futura Comitatus dilatum, in quibus de Sacerdotiorum oppignoratione, foro Ecclesiastico, aliisque, quæ in controversia sunt, itidem agatur, postremum impunitas eorum, quæ a Bocskajanis in regno, & vicinis provinciis a XIV. Octobris anni 1604. ad hoc tempus nefarie, & crudeliter patrata erant, omnibus facta, causam vero *Jesuitarum*, quos regno eliminatos cupiebant, Mathias Cæsaris arbitrio servatam voluit. Hæc regni nomine factioni petebant.

Ut Bocskajo etiam gratificarentur, eo rem adduxere, ut non solum Transilvaniam eo modo, & jure, quo illam Sigismundus Báthori tenuit, haberet, sed præter arcem *Tokaium*, & *Szatmarinum*, Comitatus etiam *Bereghiensis*, *Ugocensis*, & *Szatmariensis* eidem adderentur, qui cum Transilvania, si hærede caruerit, ad regni coronam redeant, nec quidquam juris consanguinei illius, & affines in hæc sibi arrogant: qui Bocskajo in Hungaria hactenus adhæserant, fidei, quam illi dedere, renuncient, & Cæsari denovo fidelitatis juramentum dicant. Pax cum Turcis communi studio ineatur, quæ si æquis, & honestis conditionibus non posset coalescere, junctis viribus bellum gerent, qui se a communi in hostem protectione subduxerint, notam infidelitatis censeantur incurrisse, denique

denique transactionem his capitulis comprehensam Cæsar diplomate suo confirmet, facietque, ut eandem regnum Bohemiæ cum Moravia, Australes utrique, Ducatus Silesiæ, & Ferdinandus cum Ducatu Stiriæ, ac reliquis Archiducibus ratam habeant: Hungari vicissim idem præstabunt, & Cæsari se obstringent, nunquam se a fidelitate defecturos, nec vicinas provincias hostiliter invasuros, vitaturos etiam privata contra regem conventicula, & cum exteris conspirationem, neque facturos, ut Turcas, & Tartaros deinceps in regnum inducant.

His XXIII. Junii utrinque firmatis, Illésházius cum Collegis ad Bocskaium reversus, transactionis capita ordine ei recensuit, ex quibus illud cæteris ratihabitis penitus resectum cupiebat, quo religionum libertas non aliter, quam absque præjudicio *Romanae Catholicæ* indulta esset, ratus hanc prærogativam malo dolo irreplisse, nec ante hæc ei suspicio eximi poterat, quam Mathias additis litteris testatus esset, communi partium consensu in principio velut basim futuræ tractationis decretam fuisse, cujus testimonio tandem pacatus Illésházium, adjunctis ad priores sociis *Georgio Homonnaio*, *Francisco Magocsio*, *Stanislao Thurzone*, *Sebastiano Tokölio*, & *Georgio Hofmanno*, Viennam, licet serius, quam constitutum erat, remisit, ubi Bohemiæ, & reliquarum provinciarum Legati,

1666.

ut transactionem subscriberent, jam dudum adfuere. Ac Cæsar quidem, ut sanguinis effusioni parceretur, eam VI. Augusti, promulgata generali amnestia, ratam habuit, reliquæ provinciæ serius; Bohemi, & Moravi quamvis de illatis sibi per Bocskaianos damnis graviter essent questii, & Australes cum Stiris nondum injuriarum memoriam posuissent, cum tamen spes illis affulgeret, in hac confœderatorum societate potestatem Principis, quo minus religioni novitiæ, quam plerique sequébantur, obstaculum possit ponere, coarctatum iri, litteras confociationis primum mense Septembri subscripserant. Idem a Bocskaianis, & Cæsareis factum, verum ex his Franciscus Forgacsius Episcopus Nitriensis nomine universi Cleri solum fœdus provinciarum ratum habuit, ceteris capitibus intercessit, quod ingens Catholicæ religioni præjudicium crearent, quod Cæsari adeo probari videbatur, ut eum Strigoniensi sedi præficere constituerit. Hæc celebris illa Viennensis pacificatio est, quam aliqui *compactata* amiant dicere, et si necessitate magis, quam, quæ pactorum natura est, æquali partium libertate coaluerit.

Composito hac ratione Bocskaiano tumultu pax cum Turcis ineunda restabat, ad quam conciliandam Cæsar Joanni Molardo, Adolpho Althanio, & Nicolao Istvánio, qui jam ante cum Turcis egerant, adjunxit Ge-

or.

orgium Thurzonem, Franciscum Batthyánium, Sigfridum Kollonicium, & Christophorum Erdődium, a Bocskajo præter Illésházium Paulus Nyári, Michael Czabor, & Georgius Hoffmann misi, qui operam suam Cæsareis conjungerent, Vezirius *Alym* Budensem Bassam, & *Habil* Effendium delegit. Turcæ in oppido *Almás* infra Comaromium sito, Cæsarei e regione trans Danubium stationem fixere. Post quinque dierum disceptationem, cum utraque pars, quæ bello occupata erant, repeteret, & Cæsarei Agriam præcipue, & Canisam restitui urgerent, tractatio fere abrumpenda erat, nisi Turcæ, quibus bellum a Persis imminebat, Canisam, si Sultanus annueret, restituendam polliciti, resectis ambagibus pacis conditiones, in quas etiam conventum est, proposuissent; quarum hæc sententia erat: Sultanus Cæsari sit filii, & hic illi patris loco; alter alterum in litteris, & Legationibus Imperatorem, non regem nominet, pax firma a sequentis anni Calendis Januarii inter Cæsarem, hujus successores legitimos Hungariæ reges, item fratres, horumque nepotes, & Sultanum XX. annis duret, in qua Tartari quoque comprehendantur ea conditione, ne Christianorum ditionibus damnum inferre audeant, in primis vero ab Hungaria, & adnexis ei provinciis, regnisque ad Domum Austriacam terra, marique pertinentibus durante pace tam illi, quam Turcæ infestandis absti-

tineant: Hispaniæ regi, si fœderi volet accedere, liberum erit; excurrere in hosticum, captivos, & prædas agere, vel arces vi, dolove
 1606. occupare, penitus vetitum; qui contra fecerint, in eos jure, ut locus delicti posset, utrinque agetur, in Hungaria a Jaurinensi Præfecto, & Bassa Budensi, in Sclavonia a Bano Croatiae de gravioribus, si quæ intervenerint, ad alterutrum ex paciscentibus referetur: arces vetustate collapsas instaurare, non item novas erigere utrisque liceat; captivos mutuo liberos dimittent, iis exceptis, de quorum precio jam ante conventum erat, villæ per Cæsareos receptæ liberæ sint a tributo Turcis pendendo: illarum vero numerum, quæ circum Canisam sunt, Franciscus Batthyánius cum Bassa Budensi inibit, in quibus si Nobiles fuerint, ab his nihil exigatur, æquum enim videri, ut, qui legitimo regi nihil pendunt, nec Turcis sint tributarii: quamprimum conditiones utrinque fuerint subscriptæ, Cæsar, ut promissum erat, Sultano munus ducentis florenorum millibus æstimatum, nunquam deinceps interandum mittet; Vezirius Archiducem Mathiam honestis muneribus colet; triennio post pro confirmanda solemniter pace Legati utrinque Pragam, & Constantinopolim mittentur. Bocskai, qui per suos Cæsareis spem restituendæ Agriæ, & Canisæ fecerat, omnia in pacificatione Viennensi concessa nunc quoque Turcis agentibus confirma-
 ta

ta sunt, tametsi his frui non potuerit, hydrope XXVIII. Decembris extinctus, finem vitæ inhumano facinore contaminans, dum Michaelēm Kátaium Cancellarium suum, quæ illum scripto libello apud Cæsarem ab impactis criminibus purgaverat, ob suspicionem perfecti veneni, re autem vera, ne post mortem arcana ejus præderet, carceri mancipatum; Hajdonibus deinde dilaniandum reliquit. a)

1606.

XIII. Transilvania sublato Bocskaiō regi ex pactis reddenda, & in pristinum Hungariæ jus reponenda erat, cum provinciales Sigismundum Rakócziū, Homonnaiō, quem Bocsk-

1607.

a) Ilvánfi, & Diar. Závodskí. cit. 1. Codex jur. patr. Litt. Cæsaris. Praga. 6. Aug. Ejusd. amnestia general. ibid. eod. & scortum pro Bocskaiō. Objecta Boh. Morav. Silesiæ, & Lusatiæ utriusque contra Hung. & horum respons. Transactio inter Mathiam, & Archiducē Austr. Vien. 15. Apr. apud Lunig Part. spec. contin. 1. Vol. VII. Transumptum autem Senatus Bohem. Brdæ habet 24. Maji. Asscurat. Mathiæ de formula: *absque tamen præjudicio* &c. Vien. 25. Sept. Litt. ratific. Ferdinandi, Austriæ utriusque, Boh. & Morav. 16. ejusd. Hungaror. 23. ejusd. Protestatio Cleri. Instrument. pacis ab Ali, & Habil Effendi subscript. in Almás 11. Nov.

1607.

Bocskaius condito testamento illis commenda-
 verat, præterito, pene reluctantem, & invitu-
 tumque Principem salutarunt, quam defectionem
 plerique in superiore Hungaria averfati
 minime a Viennensi pacificatione receden-
 dum putabant, quo comperto Cæſar Georgi-
 um Thurzonem, & Sigismundum Forgáčai-
 um Caſſoviam miſit, ut urbes, arcesque cum
 Nobilibus in fidem reciperent. Res indicto
 particulari Conventu ex ſententia ſucceſſit;
 Caſſovia, & Tokajum reddita, coercita Haj-
 donum licentia, qui vel juſta ſtipendia mere-
 ri, vel ad ſuam redire coacti ſunt; coitiones
 autem tam publicæ ſine regis ſeſſu, quam pri-
 vatæ, periculofæ teterrimorum plerumque con-
 ſiliorum officinæ, penitus interdictæ: Nicolaus
 Bocskaius in reddendo Szatmarino diffi-
 lem ſe præbuit, Homonnaius vero res novas
 moliri, & admiſſis Turcicis nunciis Tranſ-
 ſilvaniam invaſurus ferebatur, uterque tamen
 a Legatis Cæſareis admoniti, ut a novandis
 rebus abſtineant, imperata ſe facturos polli-
 citi ſunt; quibus utcumque pacatis, Thurzo
 ad Cæſarem contendit, ſuaſitque, ut ad tran-
 quillitatem ſolide reſtituendam Comitia No-
 bilibus indiceret. Juſſi ſunt XXV. Julii. Po-
 ſonium convenire; aderant ex ſuperiore Hun-
 garia frequentiffimi, ſed Mathias Viennæ hæ-
 rebat, & Cæſar mandata Ordinibus commu-
 nicanda eidem mittere differebat, ſive inter
 utrumque ſimultas jam eo evaſerat, ut fra-
 tri-

tri diffideret, sive pro solita sibi in tractandis negotiis lentitudine moras ultro nectebat, 1607. quamquam illud, ut ex eventu patuit, præ isto in causa erat. Nobiles duorum mensium, quibus frustra expectabant, tædio capti, domum parabant, ne quid tamen fraudi propterea sibi daretur, aut violatæ pacis Vienneſis inſimulari poſſent, litteris ſuis cauſas, quibus ad diſceſſum adducti eſſent, profeſſi ſunt, easque in Tabulario Capituli Poſonienſis reponi petiere. Nec minus graviter illud ferebant, quod pacem Turcicam, quam tamen vel eo titulo, quod muneris honorarii quotannis miſſitatio per eam antiquata fuerit, plerique cum Mathia honeſtam cenſebant, confirmare differret, & Legatis Rakoczii, qui in clientela Cæſaris ſe futurum promiſerat, non ſatis explicata reſponſa dederit, quo fiebat, ut Hungariam rurfus Turcarum incurſionibus, & Tranſilvaniam novis motibus de induſtria exponi putarent, quæ protelatio multorum animos a Cæſare ſenſim averterat, ruruſumque occaſionem præbuit, ut ſuſpiciones inter Cæſarem, & Mathiam jam pene in apertum erumperent. Hoc tempus deſtinationi ſuæ opportunum ratus Illéſházius autor Mathiæ fuit, ut, quoniam Cæſar curam Hungariæ penitus poſuiſſe videretur, ipſe conſcripto milite, & Nobilibus Poſonium vocatis regnum, ſi quod periculum a Turcis pacē nondum confirmata ingrueret, tuendum ſuſciperet.

Ob-

1608.

Obsequutus illecebroso consilio Posonium
 Calendis Januariis venit, quo jam ex com-
 posito magna utriusque Ordinis Nobilitas
 confluxerat, cujus indicium cum *Althanius*
Cæsari fecisset, operamque suam cum *Tillio*,
 aliisque militum Tribunis ad coitionem hanc
 interturbandam addixisset, ille morem suum
 sequutus, repudiato consilio missis Posonium
 litteris conventum irritum declaravit, sed,
 qui jam huc progressi *Cæsaris* fratrem pro
 scuto prætendebant, arduum, & inutile erat,
 solis litteris in viam revocare, veriti tamen,
 ne insolito hoc ausu invidiam apud externos
 incurrerent, scripsere primum ad *Cæsarem*,
 causa in *Hajdones* conjecta, qui, quod pax
 nuper cum *Turcis* inita nondum confirmata
 esset, horum instinctu *Hungariam* rursus in-
 festarent, in eandem sententiam litteras ad
 Principes, & Ordines Imperii dederant; qui-
 bus se, ut id consilii amplecterentur, suis in-
 gratiis coactos fuisse, affirmabant. Facto
 dein consultationum initio illud ante omnia
 statutum, ut *Archidux* quamprimum fieri
 potest, munus honorarium *Constantinopolim*
 mittat, *Thomas Nádasdius* cum *Gasparo*
Csuthy ad *Bassam Budensem* pro induciis,
 dum pax firmetur, prorogandis, *Georgius*
Thurzo, & *Illésházius* ad Ordines *Hungariae*
 superioris *Cassoviae* collectos proficiscantur, qui
 causam, cur Posonium convenerint, refer-
 rent, quos mox *Michael Czabor*, & *Andreas*

Lonyai

Lónyvi consequuti sunt, ut eos in partem fœderis vocarent. De Transilvania, quam *Homonajus* prensabat, & *Rakoczio* sponte provincia decedente *Gabriel Báthori* præripuerat, nihil tunc quidem agere placuit, reliqua ad futurum Conventum dilata.

1608.

Cæsar, qui ex litteris ad se missis facile intellexerat, quo res evasura sit, rursus gravissime mandavit, ut Conventum se invito coactum solverent, ni faciant, notam infidelitatis incursum, & quod statuerent, robore cariturum declaravit. Tam gravis denunciatio multos, ne reliquis consentirent, deterruit; præcipue *Franciscum Forgácsium*, quem Cæsar ex *Nitriensi* sede ad *Strigoniensem*, & in *Cardinalium Collegium* promoverat, nullis minis, ut se eis adjungeret, permoveri poterat, non tam gratitudinis, quam æquitatis titulo ductus. Unius tamen, & paucorum, qui ei adhærebant, constantia parum ad alios valuit; quorum exemplo *Austriæ* utriusque Ordines *Posonium* invitati commune fœdus pepigere, quo contra omnes, qui transactioni *Viennensi*, & paci cum *Turcis* initæ adversum aliquid molirentur, junctis consiliis, & viribus se acturos, mutuoque defensuros stipulati sunt. Superiorem quoque *Hungariam* ad id fœdus accessisse, *Illésházius* *Cassovia* reversus ad Conventum retulit. Lentius res cum *Turcis* succedebat, ad quam accelerandam idem *Illésházius* cum
Prei-

1608. Preinero, Sigfrido Kollonicsio missus brevi effecit, ut pax iisdem, in quas anno abhinc altero, conditionibus coaluerit. Actum quoque cum Andrea Nagy Hajdonum ductore, quem constabat nuncios Constantinopolim misisse, qui partes Homonnaianas istic tuerentur: huic cum sociis promissa præteritorum impunitas, si compressa prædandi licentia sub signis Mathiæ stipendia meruerint. Ad Moravos missi Valentinus Lépes, Episcopus Veszprimienfis, Petrus Révai, & Stephanus Pálfi, qui illos novo fœderi adjungerent.

Hos Mathias cum decem pugnatorum millibus consequutus Znoimam venit, inde, postquam Maximilianus suas quoque copias sociasset, magnis itineribus Pragam contendens castra non longe ab urbe defixit. Cæsar Tillio auctore vim primum repellere constituerat, at, ubi Bohemos etiam cum fratre conspirasse vidit, interventu Cardinalis Dietrichsteinii Olomucensis Episcopi, cui Saxonix, & Brandenburgici Electorum Legati operam suam conjunxerant, ad ineundam cum fratre concordiam se adduci passus est. Concordiæ leges hujusmodi fuere: Cæsar coronam regni cum reliquo apparatu Mathiæ tradet, agetque in proximo Imperii Conventu, ut stipendia præfidiario militi in Hungaria decernantur: Bohemi, nomine Cæsaris pacem cum Hungaris, & Turcis nuper initam ratam habebunt, præterea litteras exarabunt,

bunt, quibus Mathiæ, si Cæsar sine hærede decederet, jus in Bohemia succedendi, asseratur, ad tuendos autem Hungariæ fines majora, quam hactenus, subsidia præbunt. Cæsar titulis provinciarum, quas fratri cedit, etiam deinceps utetur, hic vicissim juri in Tyrolim renunciabit, & cum provinciarum, quæ ei tribuentur, Ordinibus transiget, ut quotannis certa ex his pecuniæ summa Cæsari pendatur. Redintegrata his legibus inter fratres amicitia, Cæsar Mathiæ Austriam cum Moravia celsit, & reddita corona Hungaros juramento fidelitatis solvit, data libertate, ut fratrem sibi regem subrogent.

His mutuo pacto firmatis Mathias deducto exercitu Viennam rediit. Acceptus est magna, sed paucorum dierum lætitia, quod Australes liberum religionis exercitum importune postularent, & is nil aliud vellet concedere, quam quod a Maximiliano eis indultum erat, qua repulsa irritati Hungaros religione sibi conjunctos ex pacto ad corripienda arma sollicitabant, verum hi rebus nondum etiam apud se constabilitis, pacatiores consilia suggerebant, ne, si vim pararent, Catholicis occasio præbeatur, se, viresque suas conjungendi, qui si vincerent, facile efficerent, ut id etiam, quod hactenus impetratum erat, amittatur; simul Georgium Thurzonem ad Maximilianum Viennam misere rogatum, ut Australium causam apud fratrem

1608. tueri velit. Mathias intellecto Hungarorum consilio Australibus dato, ut hos ipsa mora a proposito averteret, Comitia Posonium ad XXIX. Septembris indixit. Cæsar facti sui pœnitens, ubi Australium animos a fratre alienatos comperit, spem conceperat, Hungaros quoque ab eodem prius, quam coronetur, abstrahi, & in suas partes reduci posse. Itaque per fidos sibi nuncios chartam suo nomine misit, pollicitus, quidquid ei inscriberent, se ratum, gratumque habiturum esse. Antepræerat deliberatio, ne vel ante parum grati in Cæsarem fuisse viderentur, vel nunc apud Mathiam inconstantis animi notam incurrerent. Quare servata in omnem eventum charta nuncios ambiguo cum responso dimisere. Interim Mathias rerum, quas Cæsar moliebatur, ignarus, XX. Octobris, ut Comitibus præesset, Heimbürgum venerat, cui die sequente Nicolaus Istvánsi, & Stephanus Pálfius obviam missi cum salutationis causa, tum ut Principem Posonium accersant, quo cum venisset, interposita aliquot dierum mora rogatus est, ut condiciones sibi exhibitæ ante inaugurationem ratas habere vellet.

Præcipuæ in hanc sententiam conceptæ erant: liberum cuivis sit religionem, quam vellet, profiteri, & amplecti, exclusa, in quam prius utrinque per pacta Viennensia conventum erat, prærogativa: *absque tamen præjudicio*

dicio Catholicæ Romanæ religionis; Rex in-
 sciis Ordinibus bellum ne moveat, neve mi-
 litem extraneum in regnum inducat; Palati-
 ni electio ne differatur, Candidati æquo nu-
 mero sint, duo Catholicæ religionis, & duo
 Augustanæ confessionis affectæ; quæ digni-
 tas ne deinceps, ut hactenus, diu vacet, ab
 obitu Palatini intra anni spatium Comitia
 pro novo deligendo cogantur, si id rex nol-
 let, aut negligeret, idem jus esto judici Cu-
 riar, vel Tavernicorum magistro: corona Po-
 sonii reponatur tuto loco, viri ex sacro Or-
 dine ne postea ærario regio præsent, rex in
 regno degat, sin negotiorum causa non pos-
 set, Palatinus cum Consiliariis Hungaris re-
 gni curam habeat, inter Consiliarios autem
 nulli Episcopo locus sit, nisi Diocesano: in
 bonis conferendis non tam pecuniæ habeat-
 ur ratio, quam meritorum: *Jesuitis* nulla li-
 ceat stabiliter possidere; quæcunque autem
 collata fuerint, nisi litteræ donationis per
 Cancellariam datæ fuerint, vigore careant,
 quæ Australes in pignore habent, nisi gra-
 tuito reddita fuerint, exhibito precio redi-
 mantur: præfecturas præsidiorum demto Jau-
 rino Hungari solum gerant, & miles Germa-
 nus, alteriusve Nationis quamprimum regno
 excedat: quarum aliquæ cum ad arctandam
 potestatem regiam, aliæ in avitæ, & ab ipso
 regni ortu legibus stabilitæ religionis detri-
 mentum spectare viderentur, longa acrisque

contentio orta est. Episcopi cum non paucis
 1608. Magnatibus ingens Catholicæ religioni præ-
 judicium inferri contendebant, & scripto
 Mathiæ porrecto intercessere, totius *Ecclesia-*
stici Ordinis nomine protestati se legi, qua
 promiscua religionum libertas conceditur,
 nunquam consensuros, aut consentire posse, nec
 deerant, qui politicis rationibus ducti de mi-
 lite extraneo contrarium sentirent. Imperium
 enim Germaniæ graviter offensum iri osten-
 debant, si miles Germanus, qui de regno
 hucusque non male esset meritus, inofficiose
 non tam dimittatur, quam expellatur, posse,
 quod licentia hactenus peccatum fuit, corri-
 gi, viderique e re publica; ut in regno po-
 tius resistat, quam ut rursus, si periculum a
 Turcis fuerit, precario in auxilium vocatus
 impendiis exterorum reducatur.

Mathias auditis Consiliariorum, quos Vien-
 na adduxerat, rationibus in utramque partem
 propositis, hærebat primum, mox, cum ali-
 eni magis, quam sui jam esset arbitrii, & ma-
 jor Comitiorum pars in sententia perstaret,
 nec, quid Cæsar clam molitus fuisset, illum
 lateret, veritus, ne, quod jam manu fere te-
 nebat, regno excideret, omnibus, etsi diffi-
 culter, assensus est. Hæc ad XXIII. Octobris
 acta. Sequenti die candidati pro Palatini
 officio propositi, ex Catholicis Thomas *Er-*
dödi, & Sigismundus *Forgács*, ex adversa par-
 te Stephanus *Illésházi*, & Georgius *Thurzo*,
 ex

ex his *Eléshdzius* non tam suffragiis viritim
petitis, quam conclamatione renunciatus est, 1608.
non invito Mathia, qui hoc ei laborum, quos
sui causa in adipiscendo regno exantlaverat,
præmium jam ante destinasse credebatur. E-
lecto Palatino, dies XIX. Novembris coro-
nationi constituta est, & Mathias votis suis
tandem potitus. a)

R 3

MA.

a) Istvánfi in epit. & Diar. Zavodski. l. c. Ke-
venhüller annal. Ferdinandæi T. VII. col. 7—31.
Cod. jur. patr. Litt. Cæsar. Convent. Posonien.
vetant. Praga 23. Jan. 1608. Hungaror. ad Or-
din. Imp. Poson. 30. ejusd. & ad Cæsar. ibid.
1. Febr. Confœderatio Austral. cum Hung. ibid.
eod. Litt. Cæs. prohibitor. Praga 23. Febr. Con-
ventus Cassovien. ratificatio actor. Posonien.
Cassov. 25. ejusd. Pacificatio cum Turcis Uj-
várin. 28. Mart. Confœder. Moravor. cum Hung.
Ivanicii. 15. Apr. Cæs. celsio regni, & coronæ.
Prag. 25. Jun. Litt. *Terdzuman Jahya*. Constan-
stinop. 2. Jul. Diar. Ms. anonymi de expedit.
Mathiæ in Morav. & Boh. a d. 15. Apr. ad
26. Jun. Joan. Jessenicii Equit. Hung. Descriptio
inaugurat. Mathiæ. Articuli ante coronat. 29.
Sept. Proposition. Mathiæ. 24. Oct. Postulata
Hungar. 13. & 29. Nov. Artic. post coronat.

MATHIAS II.

Ab anno 1608. — 1619.

1608.

I. Peracta inauguratione Comitia ad VIII. Idus Decembres protracta sunt, &, quod supererat, diremtum: quatuor regni Status, Episcoporum, Magnatum, Nobilium, & Urbium regiarum, quas liberas dicimus, quibus jus adeundi Comitia, & suffragii esset, constabiliti; donationum, quas Bocskaius fecerat, litteræ in proximis Comitiiis, ut de illis iudicium ferri possit, exhiberi iussæ: Transactio, quæ cum Gabriele Bathorio per Illésházium Cassoviæ XX. Augusti inita erat, Ordinum consensu firmata, &, ut Decreto Comitiorum condiciones inferantur, statutum, incertum tamen, cur omisæ sint. Fuere autem hujus tenoris: amicitia inter Domum Austriacam, & Principem sincera sit, & constans, Transilvania cum additis extra illam in Hungaria Comitatibus, quos reges hactenus quietis publicæ causa decessoribus indulgere, nunquam a jure regni avellatur. Princeps, si necessitas poposcerit, auxiliares copias adversus omnes Mathiæ hostes mittet, Sultano Turcarum solum excepto, a quo in Principatu acceptis pro more Insigniis confirmatus erat. Datum id etiam Palatini dignitati, ut sententia, qua anno 1603. bonis in Fiscum redactis proscriptus erat, antiquare-

retur, ob quam illum adeo vindictæ studio exarsisse ferunt in Nicolaum Istvánsum, qui tunc regis locum tenebat, ut parum abfuerit, quin is, & clarus vetusta nobilitate, & de regno optime meritus, ac Comitibus præsens in exilium ageretur, nisi potior Ordinum pars virum hemiplectico fulmine tactum, commiserata majorem æquitatis, quam Palatini rationem habuisset. De religione nihil præterea additum, quod Cardinalis Forgácsius cum Episcopis concepta verborum forma intercesserit, Mathia non invito, nec ignaro, qui cum observaret asseclas novæ religionis dominatum in Comitibus sibi arrogare, qui aliquando etiam potestati regis suo magis arbitrato, quam secundum prisca regni instituta limites possent præscribere, nihil adversum obmovit, quod videret auctoritate Episcoporum conatus illorum deinceps vel reprimi, vel ad æquilibrium cum reliqua Comitiorum parte reduci posse.

Soluto Conventu rex Viennam redux novam sibi molestiam parari comperit. Austriales, & Bohemi Hungarorum exemplo liberum quoque religionis exercitium prope armati postulabant. Ne nihil, dominatione nondum satis confirmata, iis dare videretur, ad Nobilium arces, & domos, extraque civitates illud restrinxit, Cæsar liberalior litteris, quas *Majeſtatis* vocabant, per universam Bohemiam indulſit, sive metu, ut ferebatur adductus, sive

1609.

ut fratri ægre faceret, nec enim sincere amicitiam inter utrumque coaluisse, satis patebat. Sedatis Australibus Comitibus rursus Posonium indicta, cum ut Illésházio V. Maji defuncto successor daretur, tum ut animos religionis causa distractos; ac propterea bono publico minus intentos conciliaret. Palatinus Catholicis nequidquam obnixis ejusdem, cujus decessor, religionis sectator, electus est Georgius Thurzo, qui, ut in re publica hactenus cum laude versatus auctoritate ceteris eminebat, ita nunc ad primam a rege dignitatem evectus, præcipuum religionis suæ fulcrum erat. Palatino per regem confirmato leges conditæ: donationes Bocskaianæ perennes penitus irritatæ, earum vero, quas in Bereghienfi, Ugocsenfi, & Szatmariensi provinciis, ultraque Tibiscum fecerat, cognitio ad futurum Conventum prorogata, huc quoque Hajdonum nobilitaris prærogativa, quam a Bocskaio obtinuerant, rejecta: lex superioris anni de Germano milite educendo, mitigata: Hungaris sine regis, vel Palatini scitu, apud externos militiam profiteri vetitum, cautum quoque, ne aurum, argentumve infectum regno efferatur; Equitibus tres, duo Peditibus floreni stipendium in quemvis mensem decreti: Palatino præterea mandatum, ut in coronam Bocskaianam, ne novis motibus occasionem det, diligenter indaget, & repertam in thesauro regio reponat. Destinati etiam Lega-

gati ad Cæsarem, Imperii Principes, in Silesiam, Stiriam ad Ferdinandum, & in Transilvaniam pro petendis auxiliis.

Nihil tamen ob dissidia, quæ inter fratres recruduerant, obtineri potuit. Cæsar pactorum immemor, Bohemiam Leopoldo Archiduci Patavienfium Episcopo assignare constituerat, quod ubi Ferdinandus Dux Stiriae comperit, videretque fratrum discordia Bohemiam hac ratione ab Hungaria sejungendam, reliquas autem provincias hæreditarias ingenti familiæ Austriacæ damno in partes discerpendas, cum Maximiliano, & Leopoldo Pragæ profectus est, ut Cæsarem pacaret: venerant illuc eandem ob causam Electores Moguntinus, & Colonienfis Archiepiscopi, Christianus Saxoniae, & Henricus Julius Brunsvicensis Duces, quorum communi studio concordia tandem X. Septembris inter fratres his conditionibus reintegrata fuit, Mathias interpretibus Maximiliano, Ferdinando, & Brunsvicensi Duce veniam a Cæsare secundum conceptam verborum formam petet, eumque non modo supremum Christiani orbis caput, sed seniore quoque Domus Austriacæ, & titulo concessæ Austriæ se illius beneficiarium agnosceret, nihil contra eum verbo, & opere ageret, nec offensionis causam dabit: Imperii, vel Domus Austriacæ confœderationibus se non ingeret, nec cum Turcis, aliisque, qui Domui Austriacæ nocumento esse

pos-

1610.

1610.

possent, de bello, paceque inscio Cæsare tractabit: documenta litteraria familiæ Austriacæ, & ditionum ejusdem alienari, distrahivæ non sinet, & ut amicitia firmior sit, pactisque prioribus fides servetur, uterque spacio unius mensis copias dimittet, si id non posset fieri, rex cautionem præstabit, se iis contra Cæsarem, provincias hæreditarias, Electores, & Status Imperii nequaquam usurum. Concordia hoc modo firmata Principes cognati, pacato utcumque animo ab se divelli videbantur. a)

1611.

II. Simulata tamen magis, quam sincera concordia fuit. Leopoldus spe obtinendæ Bohemiæ se excidisse videns, conductis subornante Cæsare copiis, post vastatam Austriæ partem in Bohemiam irrupit, quem Mathias cum XVIII. millibus e vestigio sequutus Praga discedere, & Cæsarem ad nova pacta ineunda adegit, secundum quæ Bohemis data venia Mathiam coronandi ea conditione, ut Cæsari CCC. florenorum millia numeret, & ne ei in administratione Imperii obturbare ausit, quibus inter paciscentes quin alter alterum toto transactionis tempore viderit, per arbitros

a) Cod. jur. patr. Articuli post coronation. Istvánfi in epit. & Diar. Zavodski. c. Kevenhüller. T. c. ad an. 1609, & 10. Litt. Majestatis Prag. 11. Jul. Instrumentum concord. inter Cæsar. & regem ibid. 10. Sept.

tros constitutis, & inauguratione XXV. Maji
 peracta, Mathias in Silesiam digressus nunci-
 um ex Hungaria accepit, Andream *Nagy* cum
 Hajdonibus ad Transilvanum defecisse, &
 hunc cum Turcis Tokaium obsidere, Cæ-
 sareas quoque copias esse profligatas. Nihil
 rebus, ut tunc erant, magis importunum nunciari poterat, cum & Silesios in fidem reciperet, & uxorem ducere cogitabat. Missis itaque celeriter ad Báthorium nunciis, qui illum officii, & pactorum admonerent, Viam reversus Annam Ferdinandi Archiducis, & Comitis Tyrolis filiam pridie Nonas Decembris matrimonio sibi junxit. Nuptiarum lætitiâ mors Cæsaris III. Idus Januarii temperavit, quæ etsi quidem spem ei fecerit in Imperio succedendi, nec Electores alieni ab eo esse viderentur, lis tamen de vicariatu exorta electionem ad V. Nonas Julias distulit, quam XIV. ejusdem inauguratio sequuta est. Cum nova dignitate etiam curæ confestim in eunte anno auctæ. Venerat ab Achomate Legatus, qui regi obtentum Imperii fastigium gratulabatur, simul pagos Strigonio vicinos Turcis dedi, & ne Cæsar se rebus Transilvanix ingerat, neve jus sibi in eam arroget, solito fastu petebat. Ad primum Cæsar eadem humanitatis significatione respondit, ad alia ambigue, ne aut intempestive hostem irritare, aut juri suo prudens derogare videretur. Mox ut Comitibus ad XXIV. Februarii indictis
 sunt,

1611.

1612.

1613.

1613. sunt, Legati e Transilvania a Principe, & a Saxonibus adfuere: hi ob ereptam sibi ab eo urbem Coronensem querebantur, ille causas obfessi *Tokai* in Turcas rejecit: Saxonibus responsum, adfuturos a rege Commissarios, qui litem componant: cum Principe iisdem, quibus ante, conditionibus transactum, illud præterea additum, ut pacificationem Vienneensem cum suis, quantum liberæ provinciarum electioni non adversatur, ratam haberet. Transactionem Ordines regni, si provinciis, ad quos propterea Petrus *Kohdri*, & Franciscus *Nagy* missi erant, probaretur, in leges referre decreverant, ut hac tandem ratione pacata provincia defineret regi sumtus, & regno molestiam conficere. Præter donum unius floreni nuptiarum causa regi, & similiter ejus conjugii oblatum, illud quoque statutum, ut bona Ecclesiastica, aliorumque a Bocskai, hujusque affeculis direpta, possessoribus reddantur, &, quia crebris nunciis afferebatur, apparatus in bellum a Turcis fieri, supplicatum regi est, ut Legatos ex Hungaris ad Imperii Conventum, quem Cæsar in XXIV. Aprilis Ratisbonam indixerat, pro implorando auxilio designet.

Per idem Comitiorum tempus, ne quid eorum, quæ ad stabiliendam regni securitatem facere videbantur, Mathias omitteret, per internuncios Varlaviam missos vetera Domus Austriacæ cum Polonis fœdera instaurationa,

ta, & mutua contra hostes utrisque communes promissa sunt auxilia, exceptis summo Pontifice, Imperio Germaniæ, & Hispaniarum rege, Principe item Turcarum, & Transilvania, quod cum illo induciæ, & cum hac transactio recens inita essent, ex qua ne Turcis suspicandi occasio daretur, rex præcipua illius capita Andreæ *Nigronio*, quem ante annum cum munere honorario Constantinopolim miserat, perscribi iussit, monuitque, sedulo in id incumberet, ne Turcæ belli causam inde sumant. At serum id jam videri, *Nigronius* respondit, neque *Báthorio* fidendum, qui eodem, quo Legatos *Posonium* miserat, tempore alios quoque ad Sultanum ire iusserit, ac utrobique nihil aliud, quam simulata amicitia palpum obtrudere conetur; præventum tamen esse a *Gabriele Bethlenio*, qui cum ad *Divanum*, secretioris consilii locum, admissus variorum criminum præcipue sanguinaris crudelitatis illum postulasset, Turcæ decreto Sultan *a)* bipartito exercitu Transilvaniam cum Beth.

a) Diar. *Zavodski* c. *Kevenhüller* l. c. ad. an. 1611. — 13. Cod. jur. patr. Dogiel diplomat. Pol. T. I. pag. 294. Artic. fœderis inter Cæs. & *Bátheri* 24. Febr. *Posonii* conditi, & *Cibinii* mense Majo firmati. Turcar. Imp. Litt. ad *Transilv.* *Adrianop.* 3. Febr. & ad Cæs. ibid. eod. apud *Londorp.* Act. publ. Tom. I. pag.

1613. Bethlenio ingressi sunt; quorum vim et si Báthorius aliquamdiu fortiter sustinuerit, & suppetiæ a Palatino regni missæ jam propinquæ essent, provinciam tamen deserere, locumque Bethlenio, quem provinciales XXIV. Octobris Principem declararunt, cedere coactus, tri-duoque post a familiaribus suis Varadini nefarie peremptus est.

1614.

III. Bethlenius confestim ab adito Principatu, ut hunc sibi stabiliret, Legatos ad Cæsarem, Poloniæ regem, & Sultanum misit, qui non pari ubique eventu accepti sunt. Et si enim Sultanus datis ad Cæsarem, & Palatinum Hungariæ litteris flagitarit, ne Bethlenio molesti essent, denunciaretque, se injurias, quæ illi inferrentur, suas interpretaturum, Mathias tamen, quod se inconsulto electus esset, pactorum fidem, & jus regium in provinciam violata obtendens Legatos re infecta dimisit. Bethlenius repulsam nihil moratus, ne se confestim, rebus nondum satis domi firmatis, sumtuoso bello implicaret, rursus legatio-

145. — 50. Saxon. querelæ contra Báthori. Vien. 13. Febr. Litt. Nic. Apafi ex castris ad Varadin, 2. Nov. Bethlenii ad Hung. Palatinum Claudiop. 11. ejusd. Adhærtatio anonymi ad Hungaros, ut, deserto Bethlenio, legitimo regi subint. ex Cod. Ms. hist. civil. Num. 763. Bibl. Cæs. Vien.

tione animum Cæsaris pertentandum; censuit, qui, quod conventum ditionibus hæreditariis *Lincium* præstituerit, designato trimestri spacio, loquere, in quem concordiae tractandæ causâ internuncii convenirent, toto animo bellum Turcicum complexus est, de felici illius exitu, quod Turcis negotium cum Persis; Georgianis, & Cosacis eodem tempore obortum esset, minime dubius. Huc Conventus Lincensis; ad quem ex Hungariis cum Demetrio Napragio Colocensi Archiepiscopo, Valentino Lépes Nitriensi, & Petro Demitrovicsio Zagrabiensi antifistibus Nicolaus Eszterházi, & Petrus de Réva accersiti erant, spectabat. Suppetiæ etiam in hunc finem a Pontifice, & rege Hispaniarum flagitatae, sed cum utrique videretur hostis minime irritandus, idemque ad Conventum vocati suaderent, omnis ea destinatio adhæsit.

Nec tractatio concordiae cum Bethlenibus sententia succedebat. Cæsar enim non aliter, quam beneficiario jure Transsilvaniam ei cedere, ille vicissim sibi ea, quæ reliqui ante se Principes in Hungaria possederant, reddi volebat. Itaque cum videret, tempus de industria trahi, moræ impatiens prior edito belli classico Lippam, Aradinum, & Jenöensem arcem in consortio Turcarum obsedit, & corruptis locorum Præfectis sequentis anni principio deditione accepit. Lippam, & Aradinum, quo se gratum pro obtento

1615. **_____** tento Principatu ostenderet, Turcis se tradi-
 turum promiserat; sed ne Cæsarem his tra-
 ditis ab ineunda concordia, quam sibi ad
 firmandum dominatum necessariam videbat,
 offenderet, imposito præsidio Hungarico ser-
 vavit. Id re ipsa concordiam acceleravit,
 quæ XV. Martii Tirnaviæ hac lege coaluit:
 Bethlenius confirmato Principatu contra Cæ-
 sarem, ejusque successores reges Hungariæ,
 Domum Austriacam, hujus regna, provin-
 cias, & confœderatos nihil unquam hostile
 aget, quin eidem, & successoribus regibus
 contra omnes inimicos, Turcis solum excep-
 ptis, consilio, & auxilio aderit. Qua fide
 promissis steterit, mox dicendi locus erit
 Firmata, ut videbatur, cum Bethlenio con-
 cordia adfuit Legatus Turcicus, qui XII.
 Maji Viennam ingressus, biduoque post ad
 Cæsarem admissus nomine Sultani pacem o-
 ratum se venisse dicebat, quam cum alias
 a Turcis petere soliti fuerimus, minime du-
 bium erat, res illorum a Persis, aliisque in
 Asia magnopere arctari. Quare Cæsar con-
 ditiones suo arbitratu dictans CCXXXVII. pa-
 gos in provincia Neogradienfi, agro File-
 kienfi, Vaciensi, Gyarmatenfi, & Szécsénien-
 si sitos reddi, Nobiles, qui in ditione Tur-
 carum degebant, immunes a tributo, & pa-
 cem iisdem conditionibus, in quas anno 1606.
 coaluerat, in XX. annos firmatam esse vo-
 luit. Quæ postquam Legatus interposita Do-
 mini

mini sui fide rata habuisset, Bethlenio, ne ~~1615.~~
ullam causam res novandi haberet, Szatma-
rinum, Nagybánya, & aliæ extra Transil-
vaniam arces, quas Principes Transilvaniae
regum indultu possidebant, concessæ. a)

IV. Id deliberato consilio a Cæsare fa-
ctum, ut parta foris quiete res familiæ consta-
biliret. Cum enim hactenus nullum ex con-
juge hæredem sustulerit, curam omnem ad
deligendum tot provinciarum, & regnorum
successorem convertit. De ditionibus Austria-
ci juris, quod de his Ferdinandi sanctio ex-
staret, nihil difficultatis erat, Hungaria so-
lum, & Bohemia sollicitum habuere. Utram-
que in Ferdinando ad lineam Stiriacam
traducere cogitabat, si modo Philippus III.
in Hispania, & Albertus in Belgio non re-
fragarentur, quorum quæ mens esset, per
Maximilianum fratrem explorabat. Cum Al-
berto morbis ceteroquin obnoxio facile con-
ventum, cum Hispano non item, qui, si Cæ-
sar, ejusque fratres improles decederent, jus
in Hungariam, & præcipue in Bohemiam
ad

a) Diar. Zavodski c. ad 1614. & 15. ad an.
eisd. Kevenhüller l. c. Apologia Transilvanor.
ad Cæs. Kolosvár. 1614. d. 12. Maji, Litt. Beth-
lenii ad Joan. Barvitium. Cæs. Consiliar. Clau-
diop. 17. ejusd. Transactio Tirnavien. Bethle-
nii, & Transilvanor. confirmat. induciar.

1616.

ad se velut Maximiliani Cæsaris ex filia nepotem pertinere, per Balthasarem *Zunigam* oratorem suum significari iussit, quod constaret, Annam Reginam matrem suam non aliter juri suo, quam maribus a Ferdinando in linea recta supersitibus, renunciassse. Quæ declaratio cum difficilem deliberationem redderet, Maximilianus consilium suum, quo ea res extricari possit, scripto comprehensum Cæsari porrexit; cujus hæc erat fere ratio: primum, ut bellum inter Ferdinandum Stiria Ducem, & Venetos *Uscociorum* causa (erant hi præsidarii Segnientes mare Adriaticum infestantes) ortum interposita Hispaniæ regis auctoritate componeretur; tum ut Cæsar Ordines Hungariæ, & Bohemiæ religioni avitæ addictos sibi conciliare, idemque sensim apud Status Imperii studeret efficere, ante omnia vero Philippum regem, si juri suo obfirmata voluntate inhæreret, proposito religionis Catholicæ periculo, & inde in familiam Austriacam, cujus ipse pars esset, redundaturo damno ad mītiora consilia flectere satagat, qui si se, ut spes est, a proposito suo deduci sineret, primum cum Bohemis transigendum suadebat, hi si obsequerentur, non dubitare se, quin Hungaria quoque, Optimum, qui priscam religionem instauratam vehementer cupiant, auctoritate, Bohemorum exemplo, consensura sit.

Ob-

Obsequutus suadenti egit per Legatos cum Philippo, qui cum ob adductas causas, tum ipso etiam, quo ab Hungaria, & Bohemia divellebatur, intervallo permotus, data sequenti anno die XXI. Aprilis. Inaco *Guevarra* Comiti de *Ognate* Oratori suo transfigendi potestate, juri suo renuncians, id hac conditione in Ferdinandum transtulit, ut ad solos hujus legitimos hæredes masculos, exclusis feminis, pertineret, his autem penitus deficientibus, nullaque prole omnino superfite, rursus ad Philippum, ejusque mares legitimos hæredes redeat. Addita & altera conditio est, ut translatum juris beneficium Cæsari confectis seorsim tabulis aliqua parte ditionis *Austriacæ* comprehenderet. Quibus exarata utrinque scripto stipulatione VI. & XV. Junii firmatis, Ferdinandus renitentibus licet aliquot Proceribus ea conditione, ne vivo Cæsare ullam in administrando regno partem habeat, rex Bohemiæ renunciatus, & XXIX. Junii coronatus est.

1617.

Hæc dum Praga ex sententia Cæsaris geruntur, Bethlenius nupernæ transactioni Tirnaviensi parum fidens, rursus missis nunciis quædam illius capita magis explicata reddi postulabat. Datum negotium est Petro *Pazmanio* Strigoniensi Archiepiscopo, qui in consortio Joannis *Molardi*, *Ladislai Pethe*, & *Pauli Apponyi* in hæc pacta, si Cæsari probarentur, cum Bethlenio convenerat: ut,

S 2

quid.

1617.

quidquid post Tirnaviensem concordiam in utramvis partem injuriæ, damnive illatum esset, perpetuæ oblivioni detur, neque ulla damnorum compensatio fiat, ex neutra tamen parte, cujuscunque conditionis, & dignitatis sit, liceat deinceps contra transactionem quidquam moliri, aut tranquillitatem publicam turbare, sive palam, sive clam conscripto domestico, vel externo milite, sive verbo, scriptove alios in suas partes sollicitare, aut factiones alere, aut hostibus denique polliceri, vel præbere auxilium, qui contra facient, ut primum veritas comperta fuerit, præcluso omni juris remedio notam infidelitatis censeatur incurrisse, utrique autem in flagranti crimine deprehenso, insuper etiam habita Nobilitatis prærogativa, capi, meritaque poena affici jubebunt. Hæc Tirnaviæ pridie Calendas Augusti partim instaurata, partim nova ad priorem concordiam addita fuere, & a Cæsare post suum Dresda reditum, quo, ut Ferdinando viam ad Imperii dignitatem pararet, profectus erat, IV. Nōnas Septembris Pragæ confirmata. Supererat Hungaria Ferdinando concilianda. Itaque datis indidem ad regni Ordines litteris Conventionem generalem ad Idus Decembres Posonium indixerat, quem tamen ob Imperii, quæ intervenire, negotia ad Calendas Januarias,

mox

mox valetudine, & hiemis inclementia impeditus ad IV. Nonas Martii prorogavit. a)

V. Convenere ad præstitutum tempus frequentiores, quam alias, nec enim ex iis, quæ 1618.

apud Bohemos acta erant, cur conciti essent, ignorabant. Cæsar medicorum consilio Viennæ coactus resistere, Ferdinandum Comitibus adesse voluit; additi sunt ei *Cleselius* Cardinalis, Episcopus Viennensis, & Joannes *Molardus* jam alias tractandis rebus Hungaricis adhibitus, qui Cæsaris nomine Ordinibus proponerent: illum, quod hærede careat, de tranquillitate regnorum a suo obitu magnopere sollicitum teneri, esse quidem ei fratres Maximilianum, & Albertum, qui ipsi tamen jam ætate propecta, & liberis desti-

S 3

tuti

a) Maximiliani Consil. Cæs. datum de successione Prag. 19. Febr. 1616. Cæs. de iis declaratio, ibid. 14. Mart. Litt. Bethlenii ad Vezirium Nukas Hazan ex castr. ad Lippam. 14. Jun. Regis Hisp. renunciatio juris &c. Prag. 6. Jun. 1617. Ferdinandi Archid. ratificatio. ibid. eod. & Cæsaris ibid. 15. Jun. apud Londorp. Act. publ. T. c. p. 350. Litt. Bethlenii ad Vezirium ex Fogaras. 27. Febr. Confirmatio concordie Tirnavien. ibid. 31. Jul. & Cæsaris ratificatio, Pragæ 2. Sept. Ejusd. litt. ad Ord. Hung. ibid. 10. Oct. & 28. Novemb. rursus 27. Decemb. ex Ebersdorf.

1618.

tutius suum in patrualem Ferdinandum sponte transtulerint, confidere illum proin in Ordinum voluntate, ut eundem Ferdinandum, si eorum, quæ regni causa olim eis præstitisset, meminisse velint, Bohemorum exemplo regem Hungariæ inaugurent. Dein XXIII. Martii lectæ in Comitio Cæsaris litteræ, in quibus cum nulla *electionis* mentio esset facta, Ordines quadriduo post Cæsari pro paterna in se cura gratias quidem egere, optabant tamen, ut secundum sanctionem, quæ Palatinum intra anni spacium eligi jubet, candidatos designare ne gravetur: responsum est, æquam rem peti, sed cum Comititia successionis regis causa indicta sint, præter dignitatem videri, si prius de ministro, quam domino agatur; de hoc constituendo primum deliberarent, quod reliquum esset, Cæsarem, qui nihil minus, quam regni sanctiones infirmare cupiat, ex legum præscripto curaturum. Deliberatio ob alterationem, religionis causa abortam, ad III. Nonas Aprilis tenuit, nec aliter odiosæ, & temporis importunæ quæstioni finis factus, quam solenni utrinque contestatione scripto exarata, & Judici Curie tradita, qua sibi, suæque causæ cautum ibant. Pacatis utunque animis conditiones, quibus Ferdinandum regem declarare cuperent, has proposuerant: Cæsar securitatem præset, liberæ electioni nullum propterea præjudicium fieri, lege-

legeque statuatur, electionem ex libera Ordinum voluntate esse factam; ante hanc autem nomina Candidatorum pro eligendo Palatino Judici Curiae consignet, item, ut electo Rege, & Palatino ante coronationem omnia, quibus se gravatos sentiunt, se sublaturum, renique immunitates publico diplomate firmaturum, polliceri velit, alioquin his non praestitis, se electionem irritam declaraturos esse.

Hæc Ordinum nomine proponebantur, licet non omnium concors de omnibus sententia esset. Pars eorum, qui ab eventu rerum, quæ clanculum apud Bohemos gerebantur, pendebant, his conditionibus electionem protelare, pars contra, cui tranquillitas publica cordi erat, ut electio resectis ambagibus, servata tamen prisca juris consuetudine, acceleretur, contendebat. Cæsar ipse fidem suam, & dignitatem hac mora peti, moleste ferens renunciari VI. Aprilis jusserat, sibi nunquam in mentem venisse, ut quidquam mori regiae electionis ante inaugurationem deroget, ut vel ex ipsis litteris, quas in Comitio legi jussisset, intelligere poterant, sed ut ante regis futuri coronationem de iis, quæ petebantur, publico diplomate caveat, hactenus inauditum, nec a decessoribus suis unquam usurpatum fuisse, magis omnibus constare, quam ut doceri debeat. Quod si proposito suo pergant insistere, tum palam declaraturos, se, cum ante coronationem, cui

1618.

soli regia jurisdictio innititur, nullam de immunitatibus cautionem præstiterit, illegitime ab iis electum fuisse, quod accusationis genus ne ipsi quidem æquo animo laturos sint: electionem conditione adstrictam solere patentissimam intestinis motibus portam aperire, a quibus regnum non ita pridem sua industria, etiam cum offensa, quod non ignorarent, fratris sui olim Cæsaris respirarit: Nihil aliud ab se desiderari, quam, ut Ferdinandus, quem pro filio adoptasset, si solio dignum putent, idem, quod ipse olim ab iis rex salutatus præstitit, eodemque modo præstet.

Postquam hæc a Cleselio Ordinibus nomine Cæsaris communicata fuissent, multum animi plerorumque remissere, eaque solum conditio, qua immunitates regni tempore coronationis juramento firmari solent, Ferdinando proposita est, quam ubi se ab inauguratione impleturum promississet, unanimi consensu XVI. Maji rex renunciatus est. Eodem die de Palatino actum: candidati pro more quatuor propositi; Sigismundus *Forgács* Judex Curiae regiae, Franciscus *Batthydni* Agazonum, Thomas *Erdödy* Tavernicorum regalium magistri, & Stephanus *Török*. Hic quoque studia in contrarium fervebant. Augustanae Confessionis affectu, qui jam duos suæ religionis Palatinos continenter habuere, rursus aliquem ex suis designabant, vicere tamen suffragiorum numero Catholici, & *Forgácsius* sub idem fe-

fere tempus aliis prælatus est, quo certis nunciis afferebatur, Bohemos, *Utraquistis* autoribus, defecisse, & vim religionis causa parare. Itaque, cum ex variis præterea indiciis, Australes quoque eandem ob causam arma correpturos, appareret, Ferdinandus abrupta mora, omnibusque, quæ in leges referri petebantur, præstito juramento firmatis, Viam maturavit.

Hic dum juncta Cæsari opera Bohemos componere studet, Cardinalem Cleselium præter omnium opinionem captivum in Stiriam, inde in Tyrolim duci iussit. Crimini datum est, quod non modo successionis negotium inter Domum Austriacam, & Hispanam familiam morari, & Principes Imperii inter se committere ausus esset, sed in nuperna etiam pacificatione Turcis plus terrarum in Hungaria, quam mandatum erat, celsisse diceretur.

a) Postremum ab Hungaris regi suggestum esse,

-
- a) Kevenhüller l. c. T. 9. Cæsar. credential, pro Commissar. ad Comitia Poson. ituris. Vien. 15. Mart. Propositiones Cæs. nomine propositæ Posonii 23. ejusd. Replica Statuum. 27. ejusd. Resolutio Cæs. ad hanc Vien. 28. ejusd. Altera Repl. Stat. Poson. 3. Apr. Cæs. respons. Vien. 6. ejusd. Cleselii asscuratio de lib. elect. ejusd. respons. ad gravamina Stat. & OO. Conditiones futuro regi propos. 14. Maji. Diar. Ms. C.

Eme.

se, multorum opinio fuit, qui exteros rerum
 1618. nostrarum, opportunitatis certe, situsque lo-
 corum ignaros componendæ paci Turcicæ
 adhiberi, moleste ferebant. Quidvis istorum
 fuerit, nec enim rem jure tentatam, & com-
 pertam fuisse, uspiam reperi, rex ingrati-
 tudinis notam, quod constaret, Cleselii industri-
 am in eo ad solium Hungariæ promovendo
 plurimum valuisse, apud plerosque, præfer-
 tim Bohemos effugere non potuit. Apud hos
 comperto viri casu flamma sub cineribus huc-
 usque delitescens in apertum prorupit, & in-
 de in Silesiam, Lusatiam, superioremque Au-
 striam propagata Imperium Germaniæ ferali
 incendio XXX. ipsos annos involvit. In Hun-
 gariam nonnisi post Cæsaris mortem, quæ in
 XX. Martii sequente anno inciderat, tacite
 serpendo penetravit, eo periculosior, quo diu-
 tius ipsa regni viscera depascebatur, intimo
 animi dolore eorum, qui florentissimum alias
 regnum ob religionis, quæ pacis cæteroquin
 altrix est, certe esse debet, divortium sponte
 ad exitium properare videbant.

 FER-

Emerici Thurzo. Franc. Kazi hist. l. 2. pag. 160.—64. Londorp. l. c. lib. 2. pag. 374. In-
 structio Commissar. ad Bohemos. Vien, 11. Nov.
 Responsa Bohemor. Prag, 29. ejusd.

FERDINANDUS II.

Ab anno 1619. — 1637.

Si cui regum nostrorum, huic certe, tota ab-
dito regno vita inter ærumnas, & gravissi-
mas curas traducenda fuit. Primo ab obitu
Cæsaris die Bohemos, & Australes missis in-
ternunciis ad saniora reducere conatus ope-
ram perdidit. Bellum utrique, præcipiti re-
gionis fervore abrepti, non pacem cupie-
bant. Primus classicum sustulit Comes Tur-
rianus, qui in Austriam irrumpens Viennam,
& in hac Ferdinandum obsedit. Urbs defen-
sioni imparata, & rex in ipso palatio ab
catholicis Austriæ Statuum Legatis deditio-
nem suadentibus pene circumfessus, non longe
am ab exitio erat, cum Santelierius cum
quingentis Equitibus velut cælo delapsus in
foro palatii constitit, & repentino suo adven-
tu importunos deditiois suasores dispulit.
Turrianus quoque, comperta Mansfeldii cla-
le a Bucquoio accepta, obsidione soluta in
Bohemiæ reversus urbem metu, & regem
periculo exemit, cujus in tanto discrimine
constantia ipsis hostibus admirationi fuit, ei-
que Austriam cum hæreditariis ditionibus,
in Vienna excessisset, haud dubie amittendis,
servavit.

1619.

Hos

1619.

Hos motus Hungari ipso Comitiorum tempore eminus, & ex eventu pendentis spectabant, pauci tamen se in principio iis abripi passi sunt. Præcipui fuere, Georgius *Rákóczi*, Georgius *Széchi*, & Franciscus *Perényi*, qui ex Comitibus alienato a cæteris animo digressi, ad res novandas intenti erant, cum autem vires sibi deesse viderent, Bethlenium spe potiundi Hungaria ad religionis, & regni libertatem tuendam sollicitabant. Verum ille, quamquam dominandi cupidus, cautior tamen, quam ut se periculo temere objiceret, dubia responsa dabat, donec, quo loco res in Bohemia essent, ex Marco *Vajda*, quem istuc exploratum miserat, intellexisset, Bohemos præcipuam in illo, si armorum socius accederet, spem locare. Ita sponte ad arma pro no calcar est additum. Ne tamen propositum suum ante tempus proderetur, dolum Principe indignum commentus est. Miserat e Transilvania per Michaellem *Károlyi* litteras ad Andream *Doczium*, quibus operam suam regi contra Bohemos pollicebatur, venturum se nempe cum exercitu, & castra non procul a regiis copiis, ut communi cum iis consilio agat, fixurum, interea vero Bohemis, a quibus per litteras accersitus esset, facile persuasurum, id simulate fieri, futurumque hac ratione, ut præcipuos rebellionis auctores in fraudem inductos ad sua castra pelliciat, & pellectos regi puniendos tradat. Hæc ille ad

Do-

Doczium, & hic ad regem. Serius autem, ~~postquam~~ postquam Transilvanis specie ferendi Ferdi- 1619.
nando secundum pacta auxilii militiam im-
perasset, ad Bohemos scripserat, se proroga-
tis cum Sultano induciis copias suas, in qui-
bus mille *Janicsari*, totidemque equites Tur-
cici essent, in promptu habere, & nisi aliquid
obstaculi in Hungaria occurrerit, mense Sep-
tembri ad fines Moraviæ adfuturum, interea
autem ipsi nullam cum Ferdinando pacis tra-
ctationem ineant, quem, si concordii animo
vires secum junxerint, facile profligandum
confidat.

Hæc litterarum, quas XVIII. Augusti ad
Bohemos Corona scripserat, sententia fuit.
Sexto post diē, cum XVIII. millibus Cassovi-
am movens, & urbem civium perfidia dedi-
tam ingressus, Andream Doczium loci præfe-
ctum, quem paullo ante simulata amicitia
sefellerat, captivum in Transilvaniam misit.
Inde pluribus per iter ad signa confluentibus
ad montanas urbes progressus, quacunque ibat,
rapinis, bonorum Ecclesiasticorum direptio-
ne, profanatis templis, cæsisque Sacerdotibus,
ac viris primariis, qui fidem regi obstrictam
violare renebant, in exilium actis, horrorem
late circumferens ad Moraviam, Palatino nec-
quidquam obsistente, properabat, Legatis su-
is *Széchio*, & *Rédeio* consequi jussis. Ad li-
mites ut venit, lustratis copiis utrumque Le-
gatum cum parte copiarum, quibus Turcas
etiam

1619.

etiam adjunxerat, Turriano suppetias misit, ipse cum reliqua militia, ut ex eventu consilium caperet, ad Posonium substitit.

Ferdinandus, qui interea, repugnantibus licet Palatini Comitis, & Bohemorum Legatis, rex Romanorum inauguratus erat, vix, cum hæc ad se afferebantur, fidem habuit, cum longe alia Doczius mense Julio ad se perscripserit. Sed ubi idem crebris nunciis firmari, & Bohemos se exauctorato Fridericum Comitem Palatinum Bohemiarum regem elegisse, comperit; nullum dubium erat, prodicionem diu ante utrinque clandestina machinatione adversum se fuisse agitatam, sibi que deinceps cum versuto homine, cui foederum sanctitas, pacta, & stipulationes, publica fide, scripto, & sigillis firmatae ludus sint, rem futuram esse. Nec Bethlenius non intellexit, quam turpem sibi notam inusserit, quantave infamia apud externos ob violatam fidem laboraturus sit, sed; cum dominandi libido, habendique cupiditas sensum humanitatis hebetaret, propositi sui tenax Posonio potitus, post suas Germanorum auxiliares copias, in Austriam evagatus omnem usque Neostadium, Viennæque suburbia viciniam, incendio, & caedibus populatus, spoliis dives rediit, rerumque a se gestarum seriem magnifica de se jactans, falsa que veris miscens, ad internuncium suum Franciscum Balasium Constantinopolim perscripsit, se Hungariam omnino sibi subjecisse,

pa.

1619.

parumque abfuisse, quin & Bohemia potiretur, nisi Vezirius maluisset, alium ei regno præesse, cui, quod ejusdem secum religionis, & regis Angliæ gener, Hollandorumque patrocínio subnixus sit, libenter cedat, cum quo alioquin communi adversus Ferdinandum fœdere se speret conjungendum, maximo Sultani commodo, quod hac ratione omnis deinceps facultas Germanis adimenda sit, Turcas bello impetendi. Hæc Constantinopolim ad suum internuncium; Pragam vero Legatos misit, qui de conditionibus ineundi fœderis transigant, & sumtus belli causa factos peterent. Quingenta *Talerorum* millia postulabat: id nimium Bohemis visum, responsumque de his, aliisque, quæ ex usu videbuntur, in Conventu Pragenſi actum iri, interim ageret, ut Hungaris quoque Comititia indicat, ad quæ ipsi etiam suos missuri essent, quod cum ei ex legum præscripto nequaquam fas esset, Palatinum vi adnota, quid enim armatus illo inermi non posset? pro XI. Novembris ad hæc cogenda compulsi.

Pauci ex Catholicis, quod rex gravissimo interdicto Conventum vetuerit, iique metu amittendorum bonorum coacti adfuere; Australes etiam, ut Legatos suos mitterent, admoniti; venerat quoque, incertum, an accersitus, an sponte sua, Gyulensis *Begus*, qui auxilia, si his opus fuerit, large pollicebatur. Id multis incitamento erat, ut Bohemorum exem-

1619. exemplo Comitia a criminationibus in Ferdinandum ordirentur. Cum enim Palatinus peteret, ut de ratione, qua exorti motus pacari possint, & de horum causis in medium consulerent, has in electionem regis coniecerunt: extortam, non liberam fuisse; *Pazmanum* cum Episcopis ante Comitia anni prioris oberrasse provincias, a) ut suffragia pro Ferdinando emendicaret, illo etiam auctore factum, ut ii fere ad Comitia destinarentur, qui Austriæ favebant, Status quoque Catholicos nihil sivilisse intentatum, quod ad opprimendos *Evangelicos* faceret, ex his etiam non paucos largitione, & promissis esse in transversum actos, ad hæc Comitia fuisse de industria in longius tempus producta, quo factum, ut, multis sumtuum causa domum redire coactis, reliqui suffragiorum numero facile illos superarent, quibus ne quidem liberam vocem edere lisuerit. Hoc modo electum, & coronatum fuisse regem, qui triduo post Viam properarit, quin regni vulneribus medellam attulerit, vel conditionibus, ut promiserat, satis fecerit, non reddita esse *Evangelicis*

a) Constet tamen Pazmanum ex epistolis ad varios datis, ab eò tempore, quo a Mathia Archiep. Strigonien. nominatus erat, Pragæ, Viennæ, Posonii, Tirnaviæ, & Sellyæ constanter fuisse.

et templâ, religionis exercitium ab Episcopis illo non ignaro arctius constrictum, 1619. propeque esse, ut iugo Hispanicæ *Inquisitionis* colla subdere cogantur, nec pacta cum Hispano inita alio spectare, quam ad eorum, qui a Catholicis dissentiunt, religionem penitus extinguendam: idcirco milites Germanos nondum esse ex Hungaria eductos, Hungaros contra ex confiniis Nicolao *Forgácsio*, Stephano *Horvátho*, Balthasare *Lengyelio*, & Mathia *Somogyio* ducibus in Bohemiam, & Moraviam abstractos, ut gentem religione, & pactis sibi sociatam impetant, data libertate, ferro, igneque in omnes promiscue grassandi, hos non multo post eandem ob causam Nicolaum *Pálsum*, Petrum *Balassam*, Paulum *Eszterházi*, & Andream *Oroszum*, conducta largis stipendiis militia, fuisse consequutos, quæ quidem belli inferendi cupiditas fœderi conciliationis Viennensis, quo Bohemi, & Moravi quoque comprehendebantur, & cujus ipse Ferdinandus, tunc Stiriz, & Carinthiz Dux, iussor, sponzorque fuisset, aperte adversetur. Justas igitur sibi ad corripienda arma causas esse, nec id sibi ab exteris vitio verti posse, nisi qui ignorent, Hungaris ab Andrea II. datam potestatem, etiam regi, si pactis conventis non steterit, resistendi.

Hæc partim longinque accersita, partim speciose, sed falso excogitata Palatino satis

Pars III.

T

pro-

1619. prolixo scripto exhibita fuere, qui, ut exacerbatos animos lenirét, id consiliū proposuit, ut Legatio ad Cæsarem non dissentiente etiam Bethlenio mitteretur. Delecti sunt triginta ad eam obeundam, inter quos & ipse Palatinus: admissos XXVI. Decembris Cæsar eadem, qua in adversis solebat, animi magnitudine audivit, pollicitus, proxime a se mittendum, qui suo nomine cum illis secundum leges patrias transigat. *a)*

II.

a) Kevenhüller T. IX. ad h. a. Londörp. I. c. li. 4. c. 73. 74. & c. 203—6. Ferdinandi credent. ad Boh. Vien. 28. Mart. Segründeter nöthwendiger Bericht, was . . nach Absterben . . Matthias . . unter, und ob der Ens . . gehandelt worden. Lincii 1619. Litt. Andr. Dóczy ad regem ex Szatmar. 14. Jul. Bethlenii ad Boh. & Mor. Corona 18. Aug. Ordin. Boh. ad Hung. Pragæ 5. Sept. Sigism. Forgács ad Pazmanum. Pofon. 20. Oct. Statuum Austr. ad Hung. Hornæ 22. Oct. Ferdinandi prohibitor. Græcii 30. ejusd. Ejusd. ad Pazmanum ibid. 31. ejusd. Bethlenii ad eund. Pofon. 15. Nov. & ad Nic. Elsterházi ibid. 20. ejusd. Responfa Bethlen. ad proposit. Palatin. ibid. 29. ejusd. Cæsaris ad Stat. Imperii Vien. 5. Dec. & ad Palatin. Hung. ibid. 6. ejusd. Friderici C. Palatini, & Bohemor. ad Hung. 13. Nov.

II. Prævenere Bohemorum Legati Fride-
ricus Comes ab *Hohenloe*, & Matthæus Tur-
rianus, non tam de foedere deliberaturi, quam,
ut Hungari conditionibus, quas ex Conventu
Pragenſi afferebant, ſubſcriberent. Erant au-
tem hac ſententia exaratae: Conſoederatio in-
ter Hungariam, & Bohemiam, ac utrique re-
gno adnexas provincias perpetua ſit, & ad
poſteros quoque utriusque gentis pertineat:
quovis quinquennio Conventus celebretur,
ut, ſi quid difficultatis in conditionibus
occurrerit, hæ mutari, augeriſque poſſint:
omnes diligentem operam adhibebunt, ut
vicina etiam regna huic ſocietati ſe adjun-
gant: deſenſionis negotium collatis in unum
viribus ita ordinetur, ut imminente periculo
quiſque contra quemlibet hoſtem ſiſ uti poſ-
ſit: Socio ab hoſtibus impetito vicinus opem
feret, ſi plures in eodem periculo fuerint,
quivis copias ſuas in limitibus paratas ha-
beat, quas magis laborantibus ſubſidio mit-
tet. Amici, & hoſtes ſint omnibus communes,
proſi nemini inſciis aliis, ſcribere militem,
bellum movere, pacemve inire fas ſit. Si
quis a conſoederatis ſecedere, aut deſerere
in periculo, aut quidvis adverſus illos mo-
liri audebit, is omnium armis impetendus,
redigendus in ordinem, & ad ſumtus belli
penſandos cogendus erit. Ceterum per hanc
conſociationem, nullius regni conſoederati ju-
ribus, immunitatibus, aliisque conſuetudini-

1620. **bus** quidquam censeatur derogatum. Sancto in has conditiones fœdere Nuncium litteris ad Vezirium scriptis misere rogatum, ut venturo proxime cum muneribus Oratori Bohemo tutum per iter commeatum, aditumque ad Sultanum præstare vellet, acturum enim de rebus gravibus, quas Sultanum non ignorare magnopere interfit.

Digresso nuncio adfuere in Conventu Valentinus *Lepes* Colocensis Archiepiscopus, Leonardus Comes a *Megau*, Gundaccarus *Liechtensteinus*, & Sigfridus *Preinerus*, a Ferdinando cum exquisitis honorariis muneribus missi. Serum id plerisque visum, & tempus non tam consultatione, quam altercationibus, & repetitis in Cæsarem querelis consumtum. Bethlenius, qui consilia sua ex usu temporis capere solebat, futuri magis, quam ceteri providus, imperato reliquis silentio non se quidem ab induciis abhorreere affirmabat, si conditiones honestæ proponerentur, tales cum afferri intellexit, ipse remotis arbitris in has cum illis convenerat: Induciæ ad festum Michaelis Archangeli durent, ad quas servandas Cæsar etiam regem Poloniæ per Legatum persuadere sataget, nec pro sua clementia gravate feret, ut iis Bohemi cum annexis provinciis, ad præstitutum tempus comprehendantur, se interim apud imperii Principes omni studio acturum, ut sopitis motibus pax æquis conditionibus tandem coalescat:

cat: durantibus induciis, quod utraque pars
n potestate habet, in cujusvis jurisdictione 1620.
persistat: commercia sint libera, neutris li-
ceat hostilitatem exercere, aut alterius di-
tionem incurfare, arcesque intercipere: Po-
loni milites, quos Homonnaus in superiorem
Hungariam induxerat, exesse jubeantur, si
nolint, aut vim parent, fas sit eos salva in-
duciarum fide armis regno exigere; denique
Cæsar Comitia ad pridie Calendas Junias
Neosolium indicet, ut in his præsentè Pala-
tino, regni Prælati, & reliquis Ordinibus,
quidquid hactenus dissidiorum fuit, commu-
ni, quoad fieri potest, iudicio, & consensu tol-
latur. In hunc modum conditiones utrinque si-
gillis firmatæ XXVII. Januarii promulgatæ sunt.

Cur Bethlenius tam facilem ad has in-
eundas se præbuerit, multa in causa erant.
Profligato enim per Homonnaum in superio-
re Hungaria Georgio Rákóczio, verebatur,
ne partes illæ, rebus suis in Hungaria non-
dum confirmatis, reditum sibi in Transilva-
niam difficilem reddant; per exploratores
etiam compererat, Catholicos Imperii Prin-
cipis *Mülhustum* convenisse, agitari istic con-
silia de fœdere contra A catholicorum Prin-
cipum unionem consilando, autorem hujus ef-
se Maximilianum Bavariz Ducem, Princi-
pem bello expertum, Cæsari præterea a re-
ge Hispaniz ingentem auri vim esse submi-
nistratam, colligi hujus jussu copias in Bel-

. 1620.

gio, quas in Palatinatum irrupturas non inanis sit suspicio, quod si fieret, Fridericum subrogatum Bohemiae regem manifesto periculo obijciendum, cujus res si labascerent, facile futurum, ut Cæsar, eique confœderati vires omnes, quibus propulsandis impar sit, in se unum convertant, neq; ab A catholicis Imperii Principibus, cum non omnes inter se consentiant, ipse vero apud plerosque Germanos ob initum cum Turcis fœdus invidia laboret, spem auxiliorum, nisi dubiam affulgere videbat. Hæc illum ad inducias, quas ejus asseclæ aspernari videbantur, amplectendas permovere.

Posonio Cassoviam digressus statuta, quæ partium illarum Proceres interea condiderant, fere eadem, qua reges uti solent, verborum forma. XVIII. Februarii rata habuit. Statutorum hic tenor erat: Qui legitime ad Comititia Neosolium vocati non venerint, publicatis bonis in exilium agantur, religionis exercitium toto regno liberum sit, & illibatum, qui id impediunt, eorum bona Fisco addicantur; templa, nisi sponte fuerint reddita, nemini fraudi sit, si vi recuperentur: *Jesuitas* nemo sinat in regno, & adnexis provinciis morari, clam, palamve fovere, qui contra faciet, crimine infidelitatis notetur; miles Germanus Levensi arce intra XV. dies excedat, si morem non gesserit, Joannes Althanius arceis Præfectus futuris Comititiis adsit, rationem
facti

facti redditurus: Emerico *Liptai*, quod legatione ad *Portam Ottomanicam* anno priore fideliter functus sit, æs Constantinopoli, sponfore Ludovico Molardo Cæsaris Legato, contractum liberaliter compensatum: tres præterea Legationes decretæ; una ad A catholicos Imperii Principes, & Bohemos, altera in Poloniam, & ad Sultanum tertia. Legatos, & mandata, secundum quæ res sibi creditas gerant, Bethlenius cum Palatino, adjunctis etiam Consiliariis designabit, & tradet; quem si interea mori contingat, cura & administratio rei publicæ Palatino regni incumbet, quæ autem nunc decressent, confœderatis provinciis communicentur, postremo fœdus mutua stipulatione firmatum, quo una cum Bethlenio libertatem, & religionem sanguinis etiam profusione se tuituros recepere.

III. Sub hæc Catholici Principes Imperii ex Conventu Mülhusano litteras ad Hungaros dedere, quibus eos ad pacem, & unionem hortabantur, idque in proximo Conventu præcipue operam darent, ut in rebus discernendis regni salutem in primis præ oculis habeant, nec tantum intemperii Bohemorum velint tribuere, ut se a legitimo rege abalienari sinant, sed seposito privato affectu, odioque, & rejectis turbulentorum hominum consiliis id unice conentur, ut Hungariam ad eum, quem Majorum in patriam amor illis reliquerat, felicem statum reducant, alioquin fore,

1620. ut tot patratarum cædium, & effusi sanguinis Christiani invidia in eos fere solos redundet, Nihil tamen his litteris profectum. Bethlenius seu induciarum pœnitens, seu ob has Bohemos sibi infensos suspicatus, Emericum *Thurzonem*, Michaellem *Bosdnyium*, & Joachimum *Magdeburgerum* Senatorem Cassoviensem ad eos pacandos Pragam misit, cum, ut, quæ nuper Cassoviæ decreta erant, referrent, tum, ut de iis, quæ in Posonienſi Conventu nondum satis explicata viderentur, cum iis transigant, præcipue autem de subsidio pecuniæ quotannis rite numerando, & Oratore Constantinopolim mittendo decernant. Ipse seorsim ad Fridericum scripsit, si Cæsar intra mensem nolit declarare Bohemos, & reliquos confœderatos nupernis induciis comprehendere, se copias suas in finibus Moraviæ locaturum, quibus, ut e re visum fuerit, uti possit, nunc instare tempus Conventui Neosolienſi præstitutum, cupere se magnopere, ut Legati a confœderatis mature mittantur, cum quibus, antequam Cæsarei adveniant, quædam privatim conferri multum intersit. Hæc ad Bohemos. Constantinopolim Franciscum *Baldsium* cum muneribus, & annuo censu misit, qui, cur cum Bohemis, Moravis, & aliis confœderationem iniisset, causas Sultano exponeret, nullique operæ parceret, ut hanc ipse ratam quoque habeat, eique se velit adjungere, si autem videret Turcas religione juramenti, quo indu-

clas cum Cæsare firmarunt, abstergeri, spem majoris annul census faciat, & *Filekum* præterea cum *Neogrado*, & *Vacia* eisdem tradendum polliceatur, nec ullum a Ferdinando, cujus copias fœderati aliquoties profligassent, periculum imminere persuadeat. Habita est internuncio fides, & cum *Mehmet Aga*, Pragmam ad Fridericum ituro, remissus est.

1620.

Rediit ipso Comitiorum tempore, quo confœderatorum Legati jam Neosolii cum Bethlenio tractabant. Cæsarei Paulus *David* Episcopus Tinniniensis, & Georgius *Teufel*, primum X. Julii advenere, dum partibus in contraria studia scissis Comititia maxime fervebant; multi enim adhuc regis partes acriter tuebantur. Frustra regii Commissarii dissidentes, quod plena auctoritate destituti essent, conciliare studebant, prævalere A Catholicis, & rogatis sententiis decrevere, ut bona illorum, qui a Comitibus aberant, in Fiscum redigantur, Ecclesiastici jure suffragii deinceps careant, nec unquam inter Status regni locum habere possint. Hæc XIV. Julii acta, relata in litteras, & CLXV. sigillis, nominumque subscriptione firmata sunt.

Re ad Ferdinandum celeriter perscripta missus est Comes *Collaleus* plena agendi potestate præditus, qui Comitium ingressus cum duas sellas, & ex his unam majore, quam aliam cultu, impendente umbella, instructam videret, conjiceretque, Bethlenio esse desti-

na.

1620.

natam, hanc occupans, a) paucaque de Cæsaris clementia præfatus gravi oratione adstantes monuit, ut foederi Bohemico renunciarent, quæ de bonis absentium, & contra Ecclesiasticum Ordinem constituissent, irrita declarent, Cæsarem eo animo esse, ut, quæ peterent, modo ne juri regio, & regni constitutionibus sint adversa, libenter concessurus sit. Hæc taciti, & Bethlenius aperto capite exceperant, sed cum a foedere Bohemico se recessuros diserte negarent, Collaltus cum collegis Viennam regressus, & Bethlenius Emerico Thurzone, nam Palatinus Forgácsius persuaderi non poterat, præeunte rex Hungariæ XXV. Augusti electus est, licet Dux Engolismensis missio suo Vicario præceps factum omni adhibito studio impedire conaretur.

Ferdinandus, cujus curæ omnes in Bohemiam intentæ erant, & induciarum tempus nondum effluxisset, hæc tantisper dissimulanda putabat, nec prius arma resumit, quam Bethlenius exeunte Septembri in Austriam irum-

a) Kevenhüller Tom. IX. pag. 942. memorat hoc factum a multis Hungaribus in hæc verba: *bene, bene, bene facit, pro reputatione juæ Cæs. & regiæ Majestatis nostræ*: collaudatum fuisse; quod indicio est, non paucos rem legitimi regis tuitos, sed potentia, & numero ab adversariis superatos fuisse.

rumpens more suo populationem late circumferret. Huic Cæsar *Tampierium* opposuit, qui rejecto illo, & urbe Posonienſi recuperata dum arcu incautius, quam par erat, succedit, glande plumbea ictus occubuit, cujus casu Bethlenius animum resumens, rursus Austriam infestare parabat, desistit tamen a proposito, quod res Friderici in Bohemia periculo proximas intelligeret. Hispanos enim ex Belgio in Palatinatum, Cosaccos in Hungariam irupisse, & Maximilianum Bavarum, recepta in fidem Cæsaris superiore Austria, magnis itineribus in Bohemiam movere comperit. Itaque, cum ex pacto foederatis subsidia ferenda essent, nec vellet eodem tempore cum Cæsare sibi rem esse, inducias his conditionibus offerebat: ut Cæsar, quando ipse ceteroqui jam rex Hungariæ esset declaratus, regno Hungariæ renunciare id sibi deinceps gubernandum relinquat, ex quo annua CCCC. florenorum millia tributum nomine eidem numeraturus sit, & effecturum se spondit, ut Fridericus vel sponte Bohemia decedat, vel, si id non posset, ut CCC. quotannis florenorum millia Cæsari pendat; ad grati etiam animi contestationem se omnem industriam adhibiturum, ut Principes Imperii filium ejusdem Romanorum regem renuncient: has cum Cæsar ob intolerabilem hominis fastum cum contemtu rejiceret, ipse, missis in Bohemiam non temnendis equitum copiis, ad fines Moraviæ

1620. ~~_____~~ constitit, nihil ante tentaturus, quam, quis rerum in Bohemia exitus esset, intelligeret. Non diu incertus hæsit. Edoctus a Turriano Fridericum VIII. Novembris a) prope Pragmam in monte albo pugna decretoria victum, fugatumque esse in Silesiam, nihil morandum ratus, datis ad confœderatos litteris, quibus eos ad constantiam hortabatur, convasatis rebus in Transilvaniam spoliis dives rediit.

Cæsar victoria pótitus, Pragaque recepta, quod ante differri oportuit, vulgato ad VI. Idus Decembres edicto, electionem Bethlenii irritam pronunciavit, & Palatinum cum ceteris regni Ordinibus paterne commonefecit, ut jurisjurandi, quo sibi legitimo regi obstricti essent, memores a rebellium consortio se abstineant, nec ope, consilio, armisque adjumento eis sint; partes Bethlenii, qui ambitionem suam religionis specie fraudulentè tegat, spemque unice collocet in Turcarum auxilio, quibus, si spe sua se frustratum viderit, confœderatos, & ipsam Hungariam facile sit proditurus, deserant, eorumque, quæ a Domus Austriacæ regibus perceperant, beneficiorum meminisse velint. Valuit commonitio ad plures, qui ob-

a) Memorix est proditum, incidisse in eam diem Evangelium Matthæi 22. in quo legitur: *reddite ergo, quæ sunt Cæsaris, Cæsari, & quæ sunt Dei, Deo.*

obtenta erratorum venia in pristinam fidem rediere. a)

VI. Bethlenius contra veritus, ne profligato Friderico rationes sibi penitus conturben.

1621.

a) Kevenhüller l. c, ad h. a. Londorp. l. c. P. II. cap. 8. 25. 36. 67. & 125. Kazi. l. 3. Litt. Friderici ad Palatinum Hung. Prag. 25. April. Bohem. ad Hungaros. ibid. eod. Moravor. ad eosd. ibid. 26. ejusd. Silesior. 25. Lusatior. 26. Austriæ infer. 26. superior. 27. ejusd. ad eosd. Emer. Thurzo Relatio Actor. Pragensium. Postulata Bethlenii a confœder. 2. Apr. Paria unionis mutuae. Prag. 8. ejusd. Bethlenii, & socior. affecutoriaræ 24. ejusd. Emer. Thurzo obligator. de perceptis 15223. flor. & 95. den. pro comparandis vasis argenteis ad Port. Ottomanic. Prag. 24. Apr. Litt. Friderici ad Hungar. Prag. 9. Maji. Ordinum Boh. ibid. eod. & Moravor. Bruna 1. Jun. Silesior. Wratisl. 29. Maji. ad eosd. Bethlenii ad Fridericum Cassov. 1. Jun. Emer. Thurzo ad eund. ex arce Bitsensi. 4. ejusd. Friderici ad Bethlenii Legat. Prag. 4. Jul. Ejusd. ad Bethlen. ibid. 8. ejusd. Thurzonis ad Friderici Cancellar. a Rapau, ex arce Bitsen. 29. Sept. Bethlenii ad confœder. Bazinio. 16. Nov. Cæsaris ad Pazmanum Prag. 29. Dec. Jus Ferdinandi in Boh. Vien. 1620. editum.

1621. **_____** bentur, ante suum in Transilvaniam disces-
 sum Emerico Thurzoni in mandatis dederat,
 ut, si fieri posset, Cæsareos ad inducias in-
 eundas adducat, non tam ut re ipsa confa-
 rentur, quam ut eousque tempore posset
 uti, donec ex Joanne *Rimai* Constantinopo-
 lim misso, quid inde spei affulgeat, resciret.
 Ferdinandus, ethi; quid ille apud Sultanum
 machinaretur, non ignoraret, noffet quoque
 Bethlenii versatilem, & omnia magis ex
 utilitate, quam honestate metientem animum,
 ne novam tamen quirítandi occasionem fa-
 ctiosis daret, Commissarios Haimburgum mi-
 sit, qui, quas illi afferrent, conditiones audi-
 rent. In ipso statim principio adhæsum est,
 quod Bethlenius in litteris titulum *regis electi*
 sibi tribueret, & conditiones infra Cæsaris
 dignitatem visæ, quas Bethlenius, quemad-
 modum ei res Constantinopoli nunciabantur,
 alias aliis substituendo variari jubebat, do-
 nec XV. millia Turcarum subsidio sibi adfu-
 tura, & Fridericum cum XXX. millibus in
 Bohemiam irrupturum clam significatum esset,
 tum induciarum tractationem abrumpi, &
 Cæsar copias in hunc eventum paratas, *Buc-*
quoium in Hungariam ducere iussit, qui Po-
 sonio, Tirnavia, & Nitria recuperatis, dum
 Ujvárinum oblidere parat, a Bethlenio cir-
 cumventus in pugna occubuit. Victor exer-
 citum Tirnaviæ admovit, urbeque potitus
 nuncium cum litteris ad *Chamum* Tartariæ
 misit,

missi, ut hunc quoque facta spe prædarum, & mancipiorum, quæ ex Christianorum regnis possit colligere, in communionem belli pertrahat. a) Interea ne otiosus adstaret, partem copiarum Moraviæ, & Austriæ immisit, quæ morem suum sequutæ, quidquid obvium erat, igne, ferroque populabantur, ipse Posonium movens dum arcem frustra tentat, mutato repente consilio Szakolczam discessit, paullumque post, cum a Friderico, quem Cæsar Electoris dignitate privatum vulgato per Imperium edicto proscripserat, nihil spei affulgeret, animum ad inducias serio, ut quidem videbatur, adjecit.

Nicolsburgum, ut arbitri de conditionibus communiter tractarent, delectum, & remotis utrinque, quæ ingerebantur, obstaculis, in has tandem conventum: Cæsar indulta omnium, quæ a IV. Martii anni 1609. patrata erant, erratorum venia, firmatisque regni

a) *Idcirco personam vestram propriam expectabimus; & eandem per ditissima regna, & provincias circumducemus, — cujus milites divitiis, atque mancipiis se se ubertim ditabunt, si modo Celsitudo vestra 20000. penes se habebit. Sunt verba, Bethlenii ex epistola, quam Chamo Tartarorum scripserat, intercepta.*

1621. ~~_____~~gni immunitatibus conditiones, quibus se ante coronationem statutum promiserat, in proximis Comitibus decreto, quo sanctiones a rege ratihaberi solent, inferi curabit: promittet item se facturum, ut munimenta confinium instaurantur, neve prædiario militi stipendia desint, & pacem cum Turcis secundum conventionem servabit: Bethlenio denique septem Comitatus cis, ultraque Tibiscum cum urbe *Cassovia*, arcibus item *Munkács*, *Tokai*, & *Szatmár* cedet, salva tamen Palatini in eas provincias jurisdictione: his adjecta erant quingenta florenorum millia. Bethlenius vicissim Comitatus Ungensem, Tornensem, Scepusiensem, Sárosiensem, cum *Bartpha*, *Eperieſſo*, *Cibinio*, & *Leucovia* urbibus Cæsari reddet, abdicato regis electi titulo, substituet titulum Principis Imperii, & Ducis *Opulæ*, ac *Ratiboriæ*: pollicebitur præterea, se nullam deinceps hostilitatem adversus Cæsaris ditiones, & Domum Austriacam moturum, nec hostes, sive hi exteri, sive domestici fuerint, re, consiliove adiuturum: coronam regni, quam Posonio instar prædæ abstulerat, cum reliquo apparatu illibatam reddet, restituet etiam erepta bona legitimis dominis, & captivos, nisi de precio jam conventum sit, gratuito liberos dimittet. Religionis negotium, quod hactenus dissidiorum fomes, & rapinas impune
exer.

exercendi prætextus erat, ad futura Comititia dilatum. a)

Conditiones anno sequente ad VII. & VIII. Idus Januarias sigillis roboratæ, & diplomata ad firmandam fidem utrinque permutata sunt. Episcopus Varadiensis cum collegis pro reducenda corona Cassoviam ad Bethlenium missus, difficiliorem, quam spes erat, non quidem in hac reddenda, verum aliis in rebus reperit. Querebatur, sero promissa quingenta florenorum millia sibi administrari, tametsi de his in Imperii Comititiis esset transactum, nec, quæ de Ratiboriensi, & Opoliensi Ducatibus in conventionem statuta erant, satis explicata videri. Hæc ille verbis quidem præferebat, sed aliud meditabatur.

Restituta corona cum videret sibi spem obtinendæ Hungariæ succisam esse, de Polonia ope Turcarum occupanda cogitabat, nec tam obitus, quem prætexebat, uxoris, quam hæc destinatio in causa fuit, cur Comititiis

a) Kevenhüller T. c. Londorp. P. II. cap. 19. 40. 41. & 103. Litt. Joan. Rimai ad Bethlen, Constantinop. 19. Febr. & 15. Apr. Bethlenii ad Chamum Tartar. Tirnav. 1. Apr. Acta pacificat. Nicolsburgi 31. Dec. Episcopi Varadien. & collegarum ejus Acta, de corona relata apud Pray Hierarch. P. II, pag. 191.

1622.

mitiis Sopronium indictis adesse noluerit, etsi in his quædam Nicolsburgensis conventionis capita illustranda essent. Mens tota Poloniæ intenta erat. Hujus autem occupandæ hanc rationem iniit. Communicato cum rege Sueciæ, qui superiore anno *Rigam* Polonis eripuerat, consilio, suum Constantino- poli internuncium admonuit, captata occasione proponeret Osmano Imperatori, nullam commodiorem dilatandi Imperii occasionem adesse, quam si Poloniam, ex qua in ipsa Germaniæ viscera grassari possit, occupet; neque id, quod regnum munitis urbibus careat, arduum esse; Suecum exiguis copiis magnos progressus fecisse, his majores, si Moscos præterea in Polonos concites, Tartaros, qui confines sunt, facturos, quibus de regno concertantibus, si sibi XX, millia Turcarum subsidio mitterentur, ipse quartus sit superventurus, & exclusis æmulis Polonos vi adactus, ut se regem Poloniæ declarent, cui eodem, quo Transilvaniæ, fiduciario jure Turcis obnoxius, præesse velit. Nefarii hujus consilii, quamquam id ille clam haberi cuperet, indicium ad Cæsarem perlatum, & sensim in regno propagatum multis occasionem dedit, ut illo deserto ad obedientiam redirent.

Sopronii interim Comitia fervebant, Cæsar salutis publicæ cupidus, non pauca, quæ ad regni tranquillitatem pertinebant, Ordinibus
ad

ad deliberandum proposuerat, præcipue, ut rationes secum inirent, quibus pax cum Turcis in solidum firmari possit, adesse a Bethlenio nuncios Emericum *Liptai*, & Joannem *Rimai*, qui non pridem Constantinopoli redissent, cum his conferrent consilia, &, quod e re publica videbitur, decernant: frustra autem de hac acturos, nisi lege condita severas in eos poenas statuunt, qui Turcas, Tartaros, aliosque hostes regno inducere, ope, & consilio juvare pergerent; necessarium proin esse, ut in eum eventum non solum copiae ad vim propulsandam præsto sint, verum quisque etiam pro redituum ratione subsidia in bonum commune conferat, & bona superioribus annis erepta dominis suis reddat. Atque de his, publicæ securitatis causa se cupere, ut mature constituent, & Germanus miles, cui Imperium ex suo stipendia præbet, rursus in præsidiis suam stationem obtineat. Viderent etiam ii præsertim, qui, cur nuper Bethlenio septem Hungariæ Comitatus cedere debuerit, in causa erant, ne ab ejus obitu magno regni, & ipsorum damno ab Hungaria avellantur: ad tollendas, quæ utrinque oboriri possent, suspicionum, & dissidiorum causas, illud etiam pertinere, ut litteras confederationis, quam cum exteris inierant, irritas declarent, sibi que Bohemorum, aliorumque exemplo consignent: postremo, cum successio regia hucusque in Co-

1622. mitiis dissidio, & in regno intestinis motibus occasionem fere dederit, plurimum ad stabiliendam tranquillitatem spectare, ut certam de successione sanctionem edant, ne deinceps, ut fere hactenus, cum illo ventum fuerit, protracto inutilibus disceptationibus tempore, salutaria regno instituta negligi, aut imperfecta relinqui necesse sit.

Hæc Cæsar scripto Ordinibus exhiberi iussit, de quibus nihil ante visum iis decernere, quam Palatinus eligeretur. Ex candidatis Stanislaus *Thurzo*, præcipitato LXXX. suffragiorum numero electus est tam incondito strepitu, ut Cæsari, qui a Comitio non longe aberat, pene suspicio seditionis orta fuerit. Mox ad deliberationis capita ventum, quæ etsi sæpe abrupta, & crebris altercationibus usque ad VIII. Mensis Augusti producta esset, pleraque tamen, quæ Cæsar proposuerat, in legem relata sunt, tres præterea floreni in bonum publicum, unus Regiæ muneris honorarii loco per regnum imperati: Bethlenianæ donationes antiquatæ, vetitum arma Turcis ministrare, & inconsultis limitum Præfectis excurrere in hosticum, qui id illorum injussu facerent, crimine infidelitatis notati. Successionem familiæ regiæ, ejus rationem Cæsar inprimis declarari cupiebat, quod deliberatio, quamquam tranquillitati publicæ, si certa ratio iniretur, multum commodaret, nihil enim magis regno hacte-

hactenus obfuit, quam de jure fuccelfionis difceptatio, quia tamen pro animorum ob religionis difcrimen ejus temporis difsidio in utramvis partem anceps videbatur, plerique regiae familiae addicti, ne, fi rem tam gravem praecipitarent, nullus poftea mutandae locus effet, difsimulandam cenfuere. Finem Comitiorum partim importuna Palatini cum Archiepifcopo Strigoniensi de prior loco apud regem concertatio, partim inurbana ejusdem dicacitas interturbavit. Dum enim ante coronationem Reginae in convivio, cui nuncii quoque e Transilvania intererant, largius folito vinum affunderet, in Bethlenium illiberalibus dictis invectus *beffiam* illum diferte compellabat, qui folide fibi perfuaderit, fe regem Hungariae futurum, quem vel ipfa nascendi conditio infra Magnates Hungariae magno intervallo locaffet. Nuncii magis illo sobrii, habita temporis, & loci ratione, incultam dicendi libertatem difsimularunt. a)

1622.

V. Non perinde hanc Bethlenius, honoris fui tenax, accepit. Vindictam fpirans, dum

1623.

U 3

mo.

a) Confirmatio pacificat. Nicolsburgens. a Bethlen Szakolczæ. 7. Jan. a Cæf. ejusd. 17. Kevenhüller. T. IX. ad h. a. Londorp. P. II. c. 127. — 28. Litt. Bethlenii ad Pazmān. Caffov. 27. Febr. Proposition. regiae Sopron. 25. Maji. Sta-

1623.

modum hujus sumendæ secum exigit, opportuna illi nuperna *Osmâni* Sultani cædes visa est. Successerat huic *Amurates* IV. ad hunc cum salutandi illius, tum impetrandi pro firmando Principatu novi diplomatis causa fratrem suum Stephanum cum *Stephano Erdelyio* Constantinopolim misit. Acceptus est liberaliter, datum novum diploma, quo exteri ab ad-eundo Principatu excludebantur, mitigata etiam annui tributi pensio, & auxilium contra quosvis hostes promissum. De his a fratre edoctus bellum parabat; &, ne honesta ad speciem causa deesset, pecuniam nuperna transactione promissam nondum integre sibi numeratam querebatur, simul, quin bellum per facialem denunciaret, majore Tartarorum, & Turcarum, quam suorum, numero stipatus in Hungariam movit, cumque nemo induciarum tempore hostem metueret, Tirnaviam usque omnia, Palatini præsertim, bona impune populando pervenit. Posonium, quod numerofo milite Cæsareo teneretur, aggredi non ausus, in Moraviam promovit, & Schwar-

Statuum gravamin. 30. ejusd. Regis ad hæc resolutio: Replica Statuum 25. Jun. Regis ad hanc Respons. Altera Statuum Repl. 4. Jul. Regis tertia resolutio. Litt. Bethlenii ad Imperatric. Kolosvár. 13. Maji. Residentis Cæsarei Constantinopoli Relatio.

Schwarezenbergii exercitum pene interceperat, nisi dux ferro sibi viam per medios hostes fecisset. 1623.

Agebat tunc Cæsar Ratisbonæ, & exauctorato Friderico Palatino dignitatem Electoris Baviariæ Duci contulit. Id Bethlenium, qui illius causa arma resumserat, attomitum, & mox mitiorem reddidit, præsertim, quod eodem fere tempore Tillius victis Brunsvicensi, & Halberstadiensi insignem victoriam retulisse ferebatur, & Turcæ ipsi jam leges ei dictarent. Offensus barbarorum fastu cœpit iterum inconsultis illis in anni exitu cum Cæsare de induciis agere, opera Volfgangi *Kamathi*, & Stephani *Kafzai* usus. Cæsar, quamquam non ignoraret, illum necessitate magis, quam quietis studio ad has petendas duci: clam enim apud Belgas agebat, ne pacem cum Hispano ineant, neve Tillium cum exercitu Bohemiæ sinant appropinquare, ne tamen regnum infestationi illius sponte videretur obicere, anno sequente iisdem pene, quibus Nicolsburgi, conditionibus inducias petenti indulgit, aliquas tamen, ut inconstantia illius figeretur, magis adstrictas in hunc modum reddidit: Bethlenius in litteris ad Principes Christianos, & Sultanum, huiusque Palatinales titulo, & sigillo regio, regnique Insigniis abstinebit, nec se rebus Hungariæ non rogatus ingeret, nec unquam Domum Austriacam, & huius ditiones armis impetet,

1624.

1624. aut hostes, præsertim Turcas, & Tartaros in eam concitabit, quin, si quæ noxia istorum consilia rescierit, hæc bona fide Cæsari aperiet, Comitatus, urbes, & arces interceptas cum omni belli apparatu, regios item proventus, metalli fodinas, & Tabularium Scepuense inviolatum reddet.

Cæsar vicissim titulos S. R. Imperii Principis, Opoliæ, Ratiboriæ Ducis hac conditione confirmat, ne se invito his successores illius utantur: quod ad VII. Comitatus in tractatione Nicolsburgensi concessos attinet, hæc ratio inita est, ut hos quidem, donec vivet, excepta *Zenderö*, cum adsitis oppidis, & *Tricesima*, quorum proventus Cæsari reddentur, possideat, supremi tamen Comites, & publici magistratus Cæsari perinde, ut Principi, juramentum præstare, milites vero, & *Hajdones* in iisdem constituti, si bellum a Turcis ingruet, signa Cæsaris sequi obstringantur, quibus in hunc finem triginta florenorum millia in stipendium præbebuntur. Ceterum si lites in his provinciis ortæ fuerint, earum iudicium secundum regni leges ad Palatinum, non ad Principem, pertinebit: nec fas ei erit, quidquam in immunitatibus illarum mutare, aut bona, vel Ecclesiasticas dignitates conferre, aut nuncios designare ad generales regni Conventus, militemque in iis conscribere: cavebit etiam, ne quid ex his provinciis quocunque prætextu Turcis cedat, aut Transilvan
post

post mortem illius quidquam juris sibi in has arrogent. Si quid firmatis induciis controversum accideret, neutri parti liceat armis, sed amica compositione rem transigere. Ratiborienſis, & Opolienſis Ducatum poſſeſſio, quod eos Cæſar ante transactionem filio ſuo contu- liſſet, negata eſt, in quorum loco decimæ Epiſcopi, & Capituli Varadienſis trans Tibiſcum ſubſtitutæ, Tokaium *inſcriptionis*, & Mun- kácsinum *pignoris* titulo conceſſum, arx vero *Ecsedia* jure hæreditario, integrum tamen erit alijs jus ſuum, quod in hanc ſe habere exiſti- mant, ſecundum leges regni perſequi. His VIII. Maji utrinque conſtabilitis Bethlénius aliquamdiu quievit, aut ſaltem quieſcere vi- debatur, licet interea nihil non clam move- rit, ut Cæſari hoſtes conſciſceret. a)

1624.

VI. Mirum forte videri poſſit, Bethlénium his conditionibus, quibus arrogantia illius non modice conſtringebatur, tam promte ſub.

1625.

a) Transactio Bethlenii cum Cæſare 4. Apr. Hu- jus amneſtia factionis facta. eod. Kevenhüller Tom. X. ad h. an. Londorp. P. II. c. 227. & P. III. c. 8. Conſult. 3. Art. induciar. Caſſov. 22. Apr. & Vien. 8. Maji. Inſtructio pro Steph. Kereſzturi ad Bethlen. Vien. 3. Jul. Litt. Cæſ. ad Pazman. Vien. eod. ad Bethlen. ibid 4. Jul. & hujus ad Cæſar. ex Fogaras. 17. Sept. Cæſa- ris ad Pazman. Vien. 30. Oct.

1625.

subscripsisse, verum id non serio animo illum fecisse, eventus docuit: præterea nupturibat. Jam anno superiore, dum de induciis egit, Legatis suis mandaverat, ut privatim filiam Cæsaris natu maximam suo nomine ambirent, promitterentque, se, si voto suo potiretur, non solum liberum religionis exercitium Catholicis indulturum, Ecclesias, & monasteria instauraturum, sed, cum in animos virorum magna vis conjugum esse soleat, forte sensim etiam fieri posse, ut relictis Calvinii placitis ipse ad Catholicos transeat: ita futurum, ut arctius Cæsari conjunctus eidem contra factiosos in Hungaria totis viribus adesse, & apud Turcas, qui se ignaro nihil agant, securam, & constantem pacem conciliare possit. Hæc ille pollicebatur; sed cum religionis discrimen, & Hispaniæ Legatus obstarent, Cæsar præterea ambigua responsa daret, animum ad despondendam sibi Electoris Brandenburgici Sororem Catharinam adjecit, Cæsarem orans, vellet Oratoribus suis illuc profecturis socium, qui illos securitatis causa comitetur, adjungere. Annuit non invitus, ut tempore, quod ille conciliandis nuptiis dabat, ad pacem cum Turcis stabiliendam, sine molesto interpellatore uti possit.

Pacis negotium Comiti Michaeli ab *Althan*, Nicolao de *Frangepán*, & Nicolao *Eszterházy* commissum est, qui *Mehmetum* Bassam Budensem litteris propterea convenerant,

nec

neo is, quod Turcæ semel, iterumque a Polonis in Moldaviæ finibus recens clade affecti fuissent, rem ingratam Sultano futuram ratus, mandata sibi, modumque, quo pax instituenda esset, Constantinopoli mitti petebat. Vix ejus rei indicium ad Bethlenium perlatum est, cum ad hanc interturbandam nihil non per Legatum suum egit. Adjutores habuit Angliæ, Hollandiæ, & Venetorum Oratores, qui variis rationibus ducti bellum præ pace suadebant, Anglus, ut Friderico via ad recuperandam Bohemiam sterneretur, Hollandus, ut Hispanos a Belgio removeret, Venetus, ne Dalmatiæ periculum immineat. Nimis alieno tempore hæc suadebantur. Sultanus comperto, Persas in Armenia rursus victoria positos, & Damascenum Bassam jugum excussisse, nolens suo damno aliorum commodis servire, dimisso re infecta Bethlenii Legato, quod majora jactaret, quam præstare posse credebatur, potestatem conciliandæ pacis Mehmeto fecit. Bethlenius videns conatum suum adhæsisse, ne nullam in pace conficienda partem habere videretur, suos etiam Legatos Wolfgangum *Kamuthi*, Michaellem *Toldalagi*, & Thomam *Borfos* pacificationi adesse voluit. Huic conciliandæ norma præfixa est conventio *Sitvatorokiensis*, quæ anno 1606. coaluerat: hæc primum mutuo consensu ratihabita, tum utrinque conventum, ut captivi sine lytro dimittantur; Nobilium, qui in pagis dedititiis ha-

1625.

habitant, querelas arbitri æquo utrinque numero constituendi dirimant; de arcibus in Croatia contra pacta instauratis, & dubiis limitibus iidem, aut alii his subrogandi deliberabunt; de Vacio tempore induciarum occupato uterque Imperator per Legatos decernent; limitum diremtio, & instauratarum arcium controversia ad III. Idus Novembres dilata.

1626.

Pacem, quam utrique parti necessitas imperabat, redintegratam mors Palatini excepit. Igitur ex lege ad VI. Idus Septembris Comitia rursus Sopronium indicta. Duo in his Cæsar præcipue ad consultandum proposuerat: primum, ut, quæ ad stabiliendam regni tranquillitatem maxime conducibiles viderentur, rationes depromant; alterum, ut filium Ferdinandum se vivo regem renuncient. Ne utrum prius in deliberationem sumtum, quam Nuncii e provinciis trans Tibiscum, item ex Croatia adessent, & Palatinus eligeretur. Ex quatuor pro more candidatis Nicolaus *Eszterhæzi*, cujus præcipue industria pax Turcica nuper coaluerat, CXXV. suffragiorum numero reliquis superior, XXIV. Octobris electus est. Hoc obice superato restabat alter de regni gravaminibus. Centum proposita, sed dexteritate Palatini ad XVII. capita reducta erant. His quoque pro temporis ratione consultum. Inde gradus ad designandum regem factus. Diuturna ob sententiarum dis-

sen.

senſionem deliberatio fuit: Erant non pauci, & inter hos etiam ex ordine Eccleſiaſtico, qui, quod Cæſar vegetæ adhuc ætatis eſſet, ſpemque longioris vitæ præberet, rem ad futurum regni Conventum commode prorogari poſſe exiſtimabant, addebant & illud, hac de properatione jus ſucceſſionis rurſum novis dubitationibus objici: contra Palatinus cum Pazmano Strigoniënſi Archiepiſcopo, & præcipuis Magnatibus nitebantur; neminem, etſi ceteroqui bene valentem, vitæ ſecurum eſſe, tempus vel ex eo capite eſſe occupandum, ne, ſi Cæſare mortuo ſucceſſor non ſit renunciatus, res religionis majori, quam ante, discrimini exponatur; dubium enim non eſſe, quin ii, qui Mathiam olim gravibus conditionibus religionis cauſa adſtrinxerant, rege nondum declarato, idem tentaturi ſint. Hæc privatim agitata; cum in publica conſultatione fortuito eorum mentio fieret, qui religione diſſentiebant, ſe deſignari videntes, quaſi per illos ſtaret, quo minus Cæſaris deſiderio ſatis fiat, nihil quidem aperte obmovebant, ſed ne, ſi in morem abiret, ut vivo regi legitimo ſucceſſor detur, Nationis immunitati vis fieret, querebantur. Hinc diſceptatio utrinque inſtaurata, quæ cum longius traheretur, Legatus Hiſpaniæ veniam præſatus, mirum ſibi agebat videri, in re tam æqua eos hæſere, qui, dum vivo legitimo regi Bethlenium ſubrogarunt, nihil immunitati Nationis propter-

ea dorogatum existimassent. Admonitione
 1626. hac, quæ reprehensioni tacitæ proxima erat,
 animi compositi, filius Cæsaris rex declaratus,
 & VIII. Decembris solito ritu inauguratus
 est. a)

VII. Bethlenius, cui, quidquid in Comitiis agebatur, accurate perscriptum erat, fidem suam Cæsari per litteras denuo obstrinxit, & novo regi dignitatem gratulatus, ut nuptiis suis ad VIII. Kal. Martias interesse vellet, invitavit. Nec Cæsar humanitate se vinci passus, Stephanum *Sennyei*, Episcopum Vacientsem, regni Cancellarium, ut solennitati adesset, Cassoviam misit, socium se huic adjunxerat junioris regis Legatus, qui illius nomine donum nuptiale adamantibus dives sponsæ deferret. Nuptiis, quas variorum Principum nuncii cohonestarunt, regia pompa celebratis, Legati dimissi, & Bethlenius in Transilvaniam profectus, simulata amicitia novum bel-

a) Acta Contract. matrimon. cum Electore Brandeb. Cassov. 25. Mart. 5. & 6. April. Kevenhüller I. c. T. X. Londorp. P. III. c. 25. & 29. Pacis Turc. condition. mense Maio. Act. Comitior. h. an. Litt. Bethlenii ad Cæsar. Alba Julia 17. Jun. & responsa per Cancellar. ibid. eod. Cæsaris ad Pazman. Vien. 8. & 19. Jul. Hujus respons. Tirnav. 19. ejusd. Bethlenii ad Cæs. 24. Aug.

bellum parabat. Invitatus, ut foederi, quod Angliæ rex cum Hollandis priore anno contra Cæsarem pepigerat, socius accederet, litteras ad confœderatos per Poloniam misit. Commode factum, ut interceptæ ad regem perferrentur, qui, quid Bethlenius rursus agitet, Cæsari significavit. Cum machinatio ex ipsis litteris comperta esset, Cæsar hominem suis artibus deludendum ratus, clam omnia bello necessaria parari jubet. Nec multo post quasi conducto *Mansfeldius* cum *Vinariensi* per Silesiam, Bethlenius ex Transilvania æquo fere Turcarum, ac suorum numero in Hungariam irrupere. *Mansfeldio*; qui montanas urbes infederat, Palatinus cum XX. millibus oppositus rem alterna fortuna gessit, meliore usus est Dux Fridlandiæ, qui Bethlenium in obsidione arcis Neogradienſis hærentem pene interceperat, nisi is petita pro colloquio noctis mora convasatis rebus in provinciam Barſiensem se subduxisset. Inde Stephanum *Kovacsocium* Hagam Comitum, ineundi, quod ante annum ei oblatum erat, foederis causa properare iussit, cuius studio his pactis brevi etiam coaluit: Bethlenius quadraginta millia constanter sub signis habeat; quibus foederati in quemvis mensem XL. Imperialium millia stipendium præbunt, cuius mediam partem Angli, quartam rex Daniæ, reliquum Hollandi rite numerabunt. Hæc XVIII. Septembris in perniciem

Cæ-

1626.

Cæsaris cusa, mox didita victoriæ, quam Tillius profligato ad *Lutram* amnem rege Daniæ obtinuerat, fama, suoapte diffolata sunt, & Bethlenius sibi relictus inducias, commune, dum illi res angustæ erant, perfugium a Cæsare petere coactus est.

Ad has impetrandas usus est familiaribus suis Francisco *Mikone*, & Sigismundo *Lonyaio*. Cæsar, ut hominis animum exploraret, conditionibus, in quas jam ante conventum erat, has quoque adjecit: ut positis armis, & exauctorato Mansfeldii milite in Transilvaniam, vel eam, quæ ei ad dies vitæ concessa est, Hungariæ partem se recipiat, nec quidquam deinceps sive armis, sive consiliis, vel suggestionem in Cæsarem, & Hungariam se moliturum fidem præstet: arces occupatas, & bona possessoribus restituat, illorum, qui partes ejus seu sponte, seu coacti fuissent sequuti, juramentum irritum declaret, & captivos dimittat. Hæc Posonii coepta, sed Leucosoviæ ad finem perducta, Bethlenius editis litteris sancte se servaturum pollicitus est. *a)*

Pro-

a) Kevenhüller T. X. cit. Londorp. P. III. cit. C. 97. & 99. Litt. Cæsar. ad Pazman. Vien. 4. Jan. rursus 28. ad Bethlen 9. Sept. ex Ebersdorf, & 25. ejusd. ad Pazman. 2. Oct. ad Bethlen eod. Hujus ad Cæsar. ex Bars. 3. Nov. Paz-

mani

Promulgata dein universis amnestia, tempus induciis ad Aprilem sequentis anni præstitutum, ut interea de constanti pace per *Commissarios* agi, & diplomata permutari possint. Utrimum Mansfeldius cum suis dimissus, & Bethlenius Cassoviam reversus est, tractationi initium datum. Arbitrarius electus est Joannes Pyber Agriensis Episcopus; collegæ additi Stephanus *Ostrosky*, & Georgius *Hoffmann*. Cum ad rem ventum est, confestim apparuit, Principem diverticula capere, alias ex aliis, præsertim de jurisdictione septem Comitatum, difficultates obdicens, re autem ipsa auro Veneto delinitus a) nutabat, regemque Galliarum per Anglos, & Danos in Cæsarem concitare non desistit. b) Id cum lentius, quam optabat, suc-

1627.

mani ad Cæsarem. Poson. 19. ejusd. Cæsarem. ad Pazman. Vien. 10. Dec. Induciæ firmatæ 28. ejusd. Leucsoviæ.

a) Litt. Pazmani ad Cæsarem. Poson. 10. Nov. *Illud quoque M. V. detegere volui, quod ex ablegatis Principis intellexi; Venetos nimirum bonam pecuniæ summam, & quidem tribus in locis disposuisse, ut eas Princeps levaret, quod tamen hucusque non fecit.*

b) Clesellii Cardin. ad Pazmanum Roma 15. Maji. 1627. *Hisce diebus quædam & genere nobilitatis, & dignitatis gradu regi Christianissimo*

Pars III.

X

per-

1627.

succederet, Constantinopoli agebat, ut Sultanus Moldavia, & Valachia Transilvaniæ adjunctis, sc. *Daciæ* regem constitueret, a) ægre enim ferebat se regis Hungariæ titulo renunciare coactum, & spe obtinendæ Poloniæ dejectum fuisse. Verum & hic repulsam passus, tandem tractabilior videbatur. Jam Cæsar diploma, quo pax firmaretur, *Commissariis* miserat, cum rursus tergiversari cœpit,

re-

persona de Gaborio mihi retulit, cum nimirum Galliæ regi diversa non ita pridem communicasse, atque una cum Angliæ, & Daniæ regibus illum pariter sollicitasse &c.

a) Pazman. ad Cæsar. Tirnav. 28. Dec. Volui autem *M. V.* illud quoque significare; secretissime mihi significari, Bethlenium urgere in Porta, ut Moldaviam, & Valachiam sibi concedant, atque ita rex *Daciæ* declaretur. Et quamvis ego existimem, non ita delirare Turcam, ut contra artem gubernandi hominem audacem, inquietum, mutabilem, vafrum, usqueadeo velit crescere, bonum tamen erit, attendere in Porta, ne quod præjudicium Coronæ Hung. generetur. Præterea quid ex litteris regis Sueciæ interceptis mihi communicatum sit ex Polonia, *M. V.* demisse transmitto sub littera C.

regis Sueciæ felici contra Polonos armorum progressu in novam spem erectus. a)

1628.

Ita pacis negotium, cuius desiderium præ se ferre videbatur, in alterum annum protractum, & novis rursus difficultatibus implexum, peneque factum fuit, ut pax cum Turcis terminanda, & quam ex conventionemitti utrinque oportuit, Legatio, interturbaretur. Huic obeundæ Cæsar Ludovicum a *Kaesslein*, Sultanus vero *Recheb* Bassam destinarent, quam cum Bethlehæus admotis Constantinopoli variis machinis impedire non posset, id exultis splendidis muneribus *Murtezane* Budensi Bassa agebat; ut Legatum, ubi litteræ securi commineatus permutandæ utrinque

X 2

fue-

a) Regis Sueciæ verba sub lit. C. hæc erant ad Bethlen. *Utraque ripa Vistulæ potitus sum. Regem Jenio invalidum omnes detestantur, orientem solem, novumque lumen, uti speramus, adoraturi brevi. Celsitudinem tuam muncipium Turcicum vocant. In re mea prævenire malui, quam præveniri, laudantibus id ipsum factum Polonis politice. Non deero in turbanda pace Moscovitica, modo Celsitudo tua non desit in commovendis, conturbandisque Schytharum incursionibus, quas se commoturam brevi pollicita est. Tandem vel sic redactis in ordinem Polonis feliciter Austriacam Domum aggredimur.*

1628. fuerint, tam diu moretur, donec rebus confederatorum melior fortuna aspires. Valere apud avarum hominem munera. Protractæ moræ causas esse Legatus conjectura assequutus, Stephano Balogh suo Budæ internuntio, & Palatinus Eszterházi Martino Szombathelyio Legati collegæ, Comaromium significarint, quæstique propterea fuerint, non prius tamen, cum ob *Murtizanis* factum, tum Bethlenii, quas Legatis fruere ferebatur, insidias, a) consultum, tutumque erat, iter auspicari, quam prope anni finem mandata a Sultano adessent, ut rescissa omni mora Legatis liber, & securus commeatus detur. Hac spe cum se dejectum videret, alia, quæ inimicum ejus animum prodebant, moliri cœpit. Nam & militum supplementa conscribi, & copiosam annonam conveyi jubebat, ut adeo Cæsar explorandi causa Joannem Kérium Gyarmathensem Præfectum specioso Legati nomine in Transilvaniam mittere, operæ pretium putarit. Accepit illum familiariter, &, cum causam adventus subodoraretur, homini pal-

pum

1629.

a) Nunciata D. Bosnyák Capitanei Filekien. 10. Aug. Bethlen Varadini oberrat, in Tokai, & Cassoviam venire cogitat, &, quia plenus dolo, ut constat, est, suaderem Cæsarem Legatum usque ad medium Septembrem, vel etiam ulterius non esse Comaromio dimittendum,

pum volens obtrudere, negabat se quidquam inimicum in Cæsarem moliri, idque iuramento firmabat, a) etsi constaret illum misso in Moscoviam Oratore Czarum in partem foederis vocare, & arcem *Filekiensem*, ac *Szulnokinum* obsidere velle, Tartaros vero in finibus Valachiae, ut in Hungariam irrumpant, signum exspectare. Sed bono rei publicae factum, quod induciæ inter Suecos, & Polonos interea conciliatae, paullumque post ingravescens hydrops, ex qua etiam XV. Novembris obiit, perniciosos hos Bethlenii conatus interrupperint. b) Testamento condito

1629

X 3

Cæ-

a) Relatio Joan. Kéri ad Palatin. ex Megyere Illenyi 27. Maj. 1629. *Præterire non possum, quin ridiculum factum Principis exponam, cum juraret — & diris omnibus se devoveret, si quid mali in suam M. cuderet, excidit illi subito, ut adderet jurando: ne ex hac infirmitate unquam convalesceret, si vere non jurasset, quasi priores devotiones, & execrationes, res ludicrae fuissent. Ad hoc ultimum exhorruit quasi, & dixit, en! quantum dixi.*

b) Kevenhüller P. II. ad an. 1628. & 29. Litt. Palatini ad Cæsar. ex acidulis. 29. Jul. 1628. Baron. Kueffstein ad Bassam Buden. Jaurino, 18. 19. 22. & 2. Aug. Ad eund. Comaromio 8. & 20. Sept. ex Banakin 26. Oct. ex Pontepicculo 21. Nov. Constantinop. 27. ejusd. Pa-

la-

1629.

Cæsari, & regi filio XL. aureorum millia, & duos gradarios equos legavit. Misera profecto tot damnorum, quæ Hungariæ intulit, compensatio. Ab adita provincia suis in amore, postea autem ita exosus, ut Magnatum plerique Principatum Palatino Eszterházy deferre cogitarint, nisi hic majori in regem fide, quam ambitione ductus fuisset. a)

1630.

VIII. Defuncto successit vidua, cui jam nuptiarum tempore Ordines provinciae id jus afferuerant, & paulo ante Principis obitum confirmarunt, sed ita jam a conjuge adstrictum,

latini secreta. Instructio pro Szombathelyi ex Kis-Márton 17. Sept. Cæsar. ad Pazman. Vien. 20. Febr. 1629. Hujus ad Cæs. Sellya. 2. Apr. Cæs. ad Pazman. Vien. 2. Jun. Relatio Joan. Kéri &c. Litt. Joan. Orlle ad Cæs. ex Putnok. 14. Jul. Londorp. P. III. c. 173. Joan. Rosselli oratio ad Czarum pro confœder. Bethlenii. Exstat in Biblioth. Cæs. Cod. Ms. Hist. prof. Num. 311.

a) Rel. Joan. Kéri cit. *Certe ita sunt hujus Principis omnes Ordines pertæsi, ut ego sermone non facile explicaverim, & ita oderunt illum, ut vellent se ab eo quantocius liberari. Hominum Transilvanorum maximorum juxta & inferioris ordinum animi in Ill. Dominationem V. sunt converſi, ita ut velint hunc Principatum ab Ill. D. vestra suscipi.*

ctum, ut præter honoris prærogativam nihil fere potestatis ei relictum, rerumque administratio penes Stephanum defuncti fratrem esset. Id, & quod Cæsar septem Comitatus Bethlenio concessos cum Cassovia receperit, & donationes in his provinciis ab illo factas in Comitibus irritasset, occasionem affectandi Principatus ei præbuit, quo quidem invidiosa viduæ apud Sultanum criminatione, quasi Ferdinandi partibus addicta esset, potius, brevi conferente ad id præcipue operam ipsa vidua locum Georgio *Rákóczio* cedere debuit, etsi nullam beneficii sui aliam mercedem referret, quam quod relicta Transilvania Tokaium secedere cogeretur. Frustra Gustavus Adolphus rex Sueciæ missa ad Rákóczium, & Constantinopolim legatione, patrocinium illius susceperat, nec Cæsari, cui bellum Suecicum imminēbat, jus in provinciam persequendi ocium fuit, quod ne conniventia ipsa obsolesceret, Palatino negotium cum Rákóczio transigendi datum est. Conditiones, quas illi proponeret, has præscripsit: primum, conventiones cum Transilvanis hactenus initas, & juramento firmatas, ipse etiam ratas habeat; ad pacandum Cæsarem Legatos cum muneribus, quæ rege digna, & clientelæ testimonium sint, mittat, Legati ejus nomine polliceantur, nihil illum unquam in Hungariam, aliasve hæreditarias ditiones moturum, nec Turcas, aut Tartaros, in illas, &

1630.

1631.

1631.

aliorum Christianorum Principum regiones concitaturum: Hajdones Cæsari obnoxios ad defectionem non sollicitabit, arci Onodienti tot præsidarios Hungaros a Cæsare imponi sinit, quot ex Transilvanis in ea reperti fuerint, captivos nondum dimissos libertati restituet, Stephanum *Bethlen* juniorem, & Davidem *Zsolyomi*, aliosque, qui Transilvania excefferant, impune patietur redire. Rákóczius, ut Principatum sibi confirmaret, ab his quidem se non alienum esse respondit, sed ex eventu belli Suecici pendens moras trahebat, utque res Cæsareis copiis prospere, aut secus ceciderat, ita in hanc, illamque partem nutabat, magis tamen in Turcarum pronus, quibus minutim omnia, quæ inter Cæsarem, & Suecum, aliosque huic confœderatos agebantur, indicare solebat. Non latebant hæc Cæsarem, sed quod minus ab illo, quam ejus decessore, cui simulandi artificio minime conferendus erat, periculi vereretur, dissimulabat, totus fœderi, quod Suecico, cui Gallus, & Bavarus recens accesserant, mature opponeret, cum Catholicis Principibus ineundo tanto magis intentus, quanto minus gratum nuncium de Tillio, post occupatum Magdeburgum ad Liphiam profligato, & Saxonem in Bohemiam, Suecum autem in Franconiam bellum traduxisse accepit. a)

In-

a) Artic. a Catharina Megyefini 1630. d. 17. Jul. constituti. Litt. Cæsar. ad Melchior. Alagi. Ra-

1632.

Infelix praelii exitus Bavarum, qui se a Gallo, & Sueco vanis pollicitationibus circumduci sero observarat, rursus Cæsari conjunxit, quod rebus, ut tum erant, non parum quidem commodabat, ad ingruentem tamen undique vim hostium non satis erat, nisi spes aliqua subsidii a Pontifice, & Catholicis Principibus afflueret. Missus propterea est in urbem Pazmanus, Collegio Cardinalium jam adlectus, ut Urbanum VIII. in partem fœderis vocaret. Difficilem in principio, & multa obmoventem reperit, quod ignaro Hispaniæ rege nihil decernendum, & tam difficili, ac periculosa Europæ perturbatione potiolem Italiæ, quam Germaniæ curam sibi habendam existimaret; decimæ tamen sacerdotiorum in belli usum concessæ, quod alterna interim fortuna a Cæsareis in Germania gestum, non alio fere operæ pretio, quam quod rex Sueciæ commisso ad *Luzenam* praelio occubuerit. Regis interitus non sine omni emolumento fuit. Rákóczius, qui spem suam in illo hactenus reponebat, inducias, quas hucusque magis pro-

1633.

Ratisb. 19. Sept. Ejusd. ad Palatin. ibid. 25. ejusd. Tractatus induciar. inter Palatin. & Rákóczi. Caslov. 1631. d. 3. Apr. Litt. Cathariæ ad Vezirium. Alba Jul. 12. Aug. Gustavi Adolphi ad Rákóczi Francof. ad Oderam. 29. Apr. Cæsar. ad Pazman. Vien. 5. Aug.

1635. **n**opolim sequente anno Orator destinatus periculum prævertisset, et si Turcis suspicionem penitus eximere non potuerit, qui idcirco frequentiore solito militiam ad limites tutandos deducebant. Id ubi Palatino nunciatum est, hostem proxime irruptionem tentaturum arbitratus, universam Nobilitatem ad signa convocandam censuit; obstitabat Pazmanus cum magna Nobilium parte, quod id videretur in regis præjudicium vergere, cujus injussu Nobiles ad arma concire nefas esset. Cum utrique diversa ratione ducerentur, ille auctoritatem suam vilipendi, hic contra juri regio derogari existimarent, facile, dum Cæsar Comitia ad pridie Calendas Decembres Sopronium indixit, communis in Patriam charitas, dissidentes rursus conjunxit. Comitia in sequentis anni mensem Februarium producta sunt, & conditis nonaginta quatuor legibus, quæ ut plurimum sanctionibus priorum annorum consentiunt, absoluta, Palatino in primis, & Pazmano accelerationem urgentibus, qui, ut seposito religionis negotio, præcipua morarum causa, de re publica solum, hujusque emolumentis tempori opportunis consultaretur, apud Ordines conjuncto studio agebant. Gratum id quoque Cæsari fuit, qui pacem *Puriæ* cum Saxone coeptam ad finem perducere optabat.

1636. **H**ac XXX. Maji Pragæ feliciter confecta, novi motus Transilvaniam rursus exagitant.

bant. Bethlenius junior variis injuriis a Rá,
kőczio laceſſitus ad Sultānum confugerat, 1636.
opeque ab eo impetrata cum Turcica militia
adverſarium ſtatione deturbaturus, appropin-
quare ferebatur, qui, cum imparatus eſſet,
cepit cum Bethlenio, incertum, utrum ſi-
mulate, an vere, de abdicando Principatu
agere. Conditiones Principe parum dignæ
erant. Primum, ut ſibi ſalvo, & incolumi cum
ſuis provincia excedere, tum ut theſaurum,
quem corraſſet, tuto efferre liceat: ad illud
ambigue reſponſum, hoc vero, quod commu-
nis provinciæ depeculator haberetur, penitus
negatum eſt. Itaque cum rem ad arma ven-
turam intelligeret, auxilium ab Ordinibus pe-
tiit, id cum negaretur, opem a rege Poloniæ,
& Cæſare implorabat, qua ab hoc impetrata
in Turcas jam in provinciam ingreſſos pro-
fectus, manus cum iis conſeruit, damno utrin-
que æquato. Dubius prælii exitus Bethleni-
um permovit, ut, recepto patrimonio, amicitia-
m cum Principe quinquaginta ſponſoribus
redintegrare maluerit, quam fortunam rurfus
prælio experiri. Ita motus hi quieverere.

Cæſar hac parte cura liberior, ut diſtra-
ctam religionis diſſidio Germaniam ab obitu
ſuo pacatam relinqueret, Ratiſbonam Con-
ventum in hunc finem indixerat. Actum plu-
ribus operam eo conferentibus ſedulo, ut, ar-
bitro Pontifice pax cum Gallo Coloniæ, cum
Suecæ autem, interprete Dano, Hamburgi,
vel

vel Lubecæ coalesceret: sed cum hi conatus ob Sueci victorias parum e sententia succederent, illud non invitis Imperii Ordinibus impetratum, ut Ferdinandus filius pridie Idus Decembris rex Romanorum renunciatus fuerit. Redux e Comitibus non diu superstes fuit, **1637.** Viennæ XV. Februarii defunctus, & Græcill, ut testamento statuerat, conditus. Princeps ob avitæ religionis studium per omnem fere vitam bello a Protestantibus impetitus, quorum etsi eadem pene religionis, cuius causa pugnabant, quæ armorum progressionibus essent, nihil tamen in adversa etiam fortuna a constantia remisit, Deo semper innixus, cuius patrocinium etiam dato cœlitus indicio expertus erat. Scriptores Galli, qui in investigandis Cæsarium nævis plerumque operosi esse solent, quod post recuperatam Bohemiam, Palatinum Comitem exauctoraverit, illum affectati in Germaniam supremi hominis accusant, quam frivole autem, res gestæ satis ab se loquuntur. a)

FER-

a) Litt. Cæs. ad Palatin. Vienn. 12. Aug. Protestatio Pazmani, Nitriæ. 17. Sept. Contraria Palatini protest. ibid. 12. Dec. Diar. Comitiorum Pauli de Zemere, & Petri Hamvai a 29. Nov. ad 31. Dec. Acta Comitior. an. 1634. Kevenhüller T. XII. ad ann. 1635. & 36. Lendorp. P. IV. c. 39. §. 8. Theatr. Europ. P. III. ad a. 1637. Litt. Lamor-maini ad Pazman. Ratisbon. 26. Aug. 1636. Ejusd. vita, & virtutes Ferdinandi II.

FERDINANDUS III.

Ab anno 1637. — 1657.

I. Accessit ad rem publicam fere jam nutantem, certe undique perturbatam. In principio secunda utcunque armorum fortuna usus, mox Suecis, & Duce Vinariensi nova supplementa cogentibus adversam expertus, animo tamen semper in utramque paratus, & sibi constans. Prima ei a patris obitu cura, ut foedus, quod ille cum Saxone pepigerat, confirmaret, & regem Poloniae, desponsa minore sorore Renata Cæcilia, belli socium sibi adscisceret. Multum etiam spei in Hungariae Ordinibus, quos pro coronanda Regina ad XI. Calendas Octobres Posonium conciverat, Pazmani consilio nixus reponebat, tametsi hoc, paullum post regis obitum defuncto, eventus non undequaue expectationi responderit. Palatinus quidem in consortio plurimum Magnatum, qui ad pristina sacra rediere, consultationes ad mentem regis, & publicas, quas tempus poscere videbatur, regni necessitates accommodare nitebatur; obstitere tamen multi ex equestri ordine, cui jam a Ludovici II. ætate tacita quædam simultas cum Magnatibus intercesserat, & religionum varietas. Tempa sibi a fundorum dominis eripi, & Ministros suos proventibus privari, ac
pro-

1637.

1637. propterea fidem Viennensis pacificationis violari querebantur, illud etiam, siue felici Suecorum in Germania progressione incitati, siue subornati a Rákóczio postulabant, ut deinceps *Status Evangelici* nomine compellati, separatim quasi a ceteris regni membrum, constituerent; quod cum a more Majorum, qui in formanda re publica civilis solum dispositionis rationem habebant, magnopere abhorreret, morosæ disceptationi occasionem præbuit, quæ in mensem Martium anni sequentis protracta est, magno regis, & Palatini tædio, nulloque, si temporis ratio habeatur, alio fere emolumento, quam quod pœnæ in eos statuerentur, qui prædarum cupiditate ducti, procursionibus suis in Turcarum ditiones hostem irritare, novamque bello occasionem offerre solebant, quo nihil importunius Cæsari accidere potuisset, cui novus alioquin interea hostis imminebat. Ad reliquos enim Gallus, facta cum Hispano pace, majoribus, quam ante, viribus accesserat, & Vinariensis, victis aliquot præliis anno priore Cæsareis, Alsatiam cum Burgundiæ Comitatu occupavit, *Bannerus* autem in Bohemia, & Silesia victor arma Suecica impune circumferebat, ut adeo res prope exitium jam fuerit, nisi obitus Vinariensis tempus respirandi Cæsareis fecisset, qui deductis a Rheno in Bohemiam copiis *Bannerum* ex hac ejecissent, sui magis defendendi, quam alios laceffendi sollicitum, donec a Gallis ære, & milite

lite adjutus bellum instauraret, in quo tamen conatu mors illum occupavit, quæ spem pacis Westphalicæ jam eminens præbere videbatur, cum *Torstenfoni* adductis ex Suecia supplementis locum illius cepit, & Silesiæ, ac Moraviæ. infusus majore primum *Glogovia*, tum *Olomucio* etiam interceptis, deluso simulatis per Lusatiam itineribus Cæsareo*duce repente bellum in Holsatiam traduxit. a)

1641.

1642.

1643.

II. Quod cum in varias partes distrahi necesse esset, ac propterea metueret, ne Cæsarei universis viribus sibi incumbant, Rákóczium ad resumenda arma conditionibus, quibus maxime duci solebat, utilibus sollicitabat. Hæsit primum, & induciarum fide retentus, & quod conditiones solo *Torstenfoni* sponse proponerentur, mox tamen præstito a rege Galliæ, & Christina Suecorum regina vadium illectus, armorum socius illis accessit. Conditionum hæ leges erant: utraque aula cum confœderatis Principibus Rákóczium, si Cæsari bellum indixerit, cum conjuge, & prolibus, bonisque, quæ in Hungaria, & Transil.

a) Dogiel Dipl. Pol. T. I. pag. 307. — 16. Acta Comitior. an. 1637. Theatr. Europæ P. III. ad hos an. Relatio Rákóczii ad fulgidam Portam. 1640. mense Jul. Litt. Cæs. ad Sultan. Ibrahimum. 6. Dec. Ejusd. ad Vezirium Mustapham. Ratisb. 1641.

1643.

silvania possidet, contra omnem hostem tuebuntur, idemque se præsisturos iis spondent, qui in Hungaria, & Transilvania illius partes amplexi fuerint, quin sibi propterea aliquid juris in Hungariam, vel Transilvaniam arrogare aut usurpare velint: curabunt etiam, ut Templata per Catholicos erepta restituantur. Quod ad nervum belli attinet, primo anno ducenta, reliquis vero centum, & quinquaginta *Thalerorum*, sive nummorum uncialium millia numerabunt, addent quoque ex suis tria, & pro necessitate plura etiam Peditum millia; pollicentur præterea se per Legatos Constantinopoli acturos, ut amicitia, quam Transilvani a Solymani tempore cum Turcis contraxerant, firma, stabilisque maneat, denique nullas se cum Domo Austriaca inducias, pacemve inconsultis Principe, & Transilvaniæ Ordinibus inituros. Has Rákóczius, quod familiæ suæ multum commodarent, libens amplexus est. In bellum igitur jam pro hoc restabat, ut id bona Sultani venia gerere liceret. Scripsit propterea ad suum internuncium, ut Vezirii mentem exploraret: responsa dubia dabantur, quod Legatus Cæsaris Comes *Cserninius*, Ibrahimum Sultanum salutaturus, proxime affuturus cum muneribus esset, licet foedus cum Suecis & Gallis initum sibi probari ostenderet. Id illi satis erat, ut Joannem *Kérium* a Cæsare missum meliora suadentem, re infecta, remitteret.

Bel.

Bellum itaque vulgatis sequente anno XVII. Februarii per Hungariam litteris Cæsari denunciavit. Causæ in Ecclesiasticos conjiciebantur: hos esse, qui rem publicam pravis consiliis perturbent, qui in conscribendis testamentis id unice agant, ut hæredes portione sua privent, sibi que divitias accumulent, horum opera regnum *Jesuitis* inundari, quorum conatus in eo præprimis versetur, ut libertatem regni cum nova religione evertant; hujus affectis multa quidem a Cæsare promissa esse, re autem nihil præstitum, non reddita esse templa, ministros esse loco motos, aut cum dedecore ejectos, &, ut iniquo bello fucum politicum allineret, Ecclesiasticos communi studio id moliri, ut Hungariam Domui Austriacæ hæreditariam asserant, & Palatini dignitas depressa ad inane nomen redierit. Se quidem, adjecit, Cæsari optime cupere, nec se ad corripienda arma privati commodi studio, aut vindictæ æstu, nec religionis Catholicæ odio permotum esse, sed, ut imminuta Nobilium privilegia, & regni immunitates in pristinum statum reponat. Hortari igitur omnes, ut in communi causa vires secum jungant, qui non fecerint, in eos igne, ferroque se animadversurum minatus est.

Seditioso huic scripto, nec enim aliud erat, Cæsar confestim aliud XXIII. Februarii, & rursus XVI. Martii opposuit, quibus has officinas ex interceptis ejusdem ad conscede-

1644.

ratos litteris convulſit, monuitque omnes, ne ſe, memores juratæ fidei in tranſverſum agi ſinant. Rákóczius conſilia ſua ante tempus anteverti videns, a Turcis auxilium ſagitatbat, cujus impetrandi cauſa IV. Aprilis Michaelem *Maurerum* ſuum Conſtantinopoli internuncium admonuit, Vezirio indicaret, tributum Tranſilvanicum pendi ſolitum a ſe mitti, ageretque, ut ſibi bellum in Cæſarem moturo, quem admodum olim Bocſkaio, & Bethlenio ejus deceſſores feciſſent, ſubſidium ſi non eodem numero, ſaltem Tartari mittantur: Petebat quoque ad ſeptem Comitatus ſex alios adjici, cum ut ſtipendia, neceſſaria militi præbere, tum viginti millibus *Thalerorum* augere tributum poſſet. Vezirius, qui hominis quidem opera in commodum Turcarum uti volebat, ſed ne, ſi tam opulenta acceſſione potentior Ferdinandi partes aliquando amplecteretur, formidoloſus fieret, Tartaros, ut Poloniam, ne Cæſari ſuccurrat, infeſtarent, indulſit, alterum negavit. Urebat Rákóczium inexpectata repulſa, præſertim quod fœderati illum promiſſi admonerent. Itaque cum XX. millibus, alii LX. fuiſſe perhibent, bellum auſpicatus Caſſoviam proditione occupavit, inde ad fines Moraviæ, ut ſe *Torſenſonio* conjungeret, magnis itineribus properantem Palatinus cum *Puchaimio* Cæſareo-

rum

rum duce detinuit, & aliquot velitationibus fractum ad Tibiscum rejecit. a)

1644.

Hic cum frustra suppetias a Moldavis, & Valáchis exspectat, & Tartaros a *Coniepol'szkio* insigni clade affectos, seque Sultani jussu in provinciam revocandum intellexit, maluit sponte Palatino per litteras admonito, quam coactus de induciis agere. Cæsare annuente Tirnavia delecta, arbitri Georgius *Lippai* Strigonienſis Archiepiſcopus cum Palatino conſtituti, his collegæ additi ſunt, *Tieffenbachius*, & *Queſtenbergius*: a Rákóczio Sigismundus *Lonyai*, Bernardus *Nydri*, Georgius *Csernel*, Nicolaus *Soproni*,

Y 3

&

a) Litt. Torſtenſonii ad Rákóczy ex caſtr. 8. Febr. 1643. Cæſar. ad Vezirium Vien. 18. ejusd. Rákóczii ad Torſtenſon 26. Apr. & 4. Jul. rurfus 4. Maji. Maniſteſtum ejusd. 17. Febr. & 29. Mart. 1644. Cæſar. Maniſteſtum oppoſ. 23. Febr. & 16. Mart. Litt. Torſtenſon. ad Rákóczy ex Dobicsan. 18. Jul. Agentis reg. Gall. ad eund. Conſtantinop. 4. Apr. Rákóczii ad Mich. Maurer 4. Apr. Ejusd. Poſtulata a Vezirio ex Tokai 9. Oct. Litt. Palatini ad Commiſſar. Rákóczii. Tirnav. 30. Oct. rurfus ad eoſd. ibid. 31. ejusd. Cæſaris ſalvus conductus pro Commiſſar. Rákóczii. Vien. 29. Aug. Poſtulata Commiſſar. Cæſaris. Replica Rákóczianor. Illor. reſponſa, horum altera Replica. Theatr. Europ. Tom. V. pag. 303. ſeqq.

& Andreas *Zakány* aderant. Postulata utrinque disparata fuere: Cæsarei, quæ ad consananda regni vulnera, hi contra, quæ ad religionem pertinebant, in medium proposuere. Cum utrique diversum sibi finem præstituerint, negotiatio in alterum annum tenuit, & cum Rákóczius Bartphæ tempus consultatione traheret, nec a postulatis quidquam vellet remittere, etiam interrupta, paullumque post, quam *Torstenfoni*us in Austriam, & *Puchaimius*. cum Cæsareis in Transilvaniam irupissent, resumta fuit. Cæsar, qui interea Saxonem de induciis, Danum autem de pace cum Suecis ineunda tractare compererat, ne sibi, socio armorum destituto, belli onus incumberet, velletque effusioni sanguinis in Hungaria tot jam annis odio religionis discerpta parcere, postulatis Rákóczii necessitate adactus tandem assensus est.

Hæc fere huc redeunt: amnestia universis promulgetur; religionis exercitium cum usu campanarum, templorum, & sepulturæ cuivis liberum sit, vetitumque, ne colonis propterea domini fundorum quidquam molestiæ creent: ministris e statione sua deturbatis liber reditus pateat, neque fas sit, invitos loco movere: securitatis causa additum, ut in transgressores futuris Comitibus, quæ ultra tres menses differri non debebunt, eædem poenæ statuantur, quas Wladislaus anno M. D. VII. in turbatores rei publicæ decreverat: quæstio de tem-

templis, quæ anno M. DC. XXXVIII. & serius
adempta erant, de externo item milite, aliis-
que ad futurum Conventum dilata, in quo,
quæ æquitati consentanea videbuntur, com-
muni Ordinum consensu decernentur. Hæc
se rex concessurum receperat, si Rákóczius
vicissim post editum diploma copias in Trans-
silvaniâ, vel in eas, quæ ad Tibiscum sunt,
provinciâs deduxerit, fidemque dederit, se
nullum militiæ subsidium Suecis, aliisque
confœderatis deinceps missurum.

Poterat his animo Rákóczii, qui religio-
nis causa se bellum movere præferebat, ut-
cunque satis factum videri, nisi is specioso il-
lo titulo studium locupletandæ familiæ occu-
lisset. Clam enim cum Cæsare egit, ut, præ-
ter VII. Comitatus durante vita concessos,
arces *Tokai*, *Regécz*, *Szathmár*, *Ecsed*, &
Munkács cum adnexis fundis sibi conferren-
tur. Fecit & hoc Cæsar publice tranquillita-
tis causa, jure ad sexum duntaxat masculinum
restricto, ad feminineum non aliter, quam si
pro arce Tokaiensi CCC. pro Regéczeni
CCLX. florenorum millia intra anni spatium
Fisco regio numeraret: *Ecsedinum*, quoniam
plures competitores erant, cum consueta so-
lum formula: *Salvo jure alieno* concessum:
præterea, ut principem sibi magis conciliaret,
Szatmariensem, & Zabolcsensem provincias
ejus filiis, quoad vixerint, horum vero poste-
ris hac conditione arcem, & oppidum Szath-

1645. **már, si Principes Transilvaniae fuerint, indul-**
sit; postremum quidem ægre, ne de industria
Transilvanis occasionem belli ex ea facilius
in Hungariam transferendi dedisse videretur.
His conditionibus utrinque VIII. Augusti fir-
matis, Rákóczius deductis in Transilvaniam
copiis, bonam militiæ suæ partem cum aliquot
tormentis bellicis Cæsari adversus Suecos
cessit, & tabulæ conventionis primum XVI.
Decembris subscriptæ, & permutatæ sunt.
Hæc illa, quæ nomine *Lincensis* venit, pax est,
novis, crebrisque querelis, & motibus occa-
sionem aliquando datura. a)

1646. **III. Interea, dum Monasterii, & Osnabru-**
gæ de pace in Imperio concilianda ex even-
tu armorum deliberatur, Cæsar pridie Nonas
Martii Comitia Posonium ad Calendas Maji
in-

a) Consultatio Bartphenfis 16. Febr. 1645. Litt.
 Comitatum XIV. ad Cæsar. Bartpha 22. ejusd.
 Rákóczii litt. credential. pro Nunciis in Po-
 lon. 11. ejusd. Andr. Zakány ad Palatin. Tir-
 nav. 29. Mart. Postulata Commissar. Cæsar. &
 Rákóczianor. responsa 23. Jan. — 28. Mart.
 Instructio Martino Fejérpataki data ad regem,
 & Ordines Polon. 22. Febr. Tractatio prævia
 cum Commissar. Rákóczi Vien. 28. Aug. Hujus
 confirmatio Lincii. 16. Dec. exstat Decreto an.
 1647, inserta. Theatr. Europ. Tom. V. pag.
 786. 88. 815. 18. & 53.

indixerat, quæ tamen ob conjugis mortem, & filii Ferdinandi peractam Pragæ coronationem ad XXIV. Augusti differenda erant. Pro numero confluentium, & religionum varietate ingens fuit expectatio, & studiorum discrimen, nec enim clam erat, Cæsaris vota eo spectare, ut filius exemplo Bohemorum rex Hungariæ renunciatur. Instabat quoque, Eszterházió pridie Idus Septembris anno priore e vivis erepto, Palatini electio. Hunc Catholici ex suis, Lutherani contra ex suorum numero cupiebant: his Rákóczius favebat, qui Nunciis ex septem Comitatibus ad Conventum ituris mandarát, illuc in primis studia sua conferrent, ut hæc dignitas asseclæ confessionis Augustanæ obtingat, sin id commode fieri non posset, & suffragia viderent in Catholicum inclinare, darent operam, ut, qui Germanis minime addictus esset, eligatur, *Locumtenentis* autem ne mentionem quidem fieri paterentur. Ac hujus quidem, quod Cæsar duos ex utraque religione deligendos proponeret, nullum periculum erat. Candidatos suffragiorum numero vicit Joannes *Draskovics*, Illyrico præfectus, vir avitæ fidei, & militia clarus. Adversarii quamquam hac spe exciderint, nihil tamen a commodis religioni suæ procurandis remifere; eaque præcipue urgebant, quæ in nuperna cum Rákóczió pacificatione ad Conventum regni dilata erant.

Cum

1647. Cum utrinque acriter de his certaretur, & Catholici nihil sibi eorum, quæ olim sua erant, decerpi finerent, adversarii vero aliena sibi cuperent tribui, disceptatio in alterum annum producta, eoque sæpe fervore agitata est, ut Palatinus manu ensis capulo admotus, æstum vix temperare potuerit, Cæsar, cui res Imperii præterea ingentes curas confecerant, velletque odioso litigio finem imponere, nonaginta templa, in his enim omnis altercatio vertebatur, designatis locis iussit illis restitui, & liberam in iis exercendæ religionis copiam fecit. Gravior erat de pœna in violatores statuenda, acriorque litigatio. Nec enim æquum Catholicis videbatur, ut amissione bonorum, & exilio mulcerentur, cum nec ii, qui a Bocskaii tempore arma in legitimum regem corripuerant, hac pœna affecti fuissent: accedere & illud, quod ea ratione dominorum terrestrium juri patronatus, & bonorum proprietati, quæ secundum se nihil commune cum religione habeat, immedicabile vulnus inferatur. His momentis sedatis tantisper animis, pœna in hunc modum mitigata est: ut, qui primum statuta de libero religionis exercitio violarent, DC. florenos ad reparanda confinium præsidia dependant; qui rursus, eandem nihilominus, quæ in rei publicæ turbatores decreta est, pœnam incurrant. Impetrato hoc favore primi omnium fuere adversarii, qui filiam Cæsaris regem Hun-

Hungariæ acclamarunt, ritumque inaugurationis ita deproperari volebant, ut tertio post die Conventui, & litigio finis impositus fuerit. 1647.

Præcipuus Comitiorum fructus ad Rákóczium pertinuit, cui Cæsar arcem Tokaiensem cum adnexo agro iisdem, in quas nuper privatim cum eo convenerat, conditionibus, edito diplomate confirmavit. Huc bellici ejus conatus velo religionis obtecti, huc pax nuper confecta spectabant; quam quod inconsultis Gallis, & Suecis iniisset, veritus, ne ob non servatam iis fidem, nomini suo infamiæ notam inureret, Michaellem *Mikefs* ad Suecos misit, qui factum excusaret, & necessitati tribueret, qui per Poloniam ineunte anno profectus, sub idem fere tempus Varsoviam venit, quo rex Uladislaus obierat. Inde, cum ei senatores satis aperte indicassent, Rákóczium, si nomen inter candidatos profiteretur, se electuros, in Transilvaniam reversus Principi ad prensandam Poloniam animos adjecit. Remissus cum muneribus, & ingenti pecuniarum vi, jam multorum suffragia coemerat, spemque Principi fecerat regni obtinendi, cum is præter opinionem omnium paullo ante extinctus est, quam pax Westphalica coaluisset, qua triginta annis intercepta religionis dissidio Europæ tranquillitas, magno Imperii, nec nullo Hungariæ damno tandem restituta fuit. Germania Gallo Alsatiam cum Sundgavia, & Comitatu Burgundiæ, Sueco autem

ma-

1649.

maritimam Pomeraniam cedere, & Hungaria eodem religionis causa altercandi studio correpta, ac a Principibus Transilvaniæ identidem subornata, præter animorum non facile mitigandam dissensionem ingentia damna, ex quibus alii compendium lucri fecerant, perpeti coacta fuit, ut adeo non tam religionis studium, quam augendarum ditionum, fortunarumque cupiditas, tam diuturno, & sanguinario bello causam utrobique præbuisse videri possit. a)

IV. Pace Imperio reddita nondum Cæsari a curis libero esse licuit. Pontifex tot Episcopatus Germaniæ profanatos moleste ferebat, rex Hispaniæ jus suum in Comitatum Burgundiæ violari querebatur, alii alias injurias obtendebant, Transilvani veterum pacto.

-
- a) Litt. regales pro Comitibus. Vien. 6. Maji. Prorogatio eorund. ibid. 19. ejusd. 1646. Litt. Rákóczii ad Christoph. Kevenhüller. Varadin. 10. Maji. Ejusd. ad Vezirium. 6. ejusd. Ejusd. Instructio pro Commissar. suis. Varadin. 10. ejusd. Acta Comitior. an. 1646. & 47. Tab. pacificat. Posonii 18. Jan. & Eperiesini eod. firmatæ 1648. Earum ratificatio a Transilvanis. Albæ Jul. 20. Mart. Comitatum VII. ad Tibiscum gravamina contra Rákóczium ad Cæsar. ex Sárospatak. 28. Aug. Acta pac. Westphal.

ctorum, quibus se volentes Hungariæ regibus obstrinxerant, obliti penitus, in clientelam Turcarum concessere, dum Georgium Rákóczium defuncti filium, patri his conditionibus subrogarunt: *ut a splendida Porta nullo unquam tempore deficiat: a)* & ne contra Romanorum Imperatorem, aliosque Christianos Principes, horumque regna, & provincias, nisi iusta causa sit, nec inconsultis Ordinibus arma sumere audeat. Instabat quoque ad diem XXV. Januarii præstitutum Comitibus tempus, quæ, ut ex apparatu conjectura erat, vix sine motu erant futura. Nam sub ipsum, quo Ordines Posonium convenerant, initium non obscura diffidentiae indicia se prodebant. Diversarum religionum sectatores, etsi doctrina fidei inter se discreparent, commune tamen contra Catholicos studium conjunxit; Croatiae nondum medelam suis gravaminibus allatam querebantur, non paucæ etiam urbes regiæ, libero religionis exercitio intercesserant; res agebatur privatis coitionibus, ex quibus utrinque suspiciones ortæ, &, ne alterutra pars succumberet, etiam metus, & contrariæ molitiones; nuncii Rákócziani nihil etiam pacatū afferebant. Cæsar non ignarus eorum, quæ agebantur, & sperans, æstum ipsa temporis mora desitutum, studiose adventum suum differe.

a) Inter conditiones num. 3. & 4.

1649.

ferebat, rogatus tandem adfuit, & Comitibus initium fecit. Primum Palatinus defuncto Draskovicis substitutuendus erat; ab hoc, utra ex parte eligendus esset, disceptationum exitus fere pendebat. Electus est e Catholicis Paulus *Pálfi*. Tanto magis studia utrinque pro religione exarserant, & tempus quatuor pene mensium in iis infumtum, duo postremi rebus necessariis, & ad utilitatem regni pertinentibus dati, magno Cæsaris fastidio, qui finem Comitiorum vehementer optabat, cum ut pacem Imperii, aliquot enim difficultates

1650.

interea subortæ erant, penitus constabiliret, tum, ut post instaurationem cum Turcis pacem, cum eorum Legato, qui jam Viennam attigerat, si quæ nova Constantinopoli mandata attulisset, opportunum transigendi, ejusque remittendi tempus haberet. Adventus illius causa erat, ut procursiones Turcarum, quibus sæpe nostri ostentandæ alieno tempore militaris virtutis desiderio incitati occasionem præbuerant, allatis muneribus excusaret. Remissus anni sequentis initio cum majoris, quam

1651.

tulerat, pretii donis, inducias meliore, quam hactenus, fide servatum iri promiserat, etsi non multo post Croatiam, & Stiriaë limites hostiliter incurfarent, & ad Tokaium, quo frequens Nobilitas sub vindemiæ tempus concurrere solet, magnam hominum copiam abigerent.

1652.

Frustra, qui Cæsaris res Constantinopoli curabat, Sultano propterea quesitus est, frustra

fra etiam ab hoc mandata ad Præfectos Budensem, aliosque missa, ut ab hostilitate abstinerent, major erat prædarum cupiditas, quam ut iis obsequerentur. Rursus enim, cum primum hyems remisit, Strigonio, aliisque ex locis coorti *Ujvárino* imminebant, mature tamen rusticorum indicio proditi, ab Adamo Forgácsio loci Præfecto magna clade affecti, prædaque exuti sunt. Commodo id Cæsaris factum, qui filium regem Romanorum in Comitibus Ratisbonensibus renunciari optabat, quæ cum ob impedimenta ad alterum annum differri necesse fuerit, privatim interea cum Electoribus ea de re Augustæ agebat, qui miro consensu XXI. Maji Cæsaris desiderio obsequuti sunt; unus repugnabat Brandenburgicus elector, veritus, ne minime nunc quidem necessaria Electio dissidiis inter patrem, & filium, ipsi etiam Imperio nocituris, aliquando occasionem daret. Sed cum privati magis, quam communis boni ratione plerisque duci videretur, inauguratio VIII. Junii præter morem Ratisbonæ peracta est. a)

V.

-
- a) Acta Comitior. an. 1649. Litt. Croatiae Ordin. ad Status Hung. Varasdino. 16. Jan. Litt. regal. pro Conventu, Vien. 1. Febr. Comitatum XIV. ad Cæsar. Poson. 26. ejusd. & 11. Mart. Catholicor. gravamina contra Helv. Confess. Horum Replic. Catholicor. contra Evan-

V. Vix dum pax Germaniæ restituta fuit,

1654. cum rex Sueciæ Carolus Gustavus hujus nominis X. cui Christina solium cesserat, novum belli semen ruptis ante tempus induciis in Bremensi Ducatu cœpit jacere, Cæsare, ne Germania rursus incendio flagraret, vehementer sollicito. Accessit ex Ferdinandi filii nuper creati Romanorum, & Hungariæ regis obitu dolor domesticus, & nova cura. Supererat filius alter Leopoldus, sacerdotio jam destinatus. Huic, quo facilius ei viam ad Imperium pararet, Australes VI. Januarii fidelitatis juramentum præstare, & Ordines Hungariæ decimo octavo post die Posonii adesse iussit, ut eundem Hungariæ, quæ a Ferdinandi I. tempore ad consequendam Imperii dignitatem fere gradus fuit, regem renunciari curaret. Suberat convocandis regni Ordinibus altera quoque causa, novi Palatini electio. Cæsar quidem abrogata hac dignitate malebat ei vicarium, qui suum per absentiam locum

gelic. 14. Apr. Istor. resp. 19. & 27. ejusd. Nuncior. Rákóczii querel. Resol. Cæsar. ad gravam. Ordin. 22. Maji. Hor. Replic. 25. ejusd. Altera resolut. Cæs. 26. ejusd. Statuum Triplic. 27. ejusd. Tertia resolut. Cæs. 28. ejusd. Querelæ Statuum contra Civit. regias. Pacis condition. in campo Szöny prior. annor. firmatæ 1. Jul. Theatr. Europ. ad an. 1650 — 53.

eum teneret, substitui, sed cum videret Ordinibus invisum hoc nomen esse, nec, ut tum erant, tempora id paterentur, quatuor candidatos pro more eis proposuit, ex quibus Franciscus *Wesselényi* plurimum suffragiis delectus est, tum consultationibus initium datum, quas cum religionis negotium rursus in plures menses protraheret, Palatinus vir militari ingenio ægre ferens tricus toties relictis pene negligentiâ rei publicæ, auctoritate sua effecit, ut religionis res in eodem, qui prioribus annis præfinitus erat, statu maneret, & a novis postulatis desisteretur. Quo constituto Leopoldus communibus votis rex ea conditione declaratus est, ne vivo patre se rebus administrandis ingereret, quo minus autem confestim inauguraretur, libellus, incertum, a quo, in domo Palatini depositus, moram iniecit.

Auctor illius Ordinibus persuasum volebat, Hungariam, nisi Domum Austriacam regni hæreditariam declararent, nunquam ad pristinum florem reduci posse; quæ post tot a Turcis non solum coronæ adnexas, sed in ipsa etiam Hungaria decerptas provincias, post avulsam quoque Transilvaniam sibi relictâ, & jam inde a Mohácsiana clade dissensionibus perpetuo scissa, nec vires resumere, nec ab externis hostibus se tueri sola posset. Nichil magis invidiosum, juriq[ue] electionis, pro

1656. quo toties decertatum erat, adversum magis spargi tum quidem potuit, suppressa tamen mature, aut dissimulata res est, & Cæsar cum rege VI. Junii coronato Viennam regressus, & exacta paucorum dierum mora, Pragam profectus, filium IV. Septembris communi omnium voluntate regem Bohemiæ præstituit.

Non ita proni fuere Imperii Ordines, quorum animi a belli exitu, quod Suecus in Poloniam traduxerat, pendere videbantur. Cæsar, quod Rákóczius quoque societatem armorum cum Sueco iniisset, veritus, ne novo rursus incendio Hungaria etiam corripereetur, subsidiarias copias regi Poloniæ misit, ut harum ope hostis impetus eousque ratardetur, donec commune adversus Suecos fœdus cum Friderico Daniæ rege concluderet, cujus hæ præcipuæ conditiones erant: Danus Sueco bellum denunciet; huic gerendo Cæsar decem Peditum, & sex Equitum millia subministrabit: eodem fœdere Ordines Germaniæ, Mosci, & Tartari comprehendantur, Electori Brandenburgico, si volet, fas sit, huic accedere. Simile fœdus cum Polonis agitari cœptum. Bello per Danum declarato, Tartari cum centum millibus primi Poloniam ingressi Rákóczium, qui parum provide in regni mediterranea se insuderat, ita constrinxere, ut nec Sueco se jungere potuerit, & receptu exclusus pugnam iniquo loco inire cogeretur, in qua duce Joanne Keményio cum plu-

pluribus capto præcipuum militiæ robur am-
 fit: Cæsaris copias ex pacto promissas, quo 1657.
 minus tempori adessent, ejusdem mors, cum
 annum ætatis ageret nonum supra quadrage-
 simum, XXIII. Martii consecuta impedi-
 vit. a)

Z 2

LEO.

a) Acta Comitior, an. 1656. Theatr. Europ. ad
 an. 1654. — 56. Londerp. Tom. VII. pag.
 1152. Histoire des Revolutions de Hongrie. T.
 I. 1. 3. Hist. des troubles de Hongrie l. 1. ad
 an. 1656. — Angelini Bontempi hist. de la re-
 bellione d' Ungheria. l. 1. Franc. Kazi hist.
 Hung. l. 7.

LEO P O L D U S I.

Ab anno 1657.— 1705.

1657. I. **A**b obitu Cæsaris prima illi cura erat, ut fœdus, quod pater cum Joanne Casimiro cœperat, perficeret. Facile utrinque his legibus conventum: Rex Poloniæ præter quingenta Rhenensium florenorum millia, quæ confestim numerabuntur, trecenta quotannis, dum bellum durabit, pendet; rex Hungariæ vicissim iusto numero exercitum, ut tempus patietur, subsidio mittet, cui annonam, & pabulationem Poloni ex suo præbebunt: additum & illud, ut reliquis etiam Principibus pro communi securitate integrum sit, in hanc armorum societatem venire. Conflato fœdere Leopoldus sine mora XVI. veteranorum millia delegit, eisquæ *Hatzfeldium* præfecit, cujus industria paullum post Cracovia, & Posnania recuperatæ, & Rákóczius pacem duris conditionibus inire coactus est. Nam præter millionem Polonico exercitui, & sesqui centum aureorum millia Chano Tartarorum numeranda, id quoque imperatum, ut fœderi Suecico renunciaret, militem regno deducat, certumque hujus numerum,

rum, quousque regi visum fuerit, in defensionem Poloniae praestet, suppellectilem sacram Ecclesiis surreptam restituat, &, quod ad reprimendum ejus factum maxime faciebat, ut, missa ad utrumque regem solemnibus Legatione, factorum veniam precario flagitet. His conditionibus, in castris ad fluvium *Borek* juramento firmatis, dimissus, magna sui nominis diminutione in Transilvaniam inglorius rediit.

A reditu suo, ut sparsam de illata sibi clade famam extenuaret, Conventum provincialibus *Szamosújvár* indixit, opinione sua vehementer deceptus, quod ad plerisque pars cladis pertinuerit, & captivos peterent sumtu Principis redimi, quod cum ob exhaustum aëriarum praestare non posset, res jam prope tumultum erat, cum nondum e Conventu dissolutis nuncius Constantinopoli mandata attulit, ut Rákóczi, quod injussu Sultani bellum Polonis movisset, exauctorato alium sibi Principem eligerent. Huc redactus maluit videri sponte loco cedere, quam indecore cogi. Itaque vulgato ipsius Calendis Novembris scripto, quo se Principatui renunciare declaraverat, electus est Franciscus *Rhédei*, quo rursus post duos menses repudiato pristinam stationem sequente anno XXIV. Januarii obtinuit, an muneribus sibi provinciales rursus devinxerit, an hos facti pœnituerit, aut aliud fuerit in causa, nusquam

1657.

1658.

1658. proditum reperio. Hæc post exactum e Polonia Rákóczium, apud Transilvanos gesta.

In Germania ad Polonicum fœdus nuper initum Elector quoque Brandenburgensis, obtenta prius, quam ei Casimirus cesserat, suprema in Prussiam jurisdictione, se adjunxit, quæ coalitio, ut improvisa, sic permolesta etiam Sueco accidit, & Comitiorum, quæ ad designandum Imperii caput Francofurti coacta erant, studia pro numero Candidatorum magnopere exacuit. Galli primum pro rege suo Ludovico XIV. hæc dein spe exclusi, pro Bavaro, & Suecus pro Palatino Neoburgico agebant, ceteri Leopoldum optabant, qui XVIII. Julii suffragiorum numero æmulis tandem prælatum, XXI. ejusdem mensis rex Romanorum inauguratus est. Ea re competitores offensi Gallo auctore novum pro Sueco fœdus, quod *Rhenanum* appellant, Cæsareo opposuerant, quo tamen effici non potuit, quin is tota Holstatia exactus Pomeraniæ etiam partem anno sequente amitteret. Hoc successu fracti sensim hostium animi ad pacem inclinabant, si modo arbitri deligerentur, qui litem ex æquo dirimerent, quibus mutuo partium consensu constitutis de pace agi cœptum est.

1659.

Cæsar interea, dum illa confieret, Ordines Hungariæ Posonium ad XXI. Julii exivit, ut de avertendo, si quod a Turcis ingrueret,

1659.

grueret, periculo rationes cum iis jam multo ante digestas haberet. Etsi enim non ita pridem *Aly Aga* Viennam Constantinopoli veniens nihil hac quidem parte metuendum esse affirmarit, suspicio tamen non inanis erat Vezirium, qui ad Belgradum centum millia sub signis habere ferebatur, aliquid moliri velle, nec prius sollicitudo Cæsari exempta est, quam ex nunciis a Rákóczio missis intellectum esset, eam tempestatem Principi imminere, qui ob rivalem Achatium *Bartsai* sibi a Sultano oppositum Turcas profligarit; hanc ob causam se adesse, ut ab Hungaris auxilium Principi suo exorent, qui eo animo sit, ut ad contestandam suam fidem conjugem cum filiis obsidem dare velit. Sed Cæsari, & Ordinibus aliter visum, nequaquam illius causa hoc præsertim tempore, quo pax Olivenfis pendebat, Turcas irritandos esse; illud tamen communiter sancitum, ut, si Hungariam invaderent, Nobiles cum colonis ex legum præscripto, quo periculum vocaverit, armati compareant, & confines hosti urbes muniantur: privatim autem id additum, non aliud nunc subsidium præstari posse, quam si Princeps arcis *Kalloenfi*, & *Szatmárin*o præsidarios Cæsareos imponi pateretur, ne in manus hostium veniant, restituendas, ubi bellum deserit. Cum hoc responso dimissi sunt, nec Cæsar aliud dari oportere existimabat,

quod mallet isthic Turcarum vires atteri,
quam in Hungariam converti. a)

II. Aliter tamen res cecidit. Sultanus
1660. Rákóczio, quod Principatum se se invito rur-
sus invasisset, perinensus Bassæ Budensi man-
daverat, ut collectis undique copiis illum ex
provincia proturbet; quo cognito Rákóczius
ex.

a) Dogiel Dipl. Pol. T. I. p. 316. — 21. Gualdo
Priorato hist. di Leopoldo Cæs. T. I. inter do-
cument. p. 1. 4. 5. 6. 8. &c. ubi etiam Rá-
kóczii document. cessionis Principatus. Litt.
Rákóczii ad reg. Sueciæ. Jaroslav. 27. Febr.
1657. ad Joan. Zamoiski ex castris ad Kras-
nik. 23. Apr. Hujus ad illum resp. 25. ejusd.
Princ. Lubomirski ad Rákóczi ex castr. ad Cra-
cov. 27. Jan. 1658. Manifestum regis Daniæ
Hafniæ. 3. Jun. Hatzfeldii concordata. Cracov.
24. Aug. Theat. Europ. ad an. 1658. — 59. Acta
Comitior. ad an. 1659. Du Mont corps diplo-
mat. T. VI. P. II. pag. 249. Bontempi l. cit.
p. 14. cet. Gronszki hist. belli Cosaccor. Pol. P.
III. p. 361. Francisc. Wagner hist. Leopoldi
M. l. 1. toto. Hist. des troubles cet. l. 1. Maurilio
Nigri raggvaglio dell' ultime gverre di Trans-
silvania l. 1. sed conferendus cum MSS. adnota-
tionibus Simonis Reninger Secretarii Legationis
Turcicæ. quibus usus sum, & deinceps utar.
Additæ sunt, ut vulgo dicitur, *Minutæ* Bar.
de Goes Legati.

extremas vires periclitaturus ad Transil-
vaniae fauces constitit, &, licet copiis in-
ferior, congredi tamen cum hoste ausus, ac-
ceptis quatuor in capite vulneribus, ægre per-
iculo subductus paucos post dies Varadini
obiit, relictis ex Sophia Bathoria filiis Geor-
gio cognomine, & Francisco. Cæsar accepta
cladis fama veritus, ne victores, qui Lip-
pam, Gyulam, & Jenöensem arcem in potesta-
tem jam redegerant, ultra grassarentur, Pa-
latinum cum Consiliariis Viennam accersit,
quid in re tam ancipiti facto opus esset,
consulturus. Omnium sententia fuit, Vara-
dinum, a quo vicinæ ditionis salus penderet,
occupandum esse. Cæsari, quod vis adhiben-
da esset, id consilium minus probabatur, ne
ansam novo bello Turcis præberet. Tutio-
ra itaque amplexus nuncium ad viduam Prin-
cipis misit, qui Zabolcsensem, & Szatmá-
riensem Comitatus ex pacto repeteret, ita
futurum, ut, si præsidio Cæsareo tenerentur,
Turcæ ab iis vim abstinerent, simul man-
data *Susæ* armorum in Moravia Præfecto de-
derat, ut copias in Hungariam duceret, a-
geretque, ut non tam bellum inferentis, quam
limites tuentis personam sumeret, ceterum,
ut res se darent, tempore uteretur. Obse-
quutus militem ex hybernis deduxit, & vi-
dua, datis ad suos Præfectos mandatis, vo-
lente, præsidium Germanicum Szatmárinum,
Kalloensi arci, & Tokaio, vim, si mandata
de-

1660:

1660.

detrectarent, simulans imposuit. Ecsedum, & Onodinum Palatino, ut suspicio erat, subornante in verba regis, excluso tamen praesidio Germanico, jurarunt, Varadinenses, non tam milite, quam annona se egere responderant. Hanc quoque illis Susa, etsi obliationem eorum damnaret, liberaliter administrari imperavit, & transmissis Tibisco castra inter *Kallo*, & *Rakomaz* metatus est, in omnem, si quae offerretur, laborantibus succurrendi occasionem intentus. Jam Turcae Varadinum a XIV. Julii magnopere premebant, nec minori fortitudine a Michaele *Ibranyio* defensum erat, cum ad extrema deductus deditionem, honesta tamen pactione coactus est facere, sero pervicaciam suam damnans, quod Susae consilio opportuna suadentis non obtemperasset.

1661.

Dedito Varadino bellum in Transilvaniam traductum, in qua Joannes *Kemény* cum *Bartsaio* de Principatu contendebat. Provinciae illi magis, quam huic, cujus vecordia offendeantur, favebant, & ut Principatui renunciaret, coegerunt. Hoc modo *Keményius* rerum potitus decessorem custodire tradi, paulloque post, quod novas res illum moliri comminisceretur, trucidari iussit, fratre ejus Gasparo in furcam acto. Id crimini *Keményio* datum, quod in hominem simplici magis, quam noxio ingenio praeditum ingratus saevierit; Sultanus autem, qui caesum
in

in Principatu antè confirmarat, majestatem suam in eo læsam existimans Bassæ Temesiensi mandaverat, ut usurpatorem statione deturbet, quod ille mature subodoratus Viennæ per nuncios suos auxilium implorabat: hæsit Cæsar primum, post tamen, ne Transilvania a Turcis in provinciam redigatur, auxiliares copias decrevit, *Montecuculo*, qui iis præesset, constituto, Prius tamen conciliationis viam tentandam ratus, nuncios Constantinopolim, & Temesiam misit. Sed hos præverterat Bassa Temesiensis, Transilvaniem cum LX. millibus ingressus, & Keményio ex ea proturbato, postquam plures oblatum Principatum repudiassent, Michaelém *Apasum* nihil tale opinantem, & fere invitum subrogavit. Acerbum id erat Keményio, præsertim quod Montecuculus Turcis pugnam detrectantibus recesserit, relictis solum aliquot Germanorum, & Croatarum cohortibus, quæ quidem ad vim arcendam, non item inferendam satis essent. Amissi tamen Principatus dolore incitatus, postquam Turcæ regressi erant, ipsa hieme dissuadentibus licet amicis æmulum *Sebesi* obsedit, cumque hic tempus, quid capiendò æmulo facturum esset, consultando terit, *Kutsuccus* Jenöensis Bassa celeriter admonitus periclitanti suppetias venit. Cum nullus jam tuto receptui locus esset, res ad pugnam venit, quam licet Germani cum Croatis in sinistra ala fortiter susten-

1661.

1662.

~~1662.~~ 1662. sustentarent, dextra tamen in fugam versa est, in qua Keményius equo prolapsus fugientium pedibus temere conculcatus oblit. Kutsuccus, Germanos quoque prælio adfuisse miratus, rem Constantinopolim nunciavit. Id Sultanus violationem pacis interpretatus, semel, iterumque misso ad Cæsarem nuncio, ut suos e provincia, quam jure armorum suam fecisset, quamprimum educeret, postulabat, ni fieret, vi ejiciendos comminatus. Cæsar, qui nec causam bello præbere, nec Transilvanos vellet destituere, multi enim Keményianæ partis, ne se relictos vellet, orabant, Simoni *Reningero* suo apud Sultanium internuncio significavit, litem eventu ancipitem eousque traheret, donec per Legatum proxime mittendum penitus componatur. a)

III.

a) Theatr. Europ. T. IX. p. 36 — 45. Priorato, & supra cit. ad ann. 1660. & 61. Litt. Mayerbergii Consiliarii Cæs. ad Bassam Buden. ex Kallo. 10. Jun. 1661. & ad Cæs. Ecsedino 11. ejusd. 1660. Sophiæ Báthori ad Cæs. ibid. 10. Jun. Ejusd. ad suos Præfectos, ibid. eod. Puncta dediti Varadini 30. Aug. in castris. Abdicatio Principis Barcsai in Gyergyö 6. Jan. 1661. Litt. Cæsar. ad Sulam. Vien. 21. Aug. Minuta Baronis Goez, & Reningeri adnotat. in hist. Nigri ad an. 1662. Litt. Secretarii Beris ad Cæsar. Temesvárino 29. Jul.

III. Interea futuri providus convocatis
 Posonium ad Calendas Maji Ordinibus pro- 1661.
 posuit, quam facile Hungaria subacto Varsa-
 dino, & Transilvania fortassis amittenda;
 periculum aditura esset; nisi mature inter se
 initis consiliis, speque collata prospicerent;
 hanc, cur illos conati fuisset, præcipuam
 causam fuisse. Palatinus periculum ex usu
 judicio militari ponderans inde confestim
 initium consultationis fieri volebat; refraga-
 bantur Evangelici, qui de iis primum, qui-
 bus se in religionis negotio gravari dice-
 bant, deliberari volebant, ceteris in aliud tem-
 pus rejectis. Cæsar importunam prorsus tem-
 pori protelationem miratus rescripsit, nihil
 sibi, quod statutis 1547. aliorumque annorum
 utriusque partis consensu firmatis adversaretur,
 hætenus compertum esse, agerent pot-
 ius, quæ ex usu temporis, & regni commo-
 do essent. Scriptum in hanc sententiam Pal-
 latino misit, iis exhibendum; sed extrema ipe-
 graphe: *fidelibus Evangelicæ confessionis in hæc*
Dieta præsentibus assignentur: offensi, quod
Status nomen, quò se compellari volebant,
 omissum esset, id accipere renuebant. Fru-
 stra Palatinus nomen id non ad religionem,
 sed ad civilem solum rei publicæ formam
 ex instituto pertinere, obtendebat; inhæres-
 proposito suo, & privatim coeuntes a publi-
 ca ceterorum consultatione abstinebant. Ita
 dissentientibus supervenit • Transilvania

1662. ~~1662.~~ Petrus Fekete, summum discrimen provin-
ciae imminere, Principis, & Ordinum nomi-
ne annuncians, si Cæsar militem ex ea non
educeret, Sultanum, nisi id fiat, eo animo
esse, ut Transilvaniam ad morem Valachiae,
& Moldaviae in formam provinciae redigat.
Cæsar misso Constantinopolim Legato Pere-
gio, se, ne id eveniret, jam cavisse, respon-
dit, animo interea bono essent, & curas po-
nerent.

Remisso ad Principem nuncio, Ordines
sepositis, quæ moram inutilem solent injice-
re, privatis rebus, & religionis negotio in
aliud tempus dilato, in hæc capita tandem
equaluere: si bellum a Turcis ingruerit, aut
præsidium aliquod obsideretur, Nobiles viri-
tim ad arma confluent, ceteri pecuniam, &
Comitatus annonam præbunt: militia Ger-
manica novem millia ne excedat, & hæc
quoque, si pax fuerit, ex regno dimittatur.
His quoque Evangelici, quod nullus eorum
gravaminibus locus daretur, intercessere, &
nondum soluto Conventu abiere. Revocati,
nova se a suis mandata allaturos responde-
rant, & Cassoviæ primum, mox ob pestis
metum Bartphæ celebrato privatim Conven-
tu litteras ad Cæsarem, quibus absentiam
suam excusabant, dedere.

Sub hæc Perezius pacis conficiendæ cau-
sa Constantinopolim venerat, sed, sive di-
cundo juri, quam tractandis rebus politicis
aptior

aptior esset, siue mors Veziril obstacula in-
fecerit, parum posse visus est, etsi Reninge-
rus morum aulae Turcicae apprime gnarus
sociam ei operam diligenter navaret. Duo
praeterea obstabant; primum, quod Caesar
nondum militiam e Transilvania eduxerit: al-
terum, quod Zrinus Illyrico praefectus ad
Dravi, & Muræ confluentem castrum de suo
nomine dictum erexerit. Responsum est, fa-
cile his modum reperiri posse, si vicissim
secundum pacta cum Ferdinando, & Rudol-
pho inita, Transilvanis libera Principem e-
ligendi potestas relinquatur. Vezirius, erat
is defuncti filius, viginti duos annos natus,
itaque nondum satis rerum, quæ præcesse-
rant, gnarus, negotium *Ali Bassæ Temesien-*
si commisit. a)

1662.

IV. Venerat Temesiam eadem de causa
sub finem anni Baro *Göczius* potestate transi-
gendi cum Bassa praeditus, & ineunte Janua-
rio provinciam sibi mandatam confestim ag-
gressus, easdem, quæ Perezio objectæ erant,
difficultates recoqui expertus est, sed, ut erat
vir cordatus, facile criminationem de Zrinio
diluuit, quod Turcas contra induciarum st-
dem

1663.

a) Acta Comitior. an. 1663. Theatr. Europ. T.
IX. 561. — 90. Priorato l. c. P. 2. l. 2. p. 108. —
15. Maurit. Nigri hist. cit. pag. 41. — 60. Re-
ninger adnotat Hist. des troubles &c.

1663.

dem triginta & octo munimenta struxisse productis documentis monstrasset: *Székelhidem* quoque non ad Transilvaniam, quod Bassa assererat, sed ad Hungariam pertinere ostendit: Hac mora, quæ satis diu tenuit, superata, in has demum leges utrisque convenerat: Transilvanis post mortem Principis libera sit electio; Comitatus *Szatmáriensis*, & *Zabolcsensis* ditioni Cæsaris deinceps adnumerentur, *Rákóczii*, & *Keményii* filiis ne liceat militem in Transilvaniam ducere, perfugas, & rebelles utrique bona fide reddent, & in limitibus fas sit nova munimenta excitare. Cæsar condiciones rebus, ut tum erant, utcunque faventes ratas habuit, verum Constantinopoli moræ trahebantur, non sine suspicione instantis belli, cujus indicium Gozius fecerat, quo spectantē in dies copiæ ex Asia Belgradum confuebant, certisque indicis patebat, præter Tartaros, Moldaviæ, & Valachiæ Vayvodas ad signa esse vocatos, excitum etiam cum provincialibus Apasum, monitumque, ut tributum hactenus intermissum dependat. Hoc quidem, etsi ab ipsis Turcis mutuum sumere cogeretur, numerari iussit, ab armorum tamen societate cum ipse abhorruit, tum provinciales imperata facere detrectabant, quod clam a Vayvoda Valachiæ admoniti essent, Turcas id moliri, ut si provincia milite audaretur, hanc sibi subjiciant.

Hæc

Hæc cum Viennam allata essent, Cæsar *Montecuculum* cum *Rethalio*, & *Strozio* *Pofonium* misit, ut cum *Palatino*, & *Confiliariis* rationes belli, figerendum esset, inirent; *Australibus* subsidia in *Conventu* imperata, missi *Ratisbonam*, in *Galliam*, *Hispaniam*, *Angliam*, & ad *Hollandos* nuncii, auxilia flagitatum, *Pontifex* quoque rogatus, ut periclitanti regno succurrat, *Goezio* mandatum, ut *Vezirium* *Belgrado* jam appropinquantem adiret, & tractationem tam diu conaretur ducere, donec militia ex vicinis provinciis coiret. Gratum id quoque *Vezirio* fuit, qui ipse etiam nondum rebus omnibus comparatis tempore egebat. Itaque *Goezius* cum *Reningero*, quem *Vezirius* *Constantinopoli* secum duxerat, de conditionibus rursus coepit agere. Has ille pro numero ad signa confluentium identidem variabat, donec nihil eorum, quæ necessaria erant, deesset, tum quæsitæ magis, quam oblata causa tractationem abruptit, rectaque *Budam* profectioe indicta ad *Eszechum* ob eluvionem aquarum morari coactus est.

Commodo nostrorum id accidit, qui interea opportunum militiam cogendi spacium nacti fuere. *Heisterus* in superiore *Hungaria*, *Lesleus* cum *Zrinio* ad fines *Croatæ*, *Susa* ad *Moravam* excubabant, *Montecuculus*, penes quem summa rerum erat, primum ad *Ovarinum*, postea ad *Pofonium* communitis

1663.

castris cum quatuor millibus confedit, cumque incertum esset, Jaurinunne, an Comaromium, vel Ujvarinam Vezirius designarit, Montecuculus cuilibet loco ter mille, & quingentos imposuit, & Forgácsio mandatum, ut, quo hostis tenderet, cognoscat. Ad Parcanum ut venit, in decem, & octo Turcarum cohortes inciderat, in quas etli fortiter invectus esset, crescenti tamen in momenta numero cedere coactus Ujvárinum se recepit, & locum defensionis comparabat. Legatum habuit Paulum Serényi, huic adjuncti erant Marchiones Pius, & Grana Palatinus cum paucis ad Szegedinum se Strozio conjunxit. Hic nostrorum situs erat, cum Vezirius Ujvárinum XIII. Augusti cum centum quinquaginta millibus circumfedit, dimissis in omnem partem Tartaris, qui superato Vago usque in Moraviam vastitatem circumferrent. Obsessi, licet propugnacula vetustate murorum prope jam dehiscerent, repulsi septies ab assultu Turcis fortiter se tuebantur, donec seditione militum coorta, Forgácsius habito cum Præfectis consilio de dedendo loco agere cogeretur. Vezirius præter victoris morem obsessis indulxit, ut ipsi deditiæ formulam conciperent, secundum quam XXV. Septembris utrinque firmatam, biduo post cum solitis honoribus, & duobus tormentis castrensis dimissi, Comaromium deducti sunt, ubi mandata jam a Cæsare ad-
erant,

erant, ut Forgácsius cum reliquis Præfectis custodiæ mandetur. Vezirius dedito Ujvári-
no Nitriam, & Levam adjecit, reparatisque Ujvári-
ni ruinis, dissuadentibus omnibus, Bel-
gradum occupato per iter Neogrado in hy-
berna recessit; Cæsar vero in custodiam nu-
per dari iussos, cognita militari judicio cau-
sa, innoxios pronunciavit. Ita Forgácsii ho-
nor reparatus, & Montecuculus invidiam,
qua apud ignaros laborare cœpit, ab se
amolitus est.

V. Vezirio regresso hyems conquirendis
undique auxiliis, & faciendis in bellum ap-
paratibus infumta est. Germania triplum Ro-
mani mensis decrevit; Leopoldo Marchione

A a 2

Ba.

- a) Theatr. Europ. T. IX. pag. 947. — 58. Prio-
rato T. II. l. 2. p. 121. — 58. Wagner Hist. Leop.
I. 2. p. 122. — 35. Relazione della rotta del
Comte Forgács a Barchan, a di 7. Agost. ex
Minuta B. Goez. Conditiones 16. deditionis Uj-
várii ex ead. Reninger adnotat. in hist. Nitri,
Litt' Apafi ad Vezirium, Alba Jul. 24. Jun. Nar-
ratione della Compagnia dell' an. 1663. ex
Goezii Minut. Hist. des troubles cet. ad h. a,
Armata del gran Visir, & Esercito di S. M.
Cæsarea. ex Minuta cit. secundum quam Tur-
cæ numerabant 220000. Tormenta autem 200.
minoris, & 25. majoris formæ. Litt. Palatini
Vesselenyii ad Montecuculum 27. Aug.

1664.

Badensi, qui Imperialibus præflet, constituto, Ludovicus XIV. Galliarum rex sedata, quam cum Pontifice habuit, lite, quatuor Peditum, Equitum duo millia Colignio duce, suis stipendiis militaturos, Pontifex præter Sacerdotii in terris hæreditariis decimas, septies centena aureorum nummorum, Genuenses quadringenta florenorum millia, & rex Sueciæ bis mille quingentos Pedites subsidium promissere. Ea re animi nostris additi. Zrinus exeunte Januario pontem Eszekinensem, ut hostem transitu arceret, exussit, tum *Babolsa* expugnata *Canisam* obsedit, adventante tamen Vezirio deserere coactus est. *Susa* meliorem fortuna usus Nitria recuperata Turcas ad Levam iusto prælio, in quo *Spahiorum* flos perierat, fregit, arcemque recepit. *Strozio* satis negotii erat, ut hostem interea, dum Vezirius novam *Zriniam* oppugnaret, a *Mura* insula, & incursione in Stiriam prohiberet. *Montecuculus*, donec omnes in castra convenirent, nihil temere ausus, exitum obsidionis Zriniae opperiebatur, quæ mora, deserto tandem a nostris loco, simultatis inter illum, & Zrinium causa fuit, nomenque ducis propterea passim per ora traducebatur. Sed, ut eventus docuit, amissa Zrinia regno saluti fuit. Interea enim auxiliares copiarum ex Germania, Gallia, & Italia confluerant, quibus auctor dux factus Vezirium a *Mura* ad *Arrabonem* retruxit, & ipsis Calendis Augusti

gusti prope S. Gothardum ad pugnam coegit, qua XVI. suorum millibus amissis victus pacem prior offerebat. Interpretes erat Reningerus, cui post Goezii discessum agendi potestas credita fuit. Constitutis ergo utrinque arbitris decimo post pugnam die ad *Vasvarum* iisdem fere, quibus anno superiore Temesvarii designata erat, legibus coaluit: hæc solum addita: Cæsari integrum sit, ad Vagum amnem, in Szathmariensi item, & Zabolcsensi Comitatibus, ubi visum fuerit, munimenta exstruere, novam Zriniam nuper na obsidione in rudus prolapsam neutris liceat instaurare: *Szekélyhida*, ne ansam turbandæ paci præbeat, solo æquetur, postremo, ut solemnitas utrinque Legatio ad ratificandam pacem instituat. His constabilitis Cæsareus, & Turcicus miles, ut conventum erat, ex Transilvania eodem tempore excessit, & in stativa distributus est.

1664.

Pacem tam subito conciliatam socii armorum mirabantur, & Hungari se inconsultis factam ægre ferebant, militem quoque Germanum præfidiis regni impositum querebantur, urebat præterea dolor amissi Varadini, & Ujvárini, tum *Szekélyhidæ* intempestiva demolitio, idque fere hac pace factum esse dicebatur, ut hostis in regni visceribus hærens, dum volet, ipsorum jugulis immineat. Cum hæc palam jactarentur, Cæsar Palatino, & præcipuis Optimatibus Viennam accersitis ini-

1665.

~~1665.~~ 1665. **tæ pacis conditiones, causas, & necessita-**
tem Lobkoviczio interprete exposuit; sed al-
tius hærebat animo neglectus; quo se, cum
de rebus suis agebatur, non tam præteriri,
quam vilipendi existimabant, quam ut acqui-
escerent. Inde initium privatis collisionibus
præsidente Palatino factum, quæ semen futuræ
conjuratōnis jecerant. Zrinium, ne eodem
vortice abriperetur, mors in venatu ab apro
illata prohibuit, quamquam sint ex scripto-
ribus Gallis, qui in vulgus efferebant, per-
cussorem dissimulante aula, cui privata viri
cum Gallis commercia suspicionem move-
rant, venatus tempore immissum fuisse. Sed
id utcunque fuerit, nec enim res ultra ina-
nem suspicionem pertigit, quæ in ipso sui
ortu evanuerat. Primus omnium conjuratio-
nis indicium Bassa Budensis Lesleo Constan-
tinopolim legato fecerat, & hic Viennam
perscripsit: convenisse in thermis Trencsi-
nienſibus nuptiarum causa cum Palatino Zri-
nium, defuncti fratrem, negato Croatiae Ba-
natu offensum, viduam quoque Rákóczii cum
filio, & Zrini nepte, cudi istic noxia aulæ con-
silia. Hæc initia fuere. Cæsari plus negotii
in adeunda Tyrolis hæreditate, mittendis
in Belgium copiis, & turbis Polonicis com-
ponendis erat, quam ut malum in principio
opprimeret, dissimulatione usus, ut res ex-
stantioribus indiciis pateret. Ad hæc immi-
nebant nuptiæ cum Margaritha Philippi IV.
Hispa-

Hispaniæ regis minore natu filia, cui dum
 Cæsar *Schotviehnam* obviam proficiscitur, pe- 1666.
 ne in insidias a Zrinio adornatas inciderat,
 nisi opinione citius iter relegisset. Ferunt
 fontem quoque toxico fuisse infectum, qui
 tamen tetro odore proditus periculum a Cæ-
 sare, ejusque familia averterit; cujus tamen
 in Actis publicis nusquam vestigium me re-
 perisse memini. Cæsar abhinc majore cura cœ-
 pit in autores intentus esse, nondum tamen res
 matura videbatur, quod mortuo Philippo bel- 1667.
 lum inter Hispanos, & Gallos ortum esset,
 quo Flandriæ pars a reliquo corpore avulsa
 Gallis celsit, vix tandem pace Aquisgranensi
 magna Cæsaris invidia compositum.

Interea Conventus, qui Neosolii cogno-
 scendis, dirimendisque juribus institutus erat,
 maturandæ conjurationi occasionem præbuit.
 Palatinus quidem omnia prius apud Cæsa-
 rem tentanda rebatur, quam res ad aper-
 tam vim redeat; Zrinius contra id cum Im-
 perii Principibus in primis agendum suade-
 bat, ut Hungariam in unum cum Germania
 corpus coalescere paterentur, cui reges dein-
 cepti futuri Imperio obnoxii præessent, reli-
 quis splendidam hanc, ut dicebant, servitu-
 tem averfantibus. In hac deliberatione Pa-
 latinus XXVIII. Martii vivis ereptus telam
 pertexendam Zrinio reliquit, qui prius pro-
 positum de Germania damnans, domique
 destinationem perfici posse ratus, cœpit de

1668.

sociis, quorum auctoritas in vulgus valeret, sibi adlegendis cogitare. Occasionem ipse Cæsar præbuisse visus est, qui defuncto Palatino Georgium *Szelepcsényium* Strigoniensem Archiepiscopum *Locumtenentis* nomine subrogavit. Pupugit id, qui ad eam dignitatem aspirabat, Franciscum *Nddasdium* Curiae iudicem, & magis impatientia doloris, quam cupiditate res novandi, socium Zrinio adiunxit. Eodem laqueo paullo post *Frangepanium*, & in Stiria *Tattenbachius* objecta spe obtinendæ Cillejenlis provinciæ irretiti sunt, ceteri quisque sibi portionem in regno designabant. Inde curæ ad conquirenda auxilia versæ. Gallus aurum pollicitus est, Valachi in Croatia se cum suo Episcopo sponte signa sequuturos receperant; Apasius cum Transilvanis in societatem vocatus abnuvit, Vezerius quoque oblato quadraginta millium aureorum tributo quotannis pendendo frustra tentatus est, cui ceteroquin in obsidenda Candia plus curarum erat, quam ut se alienis rebus ingereret. Repulsam utrinque passus, & ad Polonos conversus, nihil perinde promoverant, qui ipsi de deligendis ad regnum Candidatis, inter quos præcipui Condeus, Neoburgicus, & Carolus Lotharingus fuere, inter se digladiabantur, cum præter expectationem Michael *Coributus* Jagellonicæ stirpis surculus militari primum admurmuratione, mox diffuso per Comitia rumore, paucis nec-

necquicquam repugnantibus, miro consensu rex acclamatus est. Improvisus eventus, ut competitorum ambitionem eluserat, ita nostrorum, quibus Condeo electo omnia prona futura erant, animos quidem perculit, sed, ubi sequente anno inter novum regem, & Cæsaris sororem Eleonoram de conciliando matrimonio per Legatos agi, & pacta utrinque ratihabita compererant, ad maturandum, quod dudum conceperant, rursus exiit, utque Cæsaris vires, si ad rem ventum fuerit, distraherent, Zrinius cum Francisco a Tersfacto in Croatia, in Stiria Tattenbachius, Rákóczius in Hungaria superiore signa tollerent, constitutum. Australes, & Moravici, qui istis in Hungaria vicini sunt, quoniam nondum satis constabat, quo animo comparati essent, moram tantisper injecere. Missus itaque est Stephanus *Vitnyédius*, ut explorata mente eos ad corripienda arma incitaret, qui illum tractum, qui secundum montes Cassovia Posonium tenditur, oberrans, & religionis periculum prætexens omnes cum Australibus, & Moravis causæ communi favere, ad arma, cum res monuerit, esse paratos, & in hunc finem Dantisci, & Vratislaviæ ingentem pecuniæ vim depositam servari, ad conjuratos perscripsit. a)

a) Theatr. Europ. T. IX. p. 1116. — 1246. Priorato l. c. P. 2. lib. 4. & 5. Wagner hist. c. 1.

VI. Hæc quamquam clanculum agerentur, certo tamen indicio ad Cæsarem perlata, occasionem huic præbuerant, ut inito cum Hispanis, & Hollandiæ Statibus fœdere, quod *Tripli* nomen obtinuit, minus illi curarum a Gallis, si quid conjuratorum causa inciperent, domi conficeretur. Ad præfocandum tamen malum, & animos sanitati restituendos, Conventum generalem promulgata amnestia indixit, ad quem cum pauci, seroque comparerent, quin seorsim Cassoviæ alium celebrarent, & Rákóczius Stahrenbergium simulata amicitia Tokaio excitum interceptisset, Zrinius autem cum Frangepanio in Croatia jam signa sustulissent, rem armis decernere constituit, edoctis tamen Imperialibus, ne religionis causa, ut alias sibi persuadebant, arma corripere suspicarentur. Decreto igitur bello, *Spörckius* in superiorem Hungariam,

& 3. Nitri l. c. l. 4. ad ann. 1664. — 69. Litt. Reningeri ad Cæsar. Belgrad. 25. Febr. 1664. & 12. Mart. Apafi ad Reninger. Deva 9. Oct. ex Segesvár 11. Nov. Hujus ad illum Belgrad. 24. ejusd. & ad Cæsar. relatio actor. ibid 14. Dec. Ejusd. Osservationi sopra il raggvaglio dell' ultime gverre di Transilvania, ex Minuta Gozzii. Dogiel Diplom. Pol. T. I. p. 321. Litt. Vitnyedii apud Kazi hist. l. 10. p. 135. Zrinii ad Consiliarios Græcens. Csáktornya. 30. Jun.

riam, *Spankavius* in Croatiam missi. Ac hic 1670.
quidem *Zrinium* cum *Frangepanio Csáktor-
nya* obsessum pene cepisset, nisi mature elap-
sos *Kerius* hospitio accepisset, qui nocte ex-
acta utrumque captivum Viennam deduxit,
tantum ob violata hospitalitatis jura infamiæ
apud suos, quantum laudis apud externos con-
sequutus. *Rákóczium* lenta obsidione *To-
kaium*, & *Szatmarinum* prementem *Spor-
ckius* dissipatis ejus copiis facile fugavit,
eodem cum ceteris fato involvendum, nisi
mater, *Cæsari* supplex, numeratis mulctæ lo-
co CCC. florenorum millibus ei veniam im-
petrasset. Arces ejus omnes, ne eadem rursus
vertigine corriperetur, a Germanis infestæ;
Ecsedinum, *Patakinum* cum *Cassovia*, & *E-
periesino* in fidem recepta; *Zemplenienses*
cum quatuor vicinis Comitatibus vim pa-
rabant, sed *Sporckio* extrema comminante
ad obsequium rediere. Restabat arx *Mura-
nia*, viduæ *Vesselenyianæ* sedes. Hujus recu-
perandæ cura *Carolo Lotharingo* data est,
qui ante vim admotam ut se dederet, fru-
stra postulabat; verum ubi eductis operibus
rem serio agi videbat, se dedit. Fuit cum
ea *Franciscus Nagy*, *Vesselényii* arcanorum
consciis, ex quo cum nihil exsculpi posset.
Viennam cum vidua missus est. Tandem ex-
cussa penitus arce repertum est fortuito in
cella subterranea dolium, litteris refertum,
& in his etiam a *Nádasdio* scriptæ, quarum
indi-

1670.

indicio reus compertus, dum Pottendorffii securus agit, comprehensus, Viennamque ductus, & Tattenbachius indicio famuli proditus Græcii in carcerem conjectus est.

1671.

Comprehensis spaciū defensionis datum, ne quæ tamen communio inter eos esset, Zrinius cum Frangepanio Neostadium ducti, Nádasdio Viennæ retento. Frustra Hungari, ut in reos patrio iudicio agatur, petebant. Zrinius primum ab objectis se, & socium purgare cœpit, postea cum effugio locus non esset, ut aliquid ætati tribueretur, clementiam implorabat. Nádasdius, qui jam altero abhinc anno se a ceterorum consortio abstraxerat, confestim in principio se nolle iudicio contendere a) protestatus, totum se Cæsaris

a) Nescio, unde Wagnerus P. I. l. 3. p. 252. habeat, Nádasdium voluisse rem iudicio experiri, cum is contrarium ad filios suos Vien. 14. Nov. scribens, his verbis affirmet: *Et licet etiam in primo meo examine absolute me resolverim, quod nolim me immittere in iudicium cum clementissimo Principe meo, quin imo Principi Lobkovicz primis captivitatis meæ diebus humillime significavi, me nullo modo velle ullum processum, nec ullo scripto excusatorio purgare, verum totum me clementissimi Domini, & Principis mei gratiæ committo, & capiti meo ejus clementiam imploro &c. ex domo captivitatis meæ*

faris benignitati permisit. Serum id pleris-
 que visum; mox constitutum duodecim viro-
 rum ex aulæ proceribus iudicium, dati ju-
 risconfulti, qui reorum causam agerent. Re
 post diuturnas deliberationes in utramvis par-
 tem discussa, omnium una fuit sententia: per-
 duellionis convictos amputata dextera mor-
 tem esse promeritos. Cæsar, ne quid præ-
 cipitatum criminari vulgus posset, exteras
 Academias consulendas censuit: eadem, sed
 acerbiorē dictata pœna, harum quoque fuit
 opinio. Vulgato de profligata causa rumore,
 conjuges pro viris cum per se se, tum per
 alios Cæsaris clementiam implorare, ipse
 Pontifex pro Nádasdio, & Zrinio de re Chri-
 stiana contra Turcas bene meritis intercede-
 re, frustra omnia, palatinales, & Hispaniæ
 Legatus mortem urgere; subscribit tandem
 Cæsar invitus, mitigata tamen, ne dextera
 truncarentur, pœna, data cuius potestate
 XII. millia in pios usus legandi. Supplicio
 dies XXX. Aprilis constituta. Nádasdius rite
 ad ferale momentum comparatus, sententiam
 forti animo legi audivit, sed ubi gentilitia
 signa confringi, expungi titulos honorum con-
 spe-

*mea in domo Provinciali. 1670. Ceteroquin
 non pauca videor mihi in Wagnero reperisse
 si non exaucta, certe stylo acerbiorē, quam
 oportebat, elata.*

1672. quæ omnia ut alieno prorsus tempore fieri, ipse Szelepcsenius cum Consiliariis Viennam accersitus Cæsarem monuerat, ita factionis speciosam ad corripienda rursus arma causam subministrabant. Ducem se præbuit *Tökölius*, qui missis ex Polonia litteris plebem inconditam in Scepusiensi, & vicinis provinciis ad vindicandam regni libertatem concitabat. Coorti ipsa hyeme, & cædibus late grassantes semel iterumque a Cæsareis fusæ, gre ad frugem rediere. Mox seditio ad Tibiscum ab exulibus, qui ex Transilvania repente emerferant, sensim propagata, celeritate tamen ducum *Eszterházi*, & *Koppii* uho prælio ad *Györkum* compressa fuit. Dux sorores *Tökölii* interceptæ, & adempta templa, Catholicis jure postliminii restituta, expeditionis fructus erant.

1673. Vixdum repressis nova querulandi occasio oblata est. Cæsar *Ambringenium*, Teutonice militiæ magistrum, regni Gubernatorem constituerat. Gravius id non solum factionis, sed Cæsari etiam addictis vulnus erat, quam ut doloris vim taciti premere possent. Sciebant quidem illum in Hungaria natum, sed morum, consuetudinum, & internæ regni constitutionis, quod præcipuam vitæ partem apud externos egerit, prorsus expertem, facile hac, qua in politicis, & militaribus negotiis a Cæsare præditus erat, potestate abuti posse. Hæc cum palam, & passim jactarentur, præcipui

eipui ex regni Magnatibus Cæsarem orabant, ut *Szeleposéniam*, qui officio *Locumtenentis* hactenus probe functus fuisset, pristinam factionem, ne nominis diminutionem innoxius pati cogeretur, retinere permitteret. Respondum est, temporis rationem obesse, quo minus eorum postulatis possit annuere. Hæc isti concoquebant, at factiosi, quarum potior pars A catholici erant, novam inde seditionis materiam parabant, ministrorum suorum concionibus in præceptis acti. Et spem successus offerebat bellum, cui Cæsar cum Gallo, Belgii causa, recens implicitus erat. Auxilia quoque clandestinis legationibus apud exteros conquesta, quæ cum longe trahi viderent, Bassam Budensem, aggressi, quinque *Thalerorum* millia se daturus, litteris nominam subscriptione firmatis pollicebantur, si sibi auxilio futurus esset, qui cum duo solum numerant sibi videret, ludificari se ratus, & ab aula sua male sibi metuens, si induciarum tempore causam bello daret, parte lucri contentus, litteras *Hoffkircheno* Comaromjensi Præfecto misit, quarum indicio proditi, Pœlonium vocati, questionibus subjecti, & a iudicibus delegatis, inter quos & Protestantes erant, læsæ Majestatis, ac perduellionis rei pronunciati sunt. Crimina, quorum ex legum forma convicti erant, hæc, nec enim omnia, cum quædam prolata indecora sint, referre vacat, præcipua fuere: quod clau-

1674.

defina consilia cum Turcis, aliisque Cæsaris hostibus inierint, ac illos præcipue data pecunia in subsidium sollicitariat, exteros Principes legationibus ausi sint in Cæsarem concitare, Filekiense præsidium prodiderint Turcis, ejusque occupandi modum suggesserint, idem etiam, nisi Præfecti excubassent, cum Veszprimio, Leva, & Jahrimo machinati fuerint. Hæc, præter plurima templa Catholicis vi erepta, trucidatos sacerdotes, raptam sacram supellectilem, populum ad seditionem impulsu, Præfectos regiones ex insidiis occisos, & disseminatos in Cæsarem famosos libellos, vulgata a judicibus sententia continebat.

Hanc, quæ illis morte decreta erat, Cæsar mitigavit, impunitatem omnium pollicitus, si modo data syngrapha promitterent, nulla se deinceps sive in templis, sive in scholis ministerii sui parte perfuncturos. Ducenti & XXXVI. formulam cautionis subscribere, qui abnuebant, aut coniecti in carceres, aut exilio mulctati, inter quos etiam Franciscus *Otrokotsius*, vir pacatam ceteroqui nactus indolem, & multarum litterarum, fuit: XXIX. qui cum Turcis consilia miserant, ad triremes damnati, haud multo post Principum intercessu revocandi. Poenæ gravitas tam externos, quam domesticos, qui religionis communione jungebantur, vehementer commoverat, nec perduellioni hanc, sed religio-

legionis odio tribuebant, litteras, quibus causa
momentam præcipue nitebatur, confictas, 1674.
extortam vi confessionem, aliaque crudeliter,
& indigne perpeffosuisse disseminatis litteris
vulgabant. Multa etiam posterior ætas ad-
didit, quorum nemo, dum res agebatur, ne
ipsi quidem misisti, dum locus, & tempus
id præcebat, verbo, vel scripto meminisset.
Reliquis, si ad obsequium redirent, oblata
venia est.

Pauli hac usi sunt, pecunia Gallica hac-
tenus, & Apasi patrocínio sustentati. Re- 1675.
petebat is, misso ad Cæsarem Legato, ar-
cem Kalloensem, Tokaium, & Szathmari-
num, Transilvanæ Principatui, ut prætexe-
bat, omni portionem, nec expectato respon-
so cum XII milibus provincie egressus,
tentato frustra Szathmarino prædis onustus
restitit. Sub idem fere tempus Turcæ Ujvá-
rienses a Transilvano, ut suspicio erat, sub-
ornati, incendia, & cædes ad Posonii portas
protulere, quibus ut frænum injiceretur, Cæ-
sar Sellyam, & Schiklaviam Vago fluminis ad-
stas munitionibus armari iussit. Turcæ in-
ducias violari his substructionibus questi, re
autem ipsa prædationibus suis obicem poni,
ægre ferentes, injuriam sequente anno com-
municato cum ceteris consilio ulcisci para-
bant. Ujvárienses cæsis ad Nitriam Cæsareis
ingentem facti argenti vim Viennam exiguo
Comitatu devehendam jam interceperant, cum

1676. rursus a Strasoldianis præda illis excussa est. Albenfes exustis Veszprimii suburbiis magnam hominum, pecorumque copiam abegere: ad Caroloftadium autem tam male ab Herbersteinio accepti sunt, ut ne cladis quidem nuncius superesset. Factioni nihil magis quieti ad Onodinum a Barkóczio caesi Szathmari-num frustra tentarunt, in Stiriam volentes irrumperere, Batthyánius ad Legradum circumfusos primipilis solum, quod ceteri maximam partem vulgus essent, in crucem actis, Koppiq necquidquam atrociora de omnibus supplicia poscente, liberos dimisit.

Cæsar extero, eoq; gravi bellor occupatus, ut se a molestiis his expediret, præcipuos ex Hungaria Viennam ad particularem Conventum accersit, quo Ladislaus *Cadki* nomine Apasii quoque venerat, ut cum iis de modo pacandæ tandem Hungariæ consalteret. Eadem omnium consors fuit sententia, factiosos aperte testari, se non prius ad officium redituros, quam deducto Hungaria Germano milite Palatinus eligatur, tollantur extra ordinem imperata tributa, & Hungari publicis officiis præficiantur. Cæsar ad instaurandam Palatini dignitatem, ceteraque postulata implenda minime difficilem se præbuit, sed militem Germanum inter tot, & crebros motus intestinos, nec satis constante omnium fide, ex regno dimittere periculosum

sum existimabat, pollicitus, si pacatiora tempora fuerint, se id non gravate facturum. a) 1677.

VIII. Csákus ex Conventu in Transilvaniam rediturus, quæ mens Cæsaris esset, & quæ fuerit pollicitus, factionis per iter exposuit, utque in gratiam cum eo redirent, hortatus est. Surdis hæc dicebantur: priora consilia rursum amplexi missis ad Vezirium Kara Mustapham nunciis auxilia poscebant; Apafius quoque proniorem, quam alias se iis præbuit, plurimum autem spei in Polonis erat, quos Bethunius Galliarum Legatus, confecta inter illos, & Turcas pace, Gallicis stipendiis conductos Marchione Bohamp duce illis suppetias miserat. Sex millia Polonorum præter vagas Tartarorum turmas fuere, totidem, ut bellum diversis partibus gereretur, Turcarum erant. Illi ad Tibiscum factionis juncti, caesis mille quingentis Cæsareorum, auctique quatuor Transilvanorum millibus Szathmarium obsederant, rursumque

B b. 3.

a) Wagner l. 4. p. 335. — 43. & l. 8. p. 546. — 50. Hist. des troubles de Hongrie l. 5. p. 243. — 77. *Extractus brevis, & verus, quo candide demonstratur, Acatholicor. Prædicantium e regno Hung. proscriptio — facta esse, respectu rebellionis, non autem religionis &c.* Adolphi Lampe, sive Pauli Ember hist. Eccles. Reform. l. 2. p. 473. — 80.

1677.

que Cæsareos in insidias pellectos vincunt. Nec ultra hoc anno progressi, quod Turcarum sex millia, qui composito ad distrahendas Cæsaris vires in Stiriam parabant, accepta a Croatis clade rejecti essent. Majora sequente ausi Tököllo duce, qui e Polonia in Transilvaniam delatus, & sensim in Apasi amicitiam se insinuans facile XX. millia adjunctis Cosaccis, Tartaris, Polonis, & Valachis sub signa coegit, totamque Hungariam pervolitans, occupatis partim vi, partim prodicione diversis arcibus, & Tartaris versus Moraviam, & Austriam præcurrere iussis, ipse montanis urbibus auri, argentique feracibus intentus erat, ex quibus nervum belli sibi compararet. Venientem pleraque apertis portis acceperant, inde corraso facto, insectoque auro, & argento, ultra grassari volentem *Vurmus* collectis subito copiis Neosolium non sine clade retrusit. Hanc *Bohamus* interim obsidione presserat, & præsidarios omni subsidio destitutos, honestis conditionibus paciscentes, ad Muraniam arcem liberos dimisit.

1678.

Dedito Neosolio cum uterque de belli prosequendi rationibus consultat, *Bohamus* e Gallia edoctus est, pacem inter Cæsarem, & regem suum Neomagi coaluisse. Itaque cum illum accepto hoc nuncio ancipitem hærerere videret, facile induciarum mentionem fieri admisit. De his ut Sopronii ageretur, Cæsar

far designatis Strigoniensi Archiepiscopo, & aliquot Magnatibus constituit; adjuncti sunt Princeps *Fürstenbergius*, & *Nostizius*. In primo ilicet congressu mora a Paulo Szalai Tökölíi nuncio injecta est, quod videret, Cæsareos nolle prius ad deliberandum accedere, quam exteris copias factionis dimitterent; Palatinum quidem, sed adstricta potestate futuris Comitibus eligendum pollicebatur, templa autem, nam id maxime urgebant, quæ suo sumtu struxissent, aut postea designandis locis erigerent, concedi posse, non item, quæ Catholicis per vim eripuissent. Ad quæ ineunda cum Szalaius non satis explicata mandata se habere respondisset, & Tökölíus longe remotus apud Transilvanos ageret, re infecta, salvis tamen induciis, utrinque discessum est.

Id, ut apparebat, Tökölío non invito factum, qui interea & spem auxiliorum a Turcis, & nova pecuniarum subsidia, quæ jam priore anno destinata erant, ex Gallia in belli alimentum obtinuit. Simulatione tamen, quod viduam Rákóczii ambiens Bathoream socrum adversam experiretur, utendum, & Cæsaris, cujus magna esset apud illam auctoritas, opem implorandam esse censuit, pollicitus se & sacra Catholica amplexurum, & in fide Cæsaris perpetuo futurum, si sponsa potiretur. Hæc Tirnaviam, ubi ad conciliandos factiones privatus Con-

1678.

1679.

1679.

ventus agebatur, nunciaverat. Cæsar, qui
ambitiosum hominem non tam conjugii, quam
ejus filii fortunis, quibus ad prosequendum
bellum uteretur, inhiare observavit, vicissim
promiserat, se proximis Comitibus habito cum
regni Ordinibus consilio, quod e re publica
videretur, facturum, si opere ipso constan-
tiam probaret. Ita simulator sua arte delu-
sum se videns ad arma nondum elapsis in-
ductis provolavit, & tripartito exercitu *Ba-*
lasiæ in Moraviam; Petroczium ad Silësiæ

1680.

diripiendam proficisci jubet, ipse tentate ite-
rum frustra Szathmarino *Kesmarkum* delo in-
tercepit, & *Leucsoviam* ad deditionem coe-
git. Ferocienti oppositus est *Caprara*, qui
cum videret, Hungaros non tam statariis præ-
liis, quam celeritate traductis inopinato ad
diversa loca irruptionibus velitando rem ge-
rere, quos Cæsarei integra copiarum mole
difficulter ubique consequi possent, aliam a
prioribus ducibus gerendi belli rationem in-
eundam ratus, ipse etiam copias partitus est,
cum corpore autem exercitus Tökölö im-
minebat. Hoc modo Balasium occupato prius
Vago a Moravia avertit, & Petroczius ad
Jahlanham profligatus est. Tökölö cum vi-
deret Italum ducem nuspian, ubi vellet,
pugnæ copiam facere, & tamen quocunque
se verteret, lateri suo adherere, veritus, ne
insidiis circumveniretur, Cassoviam se rece-
pit. Recedentem Caprara e vestigio conse-
quutus,

quatus, recepta Leucsovia, ne quid ultra au-
deret, fixa ibidem statione in officio conti-
nuit. Angulo illo condusus, cum Apafius quo-
que ab eo se retraheret, & militum magna
pars non petita missione sensim diffiueret,
misso Viennam Andrea Sebestyénio Episcopo
Transilvaniensi, suo, Vesselényi, Petroczii,
& qui in Transilvania hærebant, exulum
nomine veniam præteritorum flagitabat. Hanc
quoque Cæsar, etsi multi fidem hominis su-
spectam ei reddere conarentur, quæstis publi-
cæ causa non censuit negandam, si modo
litteris sigillo firmatis pollicerentur, se in Co-
mitatu Ugoosensi, & Bereghienfi positis ar-
mis tamdiu quieturos, donec in proximis
Comitiis de bonorum, quæ petebant, resti-
tutione secundum juris formam ex Ordinum
scito statuatur. a)

1680.

IX.

- a) Wagner l. 8. p. 551. — 60. Hist. des troubles
&c. T. I. l. 6. & 7. Hist. des revolutions de
Hongrie T. I. l. 3. p. 277. — 87. Christoph.
Dallenduy a Boham, artic. dedition. Neosolii
in castris 1678. d. 10. Oct. Libell. supplex exu-
lum ad Cæs. & hujus gratia. Lincii. 1680. d.
31. Aug. Litt. Cæs. ad Consiliar. Hung. Vien.
31. Mart. Puncta amnistii inter Cæsarem, &
Tököli, in castr. ad Jolsvam. 15. Nov.

1681.

restitutione ex legum norma actum iri pol-
licitus, Transactionem, præcipuum litis caput,
auctoritate sua confirmavit, & indulgentior,
quam Catholici vellent, locis per Comitatus
certo numero designatis, jus erigendi templa
potentibus concessit. Proniora hinc omnia.
Si bellum apertum a Turcis ingrueret, sta-
tutum, ut præter militiam secundum posses-
siones, harumque opulentiam pagatim con-
numerandam, Nobiles arma capebant: militi
extera tam diu in regno consistere liceat,
donec pax cum Turcis in solidum coalescat,
ad quam tractandam Hungarus quoque Cæ-
saris Legato Constantinopolim profecturo so-
cius æquata potestate addatur; denique post
peractam V. Idus Decembris Reginae Eleo-
nore coronationem honorarium munus ad
testificandam animi gratitudinem eidem ob-
latum.

Nondum finita erant Comititia, cum e
Transilvania allatæ sunt exulum litteræ: ora-
bant, ut sibi data oratorum venia, salvis,
tutis.

*ad Personalis Præsentis regis in hospitio, fi-
delissime facta, & celebrata est, modo, &
ordine sequentibus: „Et quidem 1. Transactio
Viennensis prima, quæ non videtur in toto
concordatæ cum typis mandata, & articulis
Dietalibus inserta. Hæc scripta Transactio,
datata est Vien. 9. Febr. 1606. sub A. “ &c.*

atque in patriam regredi liceat; idem regi Ordines illorum causa efflictim petebant. 1681.
Fecisset Cæsar, nisi Tököl's inconstantia illis fraudi fuisset. Eodem enim tempore, quo se, & illos in potestate Cæsar's futuros, anno superiore promiserat, scriptis ad Sultatum litteris, se, & illos, quamquam his inconsultis, obsequio illius addixit. Nihil Vezirio gratius: data confestim ad Moldavum, & Valachum mandata, ut, si Tököl's posceret, ei cum copiis præsto essent, idem Apafio, Bassæ Budensi Ibrahim, ceterisque Agis imperatum. His ille frater, sub finem Comitiorum, inducias abruptens, vicinis Comitibus ad resumenda arma incitabat, sed cum a Caprara monerentur, ne Comitiorum tempore causam suam graviores reddant, fraterneus hic conatus erat, nec Vezirius consilia sua ante tempus prodi æquanimiter ferebat. Itaque ne hoc quoque fulcro, quo se hactenus sustentabat, privaretur, nihil hoc quidem anno ultra tentare ausus est.

Cæsar bellum sibi a Turcis, etsi hi dissimularent, imminere eminens prospiciens, primum federi, quod Hollandi cum Sueco inierant, accessit, mox etiam superioris Rheni Associationi se adjunxerat, ne, si Turcæ Hungariam designarent, vires distrahendæ essent. Decreta quoque Constantinopolim Legatio est: Cura hæc Alberto Caprara, data adjuncto ex Hungaris Gregorio Pavescis, qui Internunciū nomine

pacis, quam ut Turcis copias ex Asia, & aliunde cogendi, tempus præberet. a).

1683.

X. Nec Cæsari, cum jam inevitabile bellum sibi a Turcis imminere, & Gallis, haud satis fidi posse videret, id ingratum, qui ipse spacium, interea ad conquirenda ab Europæ Principibus auxilia nactus est, quorum studia in communi rei publicæ periculo, incredibile, quantum exarserint. Bavari XII. milia pugnatorum, Saxo pene totidem, majore numero copias reliqui Germaniæ Principes polliciti sunt. Pontifex prægrandem auxilii summam, in belli usum, & ejus exemplo Principes quoque Italiæ symbolam suam contulere.

a) Acta Comitior. an. 1683. Act. coronat. Regi-
ne cod. Lunig. Sylloge negotior. publ. T. II.
p. 53. 1684. Litt. Captaris ad Comit. Leu-
cosov. 30. Maji. Raxian ad OO. Hung. ex Ka-
pos. 7. ejusd. Supplicatio OO. pro his ad Clif-
9. Jul. Litt. Bassæ Buden. ad Tököl. Bud. 20.
Maji. Ejusd. ad eund. 30. ejusd. item 21. & 31.
Jun. Tököl. ad Episc. Transilv. ex Smilsh. 22.
Jul. Infinitio Legator. in Turciam. Vien. 15.
Jan. 1683. Tököl. conced. cum Saponaria in
Kapos. 25. Apr. Litt. Begi Neogradien. ad Tö-
köli. ex. cast. ad Pestum. 1. Jul. Bass. Buden.
ad eund. 30. ejusd. item 2. Aug. & 13. Nov.
Tököl. ad Comit. Cassav. 26. Jul. Straßfeld.
ad has resp. Consulta. e bellica Vien. 9. Nov.

tulere. Fœdus præterea, si quid Gallus ad Rhenum tentaret, cum Hispano, Sueco, & Hollandia ictum. Eadem de causa *Wallensteinius* in Poloniam missus, quamquam *Bethunius* Galliae Legatus contra niteretur, regem, ut socius armorum esset, permovit. Conditiones hæc fuere: ut confociatio solum bello Turcico definiatur; quo durante Cæsar LX. rex autem XL. millia sub signis habebunt; si Viennam, vel Cracoviam obsideri contingat, alter alteri integris viribus auxilio erit, conjunctas copias ex paciscentibus is ducet, qui in castris erit: de sumtibus, quoniam bellum jam præforibus esset, nec tempus cogendis Comitibus suppeteret, hæc ratio est inita, ut Cæsar duodecies centena florenorum millia præbeat, detque operam, ut rex Catholicus bona Pontificis venia regni Neapolitani, & Mediolanensis Ducatus Sacerdotii decimas in Poloniæ necessitates converti sinat: Si ad distrahendum hostem res diversis partibus gerenda esset, Cæsar ad ea, quæ in Hungaria, & rex, quæ in Podolia, & Ucraina quondam amissa erant, recuperanda suis quisque copiis utetur, belloque parta ejus erunt, ad quem prius jure pertinebant: Paciscentes præterea conabuntur, ut uterque Moscoviæ *Czarus* his pactis accedat, nec censeantur hæc prioribus, præsertim de limitibus inter Hungariam, & Poloniam constitutis, quidquam derogare, fœdus denique ipsum

1683.

1683.

duo Cardinales Germaniæ, & Poloniæ Protectores juramento firmabunt. Pactorum tabulas rex Varſaviæ XXXI. Martii, Cæſar Laxemburgi VI. Nonas Maji ratas habuerunt.

Nec ſegnius interea res ſuas Tökölius agebat. Concitis Caſſoviam pro XIII. Januarii vicinis Comitatibus, expoſita primum, quas ſuperiore anno geſiſſet, rerum ſerie perſuadere conatus eſt, ut, cum res Hungariæ vix aliter, quam Turcarum auxilio erigi, ſuſtentarique poſſit, Legatio ad Sultanium decernatur, cujus ope vel honeſtam pacem a Germanis extorquere, vel, ſi elapſis induciis res ad arma veniret, bellum feliciter terminari poſſe, ſperet. Nemine refragari auſo Baſſam Budenſem certiorẽ reddit, ſe ad finem Aprilis copias ex hybernis educturum, modo ipſe, quod pollicitus erat, ſuos etiam in campo Peſthienſi liſteret. Serum id videri, reſponſum eſt, quod Sultanus jam XVI. ejusdem menſis Conſtantinopoli moviſſet, Vezirio Eſzekiũ præmiſſo, ad quem ut ſe celeriter conferret, monuit: eſſe enim non pauca, de quibus cum eo prius conſultare cupiat, quam Budæ adeſſet. Verum is invitationem periculo non vacare, ſuſpicatus, Nicolaum *Keczzerum* miſit, qui ſuo nomine Vezirium conveniret, Polonos, qui ſuperiori Hungariæ imminebant, quo minus ipſe proficiſci poſſit, cauſatus. Et te ipſa Cæſar Caprara, qui in Vezirii comitatu erat, per-

occultos nuncios maturę edoctus, Viennam designari, *Schulzum*, qui Polonos ad accelerandum iter hortaretur, in Scepusium pręmiserat, & Carolum Lotharingum, ut hosti, quoad urbs defensionis aptaretur, moram injiceret, Ujvarinum obsidere jussit. Salus omnis in celeritate erat; rogati Principes, ut auxiliares copias maturent, monitus regni Palatinus, ut Nobiles, hoste jam in visceribus regni grassante, ex legum pręscripto exciret. Convenere, qui ripam Danubii meridiam colebant, sed numero pauci, quod Tökölus cum Tartaris alia parte volitaret, & Bassa Budensis Jaurino minaretur. Lotharingus ex locorum positu, & itineris ratione Viennam peti nihil dubitans, soluta obsidione, ripam Danubii relegens sensim in Austriam evasit, & ex oppositu Viennę constitit. Jam Cęsar inde securitatis causa Lincium discesserat, relicto, qui urbem defenderet, Rudigero *Stahrenbergio*, viro impigro, & cui pręcipua servatę Viennę laus debetur.

Hoc loco res erant, cum pridie Idus Julii collucentes undique flammę hostis adventantis indicium fecere. Idem obsidionis initium fuit. Pręsidarii cum hoste, qui suprà CCC. millia ducebat, comparati numero pauci, nec enim vicenis millibus plures erant. Sed virtus pro copia fuit. Hac hostium frequentes assultus, cuniculi, proditio, fames,

1683.

& quæcunque exitium minabantur, incredibili fortitudine, & spe proximi auxilii superata sunt. Jam in tertium mensem obsidio tenuerat, cum sensim confluentibus ex Imperio auxiliaribus copiis, Joannes Casimirus ex pacto quadraginta Polonorum millia adduxit, castris ultra Cecium montem defixis. Opportunum id obfessis erat, rerum omnium penuria jam laborantibus. Prælium igitur a ducibus unanimi consensu ad XII. Septembris decretum, nec minori virtute, quam fortuna gestum est. Pugna superato Cecio monte a primo diluculo ad vesperam producta est; hostis victus, & fugatus, urbs liberata, & cum hac Germania, & Hungaria ab exitio servata. Victoriæ fructus pene supra fidem: præter LXX. millia, quæ hostis amiserat, supellex omnis castrorum occupata, & in hac trecenta variæ formæ tormenta, centum tenteriorum, boum decem, & quinque camelorum millia, orizæ, frumenti, & fabæ Turcicæ vis tanta, ut inde potus hic exoticus credatur per Germaniam invaluisse.

Rex salutato, qui interim Viennam advenerat, Cæsare, primum fugientium vestigiis institit, mox consequutus Lotharingus, cæsis ad Parkanum Turcis, Strigonium tridui obsidione in potestatem redegit, Vezirio citatis itineribus usque Belgradum profugo. Tökölius, qui a clade Viennensi in superiorem Hungariam cum suis se receperat, spe
sua

sua frustratum se videns, animoque fluctuans, pacemne a Cæsare precario peteret, an bellum Constantinopoli urgeret, utrumque experiri statuit. Hoc apud se constituto, Georgium *Várdnyi* Constantinopolim ad Galliae regis oratorem, & Sigismundum *Homonnai* cum Paulo *Szepesi* ad Carolum Lotharingum misit, ut, si apud Turcas repulsam pateretur, hic spem gratiae obtineret, Homonnaio commonito, ut rege seorsim convento hujus opera, & patrocínio ad hanc obtinendam uteretur. Lotharingus, qui mandata a Cæsare habebat, ut pacem, si tutam, honestamque censuerit, ineat, regem causam Tökölíi perorantem libenter audivit, sed, cum conditiones proponi intellexit, quas ne victor quidem dictaret, aspernatus petentes, non ante pacem sperari posse, respondit, quam Cassovia Cæsareum præsidium admitteret, id argumento sibi futurum, illos serio animum ad conciliationem adjecisse, quod cum illi a se præstari non posse dicerent, nuncios dimisit, & rex ipse quoque videns postulata nec dignitati Cæsaris, nec tempori respondere, suos in hyberna deduxit, parte militum Cibinii, & in vicino agro, qui civibus præsidio essent, relictis. a)

C c 3

XI.

a) Londorp. T. XI. p. 536. Lunig Part. spec. p. 485. Dogiel. diplomat. Polon. Tom. I. pag.

1684.

XI. Hos Tökölius excitis Cassovia, & Eperiesso copiis, ipsa hyeme aggressus cum nihil proficeret, misso Cracoviam *Várányio* regem orabat, ut sui, suorumque patrocinium rursus apud Cæsarem susciperet. Fecit, quod rogabatur, & Cæsar, ut amico regi deferret, promulgata pridie Idus Januarii amnestia Pössonium destinavit, quo omnibus resipere volentibus liber, tutusque aditus esset, bonorum omnium, dignitatis, famæ, & honoris restitutionem interposita fide regia pollicitus, si ad finem Februarii iuramentum fidelitatis præstiterint, contra autem, qui oblatam gratiam respuerint, poenas in contumaces lege decretas comminatus. Resipuere quam plurimi, quos partim foederis Turcici pudebat, partim belli incommoda terrebant, & inter hos XIV. optimates, Comitatus septem & decem, regiæ urbes duodecim, eratque tantus

337. — 41. Petri a Volkern Diar. Vien. obsessæ Dan. Suttinger. obsidio Viennen. apud. Lunig. Sylloge &c. T. I. pag. 1282. Wagner l. cit. ad h. an. p. 591. — 631. Instructio pro Legatis Tökölîi, Cassov. 28. Jan. Litt. Bassæ Buden. ad Tökölî. 16. Apr. 24. & 30. Maji. '6. 15. 29. Jun. & 7. Jul. Regis Pol. ad Magistrum Ord. Melitenlis, Vien. 13. Sept. Caroli Lotharingi ad regem Pol. ex Szügy 10. Nov. Diar. Ms. rer. gestar. in. Hung.

tus sensum confluentium numerus, ut Tökö-
lius se penitus deferendum metuens, didito 1684.
per Europam scripto, cui nomen *Manifesti*
indiderat, a) Cæsaris famam criminari nil
vereretur, illo maxime exacerbatus, quod
Hungariam anno superiore Turcis tributariam
despondisse diceretur. Acerbe propterea etiam
Pontifici per litteras questus est, Deum con-
testatus, se nihil unquam voluisse in Catho-
licæ religionis præjudicium agere, aut moli-
tum fuisse, conatus suos illo solum hactenus
spectasse, ne Hungaria libertate privata in
regnum hæreditarium convertatur. b) Cum
hanc quoque machinam incassum a se admo-
tam videret, Adrianopolim ad Sultanum se
contulit, ut cum oratore Gallo, cujus consi-
liis hactenus nitebatur, de rebus suis con-
ferret.

Cæsar, qui inquietum hominis ingenium
nosset, ne quid sibi illic incommodaret, fœ-
dus cum rege Poloniæ, Venetis quoque in
societatem accitis, instauravit, his conditio-
nibus Pontificis opera firmatum: bello non
ante finis esset, quam Cæsar Hungariam, rex
Camienecum, & Veneti Peloponnesum recu-

C c 4

pe-

a) Clausula illius hæc est: *Scriptum anno 1684.*
exilli nostri, persecutionisque 15.

b) Finit in hæc verba epistolam: *Ejusdem sacra-*
tos pedes humiliter osculor.

1684.

perent; Cæsar, & rex quanto possent numero militem alant, Veneti classem mari, & Dalmatiæ copias immittant, pax ne fiat, nisi communi consensu, laboranti socio ceteri opem ferent: hæc III. Nonas Martii communi nomine, & stipulatione transacta sunt, serius postea difficultas de Dalmatia vetusto jure ad Hungariam spectante in hunc modum diremta: ne Venetis ex ea plus accederet, quam quod armis jugo Turcico eriperent. Quo consensu fœdus perculsum, eodem, & pari alacritate apparatus undique facti; & cum Cæsar ad distrahendum hostem bellum trifariam geri cuperet, Schulczio superior Hungaria, Slavonia Lesleo, & Lotharingo Buda destinata fuit. Tökölus ad suos interea reversus, iterum ad Cæsarem nuncium misit, qui viam ineundæ concordiæ tentaret; rejectus est, quod, dum oblata erat, gratiam temere aspernatus fuisset, nec, quem Apafius eadem de causa miserat, auditus.

1685.

Rebus omnibus profectioni comparatis copiæ Strigonium deductæ, inde capto Vissegrado, & profligatis ad Vadium Turcis, transmissio Danubio Buda obsessa est, non tamen, ut spes erat, felici exitu terminata. Quamvis enim *Seraskierus* obsessis subsidio veniens, commisso ad *Hanfabegam* prælio fractus, & *Eszekium* retrusus fuerit, longius tamen jam tempus provectum erat, quam ut expugnandæ arcis certa spes esset. Copiæ igitur Strigonium

nium nullo accepto damno reductæ. Felicius alibi res gesta. Lesleus Verovicziam in Croatia, & Bartpham Schulczius factionis aliquoties profligatis occuparunt, utrumque commodo deinceps usui Cæsareis futurum. Ipsa etiam hyemē victi ad Neogradum, & rursus ad Vacium Turcæ, nec destinatio recuperandæ Budæ penitus posita, errorque anni prioris, quod Ujvarinum a tergo relictum fuisset, correctus. Huic obsidendo Lotharingus jam multo ante omnia rite comparaverat, & VII. Julii exercitum admovit. Superata crebris verberationibus fossa res jam ad assultum spectabat, cum *Seraskierus* adventare ferebatur: huic Lotharingus relicto in castris Caprara obviam profectus, postquam pugnæ cupidum ad iniquiora loca pellexisset, ingenti clade affectum in fugam coniecit. Victoriæ fructus erat, occupatum levi assultu Ujvarinum, & non multo post Neogradum etiam interceptum. Nec segnius res in superiore Hungaria gestæ. Schulczius occupato Tokaio, Kalloensi arce, & Tökölö castris exuto, Eperiesinum deditione recepit. Magnæ prædæ instar fuit arcula argentea Tökölö, & in hac variæ ad eum datæ epistolæ, ex quibus cum ejus consilia paterent, designationes suas postea mutare coactus est, et si non alio operæ precio. quam quod concives suos Cæsari addictos ferro, & flamma persequeretur. Cassoviæ vim admoveere Caprara para.

1685.

parabat, pluvio jam autumnq̄ parum profecturus, nisi urbis Gubernator Tökölum a Varadinensi Bassa, velut injusti belli, & tot cladium autorem in vincula conjectum, & Adrianopolim duci jussum, comperisset. Inde urbs dedita, cujus exemplo Patakinum, Ungvarinum, Regeczium, aliaque oppida se Cæsaris fidei permisere. Factioni animo dejecti cum nihil sibi melius, quam Tökölum factum, viderent sperandum esse, *Petneházio*, Tökölum Legato, auctore cum Caprara agebant, ut eo interprete veniam præteritorum obtinerent. Cæsar flecti se passus Capraræ Petrum *Korompai* Episcopum Agriensem, & Comitem Stephanum *Csáki* cum Schulczio adjunxit, qui ad obedientiam redituris, accepto prius fidelitatis juramento, Nobilitatis, honoris, famæ prærogativam, & bona restitui juberent, illis solum exceptis, quæ aut dono, aut pignori data fuissent, quæ tamen, ubi tranquillitas regno restituta fuerit, vel redemptum, vel aliis compensatum iri pollicerentur. a)

XII.

a) Dogiel. I. c. Tom. I. pag. 342. — 48. Wagner. I. 9. toto. Litt. regis Pol. ad Tökölum 1684. d. 10. Januar. Amnestia general. a Cæsare. data Lincii 12. ejusd. Manifestum Tökölum s. d. Hujus a Cæsareis refutatio. Litt. Tökölum ad Pontif. Caslov. 12. Apr. Amnestiæ alterius condition. Wien. 9. Nov. 1685. Veterani *Geldhügel* cum aditamentis, Dresdæ 1788. p. 17. — 24.

XII. Recuperato Ujvárino, ceterisque anno superiore in potestatem redactis urbibus, factionis item in fidem receptis, propositum obsidendæ Budæ resumtum est. Principes Imperii certatim copias suas in hunc finem Cæsareis conjunxerant, unus restabat Elector Brandenburgicus, qui cum in ære Gallicano esset, aliquamdiu moras trahebat, donec exactis e Gallia *Hugonottis* ob religionis communionem, quæ in utramvis partem magni semper momenti esse solet, offensus, Cæsari icto in XX. annos foedere se adjunxit. Foederis hæc præcipua, ut huc quidem pertinent, capita fuere: alter alteri, si bellum ingruet, auxilio erit: Cæsar octo Peditum, Equitum quatuor millia Electori, hic vicissim Cæsari Equitum duo, sex Peditum suis quisque stipendiis alenda suppetias mittet: pacis tempora centum florenorum, bello autem durante totidem *Thalerorum* millia Electori Cæsar sumtus præbebit: illud præterea adjectum, ut, si Hispaniæ rex hærede destitutus obiret, & successionis in terras illius causa, nec enim obscurum erat, regem Galliae huic prædæ inhiare, bellum esset gerendum, Elector arma Cæsari consociet.

Non poterant hæc ita clam agi, quin eorum indicium Constantinopolim perveniret. Pares igitur a Sultano copiis undique coactis apparatus facti, dimissus vinculis Tökölius, designata illi ex Turcis, & Tartariis
ad

1686. **ad faciendum diverticulum pars exercitus,** omnia denique ad formidabile bellum comparata. Prævertit hostem Lotharingus, & Budam XVIII. Junii circumfedit. Lenta, & difficilis oppugnatio fuit, nec ante IV. Novas Septembris, Vezirio semel iterumque profligato, post cruentum in ipsa urbe certamen, arx in potestatem nostrorum venit, postquam sesqui seculo jugum Turcicum tolerasset. Præcipua laus recuperatæ Budæ penes Lotharingum, & Maximilianum Baviaræ Ducem fuit, qui fortuna, & metu hostis usuri diviso cis, ultraque Danubium exercitu, Turcas fugientes insequuti *Szegedinum, Quinqueecclesias, Siklofinum, & Kaposvarinum* partim vi, partim deditione occuparunt.

1687. **Vezirius capiti suo metuens Legatos ad** *Carassam*, qui pro Lotharingo hybernis præerat, de pace acturos misit, pollicitus damna omnia pensanda, quin si necesse esset, Tökölum etiam supplicio dedendum esse. Re Viennam perscripta responsum est, Cæsarem a pace non abhorrire, si Sultanus ad faciendos belli sumtus numeratis sex aureorum millionibus loca omnia Hungariæ decerpta restituerit, Polonia præterea, & Venetis satis fecerit; hæc si, ut apparebat, negarentur, Vezirium spe pacis tam diu sustentaret, donec, quo Gallia molitionibus suis vellet evadere, compertum esset, a qua cum nihil hoc anno imminere videretur, Cæsar, ne hostis

his spacium sui colligendi haberet, bellum ~~prosequi~~ ^{prosequi} constituerat, cum duæ res moram 1687. inopinato injecere. Tökölus extrema tentaturus plebem ad res novandas incitabat, urbesque Augustanæ, & Helveticæ confessioni addictas eodem malo afflaverat in seditionem prorupturas, nisi Caraffa certis indicis edoctus, ex comprehensis incusso tormentorum metu omnem conjurationis modum comperisset, & Cæsari significasset, qui lenitatem suam toties contemni videns, severioribus remediis utendum ratus, tredecim ex Hungaris & Germanis, tam Protestantibus, quam Catholicis Judices, qui in reos agerent, delegit. Cognitione ex legum præscripto facta, octo ex convictis, ut ceteris exemplo essent, in principe Eperiesini foro amputata dextra supplicium capitis subiere. Inde nomen Caraffæ in terriculamentum abiit, quo infantes a ploratu etiam hodie contineri solent. Tökölus mature periculo se subducens cum Munkacsinum, quod obsidione jam premebatur, evadere non posset, Varadinum ad Turcas profugit. Periculosior altera, qua Budam fere amiseramus, proditio fuit. Conrado *Finkio*, legionis Salmianæ Procenturioni, genere Borusso, duæ virgines Turcæ occupata urbe in prædam cessere, de quibus redimendis dum crebro cum Albeni Bassa per litteras agit, lucri cupidine abreptus, Budam duo aureorum millia pactus

se

1687. se proditurum recepit. Detectus rustici indicio, quæstioni subjectus, & convictus, palo per corpus adacto pœnam avaritiæ, & perfidiæ luit.

Lotharingus interea lustratis copiis sexaginta octo millia sub signis reperit, non accensis Croatis, & Hungarorum Equitatu. Diu deliberatum est, Albæne, an Temesvarino tantus exercitus admovendus esset, vel recta Eszekinum ad viam sensim Belgradum parandam ducendus? hoc Cæsari præ aliis probatum, quo occupato & Sclavonia tuta ab hoste redderetur, & facilis præterea, si usus ferret, in Transilvaniam esset aditus. Igitur castris Strigonio motis, nemine obsistente *Dardam*, & hac occupata Dravo transmissa, prope Eszekinum mense Julio ventum est. Jam Vezirius castris obvallatis magis se istuc firmaverat, quam ut aggressionem Duces tentandam censerent. Viam proinde, ut hostem ad æquiora pugnæ loca prolicerent, relegunt, id ille metum interpretatus, & recedentes inter Mohacsium, & Siklofinum consequutus pugnæ occasionem non tam præbere, quam extorquere videbatur. Ventum est ad manus XII. Augusti, & prælio ad noctem producto hostis in apertam fugam castris relictis conjectus. Præda ditissima reperta, & in hac aliquot epistolæ Apasii, ex quibus cum hostis consilia paterent, *Duncvaldo*, ut fugientis hostis vestigia premeret,

Ve-

Veteranio, ut ad Tibiscum exenbaret, & 1687.
 Agriensem obsidionem tutaretur, mandatum,
 Lotharingus trajecto ad *Sexardum* Danubio
 in Transilvaniam cogitabat. Habuit a Cæ-
 sare in mandatis, ut cum Apasio, & provin-
 cialibus amice transigat, & si sponte se de-
 derent, leges, religionem, & immunitates
 nomine Cæsaris salvas, integrasque servatum
 iri, promitteret, contra autem, si refragaren-
 tur, arma ostentaret. Obsequentes, etsi cum
 aliqua tergiversatione, habuit: *Claudiopolis*,
Cibinium, & reliquæ urbes in fidem receptæ.
 Eodem successu res alibi gesta; *Eszekinum*,
 quod Turcæ deseruerant, a *Dunevaldo* in-
 fessum; *Valkovario*, *Carloviczia*, & *Posegæ*
 præsidia imposita, solum *Munkácsinum* de-
 ditionem morabatur.

Felici hoc rerum successu, quo hostis
 usurpata tot annorum possessione dejectus,
 & regni fines exiguo tempore prolati sunt,
 Cæsar ad motus intestinos penitus componen-
 dos uti volens Comitia, ad XVIII. Octobris
 Posonium indixit. Duo erant præcipue, quæ,
 ut ad optatum finem adducerentur, Ordinum
 deliberationi proposuerat: primum in me-
 dium consulerent, qua ratione litigium de
electione, quoties novo regi solium adeundum
 erat, ita componi possit, ut nec libertati vis
 fiat, nec Comitiorum tempus inutiliter, &
 cum fastidio propterea in plures menses,
 quam leges sinant, deinceps prorogari, ne-
 cesse

1687.

cesse sit. Alterum viderent etiam, quid de ultimo Decreti Andreæ II. capite censerent? constare enim, hoc præcipuam hactenus motibus intestinis causam præbuisse, hoc scuto omnes, qui a Bocskaii tempore arma in regem corripuerant, usos fuisse, hoc factiosos violata jurisjurandi religione eo adduxisse, ut vivo rege legitimo alium eligerent, hoc denique occasionem dedisse Turcis, ut sensim in regnum irrependo præcipuam ejus partem sibi subdiderint, ademerint Nobilibus bona, aut certe tributis ita onerarent, ut Nobilitas nihil jam a plebe differret, quo fiebat, ut, dum libertatem regni læsam querebantur, hanc, quæ in personarum indemnitate, proprietate rerum, harumque libero usu sita est, re ipsa amitterent.

Graviora hæc erant, quam ut omnes in eandem sententiam conspiraturi viderentur. Nam si jure electionis se sponte privarent, regnum hoc ipso hæreditarium declarari, oportebat, cujus vel sola mentio aliquorum aures, inter quos aliquot etiam Episcopi, adeo offenderat, ut secessionem fere a Comitibus pararent, nisi potior pars scopulum hunc jam anno superioris seculi quadragesimo septimo, dum regni Ordines communi suffragatione Ferdinando regi, hujusque hæredibus in omne tempus se subdiderant, superatum esse, ostendisset; æquam igitur rem, & quam Domui Austriacæ universa Natio olim libere stipulata

tata fuisset, sed quæ initio hujus seculi eorum ~~malevolentia~~ malevolentia, qui prætextu propugnandæ libertatis suæ, non regni, commodum quærebant, in dubium vocata fuerit, Cæsarem petere, quæ deinceps & tricas ad vivum reseraret, & regno interceptam tot annis tranquillitatem redditura esset. Inclinabant jam plerique, qui prius adversabantur, in hanc sententiam, ne penitus tamen se electionis jure viderentur spoliare, illud saltem agebant, ut, si plures filios rex haberet, integrum sit Ordinibus, quem ex his vellent, optare: contra nitebantur alii, malum hac ratione non tolli, sed augeri, jacto de industria inter regiam familiam dissidii semine, quod non possit non sensum etiam in ipsam regnum redundare. Valuit non tam suadentium auctoritas, quam æquitas rei, ut ad contestandam pro liberata maximam partem a jugo Turcico Hungaria animi gratitudinem lex communi consensu ederetur, qua Ordines se, posterosque suos, non alium, quam qui ex Cæsaris, ejusque posterorum sanguine legitima propago, idemque primogenitus esset, regem, & dominum suum agnitu-
 rous obstrinxerant, si de immunitatibus regni illibate servandis consueta juramenti forma securitatem præstiterit, expuncta tamen *solita regi resistendi licentia*, quod hactenus & sinistræ interpretationi, & divinis æque, ac humanis juribus convellendis ansum præ-

Pars III. D d buif-

1687. buisset. Idem successionis jus, eademque ratione in casu deficientis proles masculæ ad natu maximum familiæ Hispanæ extensum fuit. Cæsar vicissim gratificandi causa sanguinarium Eperiesini tribunal aboleri, & Caraffam, cujus sævities omnibus abominationi erat, loco moveri iussit. Amnesia, exceptis solum Tököllo, & qui in contumacia perseverarant, universe promulgata, & rem religionis, quod nec tempus suppeteret, & altercationi occasionem datura videretur, eodem, quo in Comitibus Sopronii constituta erat, loco relinquere visum est. His constitutis Iosephus Cæsaris primogenitus, vixdum nonum ætatis annum egressus, IX. Decembris rex inauguratus est. Celebritatem ejus diei auxit allatus de Agria recuperata nuncius, vel ex eo capite lætissimus, quod in ea regni parte præter Varadinum, & Temesiam nihil jam Turcis reliquum esset. ^{a)}

1688. XIII. Post Agriam recuperatam Munkácsinum quoque in potestatem XIV. Januarii his conditionibus redactum: Princeps Rákóczi cum prolibus Viennam se conferet, unde

^{a)} Wagner. l. 9. Theatr. Europ. T. X. pag. 105.
— 9. Hist. des troubles &c. T. IV. l. 21. —
24. Hist. de revolutions &c. T. I. l. 3. Anecdotes de Pologne T. II. p. 46. Happel hist. bell. inter Imp. & Turcas ad an. 1686. Viennæ
du

de egredi ei non licebit, nisi conscio Cæsare, qui Francisci filii tutelam deinceps geret: 1688.
 jus dotale a marito inscriptum, sine orphanorum tamen præjudicio, salvum, integrumque ei relinquetur, bonis Tökölii in Fiscum redactis: insignia, quibus idem a Turcis Princeps declaratus est, una cum gemmis, & quas ab aliis acceperat, litteris Cæsari tradentur, inter quas si documenta reperta fuerint, quæ ad bonorum possessionem spectant, hæc iis, ad quos pertinent, restituentur, si præstito fidelitatis juramento se domi continuerint, nec ad factiosos transferint; denique fas sit Principi, Tökölium de ditione per nuncium edocere. His utrinque firmatis præsidium Cæsareum XVIII. Januarii Munkácsino impositum est, frendente Tökölio, qui amissæ conjugis dolore, & jactura bonorum exacerbatus, misis ad Varadinensem, & Temesiensem Præfectos, quin ipsum etiam Vezirium nunciis, Sultanum in Cæsarem concitare nitebatur. Serum id erat, quod Vezirius clades superioris anni capite luere, & Mehmetus Sultanus orta seditione

D d 2

in

du Comte de Tököli. p. 209. Acta Comitior. an. 1687. Cod. jur. patr. ad a. eund. Litt. Vezirii ad Herman. Badensem prope Varadin. Hujus ad illum resp. Vien. 17. Jan. Propositiones Cæs. ad Status. Polon. 31. Oct. Sententia judicii delegati in reos. Eperies. 3. Mart.

1688.

in carcerem detrusus fratri Solymanno locum cedere, coacti fuissent. Ad malum hoc intestinum accedere extera; quæ spem auxilii Tökölö penitus ademerant: Apafius Caraffa autore tributum annuum negavit, nunciatum præterea, Albam regalem, Titulium, & Lip-pam a Cæsareis occupatas esse, confluere ex Germania ad Eszekinum magno numero copias, Belgradum eo apparatu forte designari, ex Sclavonia Badensem Bosniæ, Veteranium Serviæ ex Transilvania imminere; re ipsa Belgradum apparatus spectabat.

Copiis, quæ præter Hungarorum, & Croatarum legiones ad LIII. millia excreverant, Elector Bavarus pro Lotharingo, quem fabricula domi retinuerat, summo imperio præfuit. Motis Eszekino castris, & Savo trajecto Semendria primum capta, mox Belgradum XI. Augusti obsidione cinctum, & VIII. Idus Septembris post cruentum certamen occupatum est. Metu inde ad Turcas, qui obsessis subsidio venerant, aliosque late propagato, perpetuus fere victoriæ cursus fuit: Veteranius intercepto *Karanscbeſo*, & desertâ a hoste *Orſova*, *Novigradum* profectus Tökölum, nisi incenso eo oppido Vidinum celeriter se recepisset, pene interceperat. Badensis post hostem *Gradiſca*, & *Dubicza* exactum, insigni ad Savum victoria potitus *Banyalucam* militi diripiendam dedit, tum Bosniam populando percurſans, ut Savum ab

in-

curtionibus tutum præstaret, communito novis operibus ad Drinam Zvornico præsidium imposuit. Parte alia Elector reparato utunque Belgrado, Nissam, & Nicopolim cogitabat, cum allatum de occupato a Gallis Philippoburgo nuncium eam destinationem interrupit. Constituto itaque Belgradi Governatore Stahrenbergio, & militia ad Moravam annem, ut Hungariam onere hybernorum levaret, in stativis locata, domum ad tuendas suas ditiones rediit.

Palam erat, Gallum non alia de causa bellum rupta pace inchoasse, quam ut Turcis, quos Veneti in Dalmatia, & ad Negropontum, Poloni in Ucraina, & Mosci ad Crimeam premebant, spatium respirandi daret, & Cæsaris constans interverteret. Id ut ei invidiam apud plerosque Europæ Principes conflagraret, ita non paucos ex his Cæsari foedere conjunxit. Electores Bavarus, Saxo, & Brandenburgicus primi fuere, mox Belgium foederatum, serius dein Anglia quoque accessit, quorum confœciatione repressa Galli cupiditas, & pleraque ad Rhenum recuperata. Eadem fortuna Badensi res adversum Turcas cessit. Szigetno ipsa hyeme in potestatem redacto, & negata, quam petebant, pace, copias Nissam duxit, quam victo per iter ad Patossinum hoste nullo pene negotio cepit. Inde Vidinum, quo Tökölum recessisse compererat, tendens, serius, quam vellet,

1689. aderat, quod optima præda Tökölus jam *Silistria*, fuga se subduxisset. Vidino occupato *Fetislara*, *Novibazarum*, *Coffova*, & quæ *Sophia* proxima est, *Pistina* in potestatem venere, & fines ad Albaniam prolati; sex legiones Vidino in Valachiam hybernatum missas, ut Tökölum Transilvania excluderent.

Nec hic solus Nissenis prælii fructus erat. Sultanus fortunam Cæsaris veritus, & Aliatica seditione vindam sopita anxius, rursum Legatum Viennam misit, qui pacem consueta, dum res in angustio sunt, forma: ut possideret, offerret; Transilvaniam prius Cæsaris juri permetteret, illud solum conaretur efficere, ut Temesia pro Belgrado permutetur. Re in consultationem adducta multi censebant, non negligendam esse tempora opportunitatem, quandoquidem non minus utiles, quam honestæ conditiones sponte offerrentur, & pacato hac parte hoste vis omnis in Gallum converti posset. Si Belgradum pro Temesia permutandum sit, petendam esse Valachiam, quæ, si quæ sit, Belgradi jactura compensetur. Contra alii, qui ex relictis hactenus victorijs spem recuperandæ Bosniæ alebant, speciosa præ utilibus amplexi, ut Legati re infecta remitterentur, auctores fuisse, quos deinde, ubi fortuna non

non nihil adversa fuit, deproperati consilii pœnitenda subiit. a)

XIV. Dimissis, cum repulsa Legatis bel-
lum utrinque recrudebat, Cæsareis minus, quam
ante, fortuna propitia. Nam *Straßero*, cui
absente *Veteranio Nissa* cura credita fuit, a
Tartaris circumvento, & internecione cum
suis pene deleta, metus ad reliquos etiam
ita propagatus, ut Dux *Holsatiz*, qui hyber-
nis præerat, copias ex locis defensionis mi-
nus idoneis *Nissam* contrahere cogeretur. Iac-
turam *Canisa IX.* Aprilis dedita utcumque
reparasse videri poterat, nisi mora *Apasi*,
quæ in XIV. ejusdem mensis inciderat, cu-
ras nostrorum in *Transilvaniam* convertis-
set. Provincialium pars in *Michaslem* defun-
cti filiam, pars alia in *Tökölum* inclinabat.
Illi Cæsares huic Sultans favebant, qui, ut
Cæsares a jugulo suo averteret, *Tökölum*
cum XVI. millibus in *Transilvaniam*, *Vezi-*
rium, & *Seraskierum* bipartito exercitu *Vi-*
dinum, *Tökölum*, tum, si res feliciter suc-

1690.

D. d. 4

cede-

a) Wagner l. c. I. 10. & 11. Theatr. Europ. T.

XIII. ad hos annos. Ricaut hist. des Turcs ad

an. eosd. Du Mont corps diplomat. T. VII. P.

II. p. 227. Lunig. Cod. Germ. diplom. T. I. p.

771. & P. special. continuat. 1. p. 804. item

Sylloge P. II. p. 336. — 39. Artic. dedit, Mun-

kács. 14. Jan. 1688.

1690.

cederet, Belgradum junctis copiis tentare jussit. Id cum a Turcis studiose in vulgus spargeretur, et nostros, qua parte primum incubituri essent, incertos redderent, *Heuslerus* Orsovam, *Veteranius* Nissam extemporaneo opere muniri, & Præfectos, quibus Vidinum, Jagodina, & reliqua ad Moravam loca credita erant, non prius, quam vis, cui resistendo impares essent, inagruat, incensis, aut dirutis munimentis suos Belgradum subducere jussit. Cum hæc ex præscripto Datum sunt, *Tökölus* cum Turcis, & Tartaris ex Valachia in Transilvaniam irrumpens *Heuslerum* sibi occurrentem prælio victum cepit, & *Doriam* eodem tempore captum, ac precio a Tartaris redemptum Viennam misit, qui Cæsari referret, non ante utrumque dimittendum, quam uxor cum prolibus, & bonis sibi redderetur. Verum ante, quam responsa Vienna adessent, *Badensis* possiduitas ad Belgradum copias, trajecto ad *Semendriam* Danubio torrentis instar Transilvaniae infusus ex victoria ferocientem in Valachiam retrusit, proscriptisque ejus affecis, & pupillum in Principatu confirmans, tributum Turcis pendere solitum in stipendia militum convertit.

Turcæ interea propinquantibus Vidinum, & Nissam in potestatem redegere, rectaque Belgradum, cui *Aspermontius* præerat, profecti arcem ipsis Calendis Octobris obsederunt.

runt. Praesidiarii, quorum non plures tribus millibus, & ducentis fuere, nihil hostium multitudinem territi, stationem fortiter tuebantur, cum paucorum Gallorum prodicione, qui supposito pulveris nitrati conditoriis igne ad hostem defecerant, arx pene tota spectante Groyo duce in auras evibrata hosti celsit. Arcis iactura plures eodem malo involvit; trans Danubium Orsova, Karansebesum, Lippa, & Lugosinum, ad Savum Breda, Posega, & Velika amissae sunt, invidia in eos, qui pacem nuper dissuaserant, redundante. Eszekium Stahrenbergii virtute, & Transilvania Veteranii vigilantia servata. ^{a)}

Vezirius prospero successu illeotus, ne hyeme quidem cessationem suis indulxit, dimissis quaquaversum turmis, quae nostros infestarent, non tantum ultra velitationes, alterna utrinque fortuna, conatus procellere. Majora ausus Tökölus: aestate media in Transilvaniam cum Turcis irrumpere parabat, sed Veteranii, qui recuperata interim Lippa in omnem partem excubabat, vigilantia territus, & in castra Vezirii, qui Baden, sem adventare compererat, Semlinum accersitus

a) Theatr. Europ. T. XIII. ad h. a. Wagner P. II. l. 11. Caesar. Litt. ad Albanos. Vien. 21. Aug. Aspermontii ad Viennam. Consiliar. Belg. grado. 9. Oct.

1691. situs ab ea destinatione destitit. Badensis, ut Petrivaradinum venit, motis castris Semlinum progressus cum videret, Vezirium magis obvallatum, quam ut sine periculo aggreSSIONem tentaret, receptum simulans e vallibus elidit, & conferta difficili plurium horarum pugna victum, captis, caesisque, inter quos ipse Vezirius, triginta millibus, & castris occupatis Turcas trans Savum rejecit. In præda præter ærarium castrense CXLV. tormenta, signaque militaria, ingens annonæ, & jumentorum copia fuit. Badensis relicto cum copiarum parte ad Savum Duce Croyo, qui Gradiscam interea, Brodam, & Poslegam recuperaverat, ut aliquid præterea emolumenti ex victoria caperetur, *Castellum* jussit Vezadinum, ne quid annonæ inferretur, lenta obsidione premere, & Tökölum observare, qui spe obtinendus Transilvaniae defectus, non tam hujus, quam recipiendæ uxoris sollicitus, iterum *Dbram*, qui de illa cum *Heustero* permutanda ageret, ad Cæsarem misit, septem aureorum millibus, quæ addi petierat, conjugem minoris captivo æstimans. Cæsar, quod hujus opera deinceps etiam uti vellet, & Transilvania sponte ad officium redeunte nihil periculi a Tököllo jam esset, uxorem cum depacto precio, retentis prolibus, petenti remisit.

Transilvania in fidem recipiendæ cura Veteranio credita est, qui convocatis provin-

cia-

cialibus proposuerat, Cæsarem edito diploma, & vulgata amnestia immunitates quondam ab Hungariæ regibus concessas omnibus confirmasse, regiminis autem formam hanc constituere, ut Gubernatori Georgia *Bánfi* duodecim Consilarii adderentur, cetorum in prisca Comitiorum ratione, municipali jure, legibus, commercio, aliisque trium Nationum consuetudinibus nihil omnino immutatum velle, religionum præterea, quæ civitate jam donatæ essent, libertatem ratam habere, inclusis etiam Catholicis, quibus Claudiopoli, Albæ Julię, &, si numero sensim crescerent, etiam alibi templa erigendi, vel instaurandi jus esset: tributum pensionem ita esse digestam, ut pacis tempore quinquaginta *Thalerorum*, bello autem ingruente quadringenta florenorum millia partim ære, partim annona, hujusque vectigine præstent. Subscribere non inviti, solum religionis negotium deliberationem in sequentem annum produxit.

1691.

Interim, dum Transilvani religionis causa litigabant, Heuslerus ex captivitate dimissus Varadinum recuperavit, dedititius illo usque retentus, donec Turcæ Cæsareos, quos *Pesobarsa*, quam specum *Veteraniam* postea dixeret, contra datam fidem detinuerant, redderent. Varadino occupato spes pacis eminens orta, de qua Galli clam primum cum Anglis, & Hollandis, hi deinde, quod Cæsa-

1692.

1692.

ri foedere connexi essent, inter hunc, & Turcas ineunda agebant. Adrianopoli id negotium *Pagheto* Angliæ, & *Hemskerchio* Hollandorum oratoribus est creditum, sed Vezirius utrumque, quod objecta spe reddendi a Polonis *Camenieki* hos a communi foedere abstrahendos sibi persuaderet, indecone repulit. Itaque cum rursus ad bellum utrinque res spectare videretur, Cæsar Croyum, quod

1693.

Badensis opera ad Rhenum necessaria esset, copiis in Hungaria præfecit, adjunctis Legatis, *Veteranio*, & *Heuslero*, quorum ille in Transilvania, hic ad *Varadinum* stationem figerent, & hostem ab incursione in superiorem Hungariam prohiberent. *Heuslerus* *Jenöesem* arcem recuperavit, & *Veteranius* *Karansesebsum*, & *Lugosium* opportune prius communierat, quam *Aly Bassa* *Nicopolitanus* *Temesvarinum* appelleret, impediri tamen, ob contraria utrique duci data a Consilio bellico mandata, non potuit, quin actis prædis impune transmissis Danubio *Belgradum* teneret. Id Croyus a *XXIII. Julii* classe Danubio immissa, terraque obfederat; invito tamen rursus conatu, fuitque illud in lucri parte, quod propinquante cum *LXX. milibus* Vezirio exercitum sine damno intuitionis loca reducere potuerit. a) XV.

a) Wagner P. II. l. 11. & 12. *Veterani* *Selbzeuge* ad an. 1691. — 93. p. 110. — 40. Cæsar. dipl.

XV. Nihilo majores progressus sequente anno facti, quod utraque pars, Cæsare ad Rhenum, & Sultano in comprimenda seditione Arabica occupatis, bellum magis traheret, quam gereret, nec aliud operæ præcium relatum, quam quod Caprara Croyo suffectus a Vezirio in castris ad Petrivaradinum obsessus hostem cunctatione sua ab evagationibus in Transilvaniam, & superiorem Hungariam contineret, & Gyula interim recepta, ac Titulium servatum esset. Eadem pene cessatio cum ad Rhenum esset, neutraque pars, ne enervatas vires fateri cogeretur, prior pacis mentionem vellet ingerere, Cæsar nihil eorum prætermittendum ratus, quæ ad conficiendum bellum pertinebant, innovatis cum Saxone, & Brandenburgico foederibus, illum copiis in Hungaria supremo imperio præfecit. Temesvarinum expeditio præcipue spectabat, cujus recuperandi, quod Solymanno pridie Nonis Februarii extincto intestini motus gliscerent, spes non levis erat, si copiæ maturius in castra convenissent. Miles

1694.

1695.

immunitatum Transilv. Vien. 4. Dec. 1691. Ejusd. litt. ad regem Pol. Vien. 1692. apud. Lunig Sylloge T. I. p. 1182. Acta Comitior. Transilv. 1691. & 92. a 10. Mart. h. an. ad æq. Maji. Litt. Hoffkircheri ad Croyum, ex castr. ad Gyulam 7. Oct. an. 1693.

1695.

les stipendio quadringentorum millium florenorum, quæ Georgius *Szécsényius* Strigoniensis Archiepiscopus testamento in hunc finem legaverat, apud exteros conducendas moram iniecit, cum interea novus Sultanus *Mustapha* ad Belgradum vires omnes colligeret, & nostri exeunte primum Junio, *Bajæ* castra metarentur, nec prius Tibiscum transmitterent, quam allatum esset, Turcas trajecto ad *Pancsovam* Danubio in Transilvaniam tendere. Monitus propterea Veteranius, qui ad *Dobram* aditu angusto difficilem castra posuerat, ut loco, & tempore uteretur, donec Elector se cum eo ad Aradinum conjungat, quo iter jam ingressus mutato repente consilio, quin nova mandata Veteranio mitteret, viam Szegedinum relegit. Hæc præcipit illi, cui Sultanus cum universo exercitu incubuerat, cum septem Legionibus, etsi ter hostem magna clade affectum repulerit, promisso auxilio destitutum perdidit, paucis; qui cladis, & Veteranii fortitudinis nuntii essent, fuga elapsis. Cunctationis, & mutati itineris causam plerique in Capraram, cui vetus cum Veteranio similitas erat, conjecere; quo factum, ut Lippam cum Titulio amiserimus, & Temesvarini obsidio ad insequentem annum differenda esset, tamen non meliore, quam prius, eventu, quod Sultanus sub idem fere tempus, relicta *Nissa*, vicesimo post oppugnationem die ob-

obfessis suppetias veniret, cui dum Elector ad *Olaschinum* obviam pergit, ex subitaneo utriusque concursu non tam stataria pugna, quam ex crebris velitationibus confusa certamina species orta est, majore tamen, ut ex eventu patuit, hostium, quam nostrorum damno, cum Sultanus prior ex arēna discesserit, & Elector impositis Szegedino, Aradino, & Jenöensi arcu pæfidiis, Viennam a Cæsare accersitus fuerit. Causam moræ regis Poloniæ præbuerat. Imminebant Comitia, & competitorum numerus in dies crescebat. Cæsaris multam interfuit, ne Gallus Principem sui sanguinis Polonis obtrudat, & in hoc novus sibi in tanta vicinia hostis pareatur. Pro Electore Saxone Cæsar stabat, Gallus contra pro Principe Contio viribus omnibus nitebatur.

Contraria utriusque partis studia Gnesnensis Archiepiscopus, prorogatis ad sequentem annum Comitiis, tantisper temperavit, Cæsare, & Gallo, ut apparebat, non invitis, qui diuturni belli tædio capti pacem, cujus superiore anno tenue initium jam factum erat, anhelabant. *Rysvicum*, locus inter Hagam Comitum, & Delphos medius, ut arbitri convenirent, mutuo consensu delectum est. Deliberatio diu tenuit, ut fere inter confederatos, dum sociale vinculum solvendum est, usuvenire solet, dum quisque suas magis, quam sociorum res cordi habet.

Cæsa-

1696.

1697.

1697. Cæsari præterea aliorum etiam curæ convertendæ erant. Certis enim nunciis comperit, Tökölum inita ad Tibiscum conspiratione Tokainum, & Patakinum ad ictum destinasse, & Sultanum, eodem tempore Szegedino, præcipuo annonæ promptuario, esse incubitarum, quo si potiretur, Transilvania amittenda, & Cæsareis fame pereundum erat. Cum præcipuum militiæ robur pro honesta pace extendenda Gallo ad Rhenum opponi debuerit, reliquum *Eugenio* Sabaudia Ducis attributum, & *Vandemontio* cura data, ut in factiosos, qui Tokainum, Tatyam, Patakinum, aliaque adsita loca ceperant, moveret, qui adscito Cassovia, & Agria subsidiario milite, fusaque incondita factiosorum plebe, Tokainum cum reliquis eadem, qua amissa erant, celeritate sub idem tempus recuperavit, quo *Eugenius* in castra venerat.

Prima huic cura lustrandi militis fuit, quem opinione sua pauciores reperit: altera, quo Sultanus, qui supra LX. millia ductabat, Belgrado moturus esset, ultra Savumne, an ad Tibiscum, ut cognosceret. Hærenti nuntiatum est ab exploratoribus, Turcas subornante Tököl Szegedinum, hoc occupato Transilvaniam meditari; fidem nuncio fecit Titulium ab hoste exustum, & iter adverso Tibisco ad *Zentam* susceptum: idem *Bassa* a præcursoribus interceptus firmavit, addiditque, Sultanum, intellecto Cæsareos sequi,

ca-

castris in citeriore Tibisci ripa communis, 1697.
 equitatum pabulationis causa in adversam
 ponte contabulato traduxisse. Id XI. Septem-
 bris cognitum. Nihil ad victoriam oppor-
 tunius visum Eugenio: iter accelerari man-
 dat, præcedit ipse cum Equitatus parte, Pe-
 ditatu cum reliquo Equitatu consequi iussis.
 Ut prope ventum est, structa pro loci situ
 semilunari acie prælium orditur, & duarum
 horarum, quæ diei postremæ erant, spacio
 ducatus sui primordia insigni ad posteros vi-
 ctoria consecravît. Sultanus, cum ob impe-
 ditum, fractumque fugientium copia pontem
 laborantibus succurrere non posset, incli-
 nante die cum Equitatu Temesvarinum con-
 tinenti fuga se subduxit.

Postera primum die patuit cladis magni-
 tudo: cæsum, & inter hos cum supremo
 Vezirio viginti septem purpurati, supra vi-
 ginti millia, præter eos, quos flumen hau-
 sit, reperta sunt, decem mille capti, castra
 cum omni apparatu, & penu bellica, & in
 hac papilio cum Sultani sigillo, centum tor-
 menta, septem caudæ equinæ, signa majora
 sexaginta, equorum quinque, sex camelorum,
 duodecim boum, & bubalorum millia occu-
 pata, quodque his majus videri potest, me-
 tus Turcis adeo incussus, ut ducis felicitas,
 ipsumque nomen illis deinceps formidabile
 esset. Victoriæ fama per Germaniam vul-
 gata, non plane nihil momenti addidisse vi-

1697.

detur, ut pax III. Nonas Novembris inter Cæsarem, Gallum, & confœderatos superatis, quas Galli identidem ingesserant, difficultatibus tandem coalesceret, majore tamen Galliae, quam Cæsaris, & Imperii fructu. a)

1698:

XVI. Pax Rysvicensis sensim etiam Turcicae viam fecit. Sultanus gemina superioris anni clade, quam ad Zentam, & a Venetis mari ad Negropontum acceperat, animo dejectus, cum videret, hoc quoque anno Eugenium communito Aradino copias ad *Bekkerekum* cogere, Venetos autem profligata ad *Scium* insulam classe Turcica, Ægeum oberrare, veritus, ne Cæsar conciliatus Gallo, cujus consilio bellum cœperat, vires omnes in se convertat, prior pacis mentionem fecit, *Pagheto* Angliae, & Jacobo *Colyerio* Hollandorum oratoribus ad eam conciliandam usus. Idem priore anno electus rex Poloniae Fridericus Augustus Saxoniae Elector, Veneti, & Mosci cupiebant. Cæsar, etsi confecta cum Gallo pace belli fortuna uti posset,

a) Wagner, l. c. lib. 12. — 14. Supplem. ad Veterani *Geldbüge* p. 142. — 69. item in *Notis* p. 81. Du Mont. T. VII. P. II. p. 253. — 422. *Theatr. Europ.* T. XIV. p. 738. & T. XV. p. 119. *Vita Eugenii* T. I. p. 517. — 32. *Struvius Corp. hist. Germ.* T. II. period. 10. Sect. 11. pag. 4025.

ret, ne nihil tamen fœderatis tribueret, Wolfgangum Comitem Oettinganum cum Leopoldo Schlickio plena potestate XXIII. Junii instructos misit, qui, secundum præscriptam sibi formam, negocium conficerent, *Carloviciam* conventuris opportunum in Sirmio delectum est. Ex Polonia *Malachovius* Poznaniensis Palatinus, *Bogdanovicius* a Moscis, a Venetis *Carolus Ruzinus*, & a Sultano *Reis Effendius* cum Alexandro *Maurocordato* aderant. Facto XXV. Octobris tractationis initio, difficultas confestim a Polono, & Mosco, cum uterque primum sibi a Cæsareis locum deposceret, ingesta; major, hac composita, de statuendis *præliminaribus* legibus orta; hoc quoque obice Paghëti inprimis opera superato induciæ in XXV. annos his conditionibus constitutæ: Transilvania priscis limitibus a Podolia ad Valachiæ, & Moldaviæ confinium montibus circumsepta in Cæsaris, regio autem Temesiensi arci subiecta, quæ inter Marusium, & Tibiscum porrigitur, in Sultani potestate maneat; ea solum portione demta, quæ inter Tibiscum & Danubium prope Titulium vergit, *Bácska* vulgo dicta, quæ Cæsari relinqueretur: *Lip-pam*, *Lugosium*, *Karansebesum*, *Csanadinum*, aliaque extemporalia munimenta Cæsarei solo æquabunt; insulæ Tibisci ad Cæsarem pertinebunt, usus autem navigationis, æquationis, & piscationis utrique parti liber.

1698.

1698.

Hic limes ad Tibiscum constitutus: trans Danubium vero ita designatus, ut ea, quæ in *Banatu* Temesienſi amiſſa erant, quodammo- do penſarentur; Petrivaradino a læva Ti- biſci ad oppoſitam Danubii oram ducta li- nea, ager quatuor milliarium adjectus, inde eadem linea ad *Boſſueti* amnis oſtium, & hinc ad *Unnæ* confluentem continenter pro- tracta, terminos utriusque partis, ad Savum dirimat; dextra Savi ripa Turcis, ſiniſtra Cæſareis attributa, alveo, & inſulis ad uſum utriſque libero. De *Dubicza*, *Novio*, *Jefze- novia*, & *Broda*, quæ Cæſarei bello durante occuparant, litigium non aliter diremtum, quam ut Croatico, & Germano milite eva- cuata Turcia reddantur; Unna uſque Novium communis eſſet, longius autem a Savo diſ- ſita, poſſeſſores diſcriminandis per Commiſſa- rios limitibus retinerent. Hæc pro parte Cæ- ſariſ transacta: Polonia Cameniecum, Ve- netis Peloponneſus, &, quæ in Dalmatia re- cuperaveſſent, reſtituta; Moſcis *Aſophum* ad oſtia Tanais permiſſum.

1699.

Hiſ conſtitutis tractationem in ſequentem annum prorogari oportuit. Cauſam Hunga- ri, & Tranſilvani, qui belli tempore ad Turcas ſeceſſerant, præbuere. De hiſ ita conventum, ut juſ domiciliĩ in Turcicis di- tionibus obtineant, ne tamen publicam tran- quillitatem turbare poſſint, procul a limiti- bus introſum removeantur, nec fas ſit illis

in

in Hungariam, & Transilvaniam, aliamve Cæsareæ ditionis provinciam redire, uxoribus, non tamen prolibus, data maritos sequendi facultas. Multa quoque Tökölíi causa Effendius tentavit, sed repulsam passus, autor illi fuit, ut clam in Bithyniam se cum conjuge reciperet, ne, nisi illo Cæsareis dedito, pax iniri debeat. Morem gerere coactus, desertus ab omnibus, septimo post anno carens sepultura patria obiit, fortunæ ludibrium factus. Facilius, quæ supererant, perfecta. Neutra pars libertinos, hajdones, aliamve hominum colluviem nulli stipendio auctoratam, sed assuetam rãpto vivere pro finibus patiat, Præfectorum in his coercendis segnities, ne impunis sit: religio Christiana jure suo, & libertate gaudeat, captivi in publicis carceribus superstites, ut fructum pacis sentiant, liberi utrinque dimittantur, quos privati retinent, ii moderato lytro se emancipare possint: commercia in omnibus utriusque Imperii regnis, & provinciis secundum veteres conventionum leges sine fraude, dolore cuivis sint libera: Crimensis Chanus, & reliquæ Tartarorum tribus Turcis obnoxii iisdem pacis capitibus adstrictæ intelligantur; ad quæ omnia rite corroboranda solennis utrinque Legatio decreta. Tabulæ duplici exemplo Latina, & Turcica lingua conscriptæ, XXVI. Januarii a conciliatoribus firmatæ sunt.

1699.

Pacata Germania, & Gallo foederibus utcunque conciliato, deproperata pax multis videbatur, ignaris scilicet, quibus de causis ad eam accelerandam Cæsar adductus esset, Carolus II. Hispaniæ rex hærede deftitutus, crebroque morbis laborans multorum animos ad amplissimam hæreditatem erexerat. Præcipui, qui spem alebant, Cæsar, & Gallia Delphinus fuere, uterque Hispana matre editi: ab his Josephus Ferdinandus Bavariae Princeps, cui avia soror Caroli II. erat. Hi, quibus corrivales nitebantur, juris tituli fuere, ut gradu, ita merito dispares. Illud communi opinione Cæsari præ aliis favebat, quod, ut sexu virili erat regi Hispaniæ, stirpique vicinior, ita solidius quoque jus ad successionem habere videretur. Non latebat id Gallum, qui pacem Rysvicensem idcirco urgebat, ut in omnem eventum, si jure non posset, armis hæreditatem Delphino assereret. Hæc tacita erant molimina, cum Rex Hispaniæ Principem Bavariae hæredem ex asse scripsit, Cæsare, & Ludovico XIV. perinvitis, qui propterea etiam ultimæ regis voluntati conceptis verbis, intercesserant, sed Gallus ultra verborum formam progressus, privatim cum Anglis, & Hollandis, Tallardo interprete, tractatum partitionis ita instituerat, ut Bavariae Principi Hispania cum transmarinis ditionibus, Delphino utriusque Siciliae regnum cum provincia *Guipiscoa*, & par

partibus *Status Præsidii*, Carolo autem Archiduci, Cæsaris secundo genito, minima portio, Ducatus Mediolanensis, obvenirent.

1699.

Hæc ut clam testatore acta sunt, ita per mortem Principis Bavarizæ, quæ in VI. Februarii ex propinato, ut suspicio erat, veneno incidit, suapte etiam irritata fuere. Aliud itaque partitionis genus adumbrandum erat. Gallus nihil non egit, ut Anglos, & Hollandos ab Austriaca parte abstraheret, id cum frustra se moliri intellexit, novæ partitioni V. Nonis Martii Londini designatæ ad speciem magis, quam vere accessit, vi cujus Hispania cum transmarinis, & Belgii provinciis Carolo Archiduci Austriæ, Sicilia utraque cum Italiæ portubus Delphino, & Ducatus Mediolanensis Lotharingiæ Duci relinqueretur; sed hic vicissim avitum Ducatum Gallis cederet, & Guipiscoa finibus Galliz adita juris Gallici deinceps esset. Conventum præterea, ne quis tractatum ante mortem regis dideret, neve Archiduci Carolo prius in Hispaniam pedem inferre fas esset. Promissis steteret omnes demto Gallo, qui ut Hispanum sibi conciliaret, tractatum contra datam fidem vulgavit, culpa in Anglos, & Hollandos, tamquam fabricatores illius per summam invidiam conjecta, nec desinebat ab hinc regem, graviter propterea offensum, quod exteri se vivo de regnis suis paciscerentur, per palatinales auro devinctos præ-

1700.

1700.

cipue Cardinalem *Portocarero*, & Ducem de *Medina cæli* eo deducere, ut novum testamentum ex forma cum consciis adornata conderet. Successit machinatio. Cardinalis sive religionis titulo duceretur, sive e re publica esse putaret, ne monarchia Hispanica in partes distrahatur, regi ad extrema deducto formam testamenti VI. Nonas Octobris exhibuit, utque subscripto nomine ratum haberet, pene adegit. Subscripsit, & ipsis Calendis Novembris funus fuit. Testamenti summa hæc erat: Dux Andegavensis, hæres omnium ditionum esset ea conditione, ne monarchia Hispanica ullo unquam tempore cum Gallica in unam coalescat; si absque hærede moreretur, Dux Bituricensis, si hic quoque destitutus hærede obiret, Carolus Archidux Austriae, & huic similiter improli Dux Sabaudiae succederet. Simul, ut id vulgatum est, Ludovicus confestim undecimo die ab obitu regis Ducem Andegavensem *Philippi V.* nomine insignitum Hispaniae regem declaravit, & copiis instructum ad capeffendam hæreditatem in Hispaniam misit. Bellum igitur necessarium, & jam præ foribus erat. a)

XVII.

a) Theatr. Europ. T. XV. p. 381. Wagner P. II. l. 15. & 16. Tractatus I. partitionis 1698. d. 11. Oct. apud Du Mont. T. VII. P. II. p. 442. Acta pacis Carlovicen. 1699. d. 26. Jan. apud

XVII. Id Galli in Belgio, & Italia au-
spicati sunt, &, ut Cæsarem a persequen-
do suo jure impedirent, clam cum Sabaudis,
Bavaro, & Coloniensi archiepiscopo foedus
inierant. Parum tamen Ludovicus sibi fecis-
se visus est, nisi intestinum etiam hostem usu
aulæ Gallicæ jam a tempore Joannis Za-
polyæ familiari in Hungaria conscisceret. Præ
Tököllo jam morbis gravi, & ob pacem nu-
per cum Turcis initam minus idoneo, hujus
privignus Franciscus Rákóczius ad agendam
scenam visus opportunior. Hunc Cæsar li-
beraliter educatum, ubi maturuit, Principi
Hasso-Rhenofelsensi matrimonio conjunxit,
eique, ut pro dignitate conjugis viveret, pa-
trimonii partem restituit, solo Principis ti-
tulo, quem ambiebat, negato. Urebat re-
pul-

1701.

apud eundem ibid. pagina 448. — 59. Tract.
II. partition. ibid. p. 474. Testamentum regis
Hisp. 1700. d. 5. Oct. ibid. pag. 486. Cassan-
der Thucelinus, Act. Publ. T. I. p. 426. In-
structio pro Commissar. ad ordinanda' confinia
circa Marulium, Tibiscum, & Savum. Dat. in
Eberstorf. 1700. d. 12. Sept. De bello succes-
sionis consuli possunt, De Torcy Memoir. pour
servir à l'hist. des negociations depuis le traité
de Ryswick jusq' à la paix d' Utrecht, III. à
Paris 1757. & Franc. Mar. Conte Orléri isto-
ria delle gverre — — per la successione alla
monarchia delle Spagne cet. T. III. Romæ 1753.

1701. **pulsa** juvenem recens Constantinopoli, quid Gallia cupiat, clam admonitum. Neo deerant ex familiaribus assentatores, qui ambitionem illius foverent, &, ut patris vestigiis insisteret, hortarentur, modo signum efferret, magnam regni partem in promptu futuram, quæ læsas immunitates vindicare cupiat, polliciti, convoluturam quoque ingenti numero plebem auctione tributorum alioqui exacerbata, omnia, Cæsare difficili nunc bello in partes distracto, prona reddunt, persuadent denique juveni, defectu ætatis, & judicii speciosa magis, quam tuta ambienti. Deerat ad Gallum internuncius. Hic quoque repertus. Habebat domi suæ Procenturionem, nomine *Longevallium*, genere Lotharingum, sibi familiarem; huic, quid agitaret, primum per ambages, post planius aperit, rogat, Parisios iret, & cum rege conferret, addit litteras rerum gerendarum indices. Ille semel, iterumque hac de causa in Galliam profectus, cum sceleris atrocitate moveretur, tertium redux Viennam ex itinere divertit, omnemque conjurationis seriem testibus litteris ab ovo retexit. Cum indicia conspirationis manifestiora essent, quam ut dubio locus esse posset, *Rákóczius* non longe Tokaino diversatus, cum *Szirmaio*, & *Adamo Kajo* XXIX. Maji comprehensus, Neostadii in custodiam datus, & quæstioni subjectus est. Sed quinto post mense perfidia *Lehmanni*

custodis elapsus in Poloniam fugit, quo *Ber-*
csenius, incertum, unde rem subodoratus, jam
 ante evaserat. Frustra Cæsar, cognita fuga,
 vulgatis litteris decem florenorum millia, qui vi-
 vum, sex, qui mortuum sisterent, pollicitus
 erat; nemo repertus, qui, quo ille, aut cu-
 jus ope iter instituisset, indicium facere po-
 tuerit, aut voluerit etiam.

1701.

Hæc paullo post evenere, quam Euge-
 nius superatis Italiæ imperviis alpibus Gal-
 los primum ad *Carpos*, mox ad *Clarium* in-
 signi clade affecit, magno Cæsaris commo-
 do, cui ab hac victoria plures certatim se
 socios junxere. Angli inprimis, & Hollandi,
 qui primum quidem cum Gallis facere vi-
 debantur, postea tamen veriti, ne, si cum
 Hispania Americanæ, & Asiaticæ ditiones in
 potestate Gallici Principis manerent, com-
 mercia sua, in quibus potentia illorum car-
 do vertitur, summo periculo exponantur, hu-
 jus autem nullus metus esset, si ad stirpem
 Austriacam devolverentur, mutato consilio
 fœdus cum Cæsare Trajecti XVII. Septem-
 bris pepigere, cujus illud præcipuum caput
 erat: bellum tamdiu communi consilio, &
 viribus geratur, donec Cæsari de successio-
 ne Hispanica satis fiat: Anglis, & Batavis
 id relinquatur, quod in America, & Asia
 occupaturi essent, nec ulli ex confœderatis
 pacem seorsim liceat conficere. Mox ali-
 quot Circulorum Germaniæ *Associatio Nord-*
 lin-

1702.

1702. lingæ consequuta, demum univcrsum Imperium, excepto Bavaro, in commune foedus contra Gallos coaluit. Ludovicus, tam subito, & communi Imperialium foedere non mediocriter sibi rationes conturbati vidit, praesertim quod Sabaudus etiam non obscure jam nutaret, nec Anna, quæ Wilhelmo III. in Anglia interim successerat, a pactis, licet crebro tentata, vellet recedere. Una in Rákóczio, & quam hic privatim per emissarios in Hungaria alebat, factione spes. Hujus initium, postquam militia pene omnis e regno deducta Gallis opposita erat, a latrocinantium colluvie coepit. Rogatus Cæsar a Magnatibus, inprimis Christophoro Erdődio ærarii Præsfecto, ne regnum militia nudaret, habere Rákóczium magnam Nobilium partem sibi clam addictam, plebem auctione tributū exulceratam passim se latrocinantibus adjungere, nisi principiis obsistatur, malum in dies latius vulgari posse. Necessitas fecit, quo minus Cæsar opportunum consilium amplecteretur, cum per idem tempus Galli in Imperio, Belgio, & Italia quadripartito exercitu rem gererent. Etsi enim ad *Luzzaram* Vendomius inferior ex pugna excesserit, & *Landavium* Josephus rex Hungariæ recuperarit, tamen alibi fere alterna utrinque armorum fortuna fuit.

1703. Hæc ut deductæ ex regno militiæ causa erat, ita Rákóczio animum adjecit, ut e Polonia,

lonia, bello prius Cæsari declarato, ære Gallico, & privatis mandatis instructus cum Bercsenio in Hungariam emergeret. Munkácsinum ut venit, confestim cum aliquot millibus grassari cœpit, & quamquam a Montecuculo fusus, ac pene captus fuisset, sensim tamen confluyente incondito vulgo mdx Debrecinensibus, & Hajdonum oppidis ad ejus vexillum hoc axioma: *Pro Deo, Patria, & Libertate*: ornatum deficientibus, brevi exercitum viginti millium conflavit, licet Cæsar, ut motus hos anteverteret, jam XXX. Aprilis ex delegati judicii sententia bonis Fisco addictis, mortis reum pronunciarit. Hac ille irritatus, VII. Junii arrogato sibi ducis Munkácsiensis titulo, litteras eadem prorsus sententia, qua Bocskaius, Bethlenius, & Tökölius solebant, per Hungariam, & ad extera regna vulgavit, ut speciosum correptis armis fucum allineret; illud solum novitatis continebant: quod constitutionem Andreæ II. regis, qua, si jura Nobilitatis læsa sint, sine alio prius adhibito remedio potestas datur regi legitimo resistendi, & quam Ordines anno 1687. publica lege abrogarunt, paucorum Procerum perfidia antiquatam, horumque turpi studio assentandi regnum, quod liberæ electionis erat, in hæreditarium transiisse, criminarentur.

A. vulgato seditioso hoc scripto confestim ad arma ventum. Gyula incassum tentata, Zol-

1703.

Zolnokino tamen, Lippa, & Parkano vi occupatis ad montanas urbes progressi, auroque omni, & argento potiti, vastitatem tam late, & celeriter versus Posonium, & Moraviam circumferebant, ut Cæsar coronam regni Viennam perferri jussit. *Schliekius*, ut græssantes promulgata amnestia pacaret, aut contumaces armis reprimeret, obviam missus, cum nec oblata venia in factionum animos quidquam posset, & se illis imparem viribus cerneret, congregari non ausus curam omnem tuendis Austriæ finibus impendit. Quare, ne malum in plures manaret, datum Eugenio, cujus ob militarem virtutem magna apud gentem erat existimatio, negotium est, ut cum factionis transigat. Conventum est Posonii, sed re infecta discessum, quod Bercsenius nomine suorum eas condiciones proponeret, quas sciebat, Cæsarem, salva dignitate sua, non initurum. Audaces fecit Gallorum fortuna, qui Bavaro conjuncti, ad Danubium, & Rhenum, tum in Belgio fere victores erant.

1704.

XVIII. Monitus propterea a *Marsino* Gallo Rákóczius est, rem ineunte anno in Austria inferiore, quo illi in superiore, eodem tempore gereret, ut, conjunctis dein viribus, Cæsarem in medio comprehensum, ad ineundas, quas vellent, condiciones adigere possint. Actum erat, si destinatio successisset. Factioni quidem ipsa hyeme in Austriam effusi

in,

incusso Viennensibus metu prædas agebant, sed reverbos Heisterus ad Jaurinum, & Albam regiam victos in officio continuit. Nec Gallis res ex sententia successerat, Cæsar, qui præcipuum militiæ robur in Italia collocarat, ut, si spe hæreditatis Hispanæ excideret, regnum Neapolitanum cum Sicilia familiæ suæ vindicaret, potiozem copiarum partem ad Danubium traduxit, quo factum, ut Galli ab invadenda superiore Austria, ut conventum erat, prohiberentur, nec se Rákóczianis conjungere possent, quos alioquin recens accepta clades cautiores reddidit, nec exiguo numero, post rursus promissam amnestiam, ad Cæsaris partes reduxit, quorum exemplo cum plures Rákóczium desererent, & Sabaudus deserto Gallo jam ad foedus Cæsaris accessisset, de Bavaro item, quem Galli spe regni Franconiæ, & Sueviæ erigendi lactabant, conciliando diligenter ageretur, nec Turcæ illius causa se moverent, veritus, ne sibi relictus conditiones alieno arbitrio amplecti cogeretur, interruptam concordiaë tractationem resumfit.

Rursus Eugenio transigendi cum factionis cura data est. Sexaginta, quæ postulabant, capita fuere: præcipua solum attin- gam. Regnum pristina libertate secundum pacta, & leges fruatur: Nobilium prærogativæ, & immunitates salvæ, integræque mancant: ne qua vis diversam a Catholica religio-

1704- **l**igionem professis, injuriave fiat, nec fraudi
 illis sit religionis discrimen, quo minus ad
 quævis regni officia, & dignitates promo-
 veri possint: Tempia erepta reddantur cum ju-
 re campanarum, similiter bona ademta, Ta-
 bularia, & supellex libraria, præsertim si
 jura possessionum, & proventuum rationes
 continent: Integrum eisdem sit, quoties vo-
 lent, & necessitas poscet, Synodum cogere,
 cui Commissarius, si regi videbitur, interesse
 quidem possit, modo ne is sit e Jesuitarum
 numero: Diversæ religionis si matrimonium
 ineant, mares religionem patris, femellæ
 matriæ amplectantur, neutris tamen liceat
 proles, si ad Protestantem transferint, exhæ-
 redare: Fas quoque sit Protestantibus, pro-
 felytos in consortium recipere, quin hi pro-
 pterea jacturam officii, & dignitatis faciant:
 Si qui ad Catholicos transire coacti fuissent,
 impune illis sit, si ad priora sacra redie-
 rint. Ecclesiastici, nisi natiuitate Hungari,
 vel Transilvani sint, una cum Jesuitis, re-
 gno exesse cogantur, nec unquam deinceps
 jus domicilii obtinere possint: Rákóczio an-
 tiquata, quæ in eum lata erat, sententia,
 pristinus honor, & bona in solidum reddan-
 tur, addito Principis Imperii titulo: Sit o-
 mnium præteritorum perpetua oblitio, ad
 compensanda, quæ illis illata erant, damna,
 per XV. annos ab exactione tributi immu-
 nes pronuncientur: de his dum Cæsar deti-
 bera:

berabit, ab armis utraque cessabitur, ubi 1704.
rata habuerit, regum aliquis, pluresve, si
opus fuerit, cautioem præstabunt, interea au-
tem fas esset cum exteris, etiam si hostes Cæ-
saris fuerint, litterarum commercia habere.

Fœderati, quibus concordiae capita com-
municata erant, cum nec Cæsarem iis con-
sensurum, nec, nisi pacata Hungaria, Gallo-
rum progressionibus limitem figi posse vi-
derent, Mediatorum partes se velle agere
significabant. Non ingratum id factionis erat,
quod ob religionis communionem plurimum
spei in illis reponerent. Tempore, & loco
conductis aderant, ab Anglis *Stepneus*, a Ba-
tavis *Bruynsius*, a Cæsare Paulus *Szécsénius*
Colocensis Archiepiscopus, qui jam ante hanc
provinciam, sed irrito conatu, susceperat.
Spes in principio affulgebat, conciliationem
facile coalituram; nisi hanc Galli interver-
tissent, qui, si Cæsari hac parte quieto esse
liceret, vix quidem quatuor hostibus resisten-
do se pares videbant, præsertim quod rex
etiam Lusitaniæ, fœderatorum partes ample-
xus, Caroli Archiducis jura in Hispaniam com-
muniter se tuiturum pollicitus esset. In eo
itaque omnem conatum Galli locandum exi-
stimabant, ne conciliationis negotium eum,
qui sperabatur, exitum haberet. Rákóczius,
si sapuisset, facile ex ancipiti rerum suarum
statu in meliorem, quam deinde amplecti
coactus est, eluctari poterat, sed Gallorum

1704.

lenocinio circumventus, & Transilvaniæ Principis titulo, quem ei pauci ex factionis conficto trium Nationum sigillo contulerant, tumidus, conciliationis leges paulo quidem prioribus molliores proposuerat, quæ tamen ipsis Mediatoribus hujusmodi visæ sunt, ut iis animos serio conciliandos vix sperarent, nec eas Cæsar, nisi auctoritatem suam, dignitatemque legibus stabilitam ipse sponte oppressam, & regnum novis, perpetuisque factionibus objectum vellet, ratas habere posset.

Præter ea enim, iisque similia, quæ factionum autores ab anno 1606. solebant in medium depromere, non tam petitum, quam flagitatum, ut exteri bonis, si quæ possident, cedant, salis quæstus, qui alias inter regalia beneficia censebatur, liber deinceps cuivis permittatur; Camera aulica Hungaricæ subiecta sit, miles extraneus non solum e regno, sed ex confinibus etiam deducatur, nec aliis præfecturæ militares, quam Hungaris conferantur, religionis diversitas nulli obstat, quominus censeatur publico officio idoneus esse. Quod ad Rákóczium attinet, nihil mutatum, additum præterea, ut Princeps Transilvaniæ declaretur, ni fieret, Transilvanos facta secessione in Turcarum clientelam concessuros esse. Sed præ his illud præcipue urgebant, ut Decretum Andreæ H. inprimis postremum illius caput, suæ integritati, & jus liberæ electionis Nationi restituatur. Cæsar de his

Poso-

Posonii, vel commodiore loco per Commis-
sarios se acturum, & quæ in suo unius ar- 1704.
bitrio sita essent, libenter indulturum, cete-
ra vero, quæ aliorum etiam consensu ege-
rent, ad Comitia dilaturum respondit; a vel-
licando autem Andreæ regis decreto, & li-
beræ electionis jure ut desisterent, monitos
velle; nec enim se unquam commissurum,
ut, quæ Ordines libero consensu in Comitibus
decrevisset, & velut firmum perpetuæ in re-
gno tranquillitatis fundamentum Domui Au-
striacæ asseruissent, & ipse etiam liberata a
jugo Turcico Hungaria, totius Germaniæ,
ceterarumque suæ Domus provinciarum opi-
bus, & sanguine fuisset meritis, convelli pa-
tiatur, persuasumque habeant, se, quod to-
tius Nationis interpretes spontaneæ sibi ob-
tulerant, suis, & confœderatorum armis tueri
velle.

Tam aperta declaratio factiosos vehe-
menter exacerbaverat, nec ante, etsi Angliæ,
& Hollandorum Legati nihil ad sedandos
animos prætermitterent, ullam de concilia-
tione mentionem fieri passi sunt, quam di-
dita primum fama, mox certis nunciis alla-
tum esset, Gallos ad *Hochstadium* XIII. Au-
gusti cæsis, captisque quadraginta fere mil-
libus, *Tallardo* duce intercepto, castrisque
amissis, ab *Eugenio*, & *Marleburgo*, prosi-
gatos, fugientibus similes ad Rhenum magnis
itineribus contendere. Tum vero mitiora

1704. **amplexi consilia de induciis, ut *Gyöngyösfini***
ageretur, petebant. Sed hoc quoque Con-
ventu discusso, *Schemnicium* mense Octobri
delectum est, & cum hactenus per litteras
solum res gesta fuerit, ut præsentibus etiam
Rákóczii nunciis tractaretur, constitutum.
Cæsar prioribus socios ex Hungaris adjunxit
Comitem *Kohdrium*, & *Szirmaium* Protonota-
rium, utque curis solutior Italico, Rhenano,
& Hispanico bello vatare posset, condiciones
ita mollivit, ut Mediatorum etiam judicio
spes conciliationis proxima videretur. Ve-
rum Nicolaus *Bercsenius*, & Paulus *Radai*,
cum *Mikefsio*, & *Kisdio*, priora postulata
aliis verbis regerere, morasque tamdiu ne-
ctere, donec Cassoviam, Eperjesinum, & A-
griam fame deditionem facere coactas in-
tellexissent, tum abruptis induciis Conventum
insalutatis omnibus reliquere. Rákóczius, ne,
cur tractatio conciliationis frustra instituta
fuerit, invidiam ferre cogeretur, rursum lit-
teras per regnum dididit, quibus causam in
Cæsaris Commissarios rejecit, duriores illos,
quam mandata habuerint, in moderandis
conditionibus fuisse, questus, cum tamen pa-
lam esset, ab *Aleurio*, quem rex Galliarum paul-
lum ante miserat, fuisse persuasum, ut arma
resumeret. Cujus consilio postquam obsequi
decrevit, primo impetu ad Moravam amnem
ventum, quo superato Austriam designabat,
prohibitum tamen transitu, a proposito desti-
 tit

tit, donec plures ad castra convenirent. Bre-
vi triginta non tam militum, quam promi-
scuæ plebis millia sub signis fuere, malum
etiam ultra Aufriam prolaturi, nisi ab Heistero
ad *Gerbachium* non longe Tirnavia dissitum in-
opinato deprehensi, magnaue clade affecti
in fugam acti fuissent. *Aleurius* Gallicus emil-
larius, idemque aciei fructor inter captivos
reperitus indicio erat, Gallos, intra machinam
latentes, præcipue in causa fuisse, cur Con-
ventus Schemnicensis re infecta solutus fue-
rit: a)

1704.

F. 3

XIX.

- a) Hist. des revolüt. de Hongrie T. III. l. 6. Me-
moir. du Prince Rákóczi ad an. 1702. — 1704.
Wagner P. H. p. 736. — 62. Lamberti Mem.
OCT. III. pag. 14. — 19. Gabr. Kollinovics hist.
Mém. ultimi belli Rákócziani, cum documentis
ex Tabulario ejusd. Rákóczii, ex quibus hæc
excerpsi, & deinceps. excerptam. Litt. Cæs. de
fuga Rákóczii Vien. 1701. d. 10. & 24. Nov.
Reginæ Angl. ad Cæs. ex palatio S. Jacobi.
1704. d. 18. Mart. Proscriptio Rákóczii 1703.
Vien. 30. Apr. Hujus manifestum ex arce Bri-
zam in Polon. d. 12. Maji, alterum ex Mun-
kács. 7. Jun. Ejusd. postulata. 28. Maji. Cæs.
ad hæc respon. 20 Jun. Plenipotentiâ pro Com-
missariis Cæs. Vien. 26. Sept. Edictum amnestiæ
1704. Vien. 25. Mart. Litt. Palatini de eadem

Vien.

1705. **XIX.** Cæsari, qui minime dubitabat factiosos propositis honestis non minus, quam utilibus conditionibus assensuros, eaque spe Carolum filium regem Hispaniæ a se declaratum, in Angliam primum, dein in Lusitaniam cum fœderatorum classe ad capessendum regnum miserat, nihil molestius soluto Conventu accidere poterat. Neque tamen propterea ab instituto suo quidquam remittendum ratus, iisdem rursus conciliatoribus, tractationem III. Idus Februarii resumî voluit, quod eandem Rákóczius, post cladem Tirnaviensem datis XI. Novembr. ad *Stepneum* litteris anhelare videretur. *Stepneus* itaque cum suo Collega ultimam manum operi admoturus Rákóczio, quibus conditionibus pax demum posset coalescere, aperte significavit: Cæsarem nempe verbo regio polliceri, se opportuna cum Statibus consilia capturum, ut querelis, quas suorum nomine alias quoque proposuerat, in proximis Comitibus ex æquo satisfiat, quibus si ipse per senium, & parum firmam valetudinem adesse non posset, filium regem, qui iis præesset, & in regno degens rem publicam

Vien. 29. ejusd. Cæsaris ad Colocen. Archiep. Vien. 7. Sept. Rákóczii Plenipot. pro suis Commissar. ex Visne. 15. Oct. Ejusd. Manifestum ex castr. ad Ujvárinum 25. Nov.

cam suo nomine deinceps moderetur, mil-
surum. Esse tamen non pauca, de quibus 1705.
immerito queri videantur; nec enim Cæsa-
rem Consilio Hungarico in iis, quæ legibus
sanctæ essent, quidquam hactenus derogasse,
in aula vero Cancellariæ Hungariæ aucto-
ritatem vetusta consuetudine roboratam, tan-
tum abesse, ut imminutam voluerit, ut ipsos
adeo Magnates Hungaros, quos intemeratæ
fidei norat, arcani sui consilii non modo in
Hungariis, sed aliis etiam secretis delibe-
rationibus participes fecerit: Nec jure novi-
tatem iis objici posse, quæ ad tributa, ple-
bis juvandæ causa, in justum ordinem redi-
genda, & disciplinam inter milites, & inco-
las servandam decreverat, quod id ipsorum
Hungarorum, quos utrique Tribunali præfe-
cerat, iudicio constitutum esset; pacem vero
Carlovicensem iis inconsultis confectam, mi-
nime mirum debere videri, si modo perpen-
dere voluerint, bellum a rebellionis ortum,
hac pace sopiendum fuisse; ceterum hac quo-
que in re Cæsarem facturum, ne postea ul-
lus querimoniis locus esse possit: Justitiæ ad-
ministrationem Cæsari præcipue cordi sem-
per fuisse, optareque, ut jura Hungarica ni-
mium diffusa, sæpe etiam obscura a probis
doctisque viris in meliorem, breviorisque
formam, & ordinem redigantur.

De publicis autem regni officiis deinceps
secularibus tantum conferendis, Cæsa-

1705.

rem ea mente esse, ut cuius pro merito liber ad ea aditus pateat, etsi ceteroquin non tam officium homini, quam hominem officio parem designandum existimet: Eundem se morem in beneficiis, & dignitatibus Ecclesiasticis servare, ut Patriæ filii, qui se dignos secundum Ecclesiæ instituta reddiderint, aliis præferantur, ne vero exteri, quorum sanguine non raro salus Hungariæ fuit, bona in regno possideant, haud æquum videri, cum ipsi Hungari in Cæsareis ditionibus extra Hungariam hoc iure gaudeant; aliam bonorum in recuperata ditione rationem esse, de quibus Fisco regio alioquin mandatum, ut hæc ipsi, qui ius, hæcque titulos legitime offenderint, reddantur: In negotio religionis Protestantium ipsos Mediatores Principes existimare, non ultra procedendum esse, eam tantum iam declaratione publica obtinuerint, quantum Catholicis auspiciis alibi in Protestantium regnis hactenus consequi potuerit. Quod ad ius liberæ electionis attinet, cum Ordines iam alias ius successio- nis hæreditariæ Domus Austriacæ asseruerint, idemque haud ita pridem ad certam lineam familiae adstrictum in leges retulerint, Cæsarem nisi sibi, posterisque suis iniurius esse velit, aut levis iudicii, & inconstantiæ ipsos regni Ordines arguere, postulatis eorum assentiri omnino non possit: De reliquis, quibus se gravari dicerent, quoniam non solius regis,

regis, sed Ordinum quoque arbitrio opus sit, in generalibus Comitibus, quod e commodo rei publicæ esset, constitutum iri.

1705.

In hanc sententiam *Stephaneus* cum Collega *Rákóczio* scripserat; orabatque, ut re cum suis communicata mentem suam candidè aperiret, utrum Reginam Angliæ, & confederati Belgii Ordines Mediatorum personam agere, nec ne, velit agnoscere; idque suo, suorumque nomine subscriptis literis solenniter tandem declararet, quo omnibus constare possit, sincere animam ad pacem adiecerit, an solum protelatione tam utili negotio, a quo non minus regni quies, quam fortunæ omnium pendeant, moras injicere cogitet, quo quidem nihil quod Mediatoribus accideret, qui dignitatem suam, fidemque hac iudificatione graviter laesam merito queri possent. *Rákóczius*, qui nihil inconsulta Gallia unquam facile coeperat, & responsa ad tam apertam denunciationem ferro inde adesse poterant, in arcto deprehensus, non se quidem a pace, cujus iniquum desiderium ipse crebro alias prodidisset, abhorreere respondit; illud tamen, quo minus eam suadentibus morem posset gerere, causatus est, quod nuspian cautionis, qua Cæsar transactionem Mediatorum se ratam habiturum polliceretur, mentionem fieri videret.

1705.

Hoc subterfugio honesta, ut apparebat, tergiversationis specie illito, dum utrumque oratorem ducit, Cæsar, qui superiore jam anno minus recte habebat, morbo sensim ingraveſcente e vivis exceſſit. Obiit III. Nonas Maji, a rebus gestis cognomentum *Magni* adeptus. Ludovico XIV. Galliarum regi, leges toti Europæ volenti dictare, perpetuum se junctis cum Germania viribus, etſi hæc Domus Austriacæ incrementa limis fere oculis inqueretur, obisem oppoſuit, cui armorum felicitate nihil inferiorem, religione autem, hujusque tuendæ studio superiorem fuiſſe, concors ſcriptorum ætatis illius opinio eſt, tameti & in hæc ardori ſuo ita norit temperare, ut, qui diverſam a ſua ſequerentur, ea, quæ ſanctione publica jam indulta erant, ſalva eis, integraque eſſe vellet, ultra autem progredi non ſineret, alia enim religionis, alia item civitatis ut inſtituta, ſic diverſas utriusque immunitates exemplo aliorum regnorum, in quibus Catholica religio ultimum locum tenet, perſuaſus exiſtimabat. Bellum nunquam, niſi laceſcitus, nec ante, quam lis amica compoſitione tranſigi non poſſet, vel ſocialia fœdera id poſcerent, geſſit, in ducum delectu plerumque felix. Hungariam, quam a Turcico duorum ſere ſeculorum jugo liberaverat, ſtirpi ſuz hæreditariam Ordinum conſenſu aſſeruit, ad priſtinum fortaiſis florem reducturus, niſi in-

teſti-

testini motus, quos Zapolya regnandi cupiditas primum excitavit, auxit subinde novitas religionum, aluit exterorum invidia, & fovit domesticorum ex alieno habendi cupiditas, perpetua fere obstacula objecissent. a)

1705.

JO-

- a) Hist. des revolut. &c. T. II. l. 6. Wagner P. II. l. 18. Struvius l. c. sect. 11. p. 4051. Lettres historig. Juin 1705. p. 629. Resolutio Cæs. ad Archiep. Coloc. 31. Jan. Hujus resp. Agria 28. Apr. & Deputator. eod. ibid. Instructio pro Jos. Viza, & Paulo Okolicsányi dat. a Cæs. Vien. 18. Febr.

JOSEPHUS I.

Ab anno 1705. — 1711.

I. **P**rimum, quod Josephi curas exercuit, 1705. illud erat, ut oblata factiosis præteritorum venia Hungariam pacatam haberet, quo liberior dein bello Gallico, & Hispanico vacare posset, idem Angliæ Regina, & Ordines fœderati Belgii urgebant, ne, nondum compositis Hungariæ rebus, præcipuum belli onus ferre cogerentur. Itaque quinto confestim die post obitum patris litteras per Hungariam vulgavit, quibus se paternum solium adfuisse significabat, omnesque graviter cohortatus est, ut ad pristinam fidem redirent, impunitatem omnibus, qui resipuerint, data sponione pollicitus. In eandem sententiam Palatinus scripserat, monuitque, ut se tandem respicerent, miserum Hungariæ statum, in quem ob domesticas dissensiones prolapsa esset, paullo attentius considerarent, tum visuros, periclitanti Patriæ non ab aliis citius, hoc præsertim tempore, quam ab ipsis opem ferri posse, quo novus rex gratiam omnibus tam liberaliter offerret, seque ea, quæ in coronatione sponderat, sancte servaturum pol-

polliceretur: Confare omnibus, illum vivo
patre nullam in administratione regni par-
tem habuisse, proin, si quid forte erratum
ante fuisset, id non tam illi, quam iis tri-
buendum, qui Cæsare multiplici bello, cu-
risque disento, communicatæ sibi potestatis
limites egredi rebus curandis præfuis-
sent. Huic quoque malo regem in Comitibus, quæ,
ut primum vacaverit, indicturus esset, salu-
briter consulturum, facturumque, ut in regni
administratione nihil a Majorum institutis,
quæ sanctione publica, & diplomatibus firmata
sunt, recedatur, modo ipsi vicissim datæ olim
fidei memores obsequium regi debitum præ-
stent; Oratos igitur velle, ut, si quid sinceri
sanguinis Hungarici adhuc haberent, positis,
quæ ex errore immodicæ libertatis sumse-
rant, armis, odiisque, se ceteris, qui fidem
intaminatam servarunt, adjungant, mereri
hoc regem, qui optimam de se spem præ-
beat, flagitare id ipsam, cujus nomen iden-
tidem in ore haberent, Patriam, ne hanc
in extremam ruinam, quæ nunquam non cum
privatorum damno conjuncta sit, impellant:
Si quas perpessi fuissent injurias, suarum,
qui medium inter regem, & populum locum
tenet, partium esse, ut læsis ex præscripto
legum satis fiat, sin autem porro in sua vi-
scera grassari pergerent, sui quoque officii
esse, ut universo regno ad signa concito arma
in refractarios quamquam perinvitus sumat.

Cum

1705.

Cum plura hujus epistolæ exempla per regnum sparsa, & unum, regio conjunctum, ab Archiepiscopo Colocensi missum Rákóczio fuisset, pluresque de prono regis in Hungaros animo fidem per litteras ei facerent, nemini dubium erat, quin pacis, cujus desiderium sæpe alias prodidisset, consilia amplecteretur. Verum is, licet Regina Angliæ cum Hollandis mense Junio rursus conciliationis tractationem tentaret, & Cæsar hanc ratam haberet, longe alia agitabat. Paulo ante Leopoldi mortem mille Peditibus, & quibus carebat, peritis rei tormentariæ Præfectis, decretoque in quemvis mensem nonaginta millium *Librarum* stipendio, a Ludovico rege adjutus omnem concordiae viam præcluserat, bellumque occupans *Forgácsium* Rabutinoin Transilvania opposuit, & *Batthyánio* in Sclavoniam, *Károlyio* autem in superiorem Hungariam præmissis, ipse cum *Bercsenio* Posonium properabat. Per iter Leopoldopoli aliquot cohortibus circumclusa in Moraviam procurrit, dumque prædas illic uterque agunt, *Herbevillus*, qui Rabutino suppetias ferebat, re comperta ex itinere deflectens liberata Leopoldopoli, impositoque cum annona militum supplemento, viam relegens in Rákóczium e Moravia cum spoliis reducem incidit, & prælio congressus fudit, Equitatu trans Vagum, & Peditatu cum Bercsenio ad montes albos rejecto, etiam

non

non plura, quam octo, hostis autem supra quadraginta millia sub signis habere crederetur. Rákóczius ab infelici prælio Cassoviam se recepit, quem Bercsénius ad *Szokolczam*, donec palantes colligeret, moratus, cum frustra Moravos in armorum societatem pellicere se videret, facta ingenti viarum, ne in Cæsareos incideret, circuitione non multo post consequutus est.

1705.

II. Accelerati receptus causa non tam accepta clades, fuga enim magis, quam pugna erat, quam importunum ex Transilvania allatum nuncium fuit. Transilvani, qui Cæsaris partes fovebant, IV. Nonas Augusti habito Cibinii Conventu Rákóczii electionem paucorum factione anno superiore factam, & adulteratis trium Nationum sigillis firmatam, velut juri regio, & immunitati provinciae adversam publico decreto irritam declararunt, poena capitis, & bonorum amissione in eos constituta, qui illum dehinc Principem salutarerent, & ejus partes sequerentur. Hac secessione territus, ne eodem exemplo ceteri ducerentur, suos, accitis etiam illis ex Transilvania, qui ejus partibus addicti erant, ad Calendas Septembres *Szécsénium* convocavit, novumque cum eis foedus juramento a se, & asseclis suis edito firmatum pepigit, quo mutuo sibi opem, & auxilium ad pristinam libertatem, quam Dominus Austriaca variis hactenus usa artibus

op-

1705.

oppressum iret, vindicandam spondebant, data Rákóczi potestate animadvertendi in foedifragos, & rem publicam ducis nomine, & auctoritate administrandi, tum leges, quæ in jure dicundo, in rebus politicis, curando ærario publico, & tributorum exactione, quæ item belli, pacis, & hybernorum tempore a militibus servandæ essent, conditæ, nulli religionum, nisi Catholicæ, Augustanæ, & Helveticæ confessioni libertas in regno permissa, additum præterea, ut, qui se nollent confœderatis juramento obstringere, nullo religionis, dignitatisve habito discrimine in exilium bonis sub hasta venditis agerentur. Hac denunciatione non pauci ex ordine Ecclesiastico seu metu, seu sponte adducti juramentum, in quantum Ecclesiæ Romano-Catholicæ contrarium non esset, edidere. Abhinc mutato *Malecontentorum*, quo se prius ab aliis discernebant, nomine, deinceps *Confœderatorum* invaluit, ut juris aliquem titulum præferre viderentur.

Stabilita in hunc modum confœderatione, & privatim instituta regiminis forma, ut ei aliunde etiam pondus adjiceretur, Rákóczius regem Poloniæ Stanislaum *Leżciński*, quem Suecus Friderico Augusto per vim subrogaverat, sibi devinciendum proposuit. Nuncio itaque ad eum misso, hæc mandata subornante Tököllo, cujus etiam absentis consilio solebat uti, dederat: operam eo maxime

me conferret, ut regi persuadeat, Domum ~~Austriacam~~ Austriacam nec Polonis, nec Suecis unquam sincere addictam fuisse, cujus nunc adeo documenta daret, dum Augusto liberum perditiones suas commeatum indulserit, & Moscos missis militiae Praefectis clam juvaret, quae huc non obscure tenderent, ut eo exauctorato rursus Saxo rerum apud Polonos potiatur, has autem molitiones facile interverti posse, si Sueci cum Polonis se Hungaris jungant, quos alioqui vetera pacta, idemque libertatis amor dudum sociassent, Sueci autem jam anno 1647. in pacificatione, quam Domus Austriaca cum Georgio Rákóczio inierat, familiae ejusdem Principatum Transsilvaniae se asserturos fuissent polliciti, cujus jura cum sibi Josephus arroget, nunc tempus adesse, ut fidem exsolvant, postcere id ipsam rationem temporis, quo ad asserendam Domui Austriacae monarchiam Hispanicam, in alterum etiam orbem porrectam, tot hostes Galli jugulo nunc incumbunt, verendum esse, ne, si hanc obtineat, Europae æquilibrium e suo cardine moveatur, ejusque potentia ceteris Principibus olim formidabilis evadat, ad id autem præcavendum, nihil consultius videri, quam si Suecus cum recens electo Poloniae, & futuro Hungariae, Galliaque regibus in societatem adversus Domum Austriacam coeat, & Hungaria pristino suo jure, regem, quem volet, eligendi utatur,

~~1705.~~ tur, unde illud quoque emolumenti accessu-
rum sit, ut, si Hungaria a Domo Austriaca
fuerit avulsa, Turcæ non facile deinceps arma in Christianos conversuri sint.

Hæc Nuncio data mandata sunt, ut ad Lezcinszkium perferret, & hic Sueciæ, ac Galliæ regibus communicaret, se interea nulli operæ parsurum, ut Turcas in Moscos concitet, ita futurum, ut Poloni uno hoste pauciores nacti, partes novi regis contra Augustum, & quæ hunc adjutum iret, Domm Austriacam, facilius tueri possint. Apparet jam tum consilia de exauctorando Josepho clam agitata a confœderatis fuisse, quæ quidem ob repulsam a Sueco, & Polono acceptam, mox etiam nuncio de morte Tökölii allato. a) differre visum est, & pacis negotium ad id saltem tempus, quo spes exteros in idem fœdus pertrahendi affulgeret, resumere. Obtulerat ad id jam XV. Junii cum Hollandis operam suam Regina
An-

a) Obiit 17. Sept. in campo *Florum* ad Nicomediam, condito 3. Sept. testamento, quo Rákóczi ex asse hæredem scripsit, ea conditione, ut Georgius natu minor filius nomen Tökölii gereret. Executores constituit in Hungaria Bercsenium, in Transilvania Laurentium *Pekri*, & Michaelem *Mikes*, Constantinopoli *Feriolam*, Galliæ regis internuncium.

Angliæ, & Cæsar gratam acceptamque habuit, Archiepiscopo Colocensi, & Comite Wenceslao a *Wratisslaw* Bohemiæ Cancellario renunciatis, qui *Commissariorum* nomine interessent, ab Anglia præter Comitem a *Sunderlandia*, idem, qui ante *Stepneus*, a Batavis rursus *Bruyncsius* constituti, qui Principum suorum interpretes essent, *Rákóczius* *Bercsenio*, & Comiti Stephano *Csáki* collegas adjunxit Stephanum *Sennyei*, Sigismundum *Jánoki*, Paulum *Kajali*, & Joannem *Labfanzikium*, sed mandatis ita ambiguis instructos, ut appareret, non tam conciliationem, quam moras queri. Disceptatio primum de loco, ubi conveniretur, orta, tum ubi *Tirnavia* delecta est, & Cæsaris Commissarii, ac *Stepneus* fiduciarias auctoramenti sui litteras *Rákóczianis* legendas exhibuerunt, rursus orta altercatio: objectum est, multa iis contineri, quæ vitio laborent. Hæc studiose captabantur, ut *Rákóczio* tempus daretur in *Transilvaniam*, cui *Herbevillus* imminebat, penetrandi. Re ipsa enim hac negotiatio *Tirnaviensis* spectabat. Admonitus enim de *Herbevilli* itinere, Commissarios suos porro instare negotio jubet, ipse concitis sine mora copiis *Karolyio* se conjungens, claustra montium, qua aditus in *Transilvaniam* arctatur, cum XXIV. millibus infedit, & *Herbevillum* post *Varadinum* obsidione liberatum appropinquantem non levi primum clade affectit,

1705. post tamen XI. Novembris amissis sex suorum millibus, & XXIV. tormentis, cedere, & provinciam in fide Cæsaris coactus est relinquere. Princeps vexillum, foederatorum tessera, a) eo prælio interceptum, & Marchio *Bellegardius*, qui triduo ante Constantinopoli e Gallia Legatus ad Rákóczium venerat, inter captivos repertus est.

Interea Tirnaviæ nihil ultra promotum. Commissarii petebant, ut Rákócziani *præliminares*, quas vocant, conditiones depromerent, quò solidius ea, quæ pacis sunt, tractari possint; illi contra litteris fiduciariis nævos oggerere; Cæsaris non videri satis explicatas, carere præterea usitatis in hoc genere solennitatibus, Reginæ verò Angliæ quædam continere foederatis injuriosa, se enim in iis velut *errantes*, *reos*, & gratiæ indigos notari, quæ a Mediatorum officio magnopere abhorrerent. Responsum est, Cætarem, & Reginam litteras ea, quam cuperent, forma missuros, quæ dum adsint, nihil impedimento esse, quo minus tractationem pertendant, petitum quoque, ut vias Tirnavia Posonium, & hinc Viennam, quas Ber-
csenii

a) Vexillum hæc Siglas referebat: *D. G. El. Pr. Tr..Fr. R. D. F. V.* Hoc est: Dei gratia Electus Princeps Transsylvaniæ, Franciscus Rákóczi, Dux Foederatorum Ungarorum.

csenii cōpiæ obsederant, tutas redderent, ne
justa de sincero fœderatorum ad pacem ani-
mo causa suspicandi detur. Cum fidem suam
peti viderent, non militiæ, sed pacis curam
sibi creditam reposuere, ceterum omnes, qui
liberi commeatus litteras a se obtinuerint,
secure ultro citroque ituros. Id quoque dis-
simulandum Commissarii existimabant, pete-
bantque, ut quando jus successionis regiæ, &
Decretum Andreæ II. se in limine tractationis
nolle attingere, Colocensi Archiepiscopo pro-
misissent, & rex de gravaminibus se secundum
leges satis facturum recepisset, postulata, si
quæ iis præterea viderentur proponenda, in
medium afferrent. Ventum est ad argutias,
& discrimen inter regiæ dignitatis successio-
nem, & hæreditariam regni proprietatem
quæsitum; hoc cujusmodi sit, ex se se patere,
illud ad primogenitum duntaxat pertinere
ajebant, nec oportere eandem Hungariæ
cum ceteris Domus Austriacæ hæreditariis
provinciis esse rationem, quæ non despoti-
ce, sed secundum constitutiones Majorum in-
ter regem, & subjectos justo temperamento
consistat, hoc, si clausula Decreti Andreæ II.
regis antiquetur, vereri se, ne in utramvis
partem magis, quam æquum sit, inclinet;
hoc, ne fieret, sibi in principio confœdera-
tionis fuisse propositum, nihilque aliud se
cupere, quam ut regnum vetere instituto gu-
bernetur. Facile Commissarii intellexerant,

1705.

quo cuperent evadere: Cæsari, reponebant, ne in mentem quidem venisse, ut successio-
nis titulo jus despoticum sibi arroget, aut
Hungariam ceteris hæreditariis provinciis
æquiparari cupiat; esse cuius regno, & gen-
ti suas leges, & instituta, quemadmodum
linguam, mores, & ditionum, cœlique posi-
tum, quæ si quis in eundem ordinem, & for-
mam cogere velit, desipiat, nec ob abroga-
tam Decreti Andreæ II. clausulam metuen-
dum esse, ut rex suo unius arbitratu rem
publicam administraret, satis esse cautum huic
periculo juramenti religione, quo reges die
coronationis se Statibus regni solent obstrin-
gere, ut adeo mirum videri debeat, confœ-
deratos in his hæreret, præsertim quod no-
væ cum Cæsaris, tum Regina Anglorum re-
cens allatæ litteræ fiduciariæ eorum, quæ
in disceptationem adducta sunt, vadimonii
instar esse possint. Exhibitæ simul sunt, &
lectæ, verum rursus suspicionibus magis, quam
æqua rerum libratione tempus in annum se-
quentem extractum est. a)

III

a) Hist. des revolut. &c. T. II. l. 6. p. 291. & T.
III. l. 6. p. 95. — 194. Lambetti-Memoir.
T. III. p. 608. — 15. Litt. Cæs. ad Transilv.
Vien.

III. Hæc protelatio quamvis occasionem
justæ suspitioni præbuerit, fœderatos non eo, 1706.
quem præferre videbantur, animo pacem

G g 4

anhe-

Vien. 10. Maji. Palatini ad Hungar. ibid. 15.
ejusd. Reginae Angl. credention. ad fœderat-
tos, ex Vindefor. 15. Jun. Rákóczii Resp. ex
Tolcsva. 3. Jul. Cæsar. credentional. suis Com-
missar. Vien. 9. ejusd. Transilvanor. Decret.
contra Rákóczii election. Cibinii. 2. Aug. Rá-
kóczii litt. ad Archiep. Colocen. 15. ejusd. Ber-
csenii ad Morav. Szakolcza. 18. ejusd. Mediator.
ad Rákóczi Vien. 3. Septemb. Hujus Resp. ex
Szécsén. 13. ejusdem Confœderatio Szécsé-
niens. 20. ejusd. Forma juramenti, articuli
conditi, leges militiæ, & Edicta. 28. ejusd.
ibid. Plenipotencia Commissarior. Rákóczii. 6.
Oct. ibid. Instructio eorund. 7. ejusd. Puncta
fœder. Suecis, & Polonis proposita. Salvus con-
duct. pro C. a Wratislav. 8. ejusd. ibid. Ple-
nipot. Commissar. Cæs. Vien. 22. ejusd. Litt.
Mediator. ad Bercsényi Tirn. 28. ejusd. Replica
Fœderat. 30. ejusd. ibid Mediator. Repl. 7. Nov.
Fœderat. Resp. 16. ejusd. Mediator. ad illos 19.
ejusd. & Stepnei. Vien. 3. Dec. Horum Resp.
8. ejusd. Tirn. Mediator. ad Fœderat. Vien. 9.
ejusd. Utrorumque Replicæ. Vien. Tirn. 10. 14.
& 20. Dec. Cæs. nova Plenipot. Vien. 20. ejusd.
Fœderat. Resp. Tirn. 23. Altera Plenipot. Re-
ginae Angl. ex palat. S. Jacobi 27. Fœderat.
Resp. Tirn. 28. Dec.

1706. anhelare, & Rákóczius præterea *Miskolczini* conventum privatum cum suis haberet, Ber-
csénius vero vicinos Austriæ Comitatus in
fœderis societatem pellicere conaretur; Com-
missarii tamen cum Stepneo nihil propterea a
cœpto remifere, cumque fœderatos in jure
successionis plurimum adhærere, idque in
eam partem detorquere, aliorumque animis
de industria ingerere observarent, quasi eo
nomine arbitrarius in totam Nationem, &
absolutus dominatus intelligatur, auctores
Cæsari erant, ut mentem suam ea de re
declarare vellet. Fecit, editisque XX. Janua-
rii litteris, quæ fœderatis communicarentur,
palam protestatus est, jure successionis, quod
Domui Austriacæ jam olim pactis conventis,
& vetustis regni constitutionibus assertum, nu-
per autem in Comitibus Posoniensibus in clario-
rem formam ab ipsis regni Ordinibus unanimi
consensu redactum esset, se nequaquam arbi-
trarium, vel absolutum dominium sibi vendi-
care velle, sed quod ex legum præscripto,
& mutua inter reges, & Status stipulatione
hactenus constitutum, ac totius Nationis vo-
luntate, ipsoque usu firmatum esset, & ipse
inaugurationis die servaturum se jure juran-
do promiserat. Quare, cum nulla de fide
sua dubitandi iusta causa adesset, monuit, ut
arma, quæ hoc præcipue titulo se sumfisse
faterentur, tandem ponerent, & Patriam de-
line-

finerent in ruinam impellere. a) Hæc cum 1706.
 omnem suspicionem ad vivum rescarent, ad
 subterfugia itum. Rursum successio recocta,
 quasi Cæsar hanc, veluti *patrimonium*, usur-
 pare cogitet; hoc scrupulo exempto, de indu-
 ciarum conditionibus disceptatum, aliæ enim
 VI. Martii, aliæ, paulloque magis explicatæ
 XXII. Aprilis, rursus aliæ VIII. Maji propo-
 sitæ, in quas utrinque tandem conventum.
 Harum leges erant, ut quadraginta quinque
 diebus ab armis cessetur, nisi forte, ut res
 poscet, prorogandæ essent; Cæsareus miles
 versus Sopronium recedat, nec ultra amnem
Leitam, & *Ovdrinum* se porrigat, reliquum
 fœderati teneant, fas sit tamen Cæsareis Jau-
 rinum, & ad alia, quæ secundum Danubium
 iis parent, loca litterarum commercium ha-
 bere, similiter milites utriusque partis cis
 Danubium, & versus Moraviam, ac Silesi-
 am, quam nunc obtinent, stationem retine-
 ant: fœderati Sárváro, Trencsinio, Leopoldo-
 pololi, Varadino, & Alba regali, quæ nunc
 clausa

-
- a) Hanc declarationem, ut complura alia, mi-
 ror in historia *des revolutions de Hongrie* &c.
 omissam esse, quæ longe aliam toti operi fa-
 ciem induxissent. Pleraque certe admodum
 manca sunt, nec satis ad veritatem exacta,
 sive lapsu memoriæ id factum, sive aliud in
 causa fuerit.

1706.

clausa tenent, tanto spacio recedent, quanto eorum ager veteri jure porrigitur, licebitque præfidiario militi annonam, aliæque usui necessaria, non tamen arma, & belli apparatus inferre; idem de Jaurino, Comaromio, Strigonio, & Buda intellectum est. Mercatoribus libere utrinque commeare, uti colonis agrorum, & vinearum culturam tuto exercere liceat, militibus tamen, nisi obtenta venia, ad alterutrius partis stativa adire vetitum: captivi non alibi, quam Comaromii, & Szegedini a Cæsareis, a foederatis autem Ujváriini, & Zolnokini permutabuntur, iisdem denique conditionibus Transilvania comprehensa censeatur.

Has postquam Cæsar XI. Maji, & Rákóczius XX. ratas habuissent, & Tirnavia rursus tractandæ paci fuisset destinata, Commissariorum quoque numerus utrinque auctus est. Cæsar Carolum Principem Lotharingæ, Olomucensem, & Osnabrugensem Episcopum, Nicolaum item Illésházium, & Comitem a Lamberg: Rákóczius Alexandrum Károlyi, Stephanum Sennyei, & Andream Pethes Agriensis Capituli Præpositum prioribus adjungere. Erant in ipso Congressus initio non pauca, quæ & moram injicere, & parum felicem exitum portendere videbantur. Palatinus, cujus alias officium esset, subjectos regi conciliare, se ab hac tractatione excludi, questus erat, quem tamen

men Cæsar non alia de causa, quam ne ob priyatas, quæ illi cum Rákóczio intercesserant, simultates, negotium moraretur, prætereundum existimabat, & Kollonicsius regni Primás, ne quid in religionis negotio ultra id, quod jam indultum erat, concederetur, solenni verborum forma intercessit. Accedebat illud quoque, quod magna Transilvanorum pars facta secessione ad Rákóczium, inito fœdere, cui nomen *Husztiensis* inditum, defecerit. Hæc accessio, ut Commissariis novas curas, ita fœderatis majores ad audendum animos addidit, dum XVII. Calendas Julii ea postularent, quæ pene nullam conciliationis spem præbebant. Hæc in pauca capita, ex quibus ad reliqua facilis conjectura sit, contraham.

Primum, ut de iis, quæ hac tractatione consensu utriusque partis decernenda essent, non Angliæ solum Regina, & fœderatum Belgium, sed Sueciæ præterea rex, Borussia, & Veneti, ac Poloni fidejubeant. Alterum, ut Transilvania jus liberum eligendi Principis habeat, nec censeatur posthac a Domo Austriaca dependere. Tertium, quæ in postremis Comitibus Posonii violenter extorta erant, irrita, & penitus abrogata sint, quæstione, quæ ad successionem regiam pertinet, ad ulteriorem consultationem rejecta; similiter Decretum Andreæ regis integrum persistat. Quartum, quæ Palatino secundum
leges

1706.

leges competit auctoritas, inviolata maneat, adstituat^r eidem Senatus, hunc autem quatuor Prælati, octo Magnates, & duodecim Nobiles ex iis plagis, quæ cis, & trans Danubium, & Tibiscum tenduntur, deligendi constituant, quorum consilio adhibito rex mandandi potestatem habeat. Quintum, miles exterus nunquam deinceps regno inducendus, quamprimum excedat, ejusque locum Hungarus occupet, cui stipendia ex regis proventibus pendenda erunt. Sextum, facta Leopoldi Cæsaris, præsertim contra Rákóczium, & foederatos, irrita declarentur. Septimum denique, reliqua enim a postulatis, sæpe alias regestis nihil fere differunt, ut cuprea moneta, quam foederati necessitatis causa feriundam curassent, illucusque in publico rerum usu obtineat, donec pax coaluerit, post vero abrogetur, neque fas sit, similem deinceps cadere.

Ad hæc Cæsaris Commissarii petita morâ repofuere, fidejussionem, quam stabilien-
dæ paci aliunde accerferent, non modo supervacaneam, sed periculofam quoque videri, quod perpetuam fere de data utrinque fide suspicandi, & novis rursus motibus ad-
sam præbitura esset, parum etiam honori Reginæ Angliæ, & foederato Belgio eos consulere, dum novos utrisque collegas additos capiunt, quod quid aliud esset, quam vel sinceritatem illorum in dubium vocare,
vel

vel auctoritatem depressam velle? postquam in conditiones utrinque conventum fuerit, satis esse temporis, ut, quos petebant, vadimonium confectæ pacis in se recipiant, neque enim de re, quæ nondum esset, ullum prudenter fidejubere posse. Transilvaniam, quæ a tempore Divi Stephani regis juri Hungarico innexa esset, sine injuria non posse a regno avelli, cum Vayvodæ illius, ut ex superstitis etiamnum formulis liqueret, juramento se regibus obstrinxerint; his quidem injuria temporum successisse Principes, post recuperatam vero provinciam, Status, & Ordines ad pristinum Dominum esse reversiones, quin nuper etiam irritatis adversæ factionis sanctionibus, se denuo Cæsari conjunxisse; si qui essent, qui se ab his sejunxerant, neutiquam in eorum arbitrio, & potestate esse, ut possessionem legitimo Domino eripiant, & regiminis formam, & jura Ordinum immutent, si se gravatos sentirent, confecta pace, in qua ceteroqui nullam partem haberent, audiendos esse. Frustra illud etiam asseri; Statuta Posonienfis Conventus vi extorta fuisse, nisi id, quod spontaneo Ordinum consensu sancitum erat, violentum esse dicatur, id autem si obtinet, actum esse de publici conventus auctoritate, nutare fidem eorum, qui regnum in Comitibus referrent, & potestatem legislativam non solum reddi inanem, sed funditus etiam convelli.

1706.

velli. Officium Palatini, ceterique magistratus regni, Cæsarem alioquin velle, ut secundum priscas constitutiones administrarentur, si quid ante, regnum quam adierat, prætermisum eatenus fuisset, facturum, ut huic quoque rei in futuris Comitibus consulatur. Militis externi ad tuendos fines necessitatem, ipsos Ordines sæpe alias agnovisse, quem missis Legationibus ab Imperii Principibus crebro expetiissent, vix etiam exterum dici posse, qui ad defendendum regnum vitam prodigeret, & alienis stipendiis aleretur. Ceterum reducta post sopitos motus animorum unione visum iri, quid e commodo rei publicæ statui posset, interea opus illo esse, cum ipsi etiam fœderati exterum militem sub signis haberent. Quod ad Rákóczium, ceterosque fœderatos attinet, palam orbe esse, Cæsarem a regiminis primordio, & alias quoque omnibus, si arma ponerent, erratorum veniam dedisse, eodemque animo nunc esse comparatum, ut ad obedientiam reversis, præteritorum oblivisci, & bonorum non minus, quam honorum jacturam sarcire velit. Postremum, ut moneta cuprea privatorum auctoritate pessimo exemplo inducta abrogetur, æquum omnino videri, quo citius regni populique damno consulatur. Conficere enim, triennio hoc partim extorta a plebe pecunia argentea, & ablato ex montanis urbibus argento, auroque facto, & infecto

fecto, aliquot decies centena millia in privatorum usus e regno educta fuisse. 1796.

Hæc Commissariorum Cæsaris responsa erant, quibus cum federati minime sibi satis fieri existimarent, & Rákóczius præterea cum Bercsenio, qui ingens auri, & argenti pondus Gedanum per Poloniam, sines male cederet, transposuerant, a) se notari viderent, pacis negotium rursus abruptum est. Non poterat id Mediatoribus non molestum accidere, apud quos ne Rákóczius invidiam incurreret, causas soluti Conventus vulgato scripto in Cæsarem conjecit, cujus inanitatem cum hic opposito edicto detexisset, Anglia Stepneum, & Hollandi suum oratorem domum revocarunt, ne ob frustra locatam apud homines quietis impatientes operam auctoritatis suæ jacturam facerent. At Cæsar extrema periclitaturus, cum non ignoraret, multos vi adactos Rákóczium sequi, rursus promulgata amnestia impunitatem universe pollicitus est, si, qui trans Tibiscum, Rabutino, qui vero cis illud flumen, & ad Danubium, degunt, Guidoni Stahrenbergio se sisterent, positisque armis juramentum fidelitatis ederent. Multi ærumnarum tædio, & for-

a) Id computus Dantiscanus an. 1708. per Jacobum Krai, in archivo Munkácsiensis reperi-
tus, docet,

~~1706.~~ tunarum jactura capti se Cæsaris clementiæ
 1706. permiserant, plerique tamen seu diuturnæ
 licentiæ jam innutriti, seu minis etiam re-
 tenti, in proposito perſistere, novisque mili-
 tiæ, & fœderis legibus se obſtinxerant. a)

~~1707.~~ IV. Cæſar poſt toties fruſtra tentatam,
 1707. interpoſita etiam Principum exterorum fide
 conciliationem, ad corripienda arma cogi ſe
 videns, detractis a Rheno aliquot Legioni-
 bus, Guidonem Stahrenbergium, quem ob
 tacitam, ut ſuſpicio fuit, cum Eugenio ſi-
 mul-

a) Hiſt. des revolut. cet. T. III. l. 6. p. 151. &
 ſeq. Wagner l. c. pag. 127. & ſeq. Lamberti
 Mem. T. IV. p. 99. — 126. Gabr. Kollinovic
 document. citt. Litt. Berceſenii ad civit. & co-
 mitat. Sopronien. ex Huſzt. 9. & 12. Jan. Cæſ.
 patentes de jure ſucceſſion. Vien. 20. ejusd.
 Acta Convent. Tirnavien. Conditiones induciar.
 22. Apr. & 8. Maji., harum ratific. 11. & 20.
 ejusd. Cœnfœder. Tranſilvan. Huſztien. 14.
 Jun. Poſtulata fœderator. 15. Jun. Commiſſa-
 rior. Cæſar. reſp. Prorogatio induciat. 4. Jul.
 Litt. Rákóczi ad Belgium fœder. 22. ejusd.
 Manifeſtum ejusd. de ſoluto Conventu Tirnav.
 30. Jul. Cæſar. edictum contr. & amneſtia. Vien.
 15. Aug. Regiæ Angl. ad Cæſ. 18. Fœder. Bel-
 gii ad Rákóczi 19. ejusd. Hujus ad illos Reſp.
 15. Septemb. Leges militares fœderator. Caſ-
 ſov, 26. Decemb.

multatē ex Italia evocaverat, præfecit, 1707.
 virum parvis etiā copiis hostem sustentare,
 & si usus ferret, vincere gnarum. De bel-
 li gerendi ratione, accersito etiā e Transil-
 vania Rabutino, dispari sententia Viennæ cer-
 tatū est. Plerique fines Stirix, Austriæ, &
 Moraviæ, qui hostium incursionibus alias quo-
 que patuissent, solum custodiendos, nihilque
 prælio tentandum, & Transilvaniam quo-
 que suo fato relinquendam censēbant, donec
 pacatis ad Rhenum, & in Italia rebus, plu-
 res copix in Hungariam deduci possent. Ali-
 ter Cæsari, præsertim de Transilvania vi-
 sum, quod hac deserta ad potentiam Rákóc-
 czii, quem alioqui magna provincialium pars
 respiceret, ingens fieret accessio, qui, si hac
 occupata decessorum exemplo clam cum
 Turcis conspiraret, novum rursus bellum ab
 oriente metuendum esset, præsertim quod
 certis indiciis sibi compertum sit, nuncios ab
 eo Constantinopolim, & Belgradum sæpius
 commeare. a) Quare Rabutino mandatum,
 ut, lectis supplementis *Tiego*, quem legatum
 suum in Transilvania constituerat, suppetias
 properaret. Sed ipsa itineris longinquitas
 fecit,

a) Præcipui ex his fuere, Casparus, & Joannes
Pápai, Franciscus *Horváth*, & Andreas *Bai*,
 ut habet, *signatura archivi Rákóczi* ad an-
 num 1707.

1707.

fecit, ut Rákóczius illum prævertens, indicto *Marosvadásrhelyinum* Conventu iisdem, quibus olim Georgius Rákóczius conditionibus Princeps Transilvaniæ XXVIII. Martii renunciaretur.

Ad Budam igitur Rabutino interea hærendum erat, acri cura in Conventum *Onodiensem* intento, quem Rákóczius Hungaris, & Illyris, qui in fide Cæsaris perstiterant, frustra accersitis, ad Calendas Maji indixerat. Stahrenbergio datum negotium, ut ad Posonium excubaret, Cæsar autem videns, Rákóczium eo jam intemperiarum venisse, ut se regem pene ferret, gravi edicto vetuit, ne quis ad præstitutum diem Onodinum veniret, Sororem quoque Rákóczii Alpermontio nuptam miserat, quæ illum ad saniora consilia flecteret; frustraneus & hic conatus fuit, quod parum sibi honorificum esse diceret, si, præsentibus jam provinciarum nunciis, Conventus solveretur. Initium hujus turbulentum, & aliquorum etiam, inprimis *Okolicsanyii*, sanguine inquinatum erat. Adornaverat is provinciæ Thurocziensis nomine libellum, quo petebat, ut aspernatis Gallorum consiliis negotium pacis cum Cæsare resumeretur, quo luxatum ab ipsis fere cardinibus regnum consolidari, & incolæ ad incitas redacti, quiete restituta respirare possint. Pertraxerat in suam sententiam plures Comitatus, & libellum Rákóczio porrexit, qui

qui cum in Conventu legeretur, Bercsenius finis impatiens signum ad cædem dedit, *Okolicsanyi*, *Rakovszki*, aliique temere obtruncati; Paulus, Okolicsanyii pater, cum aliis in vincula, & carcerem conjectus, aliqui temerariam Conventus publici fidem, alii contra justam pœnam vociferari, misceri denique omnia, donec sedato paulatim animorum æstu res jam superiore anno *Rosnaviæ* a Senatu Rákóczii clam agitata ad consultandum proponeretur: utrum exauctorato Cæsare interregnum declarari, nec ne, oporteat? major pars assensa est, & Cæsari regnum ob violatas leges abrogatum, decreta in eos, qui in illius fide persisterent, bonorum amissio, aut exilium, Bercsenius ob negotiorum copiam Rákóczio adjunctus, imperata universis quater decies centena florenorum millia, si vim Cæsar pararet, &, ut causæ interregni scripto comprehensæ exteris Principibus per celeres nuncios communicentur.

Ut Viennam hæc certa fide perlata sunt, primum Palatinus, mox etiam Cæsar publico edicto conventiculum Onodiense, hujusque statuta irrita declararunt, Pontifex quoque, etsi Galliæ magis, quam Austriæ favere videretur, religionis tamen causa Episcopos, & qui ex Clero Conventui intererant, & acta rata habuissent, nisi resipuerent, a sacris functionibus abstinere jussit. Stahrenbergio, & Rabutino, quæ ex usu essent, ut

1707. ~~agerent~~, mandatum. Ac ille quidem copiis jam auctior, communita *Schentavia*, ac *Leopoldopoli*, & *Trencsinio* obsidione solutis *Ocskaium* a Moraviæ finibus facile rejecit. *Pálfius* Croatiae Banus insula Cituorum hoste perpur-gata, *Bezeredium* trans Danubium divagantem, in officio continuit, Rabutinus autem difficili itinere in Transilvaniam eluctatus, reducta in fidem provincia Rákóczii Principatui finem fecit. Is per id tempus Onodini adhuc cum suis hæserat, variis curis exagita-tus. Nec enim, ut sperabat, se regem renunciari audiit, & plerique Gallos Præfec-tos ob disciplinam militarem moribus suis minime accommodatam exili missionem pos-tulabant, & hac non obtenta domum spre-tis mandatis rediere, plebs quoque vulgato interregno plures pro uno dominos, nec tam libertatem sibi, quam servitutem ob impe-rata recens tributa parari videns, non ob-scura exacerbati animi jam indicia dabat, in seditionem, nisi mature obviam iretur, eruptura.

Exauctorato Cæsare, de nova regiminis forma consultatum, utrum *regni* nomen esset retinendum, an Respublica constituenda? il-lud in tanta animorum dissensione, & nervi hanc stabiliendi defectu plerisque visum, sed cui id repudiata Domo Austriaca offerrent, rursus disceptatum. Præ ceteris Bavariz Elector, cui cum Cæsare per id tempus ma-le

le convenerat, idoneus videbatur, qui auxilio Gallico suffultus, regiam dignitatem sustinere posset. Missus propterea in Galliam Ladislaus *Kökenyesdius*, alio nomine *Vitézius*, qui rem conficeret. Responsum est, regem consiliis suis, & auctoritate foederatis affuturum, vix tamen modum suppetere, quo eis auxilium nunc quidem ferre possit, ceterum in generali pacificatione, cujus spes proxima esset, operam daturum, ut eorum etiam ratio habeatur. Hac spe dejecti, Petrum Moscoviae *Czarum* in Polonia morantem, adeundum censuere. Id negotium Berctsenio, & Francisco *Klobusiczkio* creditum, in mandatis illud præcipuum erat, ut stabilita inter illum, & Galliae regem amicitia conciliatoris partes apud Cæsarem agere, & foederatis Hungaris pacem honestis conditionibus procurare vellet, id si effecerit, Hungaricas copias præsto futuras, quæ Polonorum, & Moscoviticis conjunctæ facilem Constantinopolim aditum *Czaro* paraturæ sint, præsertim si classe præterea mare nigrum infestum redderet. a) Verum splendida hæc promissa, & spes Suecus, Moscis rursus in Polonia incumbens, repente dissipavit. Redux

1707.

H h 3

cum

a) In hanc sententiam *Revelatio arcanorum Rákóczi*, & *confederationis per Karolyum post conclusam an. 1711. pacem facta.*

1707. cum Collega Bercsenius Czarum etiam sub-
 offensum Rákóczio, quod regnum Poloniae,
 ne Suecum offenderet, sibi oblatum accipe-
 re detrectasset, retulit. Czari ira, & ambi-
 gua Gallorum responsa, allatum præterea de
 rebus in Italia a Cæsareis feliciter gestis, &
 occupato per *Daunium* regno Neapolitano
 nuntium, Rákóczium magnopere sollicitum,
 & variis suspicionibus obnoxium reddidere.
 Simonem *Forgácsium*, quod in Cæsaris par-
 tes inclinare diceretur, captivum ad Scepu-
 siensem arcem duci jusserat, ut reliquos hoc
 severitatis exemplo in fide contineret. Con-
 tra evenit; multi arbitrario hoc facto liber-
 tatem, pro qua arma sumissent, lædi, & vi-
 ro ceteroquin militia præstanti, nec ex juris
 norma postulato, defensionis locum dari
 oportuisse, satis aperte declarabant, quin non
 deerant, quos deproperati Conventus Ono-
 diensis jam pōnitere cōpit, Cæsari ajebant
 regnum esse abrogatum, oblatum aliis pro-
 pemodum sperni, postremo rem huc reditu-
 ram, ut sibi solis relicti, aliam, qua regno
 consulatur, rationem inire cogantur. Senses-
 rat Bercsenius, præcipuum confederationis
 fulcrum, quo hujusmodi oratio posset evade-
 re, auctorque fuit Rákóczio, ut, soluto Con-
 ventu, alium Cassoviam indiceret. Hæc ut
 ad Nonas Decembres gesta, & Cæsari per-
 scripta sunt, is novam sibi conciliationis viam
 præberi videns, missis XXIII. Decembris de
 more

more per regnum litteris, Ordines pro XXVIII. 1707.
 Februarii insequentis anni Posonium ad Comititia excivit. a)

V. Magna inde spes pacandi tandem regni plerosque tenuit, præsertim, quod *Brünn-* 1708.
cius rursus ab Hollandis hac de causa adfuturus esset. Convenere ad V. Nonas Martii ex omni Ordine frequentissimi, quamvis Rákóczius minacibus litteris obturbare ausus fuisset, patuitque inito numero plures dignitate conspicuos, Prælatos, Magnates, & majoris census Nobiles, regis, quam foederatorum partes sectari. Cæsar, qui negotium interea cum Pontifice Neapolitani regni causa confectum
 H h 4 est,

- a) Hist. des revolut. T. V. five Mémoir. du Prince de Rákóczy p. 327. — 85. et si multa istæ desiderentur. Wagner l. c. p. 200. — 209. Lamberti T. IV. p. 488. — 93. Gabr. Kolliovics docum. Litt. Rákóczii ad Hung. & Illyros. Rostnav. 3. Febr. Invitator. ad Convent. Onodien. ex Maros-Vásárhely. 6. Apr. Ejusd. ad Hung. Claudiop. 26. ejusd. Stahrenbergii ad confœder. ex Zavar. 13. Jun. Rákóczii ad Hung. ex Onod, statuta Convent. & Manifestum ad Principes ibid. 22. Jun. Confœderatio cum Transilv. Hufzt. 20. Jul. Cæsar. & Palatini editum contra Conv. Onodien. Vien. 4. & 20. Aug. Cæs. Manifestum ad Principes ibid. 25. ejusd. Regales pro Comitibus ibid. 23. Dec.

1708. est, Principem Joannem Adamum *Liechtensteinium*, & Comitem Honorium *Trautonium* suo nomine Comitibus adesse iussit. Ordines cum sponte sua, tum horum suasu nuncios ad Rákócziū, & confederatos Cassoviam misere, ut Comitibus interesse, communemque operam ad restituendam regno tranquillitatem conferre vellent. Addidit Palatinus seorsim ad Rákócziū litteras urbanitatis plenas. Responsum est ferociter: mirari se, suosque, quod, cum sciret, Cæsare exauctorato Hungariam rege carere, auderet se illius nomine ad Comitibus accersere, venturum se quidem, sed armatum, & responsa in loco daturum. Neque diu cum Bercsenio moratus XXII. millia Ujvárino, Nitria, ceterisque locis deducta *Ujhelyino* ad Vagum amnem obsidendo admovit: partem Equitatus Moraviæ ad agendas prædas, & partem agro Polonienſi ad solvendum Conventum immissurus, nisi ab Heistero Vagum transmittere coactus fuisset, quem dum ille accelerato itinere prope Trenſinſium conſequutus ad prælium cogit, caſis VI. milibus, interceptis XIV. tormentis, & signis quinquaginta in apertam fugam coniecit. Elapsus Agriæ conſedit, miſiſque in Poloniam, Moscoviam, ad Hollandos, & Constantinopolim nunciis opem, & auxilium flagitabat.

Victoriæ Trenſinſiſis fructus ſpe major erat. Nitria, Schemnicum, Cremnicum, Neo-

Neosolium, aliaque circumfita loca recuperata, *Ocskaius* cum Legione nongentorum Equitum Cæsaris militiæ auctoratus; idem *Bezerédius* clam cum Pálfi agitabat, sed a familiari suo proditus cum aliquot Centurionibus, qui vel loci, vel suspecti erant, *Patakinum* ductus non multo post capite poenam hui. Neque tamen hoc supplicio ceteri in constantia firmati, multorumque æstus subsidere sensim cœpit, nec pauci Cæsarem circumspiciebant. Commodè nuncius e Moscovia spem conciliationis cum aula Viennensi prope certam attulit. Misi igitur Polonium, qui de induciis tractarent. Postulata prioribus magis sobria fuere, illud novitate sua omnes adverterat, quod iura, & immunitates Transilvaniæ ita firmari peterent, ut electio Principum libera quidem sit provincialibus, sed secundum a rege, & regno ad eum modum, quod ceteri Imperii Principes a Cæsare solent, qui electus fuerit, accipere adstringatur. Cum hæc privata magis, quam publica auctoritate proposuisse viderentur, remissi sunt ad suos, qui dum interea Talyæ, mox Patakin conjunctes ad reparandas vires, de subsidiis, tyronum supplementis, & reliquo belli apparatu restaurando consultant, annus, & cum hoc res etiam Rákóczii sensim inclinabant.

Cæsareorum enim ad Aldenardam relata de Gallis victoria, expugnatae Insulæ, occupata ab Anglis Sardinia, & Minorica, resque
in

1798.

in Comitibus pacatæ spem illius, quam in Gallis reponebat, fere penitus afflexerant. Alienæ tamen opis indigus rem viribus suis majorem aggredi statuit. Fœdus, quo Cæsar Anglis, & Hollandis contra Gallum junctus erat, dissolvere, aliudque opponere Cæsari cogitabat. Rex Borusliæ ad id opportunus illi visus. Ad hunc Stephanum *Dobosi* mittit, datis seorsim ad *Jablonszkium*, qui regi a sacro ministerio erat, litteris, ut consilio ei adesset; addita sunt centum florenorum millia, aliaque dona inter eos, qui rem suam adjutum irent, distribuenda. a) Mandata Dobosio data huc præcipue spectabant: ut Principatus Transilvaniæ ab Hungaria in perpetuum avulsus, sibi, suæque familiæ cedat: hanc a se junctis cum Czaro viribus facilius contra Turcas, quam a Domo Austriaca defendi, illorumque incursiones a Christianorum ditioribus minore impendio averti posse. Non deesse sibi quidem vires ad trahendum in plures

- e) Ex Protocollo Rákóczii instructionis pro Dobosio cap. 12. *ut cuncta hæc faciliiori modo progredi possint, ad dispositionem D. Jablonszki centum millia florenorum mittimus, ut de iis, quibus, & quantum dandum judicaverit, disponat. Interea vero mittimus pariter ad dispositionem ejus 30. vascula, & vasa viginti Opiner vini Tokaici.*

res annos bellum, arcto se præterea federe ~~_____~~
 cum Gallis illigari, habere etiam in Italia 1798.
 causæ suæ socios, & studiosos, quorum opera
 non solum Transilvania, sed Hungaria etiam
 a dominio Austriacæ divelli posset, a) verum
 majori se in Patriam amore duci, quam ut
 hanc sanguinario bello rursus involvat, super-
 esse leniora media, quibus ad optatum finem
 se pervenire posse speret.

Cujusmodi autem hæc essent, privatim ad
Jablonszkium perscripsit. Hungariam non fa-
 cile secura quiete fruituram, nisi potentia Au-
 striacæ certis cancellis includatur, hos ab An-
 glis, & Hollandis, aliisque confœderatis, qui
 immensis sumptibus illam ad servandum Euro-
 pæ æquilibrium sustentassent, posse constitui,
 modo rex communicatis secum consiliis de
 futuro Hungariæ rege, si eligeretur, mentem
 suam, quid sentiat, aperiret, daretque ope-
 ram, ut confœderatorum interventu tractatio
 pacis futura hyeme cum Hungaris rursus in-
 choet, ita Gallum mitiorem reddendum, cum
 quo

a) Ibid. c. 2. *Non nobis deesse quidem media, - -
 bellum ad annos complures continuare, & ha-
 bere nos præ manibus media, novos concludere
 tractatus cum Galliarum rege, & Ligam in Ita-
 lia formatam, per cujus felices progressus nihil
 naturalius esse posset, quam demembrationem
 integram regni a dominio Austriacæ sperare.*

1768.

quo foederati negotia sua facilius deinde conficere possint, & his confectis Cæsar ad consensum eligendi novi regis Hungariæ cogi; sin vero Gallus a justis pacis conditionibus abhorreere videretur, tum vero in id incumbendum esse, ut Cæsar aliquot annorum inducias cum Hungaris confederatis etiam invitus ineat, quo integre reparatis viribus ad amplectendam pacem adigi possit, de qua concilianda, ubi bello nunc impliciti communiter egerint, non defuturam occasionem, ut res de Principatû Transilvaniæ etiam transigatur, pace autem confecta, reges Sueciæ, & Borussiae, cum novo, qui futurus esset, rege Hungariæ initis pactis, præsertim si Angli, & Hollandi accesserint, bilancem libertatis Europæ in potestate habeant, suoque arbitrio temperent. a) Hæc ille, quod rex Borussiae copias

a) Ex eod. Protocol, epist. ad Jablonfski, & Kanolyi. 18. Oct. *Sin vero Galliam a justis pacis conditionibus alienam esse viderent, arcent Imperatorem ad faciendum aliquot annorum armistitium cum Hungaria . . ut exercitibus suis contra illam agere possint, . . & tandem ubi ad pacis tractatum devenit fuerit, . . perpetuis pactis firmetur inter reges Hung. Sueciæ, ac Borussiae, tam firma unio, quæ suo tempore Anglis, & Hollandis adjunctis evadat in bilancem Europæ; seu conservatricem Europæ libertatis potentiam cet.*

copias suas ex Italia ad tuendas suas ditiones deduxerit, falsa opinione, quasi Cæsarem destituisset, persuasus moliebatur, quæ ut in consultationem adducta erant, ita etiam rejecta sunt, quod nec rebus, quæ suadebantur, nec tempori, nec petentis viribus accommodata essent. a)

VI. Cæsar interim Comitibus in alterum annum, durantibus finem imponere volens, Ordinem postulata ex æquo temperans, rata habuit, quorum hæc præcipue capita fuisse: extincta virili Stirpe Leopoldi Cæsaris libera sit Ordinibus potestas regis eligendi, administratio rei publicæ ea servetur, quam regni constitutiones præscribunt, nihilque exoticum immisceatur; Nobilem ne fas sit prius prehendere, quam in jus vocatus venire renuerit,

-
- a) Mem. du Prince Rákóczi T. V. pag. 385. — 410. sed mance. Lamberti T. V. p. 77. — 81. Kol-
linovics document. Litt. Palatini ad Rákóczi
Vien. 26. Jan. Hujus prohibitor. ad Comitibus
Posonien; ex Károly 18. & 19. Febr. ad Pala-
tin. 26. ejusd. Elenchus collectorum in Comi-
tibus Poson. 3. Mart. Bercseni litt. ad Palatin.
7. Proposition. Ordinum in Comitibus. 12. ejusd.
Plenipot. Commisfar. Vien. eod. Postulata fæ-
derator. in Comit. statuta eorund. Patakini. 22.
Nov. Instructio pro Dobosi, ex Rakomaz. 4.
Oct. Litt. Rákóczi ad Jablonizki, ex Károly.
18. ejusd. Signatura archivi Rákócziiani ad b.
a. confecta a Joan. Kéri, d. 2. Jun. 1710.

1709. nuerit; subsidia in bellum extra Comititia ne deinceps imperentur, si hostis tamen ita repente ingrueret, ut hæc cogi non possint, Ordines dabunt operam, ut viros integræ fidei deligant, qui onus secundum cujusvis vires partiantur. Et si quidem minime æquum videatur, ut generatim bona rebellium eisdem restituantur, habebitur tamen ratio uxorum, & fratrum, eorumque, ad quos minima pars criminis pertinebit. Cum Camera Hungarica proventus regios administret, & regis intersit, peculii sui rationes habere cognitas, necesse est, ut cum Viennensi nexum habeat: Quod ad religionem attinet, nihil eorum, quæ Sopronii primum, postea Posonii constituta erant, derogatum; gravamina vero, quod institutas de iis consultationes foederati armis interceperint, ad futurum regni Conventum dilata, Rákóczius denique, & Bercesenius factionis capita, rogatu, consensuque Ordinum, hostes regni pronunciati sunt, asseclis illorum mensis ad resipiscendum datus. Idem tempus Primas Christianus Augustus Saxo-Cisius Episcopis, & qui ex clero Rákóczium sectati fuissent, præstituit, intra quod nisi in gratiam cum Cæsare redirent, Pontificis nomine dignitatibus, & beneficiis privatum iri declaravit.

Multi tam severa denunciatione territi de reditu cogitabant, sensimque in fidem Cæsaris se receperant. Rákóczius solum cum pri-

primoribus, & modica asseclarum parte novam exrelata a Moscis ad *Pultavam* de Suecis victoria occasionem tergiversandi fumens, recensque a Galliae rege conciliator inter Moscum, & Suecum, illius nomine constitutus, inani spe se sustentabat. Nec enim Suecus se, & has partes illi, cujus dignitas incerta, & a dubio eventu pendebat, credere voluit, & Czarus, quod Suecos a *Pultavienfi* praelio palantes militiae suae adscripserit, nec repetitos vellet reddere, etiam minas intentabat. Nondum tamen spem posuerat: placandi utriusque causa ad Suecum *Benderam*, Paulum *Radai*, ad Czarum vero Alexandrum *Nedeczki*, Constantinopolim, & Belgradum alios misit, sed repullam ubique passus, incertus consilii haerebat. Domi quoque res undique sinistrae afferebantur; Heisterus receptis *Veszprimio*, *Simontornya*, & *Simeghino*, Croatiam, & Stiriam, superiorem vero Hungariam dedita *Leucsovia*, & infesso *Scepusio* ab incurfionibus tutam praestitit, *Ujvárino* autem eminus circumcluso hac quoque parte frænum *Rákóczianis* injectum erat. Hoc rerum successu consternatis Heisterus, & *Sinzendorffus* Caesaris nomine bonorum restitutionem, si ad obedientiam reverterentur, promiserant, & Caesar, ne arctandae, ut praeferebant, religionis metu retinerentur, liberum religionis exercitium pridie Idus Decembris secundum statuta *Soproniensis*, & *Poso*.

1710. **Polonienſis** Conventus novo edicto confirma-
vit, vetuitque, ne Catholici in recuperandis
ſuis Templis auctoritate propria, neve in
occupandis alienis jure, talionis uterentur.

Parum tamen hæc etiam in refractarios
animos valuiffent, niſi Rákóczius Suecis, &
Poloniſ vi quoque, adactis extremas vires
colligens, non longe Szecſeno XXII. Januarii
cum Cæſareis congreſſus, his mille ſuorum cæ-
ſis, ſignis, plerisque amiſſis, & capto magnam
partem veterano milite proſtigatus fuiſſet.
Dolorem ex clade acceptum Oczkaius non ita
pridem captus, ejusque jufſu capite minutus
tantisper lenivit; mox enim Ujvárinum a Pál-
ſio arctius, quam ante preſſam Heiſtero ſe de-
dere debuit, Szatmarinum quoque, Agria,
Zolnokium, & Eperieſſum partim vi, partim
ſponte in Cæſaris poteſtatem venire. Res
fæderatorum abhinc ad incitas redigi viſæ,
multique nutare. *Andraſius* cum mille tre-
centis, quibus præerat, Cæſaris partes am-
plexus ceteris præivit; ſequebantur plures,
quorum nomina ſibi Cæſar accurate referri
juſſit, terminumque XX. Auguſti volentibus
redire, qui propiores eſſent, ſex, remotiori-
bus octo hebdomadarum præfixit, pollicitus
bona, quorum proventus decem millia flore-
norum non excederent, conſeſtim, majoris
autem cenſus quæ eſſent, ubi jure cognita
fuerint, reſtituenda eſſe. *Karolyius* ipſe, poſt-
quam arcanorum Rákóczii conſcius factus eſt,
vide.

videretque illum perversis paucorum consiliis, qui non tam commune Nationis, quam suum commodum quærebant, duci, se respexit, cepitque internuncio Georgio Komdromiaus, cum Pálfo de pace agere, sed ne in Rákóczium, cui multis nominibus obstrictus erat, parum gratus esset, hunc quoque in pacificatione comprehendi optabat: negavit Pálfius mandata se a Cæsare propterea habere, experturum tamen se, quid ea in re posset, pollicitus est. Id ubi Rákóczio significatum fuit, veritus, ne Cæsar duriores se præberet, ad exterorum opem confugit, Angliæ Reginam, & ducem Marleburgum, ac foederatos Belgii Ordines per litteras, & nuncios obtestatus est, ut in communi pacis tractatione sui, & afflictæ Nationis meminisse velint, quæ libertatem suam prope jam extinctam non ab alio magis firmari posse confidat, quam ab eâ Regina, quæ & libero populo imperet, & pro tuenda Europæ totius libertate arma hactenus felicissime gesserit, a)

Hæc is Londinum, & ad alios in eandem fere sententiam, verum memor, quam illiberaliter olim conciliationis interpretes a Regina,

a) Ita ad Reginam ex Szerencs 10. Aug. inter alia scripserat, „ Nous pareßons, Madame, devant „ le flambeau ardent de la liberté de vostre „ heureux royaume avec une chandelle éteinte,

1710.

na, & Hollandis constitutos habuerit, de eventu dubius Károlyium clam admonuit, ut, quæ sita opportunitate, ex Pálfo, quid spei Vienna affulgeret, expiscari conaretur, id constantem prævertetatur Pálfius, aperte denunciante, Rákóczius spem Principatus Transilvanizæ poneret, nec Conventum indici, aut annorum interstitium pro conciliationis negotiatione peteret, renunciaret foederibus, quæ cum exteris pepigerat, scripto Cæsarem conveniens, erratorum veniam rogaret, tum se polliceri, recepto in pristinum gratiæ locum bona restitutum iri. Hæserat ad hæc Karolyius, & ad Rákóczium Munkácsini morantem profectus, quæ ex Pálfo haberet, expromit, Durum illud præcipue ei visum, quod spem obtinendi Prin-

„ mais encore fumante, nous souhaitons de
 „ participer de son bonheur, & de sa lueur
 „ sans la nuir, & sans la corrompre. Sera-t-il
 „ possible qu' une Reine, & nation aujourd'hui
 „ si élevée, que la nôtre abatue, ne veuille
 „ allumer cette chandelle au flambeau de la li-
 „ berté, & qu' elle ne se réfléchisse sur la vi-
 „ cissitude, & changements de la gloire des
 „ mortelles, plus ne trouvera t-on pas utile de
 „ conserver plutôt la liberté de nations plus
 „ éloignées même, que de les abandonner aux
 „ projets de leurs souverains “ &c. Ex Proto-
 col. cit.

Principatus Transilvaniæ, quo omnes illius molitiones hactenus spectabant, ponere jubetur, mordebat id quoque animum, quod fecum, qui electione Principatum adeptus fuisset, velut cum privato agatur, & negotium extra Comitia transigi oporteret, quod si fieret, se & confœderatorum, quorum causam suscepisset, invidiæ exponi, & parum etiam securitati immunitatum regni, pro quibus arma sumisset, consuli, existimabat. Habuit consentientem ex parte Karolyin, sed Pálfius, inquitbat, ad Debrecinum, cum veteranis Legionibus excubat, & res nostræ in dies defluunt, Galli ipsi ære, & viribus jam prope exhausti pacem anhelant, verendum est, ne nobis relictî cogamur deinde ea precario amplecti, quæ nunc Pálfiio interprete utiliter, & honeste evitari possunt. Videbatur flecti, nec invitus erat, ut, si eorum, quæ Pálfius promiserat, sufficiens cautio daretur, quod reliquum erat, cum eodem transigeret. a)

1710.

VII. Huic Cæsar, postquam, quo loco res essent, compererat, pridie Calendas Februarii plenam potestatem fecit, porro cum Rákó-

1711.

I i 2

czio

a) Lamberti T. V. p. 387. ad a. 1709. & p. 212. ad a. 1710. Kollinovics docum. Paul. Okolicsányi, graphica descriptio character. Bercsénii. Cæsar. amnestia, & proscript. Rákóczii. Vien. 14. Jul. Litt. Primatis ad Clerum fœderator. Poson.

1711.

czio tractandi, vitæ gratiam, & bonorum re-
stitutionem pollicitus, si in faceret voluntatis,
& fidei tesseram positis armis Cassoviam, ar-
cem Munkácsiensem, aliaque ab ejus affectis
occupata munita loca redderet. Arduum id
visum Károlyio, & Rákóczium agree his con-
sensurum Pálfi significavit, tenuitque de con-
ditionibus deliberatio alterius eo usque, do-
nec in id utrinque conventum esset: Rákóczius
scriptis ad Cæsarem litteris præteritorum ve-
niam imploraret. Imploravit, verum ita, ut
magis personam deposcentis, quam rogantis
præferret, & arma juxta a se correpta fuisse
tueretur. Neutri visum est, has Cæsari redde-
re, monitusque est, ut, cui, & quam ob cau-
sam scriberet, meminisset. Sed ille propositi
sui

Poson. 3. Oct. Heisteri ex Bars 17. Oct. & Szin-
zendorf. 29. Nov. Poson. ad foederatos. Cæs.
decret. de religione. Vien. 12. Dec. Ejusd. man-
datum de occupandis bonis foederat. ibid. 6.
Jul. 1710. Ejusd. prorogatio termini pro foede-
rat. ibid. 29. Aug. Litt. Pálfi ad Károlyium Pe-
stin. 17. Nov. Hujus ad illum ex Kisvárdá 9.
Dec. similes utriusque 17. 22. & 26. ejusd. Rá-
kóczii ad Regin. Angl. ex Szerencs 10. Oct. ad
Marlebourgh, Belgium foederat. ad Milord Ra-
bli, & Lintelof, Legatos Angl. & Holland. ibid.
eod. ex Protocol. Rákóczii, signatum archivi
ejusd. ad an. 1709. & 10.

Aut tenax jam ad Poloniæ fines discesserat, ~~novam~~ nova spe de ineundo inter Gallos, & Moscos 1711. ~~foedere~~ foedere, a Principe *Dolgorukio*, & *Beroseniq* lactatus; reditum se quidem *Károlyio* significaverat, sed cum pleribus, quam e regno excefferat. Discessum illius cum plerique fugam interpretarentur, & *Károlyius* videret, frustra se in eo conciliando operam ponere, omnium primus pridie Idus Martias fidelitatis sacramentum Cæsari præstitit, cujus exempla reliqui, indicto ad Calendas Apriles Szatmarinum Conventu, ipsi etiam de receptu deliberabant, misere tamen prius nuncios ad *Rákóczium*, qui eum ad reditum hortarentur, referrentque, Cæsarem cum ipsi, tum sedatis gratiam honestis conditionibus fuisse impertitum, ne frustra spem in Moscis, aliisque poneret, se quidem, cum ipse communem causam deseruisse videatur, nisi redierit, juramenti religione, quo se olim ei obstrinxissent, solutos arbitrari, & sponte oblatam gratiam amplexuros esse. Idem *Károlyius* rogabat, & *Pálfius* per litteras obtestabatur, quin ipse cunctantem *Vajæ* conveniens orabat, ut se Cæsaris fidei crederet, bona, quæ in Hungaria, & Transilvania haberet, reddenda esse promittebat, apertam ad primas regni dignitates viam ne sibi volens prudensque obstrueret. Ille contra has præ Principatu nihili facere, quin aperte etiam edicere, si hunc a Cæsare obtinere non posset, facturum Galliæ

1711. regem, ut illum invito etiam Cæsare, dum de communi pacificatione agetur, obtineat. Vix Pálfius ab eo digressus est, cum ad foederatos scribens ejus fidei usum, quod litteras solo Eugenii Principis, non item Cæsaris nomine subscriptas exhibuisset, in dubium vocare conatus est, tum, si etiam Cæsaris nomen præferrent, intuerentur diligentius conditiones, mox viros, quam fallaces sint, quam speciose virus occultent, ne se igitur laqueis irreti-ri sinant, & post octo annorum pro libertate vindicanda exhaustos labores cæce ruant in captivitatem, & brutorum instar territi se in voraginem præcipitent, a) venturum se pro-
xime Hultum, ut, qua ratione nondum con-
clamatis rebus consuli possit, communiter
cum iis deliberet. Postremus hic illius, sed
inanis, conatus erat; foederati nihil longinqua,
dubiaeque spe, & tacita opprobriatione moti,
certa incertis præferre, & coeptam cum Pál-
fio conciliationem perficere malebant.

Suc-

a) Verba illius ex Kukiezova, 18. Apr. hæc sunt:
*cur tam resupine, atque cæce quis probabatur
in perniciem, in tam immanem se subdat capti-
vitatem, & voluit irrationalia bruta territi, ac
fugientes, ad unius primi exemplum, cumula-
tim se præcipitent in voraginem? jam sero ma-
ledicetur ei, qui alloxit, postquam quilibet in-
flierit in gurgitem &c.*

Successerat jam negotium satis ex sententia, cum improvise XVII. Aprilis mors Cæsaris ex variolis intervenit. Frustra hanc Pálfius: Károlyium celare volebat, ad quem indicium illius eodem fere tempore pertigit. Occidendam tamen uterque reliquis judicabant, ne res huc jam adducta interverteretur, tantoque magis accelerandum existimabant, quanto majus in mora periculum erat. Crebrioribus itaque consultationibus tempus datum est, & duodecimo post die in hæc pacta utrinque conventum: amnestia in primis univ-
 1711.
 verse omnibus concessa, Rákóczio tres hebdomadæ indultæ, intra quas, si exauctorata militia, & redditis arcibus ad obedientiam redierit, libertas, dignitas, & fortunæ restituentur, arces tamen suæ ditionis, regium præsidium, sumtu regio alendum, infidebit, sin nolle, liberâ ei sit cum reddendis filiis in Poloniam, sed onere *Vasalli* obstricto, migrandi facultas: idem militibus Gallis, Suecis, & Polonis, quos sub signis habebat, exceptis transfugis concessum. Leges, immunitates, & religionum in Comitibus statuta libertas, salvæ, integræque persistent, orphanis, & viduis bona bello immortuorum, nisi alienata sint, restituentur, de alienatis vero referetur ad Comitibus: qui extra regnum securitatis, mercatus, aliorumque negotiorum causa agunt, si conspicerit, eos ad præstituendum diem adesse.

1711.

se non potuisse, perinde cum ceteris amnesia gaudeant; Transilvanos, qui tempore motuum in Moldaviam secesserant, *Steinvillius* provinciæ Præfectus Cæsaris nomine in fidem recipiet, generatim autem omnibus redire in gratiam volentibus a se confirmatæ, & divulgatæ pacis tres itidem hebdomades constitutæ. Nationum Transilvaniæ jura, & statuta eodem, quo ante erant, loco maneant: de privilegiis Jazigum, Cumanorum, & oppidis Hajdonum, si quid inde decerptum, mutatumve interea fuisset, ad generalem regni Conventum pertinebit cognoscere. Dignitates, & officia conferre, ut semper erat juris regii, ita deinceps quoque regibus proprium sit, & inviolatum; captivi utrinque liberi dimittantur: in eos, qui aliis partes objecerint, aut dictis, injuriisque lacesiverint, magistratus severe animadvertant: denique pacta unanimi consensu nunc inita rex quamprimum rata habeat, & per Hungariam, ac Transilvaniam solenniter divulget. Hæc ad XXIX. Aprilis gesta, & ab Eleonora Augusta defuncti matre, quæ vicario nomine rebus præerat, XXVI. Maji confirmata sunt. Tum primum mors Cæsaris in vulgus didita, paulumque post Cassovia, Munkácsinum, & reliquæ Rákóczii arces deditæ, regnoque, quod sesqui seculo domesticis disidiis, & cædibus exagita-

gitatum, foedatumque erat, quies Pálfi, &
 Károlyi auctoribus tandem restituta fuit. a) 1711.

Rákóczius, postquam conciliationem interturbare nequicquam conatus fuisset, seque ab omnibus videret deferi, cum Bertsenio, & aliquot illustriorum natalium fociis Dantiscum, inde primum in Angliam, tum in Galliam se recepit, vitam istic extorris, & nisi jam ante thesauros eo præmisisset, fere precario ducturus, quam in Patria, si ambitioni suæ moderari nosset, in summo honore, opumque affluentia exigere poterat, se-ro, quibus fere increfcere solebat, artes Gal-liae

-
- a) Lamberti T. VI. p. 611. Kollinovics docum. Litt. Pálfi ad Károlyi ex Szoboszló 2. Jan. Hujus ad illum, Debreczin. 8. ejusd. Cæs. ad Pálfi Vien. 10. ejusd. Rákóczii ad eund. 29. ejusd. Plenipotencia pro Pálfi. Vien. 31. ejusd. Rákóczii ad Pálfi ex Tolcsva. 1. Febr. Hujus ad illum Debreczin. 4. ejusd. Rákóczii ad Cæs. ex Munkács. 3. ejusd. & ad Pálfi, ex Szalantz. 11. ejusd. Plenipot. Rákóczii pro Károlyi ex Alsó-Vereczke. 20. ejusd. Juramentum Károlyii, 14. Mart. Litt. Fœderator. ad Bertsenyi 3. Apr. & ad Rákóczi 7. ejusd. Szatmarino. Hujus respons. Kukiczovæ 18. ejusd. Pacta Conventus Szatmariens. ibid. 29. ejusd. Eleonoræ ratificatio, Vien. 26. Maji.

~~1711.~~ 1711. **l**ie expertus, quæ res suam nuspiam fortasse
ntilius fœnori exposuerat, quam in intestinos
Hungariæ motus, quos jam a Ferdinandi I.
temporibus clam concitare, fovereque usque
eo solebat, dohec aucta ex aliënis provin-
ciis sua ditione, motuum auctores, & con-
fortes, fortunæ suæ, aliorumque arbitrio re-
linquens, tristia nobis in regno ambitionis
suæ vestigia relinqueret.

C. A. R. O. L. U. S. . . . III.

Ab anno 1711. — 1740.

I. Mors Cæsaris repentina vicissitudine Europam involvit. Angli, & Batavi, qui pro Carolo, ne Domus Borbonica nimium accresceret, hactenus pugnabant, nunc, ne idem a Domo Austriaca, si præter ditiones hæreditarias, Hispania, & utraque India potiretur, periculum immineret, veriti, rationes consilii mutandas, & tempori accommodandas existimabant. Id ut regi Galliae suboluit, omnia molitus est, *Talar*do interprete, ut, dissuto, quo cum Austria nectebantur, fœdere, nutantes in suspitione confirmaret. Nec deerat summa ex morte Delphini, qui triduo ante Cæsarem obierat, speciosa causa, nihil nempe jam periculi subesse, ut Gallia Hispaniæ jungatur, & Europæ propterea formidini sit: Philippum jam olim juri in Galliam renunciassse, idemque Ducem Bituricensem, cum familia Aurelianensi, de Hispania sponsurum, si quid tamen dubii adhuc superesset, posse in Italia ex jure Hispanico portionem decerpi, & ad compensandam, si quæ esset, injuriam Carolo tribui, ita futurum, ut regna ex æquo divisa, nullum alterius invidiæ

pa-

1711.

pateat, & iusto pondere inter se librentur:
 1711. Valuit machina, propiusque sensim ad pri-
 vata pacis consilia ventum. In id primum
 Anglia consenserat, ut Carolo ad obtinendam
 Imperii dignitatem communiter adiumento
 essent, ut partitionis novo tractatui honesta
 deinde causa prætexi possit, exemplo Caro-
 li V. cujus potentiam, dum Hispanicæ ditio-
 nes cum Austriacis copulatæ erant, & Im-
 perii præterea dignitas accessisset, toti Euro-
 pæ gravem, & formidolosam fuisse, inter-
 pretabantur. Non latebant hæc aulam Vien-
 nensem, quæ ipsa etiam ad asserendam Ca-
 rolo Imperii fastigium sollicita erat, & ut vo-
 ta Electorum conspirare in illum comperit,
 per celeres nuncios ex Hispania evocatum,
 & de occultis Galliæ machinationibus edo-
 ctum accersit. Ille XXVI. Septembris Bar-
 cellona solvens, ut Mediolanum venit, lit-
 teras ad fœderatos Belgii Ordines minus,
 quam Angliam, præstigiis Gallicis irretitos
 dederat, hortatus, ne se lenocinio Gallorum
 circumduci sinant, propositas pacis conditio-
 nes, si earum latebras probe excusserint,
 nihil nisi vagum, dubium, & anceps conti-
 nere, deprehensuros, nimiumque patere so-
 litas artes, quibus socios a sociis sejungere
 cupiant, quod cum vel ipsa superiorum tem-
 porum recordatio satis testatum faciat, nihil
 ad rem communem videri conducibilis, quam
præliminariis conditionibus ita versatilem
 Gal-

Galliam frangi, figique, ut ne subinde in ipsa
 pacis tractatione, aut, diverticula, quærere,
 aut penitus elabi possit. Mediolano digres-
 sus Francofurtum XIX. Decembris venit, ter-
 tioque post die peracto inaugurationis ritu
 non diu moratus, Viennam properavit. a)

Hanc ut VII. Calendas Februarias atti-
 git, sepositis aliis curis, tote animo Hunga-
 riam complexus, Comitia ad III. Nonas Apri-
 lis Posonium indixit, malum, intestinum a
 radice cupiens evellere. Idem Hollandi, velut
 ad bivium adhuc nutantes, vehementer cu-
 piebant, quo certiora de oblata a Gallis
 pace consilia caperent. Gratiam sibi hanc
 sociorum curam Cæsar significavit, monuit-
 que vicissim, ne quid in Ultrajeetina tracta-
 tione præcipitent, condiciones enim, quas
 Gallus proposuisset, magis victos, quam vi-
 ctos decere, nondum rem, quamdiu
 Germania in proposito perstaret, huc rediis-
 se, ut alieno arbitrio vivendum sit, Hunga-
 riam quoque, restituta quiete, brevi ita com-
 ponendam, ut sibi hac parte curia libero
 integras dehinc vires hosti opponere liceat.
 Hæc, postquam Legato Batavorum *Brayn-
 crio*, quæ ad suos perferret, responsa data,
 & pacta Conventus Szathmariensis XXX.
 Martii a Cæsare confirmata fuissent, Ordi-
 nes

a) Lamberti T. c. p. 705.

1712.

nes regni interea, qui frequentissimi Posonium convenerant, privatis consultationibus initium fecere. Duo præcipue erant, quæ in controversiam vocabantur: primum, utrum regi diploma de servandis regni immunitatibus ante, vel post coronationem edendum esset? illud vetus regni mos pascere, hoc hæreditariæ successioni videbatur plerisque adversari; alterum, quod Croatiae Nuncii magnopere urgebant, ut successio hæreditaria ad sexum femineum etiam extendatur, nec enim futuris turbis aliter caveri posse, quam si Ordines communiter in hanc sententiam conspirent. Litigio, quod rebus aliis tempus erepturum erat, Cæsar Posonium profectus finem fecit, editoque diplomate de servandis regni immunitatibus, successionem item hæreditaria ad masculinum duntaxat sexum restricta, & clausula diplomatis Andreae II. exemplo Leopoldi patris antiquata, quæstionem invidiosam ad vivum reserans XXI. corona incinctus est. Mox capita deliberationum Ordinibus proposuit, & commonitis, ut, sepositis privatorum querimoniis, ea solum in consultationem adferrent, quæ ad consananda penitus rei publicæ vulnera facerent. Viennam XV. Julii rediit, Ottone Comite *Traunio*, qui Comitibus suo nomine præesset, constituto. Hujus cumprimis in agendo temperantia, tum prompto in extricandis, quæ occurrebant, difficultatibus judi-

judicio, brevi effectum, ut maxime litigiosa quæstionum capita in leges referrentur, nihilque aliud deesset, quam ut rex suo itidem arbitrio vel ratas haberet, vel quædam illustrari, mutarique cuperet, cum repente grassans pestifera lues Comitata dissolvit. a) 1712.

II. Permolesum id Cæsari acciderat, quem ceteroquin, quod nullam hactenus prolem sustulisset, cura successionis magnopere sollicitum habuit. Cum enim ex primitiva familiaris institutione hæreditas ditionum Austriacarum ad solos mares primogenitos pertineret, idemque anno 1621. Ferdinandus II. condito testamento, rursumque adjecto serius anno 1635. codicillo tamquam fideicommissum, similiter Leopoldus anno 1703. stabilissent, e re Domus suæ existimabat, ut idem jus, si mares non superessent, ad feminas quoque traduceretur. Convocatis itaque Eugenio, cujus judicio libenter solebat aquiescere, ceterisque Consiliariis sanctionem pragmaticam XIII. Calendas Maji condidit, ut, si hærede masculino deinceps careret, jus successionis primum ad suas, postea ad Josephi fratris filias, 1713.

a) Lamberti Tom. VII. pag. 555. — 60. Kollinovic docum. Litt. Cæsar. Vien. 2. Febr. Ejusd. ratific. Conventus Szathmarien. ibid. 30. Mart. Propositiones Poson. 21. Maji. Diplom. ante coronat. ibid. eod.

1713 filias, neptesque transiret, ea conditione annexa, ut juris prærogativa penes primogenitos, & ditiones in partes distrahere nunquam fas esset.

Hæc cura libero acrius in conatus Anglorum, & Gallorum, quos privatim inter se tractare compererat, excubare sicut. Jam utrique prorogatis in quadrimestre alterum induciis fortunas cuique suas inconsultis fœderum sociis distribuerant. Philippo asserta Hispania est cum transmarinis ditionibus, cautum tamen, ne unquam cum Gallia in unum regnum coalescat. Batavis, quorum aucta in dies potentia utrisque jam suspecta esse coepit, præter partem territorii Flandriæ, limitanea Belgii Præsidia securitatis causa, etiam si Austria invita esset, designata: Cæsari insulæ *Minorica*, & *Yvica* evacuandæ, copiæ ex Catalaunia deducendæ, & lacinia quædam in Italia solum retinendæ erant; additum præterea, quale sub mortem Caroli II. erat, Belgium Hispanicum cum Tornaco, Menina, Ipris, & Dixmudo urbibus, item Luxemburgum cum Namurco, Caroloregio, & Neuporto, quorum tamen reditus Bavaro adjudicati, dum in integrum restituatur. Angliæ, præter stipulatam Protestanti familiæ Hanoveranæ successionem in Britannia, & negatum Jacobo Stuarto in Gallia domicilium, obtigerant fretum *Hudsonicum* cum aditis insulis, Acadia cum dimidio insulæ sancti Christi-

sto-

siophori, & jus in terram novam Gallie contra Promontorium cum novis insulis ad ostia Laurentii fluminis relictum. Hic privatim confectæ pacis typus erat. Eugenius qui in Angliam superiore anno ad evertendas has melitiones missus erat, cum præter speciosa verba nihil aliud referret, Cæsarem monuit, parum in fluxa sociorum fide spei superesse, suo quemque commodo duci, & Austriam sibi relinquî, suavitque, pacis negotium eo flecti oportere, ut ditiones suas longe a confinio Gallie remotas habeat; excogitandam proinde rationem, qua Bavarie Ducatus cum Belgio, quod ceteroqui Gallorum invidiæ, & incursionibus semper obnoxium esset, commutetur, in Italia vero ad Mediolanum adjungatur Mantua, Hetruria cum Parmæ, & Placentiæ Ducatibus, Ita futurum, ut ditiones continente quasi nexu sibi junctæ se mutua ope sustentent; præsertim si ærario, & re annonaria rite constitutis; veteranum militem constanter sub signis habuerit, hac ratione Domum Austriacam duobus deinceps malis vicinis Gallorum, & exterorum auxiliorum necessitate liberatum iri. Opportuna hæc fortassis videri poterant, nisi Angli, & Batavis copias suas ab Imperiali exercitu subducentibus, totum fere belli onus Cæsari incubuisset, & novi præterea motus a septentrione metuerentur.

1714.

Itaque & sociis importuno profluo tempore desertus, pridie Nonas Martii anno sequente ad Tractatum Rastadiensem accessit; quo Belgium Hispanicum Domui Austriacae jure hereditario assertum, ditiones in Italia, adjecta etiam Sardinia, confirmatae, Brisacum cum Eriburgo Germaniae restitutum, Electores, Bavariae, & Coloniae in ditionem, & dignitatem repositi sunt, quae postea in Conventu Badenensi VII. Idus Septembris Imperium itidem pro ratis habuit. Agebat Rakoczianus quoque epus Galliae regem, ut sui etiam, & sociorum in pacificatione ratio haberetur, sed cum illius opera jam sapervacanea, quia rebus Gallicis feliciter confectis etiam noxia esset futura, repulsam passus, non meliore eventu ad Ordines Hungariae se convertit, quos Caesar ad VI. Idus Septembris Posonium convocaverat, ut, quae altero abhinc anno affecta, solum in Conventu erant, in ordinem redigerentur. De Palatino, qui defuncto Eszterhazio substitueretur, praepriis actum; electus est Nicolaus Palffy, & pridie Idus Octobris Regina inaugurata, reliquum tempus consultationibus datum, quae, quod Caesari non pauca interim cum Batavis transigenda essent, ad sequentem annum prorogatae sunt. ^{a)} Si unquam

^{a)} Lamberti T. VIII. passim, & pacis Rastadiensis artic. pag. 594. Du Mont. Tom. VIII. P. I. pag.

quam alias, in his certe Comitibus, Ordinum
cura in consanandis rei publicæ vulneribus
enituit. Centum sex & triginta sanctiones
conditæ. Ne nimis sim in his recensendis,
eas solum, quæ causas intestinorum motuum,
quibus regnum magis, quam ab externo ho-
ste labefactatum hactenus erat, radicitus tol-
lerent, strictim attingam. Successio hæredi-
taria, quæ perpetuus fere dissidiorum fo-
mes erat, Leopoldi maribus posteris denuo
confirmata est; criminis læsæ Majestatis, &
perduellionis reos Nobiles, secundum divi
Stephani regis statuta, liberam sit regibus
prius comprehendere, quam ex usitato hac-
tenus more in judicium vocentur, bonis eo-
rumdem tam mobilibus, quam immobilibus,
etiamsi avitica fuerint, si juris ordine con-
victi fuerint, Fisco addictis, quicquid præ-
terea a factionis Onodini, abusive factum,
decretumque esset, infectum, irritumque cen-
seatur; rem religionis, ut annis 1681. &
1687. constituta erat, nemo turbare auit,
conventiculum tamen Rosenbergenſe antiqua-
tum, vetitumque graviter, ne Augustanæ, &
Helveticæ confessionum affectuæ similes dein-

1715.

3171

K k 2

ceps

pag. 436. Frid. Wenck Cod. jur. gent. T. I.
pag. 123. Wagner hist. Josephi, pag. 502. &
Litt. Cæs. pro Comitibus, Vien. 1714. d. 11. Jul.
Cod. jur. patr. ad an. 1715.

1715.

ceps religionis titulo coitiones rege infcio, aut non consentiente habeant. Rákóczius cum Berceſenio, ceterisque perduellionis complicitibus, quod præſtitutum amneſtiæ tempus præterlabi ſiſſent, unanimi Ordinem conſenſu publicus legitimi regis, patriæque hoſtis, & veræ libertatis everſor declaratus, bona in Fiſcum redacta, iique, qui cum abſentibus litterarum commercia haberent, crimen læſæ Majeſtatis incurriſſe cenſeantur. Bello ingruente, ſtatuta a Majoribus lex, qua Nobiles, ſi hoſtis regno minetur, viritum militiam proſiteri jubentur, denuo firmata, ſed, quoniam ratio belli gerendi a vetuſta multum variaſſet, illud quoque decretum, ut præter Nobiles etiam miles tam ex domeſticis, quam exteris delectus, & ad ordinatam diſciplinam formatus ſemper in promptu eſſet, quo hoſtis, præſertim Turcæ, facilius arceri, & propuſſari poſſint.

1716.

III. Et apparebant ab obitu Ludovici XIV. non quidem a Gallia, ſed a Turcis belli imminentis non obſcura ſignificia, qui in anni prioris exitu indicto Venetis bello, Morea, & vicinis aliquot inſulis interceptis, arma in Dalmatiam inferre parabant. Ipſa ditionum vicinitas cum Cæſarem ſollicitum redderet, ne has quoque partes belli flamma corripere, Ibrahim Aga, qui recens Conſtantinopoli Nunciuſ advenerat, declaravit, ſe Venetis ſcedere conjunctum cupere, ut diſſidii cau.

causam sibi cognoscendam, ejusque arbitrio terminandam Porta permetteret, ceteroquin, nisi ab armis desisteret, se ex pacto cogendum, ut sua etiam Venetia conjungat. Nihil ad hæc responsum, sed copias, quæ in Dalmatiam destinatae erant, Savo admotæ. Bellum igitur fere certum erat, cujus pars ne ad Italiam sensum pertineret, Pontifex vulgata XV. Februarii per Cæsareas conditiones truce decimas Sacerdotii in id conferri jussit, magis Cæsaria commodo, quæ ærarium prioribus bellis fere exhaustum esset. Eugenius copias præfectus veteranas Legiones excitata, & Belgio accersit, factoque reliquo apparatu, & classe Danubiana ad morem maritimæ instructa, priusquam Vienna discederet. Capremum Veqirum, *Aly Bassam* litteris conveniens pacis consilia eidem suggerit, quæ honeste, & utiliter amplecti posset; verum ille responsi loco Satum transgressus Petriaradino cum totius exercitus robore imminebat. Quare Eugenius quoque iter accelerans, cum militem Cæsareum munimentis a Caprara olim exstructis contineri, & Turcas jam propius vias obsidionarias ducere videret, hostem nihil tale opinantem V. Augusti aggressus, cruento prælio victum in fugam conjecit; XXX. milia in pugnae loco, & fuga perisse, castra cum CLXX. majoribus machinis, totidemque signis militariis occupata fuisse, Cæsar ad Pontificem perscripsit, qui victori Eugenio

1717.

Pileum, & Easem, quem morem omnium primus Urbanus VI. usurpasse fertur, magno laudis encomio transmissit, quo gratæ voluntatis testimonio is in persequendo hoste confirmatus, milite post indultam paucorum dierum quietem *Kutakinum* traducto, Temesvárinum Kalendis Septembris obsedit, & IV. Idus Octobris profligato *Seraskiero* in potestatem redegit. Mox *Pancsova*, & *Ujpatanka* deditæ. Communem ex felici hoc armorum progressu conceptam lætitiâ mors Leopoldi Archiducis Austriæ, & Abusis Principis nondum septimum mensem egressi magno Cæsaris luctu intercepta.)

Nihil tamen propterea a persequendo bello remissum. Veneti rem mari, & in Dalmatia agere constituerant, Valachi quoque, si auxiliares copias e Transilvania a Steinvillio obtinuerint, in partem belli se venturos promittere, Cæsar autem Belgradum, quod in potestate Turcarum adhuc erat reliquum, designabat. Moram importune iniecit Hispania, quæ majorem classem parare ferebatur, quam

a) Vita Eugenii P. III. p. 846. — 924. Kolliovics docum. Litt. Mustaphæ ad Præfectum Szegedinen, ex Temesvár. 16. Mart. Eugenii ad Vezirium, Vien. 2. Apr. & ad Cæsar. ex castris 5. Aug. Cæsar. ad Pontif. & Batavos. Vien. 15. ejusd. Pontif. ad Eugenium Roma 7. Sept.

quam ut ~~venisset~~, cui se Pontificia, & Genn-
ensis iam conjunxerat, suppetias ferre credi
posset. (Disimulare tamen justam suspicionem
oportuit; ne Turcae temporis aurum face-
rent.) Magnam enim erat apud illos Eugenii no-
men, & cum Belgradum ab eo, desinam con-
perissent, Savam, quo alias transmissa erat
obfident solent, duplicatis stationibus obser-
vabant. Nunc cum omnis illo tempore mira verti-
tur, Eugenius reliata Petrovaradina cupiarum
parte, & variis castrorum mutationibus elusa
hinc Danubium in Banat, & regione pagi Wis-
nicam transiit, dum interea reliqui eam clas-
se Petrovaradinæ circumvallationem promoverent.
Internitum hac ratione aqua, terraque Belgra-
do obfidenti. Kalendis Julii initium factum.
Difficilem, periculique plenam, ratiōis non
tam obsessorum, pertinacia, quam Vezirii ad-
ventus, qui castra sua castris Cofaneis oppo-
suit, ductisque operibus obsedit. Rex in su-
premum discrimen adducta videbatur, indi-
cite Viennæ, alibique supplicationes, ipsa
Europa, in eventum spicite intenta erat. Unū
sibi constabat Eugenius, qui lustrato milite,
& communicato cum primariis ducibus consi-
lio, pugnam in XVI. Augusti decrevit. Ita-
que concubia nocte miles inobservatus e ca-
stris eductus, primoque diloculo prædium au-
spicatus, quatuor horarum spatio hostem totis
castris proturbatum, iam effusam fugam egit.
Obsessi cognita Vezirii fuga, & clade, po-

1717.

Archiepiscopatum federa: Præter Semon-
driam, Groriam, & Sabacem occupatum,
præda rerum omnium ingens facta. a)

1718.

Nec minor de reata victoria per Euro-
pam lætitia fuit, commendatæ futura, & Hispa-
ni Scandinaviæ, quæ Caesaris pace Rastadienti
belligerant, hostiliter contra pacta non invass-
sent. Magis aperta erat fœderis publicæ fide
nixa violatio, quam ut Angli, & Galli spon-
sores illius hanc æquanimiter ferrent. No-
vum igitur ad vindicandam injuriam fœdus
inter Cæsarem, Angliam, Galliam, & Hol-
landos IV. Nonas Augusti percussum, & pax
Turcis fugientibus in XXV. annos concilia-
toribus Anglis, & Hollandis concessa est; ab
illis Robertus Suttonus, ab his Jacobus Colye-
rius delecti, a Cæsare Comes Virmondus cum
Internuncio Palmario, & Venetis Ruzzinus,
conditionum moderatores interesse jussi, Sul-
tanus Mehmetum Effendium, & Agam Ibrahim
suo nomine, qui conciliationem, quam
possent, æquis, & honestis conditionibus ab-
solverent, constituit. Prima, in quam con-
ventum utrinque est, pacis conditio fuit, uti
possidetis, terrarum deinde, quæ jure possi-

IVX. minii

a) Lamberti T. X. p. 26p. & 65. Valachor. sup-
plex libell. ad Cæs. Tergovistum, 3. Jan. Edi-
ctum Cæs. Viss. 19. Apr. Postulata Belgra-
den, & Eugenii resp. 18. August.

minii Hungariae accefferant, limites ita constituti, ut a septentrionali ripa Danubii Valachia ad confluentem Alutae, e meridionali ab ostio Tipoki aduersus idem flumen protenso decem horarum spatio, indeque ducta in meridiem ad Drinam annuam limite, Servia, a Drina autem eodem horarum intervallo ad Unnam, pars Bosnia, & quae hinc ab Unnae occidentali ripa versus Croatiae tenduntur, olimque Carlovicensi pars Turcis, ad sopiendam discordia domestica, necesse erat cedere, in discessionem Caesaris, dum utraque Savi ripa transirent. Haec limitum distributio XXII Julii parata, Eodemque die cum Venetia transactum. Rákócziis, qui inuitibus Galliae promissis delusum se videns priore anni anno Maffia Constantinopolim solverat, nihil non egit, ut cum affectis suis eadem pace comprehendere, id solum ei indultum, ut libere apud Turcas, sed procul ab Hungariae limitibus ageret.

Septimo post die instituta de commerciis deliberatione in has leges utrisque conveni-
rat: libera, & universalis utriusque Imperio
subiectis facultas sit, fluviiis, terra, marique,
merces suas vehendi, exceptis solis armis,
& quae ad bellicum apparatus spectant; in-
ter subiectos autem Caesaris censest Hunga-
ros, Germanos, Belgas, Italos, aliasque,
quae ad eius conditiones pertinent, Nationes: a
mercibus praeter navam consuetum tres flo-
reni de centum, seu aere, seu mercurium per-
muta-

sanctionem pragmaticam, & successionem
 1790 filiabus, quas hactenus duas, Mariam (The-
 reasiam anno 1716. & sequente Mariam Annam
 1717 infantes, constituendas impensa est; qua de
 causa jam priore anno Maria Josepha, fratris
 natu major filia, dum Saxonie Duc in ma-
 nus conbesset, juri in ditiones Austriacas re-
 nunciaverat. Atque haec quidem, quae suc-
 cessionis causa hactenus gesta sunt, intra fami-
 liam solum domesticam continebantur, & hoc
 primum anno Austriæ, & Silesiæ Ordines ha-
 bito conventu, ut Cæsari gratificarentur, pro
 ratio habuere. Difficiliores se altero anno
 1721 Principes foederati in congressu Cameracensi
 præbuerant, non quidem successionis titulo,
 sed mercatoriae societatis, quam Cæsar *Osten-*
den nom. ita pridem instituerat, causam. Lucrum
 enim ex portus, & maris illius opportunita-
 te in Domum Austriacam olim redundaturum,
 Angli perinde, & Galli, & Batavi suum dis-
 pendium interpretabantur. Perstitit tamen
 1722 Cæsar in proposito, & postquam insequente
 anno Maria Anna Josephi nata altera filia
 1723 Carolus Alberto, Bavariae Duci nupta, jure
 1724 successionis, exemplo sororis se abdicasset,
 quæ ceteris regibus, & provinciis sententia ef-
 set, experiri statuit. Hungariam convocatis
 Posonium ad XX. Junii regni Ordinibus pro-
 niorum opinione sua reperit, qui recordatio-
 ne malorum, quibus factibus, jus electionis
 prætexendo, regnum in extremum fere dif-
 cri-

crimen præceps egerant, inducti ob Leopoldi, & Josephi collata in rem publicam merita, & recens exemptam a Cæsare jugo Turcico Hungariam, ut causam intestini dissidii penitus tollerent, jus successionis hæreditarium non modo ex præscripto sanctionis pragmaticæ ratum, firmumque declararunt, sed sponte etiam, unanimique consensu, si Cæsaris, & Josephi fratris progenies deficeret, ad Leopoldi quoque posteros utriusque sexus, restricta ad primogenitos prærogativa, extenderant, nec ante jus eligendi regis ad Ordines rediret, quam nemo triplicis hujus paginis superstes esset. Exemplo Hungarorum paullo post Bohemæ, & Belgii Austriaci Ordines sanctioni pragmaticæ itidem subscripsero.

Constabilito hæreditariæ successionis jure, ne administratio rei publicæ inutili mora interesperetur, Consilium, quod regis locum teneret, constitutum, & auctoritas certis legibus circumscripta; Præses idem, qui Palatinus regni, & si hunc abesse contingeret, Index Curie regie defectus; statio in regni medio, interea autem, dum locus opportunus paretur, Posonium decreta: Præfidi ex Prælatibus, Magnatibus, & Equestri ordine, viginti duo Consiliarii ex omnibus regni partibus accensi, stipendia ex publico ærario designata; nemini, præter statas ferias,

1722. rias, Præside non confcio, abesse, a) & in consultationibus sententiam pro suffragiorum numero, non tamen contra leges patrias, ferre indultum, illud autem peculiariter auctoritati illius tributum, ne ulli aulico Tribunali, nullo nexu Hungariæ juncto, subesset, quo liberius quisque sententiam suam posset in medium depromere.

Ultra hæc etiam se Ordinum cura porrexit. Cum superiorum temporum motibus regnum hominibus diminutum, inducta vastitas, neglectæ artes, bona impune direpta, & juris administratio neglecta fuisset, quo citius his malis medela poneretur, sancitum est, ut coloniz, & artifices aliunde accersantur, dato certo annorum spacio, quibus a pendendo tributo immunes essent. Juri dicundo in quatuor diversis regni partibus Tribunalia erecta, cis, & trans Danubium Tirnavia, & Ginzium, cis vero & trans Tibiscum, Eperjesinum, & Magnovaradinum, cui postea Debreczinum substitutum est, quo facilius ex vicinis provinciis adiri, & causas cognosci possent. Mercimoniis etiam exemplo Cæsaris, qui ad instaurandum vetus Belgarum jus, institutz ab se Ostendanz societati,

a) Simile Consilium Camera conjunctum jam Ferdinandus I. an. 1549, instituerat.

tati, a) Tergestinam addere, & portum regium in Adriatico ad hunc finem deliguaverat, cura adhibita, quibus cum in regno, tum extra illud aqua, terraque provchendis, ut fluviorum pro sitis opportunitate corrivatio, structura canalium, viarum reparatio, aliaque huic destinationi necessaria pararentur, Consilio regio mandatum, & de his ad Ordines in proximis Comitibus referret. Salutare institutum, quo Hungariam rebus mercatui opportunis affluentem carere hactenus potuisse, profecto mirum est, incertum, quae de causa adhæserit, cum tamen ad communem regni opulentiam, & acuendam incolarum industriam maxime pertineret. a)

V. Finitis Comitibus Caesar morarum, quæ aliae ex aliis in Congressu Cameracensi ingerebantur, pertæsus, reliqua controversiæ, quæ ei cum rege Hispaniæ intercesserat, capita seorsum cum eodem transigere cupiebat; idem

a) Huc pertinent: *Indiciæ luculentæ juris ac privilegii in Indias, atque Africam, navigandi, ubique commercia colendi Belgii Austriaci &c. Lipsiæ. 1724.*

a) Du Mont. T. VIII. P. II. pag. 8. — 40. & 109. Electæ jur. publ. T. XVIII. pag. 838. & T. XIX. pag. 27. & 169. Mémoires, pour servir à l'histoire du Congrès de Chambray. Cod. jur. patr. ad an. 1723.

1724. idem Hispanus, qui Galliae in se Audia sensim frigero, & Anglos in restituenda *Gibraltera* moras, & subterfugia querere observaverat, misso Viennam Barone *Riperda* optabat. Res ita clam gesta est, ut ipsos etiam, qui Cameraci pacis negotiationi intererant, Legatos Caesaris, & regis lateret. Conditiones, in quas XXX. Aprilis privatim convenerant, haec fuere: Caesar juri in Hispaniam,

1725. Philippus contra in ditiones Austriacas renuncient; uterque tamen titulis, quos hactenus gessere, dum vivant, utentur, posteri vero eorum duntaxat, quae possident, regnorum: Sicilia cum Belgio, & Italiae ditionibus, secundum pacem Trajectensem Caesaris erunt, in quas, Sardinia excepta, nullum jus sibi Hispanus deinceps arrogabit; regna, & provincias, uti & sexus utriusque successionem, & contra hostes defensionem mutuo in se recipient; tum, si qui praeterea foederi huic se volent adjungere, id utriusque consensu fiat. His Calendis Maji accessit conventio altera de mercimonio, in qua portorum, vectigalium, merciumque, inter quas & Sali Hungarico locus erat, rationes, immunitates, & ferenda ex usu maritimo mercatoribus onera, certis legibus constituta erant. Quamquam autem haec clamis, qui quadruplicis foederis alias loci erant, agerentur, indicium tamen eorum ad Anglos pertigit, qui, cum id foedus adversum se coaluisse

fuisse suspicarentur, vicissim inita Hannoveræ cum Gallis, & Borussia societate, communes inter se amicos, & inimicos, etiam si inter Imperium, & Gallos bellum oriretur, Cæsare, cum res patuit, frustra intercedente, decreverant. Ea re permotus Cæsar, ipse etiam ad foedus inter Russos, & Suecos biennio abhinc initum socius sequente anno accessit. Ex quo illud commodum præterea enatum, quod paciscentes non solum terras hereditarias, sed sanctionem quoque pragmaticam se tuituros promiserint, qua ratione confœderatio Hannoveranæ par utique videri poterat, nisi hæc Batavorem, & Hassorum ad Anglos accessione superior esset reddita, quamquam haud multo post ob regis Borussia ab Anglis secessionem, & nova cum Cæsare pasta inita, æquilibrium itaque restitutum videretur.

1725.

1726.

Tam crebra fœderum, quæ fere semper ex præconcepta solum commodorum spe instituebantur, mutatio, necessarium quasi semen futuri belli erat. Primum hujus indicium ab Anglis, & Gallis datum; illi immissa mari triplici classe, Cæsaris Legatum Regno decedere jubebant; hi autem tripartito exercitu in continente minabantur: Cæsar vicissim Legatos Angliæ Vienna, & Ratisbona dimiserat, Hispani vero Gibraltarem obsidionem admovent. Ne bellum fere in apertum erumpens totam iterum Europam

1727.

~~1727.~~ corripere, Pontificis opera factum est, qui
 1727. *Grimaldo* Nuncio Apostolico interprete Cæsarem ad amplectenda pacis consilia adduxit, etsi præliminaris conditio admodum dura in medium proposita esset. Illud enim Angli, & Batavi præcipue urgebant, ut Ostendana mercatorum societas penitus tollatur; nimium præterea sollicitos reddiderant apparatus, quos Cæsar Tergesti, & Neapoli tractatu cum Hispanis, Algeriis, & Tripolitaniis alias inito facere indefinenter pergebat, ex quibus non leve detrimentum emporiis suis inferendum metuebant. Ex portu enim Ostendano per Atlanticum in Americam, & Asiam, Neapoli, & Tergesto per mediterraneum, & Adriaticum mare in Africam, & ditiones Turcicas mercibus vendendis prona, & aperta via patebat, hoc sibi Cæsari, qui præterea ex pacto cum Turcis super inito Danubium usque in Pontum Euxinum haberet liberum, permitteretur, potentiam illius reliquæ Europæ metuendam opinabantur. Hæc præcipua soluti foderis, & quod deinde consequutum est, belli causa fuit. Cæsar, etsi permoleste ferret, felicitatem suorum invidia aliena intercipi, communis tranquillitatis tamen causa, permisit, ut portus Ostendanus interea, dum his alia ratione componi posset, septennio clausus maneret, quæ conniventia occasionem præbuit, ut anno insequente de communi pace in-

inter dissidentes his legibus convenerit: Anglus classes suas, & Gallus copias domum revocent: Hispani soluta obsidione aggeres, vineas, aliaque ad *Gibraltaram* educta opera demoliantur, & in eum, quo tempore Trajectensis pacis erat, statum reponant: Anglis præterea liberum in Americam Hispanicam commercium, secundum pacta prius conventa firmatum, reliquis, quæ conciliationi moram forte injicerent, locus postea Suefione esset. a)

VI. Dissipato belli metu vix tantum Cassari temporis supererat, ut, quæ regni Ordines in Comitibus priore anno jam indictis ad instaurandam judiciorum formam, rerum item politicarum coordinationem, tum institutionis militaris, & œconomiz rationes, quæ nulla non sui parte superioribus annis vitium acceperant, in medium consuluerunt, rata haberet, cum Suefionensis congressus Seviliam traductus novas Cassari curas rursus confecit. Angli percusso cum Gallis, & Batavis seorsim fœdere Hetruriam cum Parmensi, & Placentino Ducatibus juri Hispanico asserere, & Ostendanam societatem penitus tollendam, ne expectato quidem,

L I 2

in

a) Du mont, Tom. VIII. P. II. pag. 106. — 159. Lamberti T. X. in append. p. 126. 168. & 170. — 77.

1731. in quod prius consenserant, septennio inter
 se decreverant. Injuriz pars cum ad Ger-
 maniam quoque pertineret, Cæsar Imperii
 Ordines non difficulter instituto Francofurti
 privato Conventu in armorum, si bellum
 oriretur, societatem pertraxit. Accesserat
 aliunde etiam non levis belli imminenti-
 spicio, cum per idem tempus orta Constans-
 tinopoli seditione *Ahmet* Sultanus folio de-
 jectus fratris filio locum cedere cogeretur.
 Mors quoque ducis Parmensis, quæ in anni
 principium inciderat, ejus ditionem Cæsar
 vellet secundum Imperii occupari jussu, ne-
 vae liti tractatu Seviliensi nondum finito oc-
 casionem fere dederat, nisi Angli, & Bata-
 vi sanctionis pragmaticæ fidejussione in se
 recepissent, opemque adversum omnes, qui
 ditiones hereditarias hostiliter aggredien-
 tur, fuissent polliciti. Tum primum Cæsar
 tractatum Seviliensem, nec Ostendana so-
 cietas abolenda esset, ratum habuit, ea in-
 primis ratione ductus, ut, sanctione prag-
 matica exterarum aularum fidejussione cor-
 roborata, filie secutam, pacatamque successi-
 onem redderet, quo fere præcipue in his
 in pangendis fœderibus curæ ferebatur. Ean-
 dem ob causam Hafniæ cum Danis, & se-
 rius post cum rege Borussiae conventio ini-
 ta, per quam illi spes successionis in Ducat-
 um Slesvicensem facta, huic in Ducatus Ju-
 liacensem, & Clivensem jus confirmatum.

Imperii Ordines, quod Bavarus, Saxo, & Palatinus contrarii essent, primum hærere videbantur, mox tamen illis frustra obnitentibus postulato Cæsaris assensu, sanctionem pragmaticam itidem ratam habuere, cui, ut aliunde præterea robur accederet, pacta, quæ Cæsar Leopoldus cum Joanne III. Poloniæ rege, & Republica olim inissat, cum Augusto II. Varsaviæ nova stipulatione rursus instaurata sunt.

Tot sponsoribus Cæsar sanctionem pragmaticam satis sibi confirmasse, visus est, cum mors Augusti regis, qui ipsis Calendis Februarii obierat, rursus mutandis foederibus, & sensim etiam bello causam præbuit. Aemuli, qui Poloniam prensabant, fuere Fredericus Augustus defuncti regia filius, & Stanislaus Lesinszkus jam semel solio depulsus. Saxonem, postquam sanctionem pragmaticam se tuiturum promississet, Cæsar, & Russorum Imperatrix, Lesinszkium Gallia, sed diversa utrique ratione ducti, tuebantur: illi, ne septemtrio novis iterum motibus quateretur, hæc, ut speciosam rumpendæ pacis causam haberet. Cum enim, Cæsarem mari potentem fieri, æquanimiter non ferret, excogitandus erat fucus, quo destinationem suam illineret, nihil a veteri suo more dissidens, quæ ut non ita pridem ad distrahendas Cæsaris vires Rákóczio usa est in Hungaria, ita Lesinszkium in eundem nunc finem

1734. in Polonia adhibuit, qui quidem ut Varſa-
viam venerat, quantumvis jam anno 1704.
in Conventu Szendomiriensi in perpetuum
ſolio exclusus eſſet, factione tamen Gallica
XII. Septembris electus, ſed mox Ruſſis
appropinquantibus Dantiſcum profugere, &
Saxoni V. Octobris renunciato regi locum
dare coactus eſt. Hoc erat, quod Gallia ex-
ſpectabat, quæ interim ductis in Lotharin-
giam, & ad Rhenum copiis bello initium
fecit, novumque cum Hiſpanis, & Sardo fœ-
dus pepigit, quo illis Sicilia, huic Medio-
lanum deſtinabatur. Fruſtra Cæſar, pactorum
fidem violari queſtus, contra iniquum aggreſ-
ſorem auxilium ab Angliſ & Batavis ex
pacto poſcebat, ſoli Imperiales, quorum res
agebatur, in partem belli venire, licet Ele-
ctores Colonienſis, Palatinus, & Bavarus
magnopere obluctarentur. Hunc, ſi ex even-
tu iudicium ferendum ſit, ſpes futuræ ſuc-
ceſſionis in partem ditionum Auſtriæ lacta-
re videbatur. a)

VII.

a) Cod. jur. patr. Du Mont. T. VIII. P. II. pag.
158. ad. a. 1729. & pag. 213 Journal hiſtor.
Aout. & Sept. ad an. 1730. Interets des Prin-
ces, T. VII. pag. 318. Rouſſet recueil &c. T.
VII. pag. 462. Dogiel T. c. pag. 351. Lam-
berti l. c. in append. p. 198. & article ſeparé,
pag.

VII. Bellum itaque violata foederum fi-
 de pluribus partibus erupit. Galli interea, 1734.
 dum Russi Dantiscum terra, marique obsi-
 dent, & Stanislaum regno excedere cogunt,
 Treviros infederant, & occupato *Trarbacho*
Philippoburgum expugnarunt. Eugenius cum
 Imperialium copiis satis habebat, Gallos,
 ne ultra progredierentur, continere, quam-
 quam neque ab his quidquam hoc anno ten-
 tatum hac parte fuerit, cum vis omnis ex
 conducto Italiam spectaret. Hispani classe
 istuc appulsi intra breve tempus victis se-
 mel, ac iterum Cæsareis Neapolim subege-
 re. Hac occupata dum in Lombardiam ir-
 rumpunt, Angli cum Batavis Cæsare non
 invito conciliatorum partes agere volebant, 1735.
 quos cum Galli, & Hispani aspernarentur,
 bellumque in alterum annum ducerent, nec
 promissa Russorum auxilia tempori adessent,
 Sicilia, Hetruria, & Mirandula amissæ sunt.
 Hoc Cardinali *Fleurio*, cujus intererat, ne
 Hispania nimis potens in Italia fieret, tem-
 pus opportunum est visum, ut in medio ar-
 morum strepitu cum Cæsare inconsultis etiam
 Hispanis clam de induciis ageret. Hæc ea-
 rum

L 1 4

pag. 202. Wenck Cod. jur. gent. Tom. I. pag.
 760. Histoïr. des Rois de Pologne Tom. III.
 pag. 408. & Tom. IV. pag. 2. Struv. corp.
 jur. Germ. pag. 1523.

1735.

rum prævia fuit designatio: Stanislaus reservato solum Poloniæ, & Ducis Lithuanie titulo se jure, si quod in Poloniam habuisset, abdicet, & pro hac Ducatum Lotharingiæ cum Barenfi obtineat; qui tamen eo mortuo in jus Galliæ devolvantur: ad compensandum vero damnum Francisco Stephano Lotharingiæ Duci Hetruria, mortuo Joanne Gastone Duce illius postremo, jura hæreditario obtingat; Carolus Hispaniæ regis ex altera conjuge filius Neapolim cum Sicilia, rex Sardinie ditionem Novarensis cum Tortonenfi, retento tamen feudi Imperialis onere, & Cæsar Parmensem, & Placentinum Ducatus haberent, Gallia autem vicissim tuendæ sanctionis pragmaticæ fidem præstet, & de re Polonica Russorum Imperatrix cum Augusto III. inter se transigant; si quæ præterea dirimenda forent, his in proximo congressu locus esset. Cæsar, qui Franciscum Lotharingum jam prius sibi generum destinaverat, parumque sollicitus esset, quibus titulis Stanislaus deinceps uteretur, & præterea sanctioni pragmaticæ tam potente sponsore satis cautum esse existimaret, pactis annuit, sed cum Tabulæ præter receptum hactenus usum, Gallica, non item Latina lingua scriptæ essent, cautum utrinque est, ne id deinceps in morem abeat, tametsi Gallia nec huic promisso, nec pactis postea steterit. Pax igitur his conditionibus proposita, se.

sequente anno a paciscentibus confirmata est; primus omnium Stanislaus actum renun- 1736.
 ciationis XXVII. Januarii Regiomonte edi-
 dit, alii serius, Philippus XV. Aprilis, & Ca-
 lendis Maji, Carolus filius XV. Germania
 vero XVIII. ejusdem mensis plenum firman-
 dæ illius arbitriam Cæsari reliquit, postre-
 mum rex Sardiniaë XVI. Augusti ratam ha-
 buit. Mox provinciarum, ut in pacificatio-
 ne designatæ cuiusvis erant, jurium, & titulo-
 rum cessiones factæ, quibus stabilitis Cæsar
 filiam Mariam Theresiam Francisco Lotha-
 ringo, renunciato Hettruriæ Duci, conjugio 1737.
 junxit, qui altero etiam anno, postquam Gasto
 VII. Idus Julii obiisset, Ducatum eo, quo con-
 ventum erat, jure adiit. Paci in hunc modum
 confectæ Eugenius, qui in ea concilianda
 non minimam partem habuerat, præmor-
 tuus est, jam anno superiore XXI. Aprilis
 magno Cæsaris dolore, nec minore, ut even-
 tus docuit, Hungariæ jactura elatus, postre-
 ma tamen manus firmandæ diplomatibus pa-
 ci primum Viennæ XVIII. Novembris est im-
 posita, eo prorsus tempore, quo bellum
 Turcicum in apertas flammæ jam eruperat.
 a) Hujus semina jam tum jacta erant, cum
 Viennæ Principum studia in concilianda pa-
 ce

a) Journal hist. Janvier ad a. 1734. Massuet hist.
 de la dernière guerre T. I. p. 73. & P. II. p.

1737. ce maxime ferverent. Russi enim, cum Turcæ Tartaros Crimeanos ab incursionibus in terras Russicas cohibere non possent, aut nolent etiam, injuriam armis vindicare statuerant, eumque in finem promissa ex pacto auxilia a Cæsare flagitabant. Permolesum id ei quidem, vixdum composito plurium annorum multiplici bello, acciderat, ne tamen stipulatam fidem non servaret, jam ante biennium communitis ad Savum, & reliquos limites præsidii copiarum partem interim in Hungaria coire jussit, dum experiretur, utrum Dahlmano Internuncio suo interprete disidentes conciliandi spes aliqua esset, verum cum Turcæ anno prior in *Nimoroviensi* congressu nihil de pace audire vellent, nisi Russi *Azofum* redderent, ad arma ventum est.

1738. Cæsareo exercitui sub duce Francisco Lotharingo *Seckendorffius*, Wallisius, & Neuperghius, Russico *Münichius* præerant, hic *Oczakoviam*, ille *Nissam* belli initio occupaverant, sed ob hanc rursus amissam, & rem ad *Vidinum*, ac *Banyalukam* non satis prospere gestam Viennam ad se purgandum revocatus est, & Joannes Pálfius, ut in causas inquiret,

135. Roussel recueil T. X. p. 452. & T. XIII. 474. ad a. 1735. Wenckii Cod. jur. gent. T. I. p. 1, 122. ad a. 1735. — 38.

ret, ad exercitum missus. Ferunt id ab hoc præcipue vitio ei datum fuisse, quod distractis in partes copiis, & longe a Danubio bellum gereretur, ex quo nostris ingens subvehendæ annonæ difficultas, Turcis autem adverso Danubio pene nulla fuisset orta. Plerique existimabant, Pálsum, quod ab Eugenio maximi semper fuisset habitus, & morem cum hoc hoste pugnandi usu ipso compertum haberet, *Seckendorffio* sufficiens; prælati sunt *Neuperghius*, & *Wallisius*. Neque tamen ab his etiam res feliciter gesta, siue discordes ducum sententiæ, siue *Münichius*, ceteroqui aulæ Viennensi non optime affectus, occupata *Ocrakovia* ad Bogum moras sponte trahens in causa fuerint.

Rákóczius quoque captato tempore importunum se ingesserat, Vezirio pollicitus, se in clientela Sultani, & dum opus fuerit, cum centum pugnatorum millibus semper præsto futurum, si Principatu Transilvaniæ potiretur. Sparsit etiam per Hungariam, & Transilvaniam litteras, experturus, quænam superesset voluntatum in se etiamnum propensio, inutili prorsus conatu, quod Cæsar inquietum caput novo edicto proscribens, qui vivum, decem, qui mortuum sisterent, sex florenorum millia depactus fuerit, nec Vezirius vacuis promissis quidquam tribueret, solícite alioquin in Banatum intentus, quo Franciscum Lotharingum magnis itineribus cum robore exer-

1738.

exercitus tendere compererat. Hujus adhortatione erectus quidem miles, victus hostis, occupatisque castris trans Danubium, & in Valachiam rejectus, & Meadia recuperata fuit, sed cum ibi diutius hæretur, & annona, quod hostis omnia prius vasta reddidisset, deficeret, pestifera lues præterea in exercitu grassari inciperet, copias ad salubriora loca deduci oportuit. Necessarium receptum Turcæ fugam interpretati rursus Meadiam cum Orsova, Ujpalankam, Semendriam, & Uziczam recepere.

1739.

Hoc successu animatus Vezirius copias propius Belgradum promovit, cumque Wallisium ad *Kroczkam* sibi obvium vicisset, palantes consequutus urbem eminus obsedit. In hac animorum consternatione Marchio de *Villanova*, regis Galliarum ad Portam Ottomanicam Legatus, industria sua effecit, ut ad avertendum majus periculum conductis induciis de pace agi coeptum fuerit. Cæsar *Neupergio* formulam miserat, secundum quam confieri pacem cuperet, qui, quod sine obtenta publici commeatus fide, castra Vezirii adiisset, & captivi instar haberetur, conditiones admodum duras prima Septembris iniire coactus est. Præcipuæ ex his erant: Cæsar Belgradum cum Servia, Valachiam item Austriacam reddet, neque Russis auxilium præbebit, limites Bosnenses erunt iidem, qui secundum pacta Carloviczenfis pacis olim designa-

signati fuere, Savo utriusque Imperii terminos dirimente: Turcæ vicissim, quæ in Banatu occuparunt, cum Meadia, sed dirutis munimentis restituent. Indigne has tulit Cæsar, & culpa in Neupergam potestatis limites egressum conjecta primum subscribere recusavit, utroque tamen Galliarum Legato, cum Viennæ, tum Constantinopoli, regis sui nomine pacem amplectendam suadentibus postea ratas habuit, quibusdam additis, quæ mollita vellet: primum; cum conditiones præliminares utrinque jam subscriptæ sint, supervacaneum esse, ut Cæsar Ruslicæ fœderi renunciaret, deinde, ut deducta ex omnibus præsidiis apparatus bellico Belgradi, alibi quæ recena educta mœnia, propugnacula, ipsi adeo ductus viæ oblectæ, & cujusvis nominis munimenta solo æquantur, neque fas sit Turcis illa instaurare: Danubii, Savi, aliorumque fluminum navigatio, piscatus, aliæque horum commoda in ripa cujusvis ditioris libera essent, si quæ in his insulæ vel jam exortæ sunt, vel postea exsurgerent, ad hunc pertineant, cujus ripæ viciniores erunt: mercatoribus aqua terraque, securæ sit utrinque negotiatio neque præter consuetam vectigalia aliis oneribus graventur, eodemque Cæsare, quo Angli, Galli, & Batavi favore gaudeant. Dabit quoque operam Porta Ottomanica, ne Algeriani, Tunetani, & Tripolitani naves Cæsareas mercatum exercentes infestent, damno.

1739.

damnove afficiant: captivos utrique liberos dimittent, pro illis, qui in privatorum potestate sunt, amicitiae causa moderatum lytrum statuatur: praerogativas, quas priores Ottomanorum Imperatores cum ante, tum post Passarovicensem pacem Religiosis, & Christianis Romano-Catholicis in religionis exercitio, usuque libero tribuerant, Sultanus novo edicto stabiliat; pacem denique uterque Imperator missa Legatione in XXVII. annos firmabunt.

Hæc Cæsar, & in hunc modum temperata XVIII. Septembris rata, & aliquamdiu clam habuit, ut primum autem in vulgus didita erant, magna plerosque per Europam deproperatæ pacis admiratio cepit, & a Viennensibus non modo in aulae ministros, & copiarum duces, sed in Cæsarem etiam convicia jacta sunt, ut is adeo confectæ pacis causas edito ad Principes scripto vulgate, & ad pacandos Viennenses *Neupergium* cum *Wellse* custodiæ traditum judicio militari subicere cogeretur. Rumor etiam per idem tempus a malevolis sparsus, passim in vulgo obtinuit, Franciscum Lotharingum a Turcis in venatu interceptum damnosæ, & indecoræ paci occasionem præbuisse. Sed ut fabella hæc in ipso sui ortu suapte evanuit, ita superstes etiamnum opinio est, ducum simultate, & discordia omne id fuisse amissum, quod Eu-

Eugenia virtute sua juri Hungarico asserue-
rat. ^{a)}

1739.

VIII. Belgrado cum reliqua ditione Tur-
cis reddito Legati utrinque, Vienna Anto-
nius *Wnefeldius*, Constantinopoli *Ivanibi Aly*
ad confirmandam pacem, ut conventum erat,
missi sunt, delecti etiam, qui dirimendis li-
mitibus interessent, agerentque, ne qua fraus,
injuriæ interveniat, nam pacificationis exem-
plar Turcicum in designandis Bosniæ limi-
tibus compertum est a Latino dissentire. His
constitutis, in eo sibi curam Cæsar præpri-
mis, locandam existimabat, ut, ararium, tot
bellis, fore exhaustum, redintegraret. Egit
propterea cum Venetis per Legatum suum,
ut initus olim cum iis de commerciis, &
navigatione tractatus instauretur. Difficultas
confestim oggesta est, quod Veneti dominium
in mare Adriaticum sibi arrogarent, ^{b)} &

1740.

^{a)} Roussel recueil T. XIII. p. 524. Wenck Cod.
jur. gent. T. cit. p. 386. — 67. Lettre circu-
laire ou Rescrit de Charles VI. aux Princes de
l'Europe. Schmettau *Geheime Reichs-Raths-Ver-
handlungen des Reichs in Ungarn in denen Jahren 1737.
1738. und 1739. Leipzig. 1772.*

^{b)} Qua de re meretur legi; *Succincta commenta-
tia de imperio maris Adriatici, Casari, qua*

regi

1749.

societas orientalis Viennæ instituta reliquos mercatores hoc jure exclusos vellet. Dum res adhæret, non defuere, qui, ut ærario consuleretur, pace, & sanctione pragmatica tot Principum sponsione jam firmata, militiæ partem manumitti oportere judicabant, contra nitebantur Præfecti militum, periculosum esse rati, ut, data missione veterano militi, occasio externa stipendia querendi vel invito obtrudatur, eique, si bellum ingrueret, tirones nullo economiæ domesticæ, magno autem hostium, quorum signa sequerentur, emolumento substituere necesse sit, præsertim cum non sit is rerum in Europa status, qui diuturnam tranquillitatem polliceri videatur. Percommode factum, ut Cæsar, etsi jam Legiones aliquas ad minorem numerum reduxerit, hoc consilium alteri præferendum putaverit, paullum enim post e venatu redux morbo tentatus. XX. Octobris medicis frustra opitulantibus inter vivos esse desuit.

Postremo ut Cæsarum, ita stirpis etiam Domus Habsburgicæ sustulus. Princeps animi benignitate, clementia, & justitia etiam vixens celebratus, qui nullam nisi aliam

bene

regi Dalmatarum, ac Principi Isteriæ —
proprio. Lips. 1722.

bene merendi, si se offerret, occasionem sibi elabi passus est; in statuendis autem pœnis parcus, nisi criminis gravitas aliud posceret, sed tum etiam humanitatis memor. Hoc animo cum in suos esset, com-
modisque regnorum, & provinciarum, nullo inter diversas Nationes facto discrimine, stude-
ret, mirum, ut subjectos populos sibi de-
vinxerit. Hungariam certe, quam a fratre
nondum pacatam acceperat, ad quietem pe-
nitens reduxit, stabilivit temporis opportunis
legibus internam rerum politicarum œcono-
miam, formamque judiciorum novis ex Sta-
tuum consensu Tribunalibus constitutis, vel
in meliorem ordinem redactis feliciter
reddidit. Scientiæ autem, & artes, quæ in-
crementa ab eo acceperint, viæ publicæ,
etiam per invios natura sua montes structæ,
promptuaria, & officinæ parandis mercibus,
aliaque ædificia publicæ utilitati, emeritæ
militiæ, litteris propagandis, & honestæ hi-
laritati ad magnificentiam, soliditatem, &
decorem Romanorum educta, etiamnum te-
stantur. Quo minus autem commercia, quæ
felicitati regnorum suorum adhuc deesse vi-
debat, ad eum, quem volebat, florem po-
tuerit adducere, exteri Principes, quibus id
fere ab eo tempore, quo Domus Austriaca
tot ditionum accessione cœperat incrementum
velut quædam politicæ occultæ basis pro-
positum erat, ne hoc rerum gerendarum cer-

1740.

Pars III.

M m

to,

1740. to, & stabili nervo potiretur, ceteroquin autem ditioes hæreditariæ seu ex interna constitutione, seu veteri incolarum jure minora pro terrarum amplitudine vectigalia redderent, ut, cum bellum inferre vellet, aut propulsare cogeretur, sumto aliunde ære sibi obstrictam, & alieni quodammodo arbitrii facerent.

Ab anno 1740. — 1780.

I. **H**ujus nominis, quæ rerum apud Hungaros potita est, altera, & iisdem propemodum fortunæ vicissitudinibus agitata. Utraque amplissimorum regnorum hæres, pari utraque periculo ea amittendi exposita: illam intestini, hanc exteri hostes solio deturbare cupiebant, utraque tamen his tandem superior regni possessionem retinuit. Hæc, ut patri successerat, confestim Principes externos de regiminis sui aditu pro more edocuit, idemque datis ad regna, & provincias hæreditarias, præsertim Hungariam, litteris vulgaverat, immunitates, & jura cujusvis nationis se illibata servaturam pollicita. Mox Franciscum Conjugem, cum ut caras cum eo partiretur, tum ut ei viam sensim ad Imperii fastigium pararet, communicata Electoris Bohemiæ prærogativa, consortem regiminis adscivit. In id vero a patris obitu præcipue incubuerat, ut res tot bellis labeactatas in meliorem statum reponeret, ærarium corrogatis undique pecuniis instauraret, suppleret exercitum, & ad conciliandam

1740.

militiam Neupergius cum Wallisio quamprimum ē custodia dimitteretur. Id unum sollicitam habuit, quod, cum reges Hispaniæ, Angliæ, Poloniæ, & Sardiniae, Batavi item sanctionem pragmaticam se ratam habere significarent, sola Gallia hæsitaret, Bavarus autem litteras ad se datas parum officiole inapertas remiserit, & Borussus præterea copias ad Silesiæ fines cogere certis nunciis afferretur. Rogatus causam, se auxilio futurum respondit, si qui sanctioni pragmaticæ adversari vellent. Verum officiosa hæc, non tamen petita auxilii nullo adhuc certo hoste pollicitatio iustam Reginæ suspicionem movit, aliud regem præferre, & aliud parare, quod eventus firmavit, dum improvise XVI. Decembris Silesiam ingressus potiore inferioris provinciæ partem infesta etiam, qua aditus in Hungariam patet, *Jablunka* occuparet. a) Ne tamen causa desitui videretur, jura sua avitica in Jagerndorfensem, Lignicensem, Brigensem, & Vohlaviensem Principatus se duntaxat vindicare publico scripto

a) Hæc, & alia deinceps ex Augustæ biographia, quamplures edidere; inprimis Fromageot, usque ad an. 1775. Christian. Richter ex publicis documentis. Tom. V. aliique complures, qui in omnium fere manibus versantur.

pte a) declaravit, paratum se ceteroquin Reginae ditiones in Germania sitas adversus quosvis tueri, & conaturum præterea, ut Electorum Imperii suffragia in conjugem Franciscum conspirent, si tota Silesia decederet. 1740.

II. De his dum Viennæ consultatur, Regina ad diem XIV. Maji sequentis anni Comitia Posonium indixit, cum ut inaugurationis solennia pro more iniret, tum ut regni Ordines, si Borussia in proposito persisteret, 1741.

M m 3

in.

a) In utramque partem scripsere, Jo. Petr. Ludewig. 1740. & Cöcejus 1741. Berolini, & respondit Consiliar. Kannengiesser Wien. eod. In primo scripto Berolinen. refertur, quod Georgius Marchio Brandenb. aulæ Ludovici II. Hung. regis Præfectus, venditis an. 1524. in Hung. suis bonis, obtenta ex his pecunia Principatum Jagerndorfsensem emerit, quæ autem hæc bona fuerint, reticetur. Conjugem Georgii fuisse Frangepaniam, & ex hac filium, & filiam sustulisse, ex documentis, quæ exstant, certum est. Uxor cum prolibus ante maritum obiit. Hæc igitur bona, si avitica erant, cum cohæredes ex familia Frangepania etiam sub Cæs. Leopoldo superstites fuerint, vendi non potuere, si acquisita, oportuit instrumentum donationis depromere, ut sciretur, quæ bona, a quo rege, & quo anno collata ei fuerint?

in belli partem vocaret, quos sibi, cum a
 1741. Turcis pace VI. Nonas Martii iisdem limi-
 tibus, qui Carlovicensi pace definiti erant,
 confirmata, a) nihil hac parte metuendum
 esset, non defuturos sperabat. Inter has Re-
 ginæ curas Rex Galliarum exemplo Borussiae,
 qui interim ultra progressus Glogoviam oc-
 cupaverat, subornante, ut ferebatur, Cardinale
 Fleuryo clam nova consilia adversus eam
 cudebat. Hispanum enim, Bavaram, & Sa-
 xonem, ut juri suo in ditiones Austriacas in-
 sisterent, per emissaries cohortatus inito cum
 iisdem foedere, factaque Bavaro præterea
 spe obtinendi Imperii suam cuiusvis portio-
 nem ex Regine ditionibus destinabat. Hæc
 tum plane acta, cum illa harum machina-
 tionum ignara, post Inaugurationem confir-
 matis regni immunitatibus cum recens ele-
 cto Palatino Joanne Pálfi, & Ordinibus de
 salute regni consultabat, nec quidquam ante
 rescitum, quam suum quisque jus in ditiones
 Austriacas edito scripto prodidisset. b) Per-
 culit

a) Wenck. l. c. p. 585. Confer ea, quæ ad an-
 1698. de pace Carlovicensi dicta sunt.

b) Electoris Bavariæ rationes, quæ Monachi
 anno 1741. prodierunt, solide refutat scriptum,
 quod Viennæ eodem anno prodit, hoc titulo:
Prævia responsio ad fundamentalem ita dictam
deductionem juri, ac prætensionem in hæ-
redi-

valit Regnam tam subita mutatio, cum videret ipsos sponsores pragmatice sanctionis immemores datæ fidei hanc eversum ire, regni autem Ordines, qui jus successionis hæreditariæ, hujusque seriem in Comitibus jam alias constabilissent, exteros de Hungaria se inficiis constituere, indigne ferentes, Reginæ causam, quam suam quoque fecerant, se profuso etiam sanguine defensuros promissere, & ut parte oneris levaretur, Franciscum Conjugem unanimi consensu regni consortem prærogativa ad personam illius restricta declararunt. a)

1741.

Nondum tamen res armis, sed disceptatione jurtum utrinque acta est, donec Bavarus occupato Passavia, Gallicis copiis adjutus

M m 4

in

hereditariam successionem regnorum, & provinciarum, alias ab Imp. Ferdinando I. possessorum Serenissimæ Electorali Domui Bavaræ competentium. Ex parte autem Hispan. editum est scriptum Francof. a. e. a Montojo regis Legato: Regis Catholici in regnum Boh. Electoratus quod habet annexam prærogativam prætenso cum expositione jurtum ejusdem in reliquis terras Austriacas. Cui eod. an. opposita est Viennæ, Responsio ad bina scripta ab Hispano Oratore, C. de Montojo, Francof. celebrata.

a) Cod. jur. patr. ad h. an.

~~1742.~~ 1742. licam, in quo repererat statu, conservare, nomen provincialium apud Londinenses contractum diluere, neque contra Regiam cum ejus hostibus unquam socius initurum pollicitus est. In socios fœderis Imperatrix Rufforum, Angliæ, & Daniæ reges, Batavi, & Princeps Guêlpherbytanus adfuiti sunt. Electori item Saxoniz locus datus, si copias suas a Gallis sejunctas intra XVI. dies ex Bohemia deduxerit. Neque is diu moratus, reductis copiis, & confirmata sanctione pragmatica, inito Dresdæ seorsim fœdere, Regiæ conciliatus est. Pacatis duobus hostibus, robur omne in Gallos conversum, Praga obsidione cincta, & obsessi inedia, & morbis attriti, *Mailleboe* frustra opem ferente, diminuto maximam partem exercitu, e Bohemia cum *Belilio* excedere coacti sunt. a)

1743.

III. Hoc quoddam veluti melioris fortune auspiciu, & reliquis, quæ alibi hostibus oppositæ erant, copiis exemplo fuit. In Italia Traianus VI. Idus Februarias Hispanos ad campum sanctum profligatos, Ariminum retrussit, quo tempore Angli cum Hannoveranis, & Hassis, Gallos ad Moenum coercebant, & Carolus Lotharingus victo ad *Simpachium* Bavarorum ducem *Minuolo* Gallos cum

a) Biographi cit. Wenck. Cod. jur. gent. T. I. p. 717. — 21. item p. 734. — 777.

cum *Broglia* in *Steviam*, & trans *Rhenum*

cedere compulit. Sub ipso hoc victoriarum
1743. cursu, quo Regina *Pragæ* ritu inaugurationis
peracto *Bohemos* in fidem receperat, rur-
sus nuntium de *Gallis* ad *Dettingam* victis,
& ad fines *Alsatia* ab *Angliæ* rege rejectis,
Egra recuperata, & *Ingolstadio* intercepto
allatum; ut foederatos in proposito con-
firmaverat, ita regem *Gallia* flagitante in-
primis *Carolo VII.* Imperatore ad pacis con-
silia permovit. Nec abhorrebant ab hac
rex *Angliæ*, & Imperii Ordines, modo, quas
honeste Regina amplecti posset, conditiones
proponerentur. Ubi ad rem ventum, patuit
non pacem, sed diverticula quæri; cum con-
ditiones sanctioni *pragmaticæ* prorsus adversæ
in medium afferrentur, & Regina nihil de
suo jure decerpi sineret, tanto magis ad pro-
sequendum bellum obfirmata est, quanto feli-
ciores progressus foederati in hostico faciebant.
Nam ipsa hyeme sequentis anni classis *Hispa-*
na & *Gallica*, ad *Telonem Martis* (*Toulon*)
diu conclusa ubi in apertum solvit, ab *Anglis*,
& *Batavis* devicta est, & *Carolus Lotharingus*

1744.
cum *Traunio*, & *Nádasdio* diversis partibus
superato *Rheno* in *Alsatiam* irrumpens, oc-
cupatis ad *Lauterburgum* munimentis, *Gal-*
los intra montes retruxit. Debellatum vide-
ri poserat, si exitus initio respondisset. Rex
Gallia, qui præcipuus belli autor reliquis
fuit.

1743.

fuisset, videns se a præstituto fine longe adhuc abesse, ne nominis apud suos fœderatos exultationem amitteret, ad solitas artes conversus in eo elaborabat, ut a Regina amicos abstraheret, eosque, qui nullius partis hactenus erant, sibi conciliaret. Præter regem Neapolitanum, quem in societatem armorum pertraxerat, præcipuum in lucrificando, rege Borussiae studium jam mense Aprili posuerat, qui, etsi quidem in principio hæsitaret, postea tamen, incertum splendidisne magis, an utilibus conditionibus illectus, fidei Reginae nuper datæ immemor, pactis Francofurti XXII. Maji initis, partes Galli, adscitis deinde Electore Palatino, & Principe Hasso Castellano, ad tuendum Imperatorem amplexus est. Latuit aliquamdiu Reginam, & confœderatos hæc coælitio, donec Borussia X. Augusti inopinantis omnibus supra centum millia bipartitis copiis Bohemiarum militia vacuæ infundens, Pragaque XVII. Septembris occupata totum fere regnum, excepto Budvicio insedisset, & per idem tempus Galli ex conducto collatis ad Rhenum, omnibus viribus Constantiam, & Friburgum in potestatem redegerant. Tum vero Regina domestico, & improvise periculo circumventa Carolum Lotharingum a Rheno revocavit, & Hungaros, in quibus præcipue spem collocaverat, promissæ admonuit. Vix Palatinus, in quo discrimine re-

gina

gina versaretur, per Comitatus vulgaverat, cum brevi quadraginta prope millia ad fines Silesiæ, & Moraviæ armati, comminatione regis Borussiae insuper habita, confitere. Horum adventu, a) & postquam Saxones præterea ex pacto se Lotharingo conjunxissent, rex tempori cedendum ratus, superato ad *Colinum* Albi flumine in Silesiam se recepit, quin Austriacos ab occupando Glacensi Comitatu prohibere potuerit. a)

1744.

IV. Inde relicta copiarum parte, quæ regis conatus observaret, reliquæ, quamquam hyems ingravesceret, ad Rhenum reductæ, dum Gallos Bavaris conjunctos ad *Ambergam* obvios habent, conserta VII. Januarii pugna vincunt, & superiorem Palatinatum occupant.

1745.

Im.

a) Ferunt Cardinalem Fleuri, dum belli hujus typum designabat, & calculum, qui fœderum utrinque socii esse possent, duceret, Hungariæ oblitum fuisse. Forte illud verius sit, quod ex usu prioris temporis, Hungaros rursus arma in regem correpturos putarit. Ingens calculi error, quod paucorum vitium, vel errorem, genium Nationis ignorans, totius esse crediderit.

b) Biogr. cit. Wenck l. c. T. II. p. 163. Manifestum nomine regis Borussiae ad Hungaros ex castris ad Neostadium.

1745.

Imperator cladis nuncio non diu superflus, relicto Maximiliano filio paullum ante obitum majorenni declarato extinctus est, cujus mors, & mox relata de Gallis XV. Aprilis a Carolo *Batthydnio* ad *Pfaffhöviam* victoria subitam rebus in Imperio novandis occasionem præbuit. Regina, quæ jam a patris obitu conjugem ad Imperii dignitatem evectum cupiebat, nunc voti consequendi tempus opportunum nacta, pacem, quam Maximilianus auxilii Gallorum pertæsus flagitabat, volens, libensque concessit. Conventum est XXII. Aprilis in has leges: Regina Bavariam Electori restituet, hic vicissim sanctionem pragmaticam confirmabit, dabitque operam, ut Bohemia in pristinum jus, quo in postremis Imperii Comitibus privata erat, reposita, dum de eligendo Imperatore deliberatum fuerit, Francisco conjugi suo suffragetur. Jam multo ante in hunc finem quadruplex fœdus *Warsaviæ* inter Reginam, Anglos, & Batavos, ac Electorem Saxonie conflatum, quo mutuum sibi opem spondebant, *Frankfurtano* oppositum spectare videbatur, Anglia sumtus in bellum subministrante, quæ Saxoni, si triginta pugnatorum millia tempore belli sub signis haberet, CL. millia librarum *Sterlingorum* annua decreverat. Invitati ad idem fœdus Imperatrix Russorum, Poloni, Electores, ceterique Principes Imperii; secrete autem in eo paciscentibus convenerat, ut reges Angliæ,
&

& Poloniæ, utpote imperii Electores, per suos Legatos operam eo solícite conferant, 1745.
ut Moguntinus, Colonienſis, & Trevirenſis
Electores, aliique Principes, ſi res poſceret,
in conſtituendo Imperii capite unanimis eſ-
ſent. Non latebant hæc regem Galliæ, qui,
cum videret, ſi Principes Imperii inter ſe
conſpirarent, rem ſibi cum tota Germania fu-
turam, bellumque multo difficillimum conſla-
ri, non invitus pacem ſuadentibus aſſenſus
eſt, cum autem nemo Principum, quod omnes
fere partem in bello haberent, eſſet, cujus
auctoritate conciliaretur, clam cum Turca-
rum Sultano egiſſe fertur, ut has partes in ſe
reciperet. Fecerat quidem *Bencklerus* Regi-
næ Conſtantinopoli Internuncius, ejus rei in-
dicium, verum illa technas Gallicas ſubefſe
verita, hanc machinationem inoffenſo Sulta-
no ab ſe feliciter amolita eſt. Unus ſupererat
rex Boruſſiæ foederi Gallico recens innexus;
huic quoque, ſi quid novi occiperet, ut reſi-
ſtendo eſſet, cum Saxone XVIII. Maji Dredæ
in hanc conditionem tranſegerat: ut, cum
uſu ipſo conſtet, regem Boruſſiæ proferendæ
ditionis ambitione ita agi, ut vicinis nunquam
quietis eſſe liceat, eouſque ab armis non
deſiſtant, donec non ſolum Sileſia cum Gla-
cenſi Comitatu in jus priſtinum redeat, ſed
rex etiam arctioribus limitibus conſtringatur;

ſi

1745. si quid præterea in hostico occupatum fuerit, de eo postea ex æquo utrinque deoernetur. a)

Secundum hæc pacta Carolus Lotharingus cum Principe Weissenfelsio Saxonum ductore Silesiam ingressus, provinciam recuperaturus sperabatur, cum pridie Nonis Junii accepta ad *Fridbergam* clade spes ea evanuit, & , ne clades quasi solitaria esset, eodem tempore Hispani Mediolanum, & Parmam, Galli vero Tornacum occupasse, Rhenoque transmissio Francofurto propinquare nunciabantur, quod etsi quidem eo pertinere omnibus visum sit, ut Comitiorum suffragia interverterent, acceleratione tamen Traunii cum exercitu e Bavaria factum, ut Gallis trans Rhenum redactis Hetruriæ Dux Franciscus, quamquam Legati regis Borussiae, & Palatini adversum niterentur, consensu reliquorum XIII. Septembris Imperator salutatus IV. Octobris coronaretur. Communem inde ortam lætitiā nuncium de accepta rursus ad *Trattenaviā* clade, & occupata a Borussia Lusatia, totaque fere Saxonia interceptit, simulque ut Gallorum progressionibus obex
pone-

a) De hac conventionē nihil ante rescriptum fuit, quam rex Borussiae occupata an. 1756. Dresda, Reginam Poloniae licet reluctantem, Tabularium exhibere coegisset, tametsi non desint, qui id jam ante ei proditum fuisse suspicentur.

poneretur, viam ad tractandam denuo pacem paravit. Conciliata est Dresdæ XXV. Decembris interposita regis Angliæ opera, & his capitibus definita: Regina conventionem Wratislaviæ anno 1742. initam, qua juri suo in Silesiam renunciaverat, rursus confirmabit, rex autem Borussia electionem Imperatoris ratam habebit, agetque, ut Palatinus idem præstet, & Saxonia pretium belli decies centenis millibus *Thalerorum* in auro pensabit. a)

1745.

V. Rex Galliarum videns pace Dresdensi regem Borussia sibi abstractum esse, aliam machinam reperit, qua vires foederatorum sejungeret, Jacobo, quem *Prætendentis* nomine diverticuli causa adhibebat, in Scotiam immisso, cujus progressus cum in principio satis felices essent, *Cumberlandius* cum præcipua copiarum parte e Belgio domum revocandus erat, cujus recessu cum foederatorum exercitum minui oportuerit, prona Gallis omnia fuere, Bruxellæ, Mechlinium, & Antver-

1746.

-
- a) Biogr. cit. Wenck I. c. T. II. p. 171. & 180. item p. 191. — 94. Mémoires concernant un recit. militaire & historique de ce qui est arrivé en Saxe vers la fin de 1745. à Cologne 1746. Recueil de quelques lettres & autres pièces pour servir à l'histoire de la paix de Dresde à Berlin 1746.

1746. verpia sub idem fere tempus occupatæ, quo Regina novum cum Imperatricæ Russorum foedus Silesiæ causa pepigit, quo inter cetera illud præprimis constitutum, ut, si rex Borussiae ditiones Reginae, hujusque hæredum, aut Russiae, Poloniaeque hostiliter invadendo, pacem Dresdensis violaret, tum, cui Regina renunciaverat, jus pristinum in avulsam Silesiæ partem & Comitatum Glacensem rursus ad illam, ejusque hæredes redeat, in quem eventum sexaginta auxiliariorum millia utrinque promissa erant. Angli quoque cum Russis, si Suecus aliquid in favorem Gallorum inciperet, mutuo sibi subsidia pacti sunt, ne autem Bavariae Elector patris sui exemplo in transversum agatur, Regina conventionem ante biennium cum eo initam, nova stipulatione firmavit.

Interea Galli & Turcas in Regnam concitare non desinebant, & Montes, Caroloregium, & Namurcum in Belgio subegere, ut fere jam nihil istic Austriacum esset. Non eadem fortuna Hispani in Italia usi, quos Lichtensteinius ad Placentiam victos ultra *Rotofredum* rejecit, & per Genuensium ditionem *Vintimillium* se recipere coegit, tametsi nec hic illis, instante a tergo rege Sardiniae, & Brounion cum Cæsareis fugam urgente, diu consistere licuit, dum hic superatis montium faucibus, intercepta repente Genua, Antipolim (*Antibes*) ope clasus Anglicae obsideret,
&

& rex Sardiniae occupata *Savona*, Gallos Hispanis conjunctos ultra *Varum* flumen in Provinciam proturbasset. Insolita res Gallis, in hostico bellum gerere assuetis, visa, Cæsareos hac parte in Galliam penetrasse, & cum copias ex Belgio accersere, serum, nec satis tutum esset, injecta mentione pacis, & spe illius conciliandæ aminus ostentata foederatos lactabant. Conductum *Bredam* est, verum, cum ex morosa agendi ratione, & immixtis studiose altercationibus fucum obtrudi pateret, præterea quoque allatum esset, Cæsareos a Genuensibus coorta seditione urbe proturbatos, & Brounium obsidionem Antipolitanae XIX. Januarii solvere coactum fuisse, congressus re infecta solutus est, & arma utrinque resumta, prosperiore tamen Gallis, qui Hollandos interea, quod neutrius partis esse vellent, inopinato aggressi sunt, quam foederatis, fortuna. Cæsarei enim rursus, sed irritò conatu, Genuam tentarunt, & Angli ad *Laffeldam* prælio inferiores fuere, licet intercepta, præter sex naves bellicas, classe oneraria Gallorum divitiis Americanis referta damnum cum scenore pensassent. Sensere Galli hac jactura vulnus sibi gravius inflictum, quam ut bellum deficiente jam sensim nervo longius traherent. Itaque, quem simulate iactenus præferebant, serio animum ad amplectendam pacem adiecere, præsertim quod lipulata Russorum auxilia Reginae subsidio

1746.

1747.

1747. venire, & Germaniæ propediem propinquare nunciarentur. Re cum partibus diutino bello alioqui jam fessis communicata Aquisgranum Congressui delectum est *a)*

1748. Difficilis in principio videbatur futura coalitio, quod Galli ad extorquendam magis, quam conciliandam pacem Interea *Trajectum* ad Mosam, & Angli portum Ludovici in insula sancti Dominici interceperint; conventionem tandem, ut positis armis, & relicto interim in Gallorum potestate *Trajecto*, induciæ essent, & de conditionibus mutuo consensu ageretur. In ipso limine has Galli leges proposuerant: ut, conventionibus de sanctione pragmatica alias initis in suo robore relictis, Ducatus Parmensis, & Placentinus cum Guastafalo Principatu Philippo Hispaniæ Infanti cedant, nec ante jus in illos ad Domum Austriacam devolvatur, quam vel rex utriusque Siciliæ in Hispania succederet, vel Philippus improlis moreretur: Franciscum Hetruriæ Ducem omnes Imperatorem agnoscant, regi autem Borussiae cautio, & fidejussio de Silesia, & Glacensi Comitatu præstetur. Hæc præcipua capita erant; quæ quidem Hollandi, qui *Trajecto* suo metuebant, tum Angli, & , qui præterea partem

a) Biogr. cit. Wenck Cod. jur. gent. T. II. p. 229.
& p. 244.

partem in bello habebant, non difficulter 1748.
 amplexi sunt, unus solum, qui Imperatricis
 nomine aderat, Comes *Kauniczius*, quod
 quædam de Italiæ Ducatibus non satis expli-
 cata viderentur, intercescit, quibus postea
 cum uberior declaratio esset addita, ipse quo-
 que consenserat, & paci XVIII. Octobris sub-
 scripsit, quam Imperatrix suo etiam nomine
 III. Nonas Novembris ratam habuit. a) Mul-
 tis quidem videbatur pax exigua Reginæ fru-
 ctu confecta esse, sed ex eventu patuit, *Kau-*
niczii mentem in futuram ætatem fuisse por-
 rectam, qui jam tum de Domo Austriaca Hi-
 spanicæ magis connectenda, atque hac ratio-
 ne ab aula Gallica, si hanc nullas deinceps
 modos conciliandi superesset, sensim abstra-
 henda, apud animum suum consilia agitabat,
 quo futurum videbat, ut, cum Imperatori Hæ-
 truria jam hæreditaria obtigerit, si postea
 memorati Italiæ ducatus in jus Austriacum,
 ut conventum erat, devoluti fuerint, sola
 Viennensis majus in Italiam arbitrium, &
 auctoritatem magnæ utique pacis, & belli tem-
 poris suo emolumento obtentura sit, quam
 Gallica hactenus seu re ipsa habuerit, sive
 tantum sibi arrogarit.

N n 3

VL

a) Ibidem biogr. Wenck T. c. p. 310. — 431. &
 ex parte Roussel recueil &c. T. XX. p. 158. &
 Lettq.

VI. Regina octenni fere bello tandem
 1749. defuncta tanto majorem regnorum suorum
 curam suscepit, quanto minus ante a tot ho-
 stibus impetita mentem eo potuerat converte-
 re. Hungariam, cujus præsentem opem ex-
 perta erat, sibi imprimis cordi fuit. Ufu
 ipso compererat, regno huic, si rite coordi-
 netur, majores, quam existimatum sit, vires
 esse, genium præterea Nationis, quamvis
 suoapte ad arma proclivem, ita tamen tracta-
 bilem, ut ad imperata facienda non tam im-
 perio, quam solo fere nutu Principis regi
 posset. Hinc facile causas detexit, cur deces-
 sores sui toties bellis intestinis fuerint impli-
 citi, non tam suo, quam eorum, quos mul-
 tiplici cura impediti, rebus præfecerant, er-
 rore, qui cum gentis indolem, & legum in-
 stituta parum cognita haberent, sæpe consi-
 liis suis, optimas Majorum suorum destina-
 tiones corruperant. Quare eam sibi deinceps
 rationem inctendam præfixit, ut regni negotia
 adhibitis in consilium gentis Optimatibus tra-
 ctaret, vetera statuta servaret illæsa, viris
 probatæ fidei, ac integritatis publica officia
 conferret, & in gubernando lenitatem adhi-
 beret præ severitate, iisque, quæ peterentur,
 si æquitati consentanea essent, non solum an-
 nueret libenter, sed plerumque etiam vota
 ipsa præveniret. Illo autem præcipue omni-
 um animos sibi devinxit, quod formando
 Principi hæredi Josepho Carolum Batthyá-
 nium

nam præfecerit, quæ ministerii cura ut intimæ admissionis est, ita nulli adhuc Hungaro, a quo tempore Domus Austriaca rerum apud nos potiri cœpit, credita fuit. Abhinc pluribus ad aulæ officia aditus patere, & nexus animorum inter Principem, & Nationem olim pene luxatus sensim magis, magisque firmari.

Non ignorabat etiam, sæpe quidem ab Ordinibus flagitatum in Comitibus fuisse, ut rex, cujus præsentia magnam in subjectos vim habere, & rei publicæ emolumento esse solet, in regno sedem figeret, sed cum ædes pro commodo, & dignitate regia nusquam esset, Budam, ubi construeretur, delegit. Brevis collata communiter symbola, palatium egregiis substructionibus, temporariæ tamen magis, quam stabili commorationi, quod in tanta ditionum amplitudine, & Nationum, quæ idem optabant, varietate fieri non poterat, idoneum surrexit.

Ceterum, quoniam belli diuturnitas fere semper conjuncta esse solet oneribus, quibus ditiones boni communis causa gravari necesse est, de his minuendis, quoad ærarium publicum pateretur, rationes secum diligenter inibat, studium agriculturæ magis excolli, minora mercibus, quo latius propagarentur, vectigalia imponi, & ad faciendum lucrari compendium rebus in alias ditiones transportandis, vendendisque liberiore omnibus viam patere voluit. Augendo quo-

que populo intenta, colonias aliunde deduci imperavit, desertoribus, vel qui eo tempore, quo religionis causa domi omnia miscabantur, regno excefferant, vulgato edicto impunitatem fecit, si vel ad signa sua redirent, vel se rei agrariæ darent. Nec militiæ cura minor, qui superiore bello inclaruissent, præmiis donatos ad honores, & dignitates provexit, in Hungaros multis visa propensior, quod Legiones eorum ob præstitam fortiter in bello operam augere propositum haberet, quæ animi propensio ab Ordinibus, quos Posonium ad XVIII. Aprilis anni sequentis exciverat, summa omnium gratulatione accepta fuit. Indixerat Comitia, cum ut fructus pacis recens initæ ad communem etiam Hungariæ felicitatem pertineret, tum ut defuncto Palatino Joanni Pálfió alter secundum leges subrogaretur. Simul ac nomina Candidatorum edita sunt, communi acclamatione renunciatus est Ludovicus Bathyánius, de re publica belli, pacisque tempore optime meritis, cujus consiliis, & qua in reliquo valebat auctoritate, & multa salubriter constituta sunt, illud præcipue effectum, ut Regina novo rursus decreto militiam, ne plebi esset oneri, designatis per Comitatus stativis, quid, quantumve cuivis esset præstandum, neque ultra hæc quidquam poscere, aut extorquere ausit, & quæ, si exerraretur, in judiciis habenda sit ratio, modum

modum præscriberet, Ordines autem exter-
num militem fixam deinceps in regno sta-
tionem habere, quod lege hactenus vetitum
erat, non inviti paterentur. 1751.

His domi ad securitatem regni constitu-
tis, aliunde etiam provinciis suis volens con-
sulere, fœdus cum Hispaniæ, Sardinæ, utrius-
que Siciliæ regibus, & Philippo Parmensi
duce pepigit. Fœderis condiciones huc fere
redeunt: paciscentes ad ditiones in Europa
sitas, Hispaniæ quidem, & Sardinæ reges
universas, Siciliæ rex vero, & dux Parmen-
sis solum ad Italicas adversus quemvis hostem
defendendas communiter se obstringunt, re-
ges præterea evictionem sanctionis pragmati-
cæ, & Cæsari pro Hetruria fidejussionem
præstabunt: non tamen ante res armis agetur,
quam si Principes, qui ditiones primi inva-
dere voluerint, communi paciscentium opera
a proposito averti non possent, tum vero
Regina octo Peditum, & quatuor Equitum
millia, totidem Hispaniæ, & Sardinæ reges,
subsidio vicissim sibi mittent, in cujusvis ta-
men arbitrio erit, utrum milite, an ære au-
xilium sibi malint præstari, decreto in quomo-
vis mensem Peditatui duodecim, Equitatu
autem viginti quatuor millium florenorum
Rhenensium stipendio: si vero hæc auxilia re-
primendo hosti non satis essent, omnibus viri-
bus sibi adjumento erunt. Paullum alia de
Italicis ditionibus ratio est ingita: imminente
pro-

~~1752.~~ provinciis Reginæ, aut Sardinie regis, Cæsaris item Hetruriæ periculo, rex Siciliae quatuor Peditum millia, & mille Equites, Parmensis dux Pedites mille, & quingentos Equites, totidem utrique, si bellum illis ingruet, Regina, & Sardus præstabunt, Cæsar Hetruriæ nomine mille Peditibus, & quingentis Equitibus subsidio eis veniet: Tabulæ foederis, si citius fieri non posset, intra duos menses Madriti permutabuntur. Patuit non multo post, quam opportune id foedus Reginæ rebus commodarit. Nec enim omnia pace Aquisgranensi malaciæ, ut apparebat, simili, satis extricata fuisse videbantur, cum non deessent ex apparatus, qui passim alibi fiebant, indicia, quæ novam tempestatem eminus quasi portenderent. Hunc in finem jam multo ante Hispaniæ regem, & Principes Italiæ sibi eo foedere conciliatos voluit, ut, si ditiones suas bello alibi contingeret infestari, copias ex Italia, nullo earum, quas istis habebat, provinciarum periculo posset educere.

Huc conatus illius etiam pertinebant, cum veteraniæ militiæ numerum supplementis augeri juberet, ne augendæ illius deinceps deesset Seminarium, Academiam militarem Neostadii conderet, ad quam juventuti etiam Hungariæ pateret aditus, quæ in omni disciplina armorum formata utilem, cum usus ferret, in bello operam præstare pos-

posset. Nec rem litterariam, cuius, in quacun-
 que rei publicæ parte versetur, necessariam in
 postremis habuit, quam partim antiquata ve-
 tere institutionis ratione, partim eliminatis
 de nihilo tricolis scientiis, substitutisque uti-
 lioribus, ex quibus olim fructus in publi-
 cam emolumentum redundaret, in meliorem
 ordinem redigi, & arctius spacium contrahi
 mandavit. Hac de causa contubernium quo-
 que Nobilium ad morem illius, quod Vien-
 næ a suo nomine dictum, jam prius conti-
 derat, Tinnavia instauravit, in quo præter
 litteras, ad omnem vitæ probitatem, morum
 que elegantiam, & artes nobili juvene dignas
 instituerentur. Quæ cum ad regni felicitas-
 tem pertinerent, ut iis stabilita domi quiete,
 etiam diuturnitas accederet, pacem cum Lo-
 gato Turcico, qui recens Viennam venerat,
 composita penitus de limitibus ad Savum
 exorta lite, confirmavit. a)

1753.

1754.

VII. Hæc in bonum rei publicæ cœnant
 motus primum ad Tybiscum, qui tamen com-
 prehensis seductoribus mox sopiti fuerat, tam
 in Croatia, & Slavonia exorti non nihil
 obturbaverunt. Militia Slavonica patriam ex-
 mictum commutari impatienter ferens ad

1755.

a) Biogr. cit. Cod. jur. patr. ad an. 1751. Re-
 gulamentum militare Vien. cod. Academiæ Neo-
 stadien. ibid. cod.

1755.

quot Præfectos primo furoris impetu obtruncaverat, fuissetque porro in reliquos grassata, nisi ferocientem Tribuni revocata in memoriam sacramenti militaris fide, & enormitate criminis mature pacassent. Gravius malum in Croatia erupit. Plebs insolitis exactionibus se a dominis suis premi quæsta, rapinas passim, & impune agebat, parumque abfuit, quin alios etiam in seditionem pertraheret. Regina, quæ ut minime patiebatur, colonos ultra vires onerari, ita quæ vel lege, vel mutua conventionibus stabili erant, præstari quoque volebat, lenitate primum cum viis agi jussit, hac ubi nihil profectum est, immissa militia, & seditionis auctoribus, ut ceteris exemplo essent, supplicio affectis tumultuantes ad quietem reduxit.

Vixdum Croatia pacata erat, cum aliunde novus belli, cujus scintilla in America primum jacta omnem fere Europam eodem poena incendio involverat, periculum imminere inminabat. Angli limites suos in Acadia, Americæ septentrionalis provinciis, non satis rite a Gallia pace Ultrajectina directos, arma præmi minabantur. Hinc belli inter utrosque semina, facti apparatus, & conquisita fœdera. Rex Angliæ, qui ditionis Hannoveranæ causa sollicitus erat, certam aris summam Principi Hasso, Casselano pro milite subsidario depactus, initum cum Russia fœdus instauravit, rege Borussiae, ne Gal-

Galli bellum in Germaniam transferrent, ad-
dictis XVI. Januarii viginti millibus librarum
Sterlingorum, in belli societatem adscito, qui
cum in Silesia copias majore, quam alias,
numero cogeret, Regina, cui id non poterat
non esse suspectum, suas etiam in Bohemia,
& Moravia, quasi lustrationis militaris causa in
omnem eventum coire jussit, Russia, & Sa-
xo, si quod periculum ingrueret, foederum
celeriter admoniti, illa in Livonia, & Cur-
landia, hic ad Dresdam, castrametationes
instituerant, cum Gallo præterea conventio
inita, qua XXIV. pugnatorum milia, quin
tamen Americani belli causam Regina suam
faceret, promissa fuere. Nec Galli interim
desides, eos in Normannia, & Britannia mi-
nore apparatus faciebant, qui speciem trans-
fretationis in Angliam præferrent. Hæc tam-
quam in umbra agebantur, & partium ani-
mos aliquamdiu suspensos tenebant, cum Gal-
li Minoricam terra, marique obsident, &
Borussus ducta copiarum parte, quasi Russos
aditu in Germaniam prohibiturus, converso
repente in Saxoniam itinere Dresdam instar
depositi occupat, & Tabularium Regina fru-
stra obnitente referari jubet, causam belli tum
primum quærens, cum id jam obmoverat.
Urbe occupata, & relictâ, quæ Saxones ad
Pirnam observaret, militum parte in Bohe-
miam irrupit. Bellum itaque, quin denun-
ciatum pro more fuerit, jam aperte gereba-
tur,

1756. tur, quod tam alteras utriusque fortuna sæpe interceptum est, ut jam hæc, jam altera pars prope exitium fuisse videretur. Iphis Calendis Octobris primum manus ad *Loboficium* dubia utrinque pugna confertæ sunt, ex qua illud tamen commodi captum, quod Brounius Cæsareorum dux regem, ne ultra progredi, & hic, ne Brounius interclusis ad *Pirnam* Saxonibus succurrere posset, alter alterum impediverit.

1757. VIII. At sequens annus magis cruentus, nec unquam alias uno, eodemque tot prælia commissa sunt. Postquam Saxones ad *Pirnam* deditionem facere, & plerique signa Borussica sequi coacti fuissent, tripartito exercitu rex quidem ex Saxonia, ex Silesia Sverinus, & Beveranus ex Lusatia, Cæsareis ad Pragam collectis, imminebant. Carolus Lotharingus, & Brounius summa celeritate, quæ hosti propulsando opportuna essent, disposuerant: ventum ad manus est, VI. Maji pugna, si quæ unquam fuit, sanguinaria, tribus horis victoria a Cæsareis, post, ubi Brounius vulnere perstrictus erat, & nostri nimio pugnandi ardore abrepti ordines laxassent, a Borussis stetit. Pars nostrorum incolumi maximam partem apparatu bellico Pragam, altera versus Moraviam se recepit. Clades Cæsareorum octo, Borussorum contra sedecim millium fuisse fertur, quibus instar amissi prælii mors Sverini fuit, quem Brounius haud

haud multo post ex vulnere obiens sequutus ~~est~~ **1757.**
est. Jacturam altero post mense reparavit
Leopoldus *Daunius*, qui acceptis mandatis,
ut Pragam obsidione liberet, collectis, quæ
a clade Pragenſi supererant, reliquiis, &
supplementis auctus, cum se itineri versus
Pragam accingit, regem ad *Colinum* pugnam
anhelantem XVIII. Junii obvium habuit. Præ-
lium, a cujus exitu Daunius salutem, vel
jacturam Bohemiæ æstimabat, pertinax utrin-
que fuit: rex jam sextum instauratis viribus
aggressionem accerrime, sed frustra, repetens,
post septimam tandem desideratis decem suo-
rum millibus loco motus, & amissa magnam
partem castrenſi supellectili trans Albim retru-
sus, Praga obsidione, & Bohemia hoste liberata
fuit. Nostriſ inde animi erecti, quod regem,
qui multis hactenus insuperabilis visus erat,
vinci posse ostendissent, quorum fervorem ut
Regina acueret, Ordinem equestrem a suo
nomine dictum condidit, in quem cooptandi,
præter honoris prærogativam, annuos etiam
reditus classium varietati admenſos haberent.

Id in universum magno omnibus ad rem
armis pro virili gerendam incitamento fuit:
accedebat illud quoque, quod fœderati Reginæ,
Galli primum *Etreo*, postea *Richelio*, Impe-
riales *Hildburgshausio* & *Subisio* cum Gallicis
auxiliariis, Russi *Apraxino* ducibus, & Sueci
etiam rem jam propius, nec infeliciter ge-
rerent. Rex tot hostibus, qui eodem tem-
pore,

1757.

pore, & ex tot partibus imminebant, arctari se vident, in castris munitis se aliquamdiu continuit, ut rationem iis resistendi secum exigeret. Hac solícite in omnem partem versata, cuius seorsim occurrere statuit, felicem rei exitum in celeritate reponens. Relicto igitur, qui Silesiam interim tueretur, Beverano, adversus Imperiales Gallis conjunctos profectus est. Hoc tempore Carolus Lotharingus utendum ratus, *Niddasidium* jubet *Schveidnicium* obsidere, & *Hadikium*, ut regem ab itinere, re autem ipsa ab Imperialium novitia adhuc militia avocaret, Berolinum tentare; ipse cum Daupio in Beveranum movet. Ac Hadikius quidem accelerato itinere Berolinum incolumis tenuit, urbique ob condonatum incendium ducentis *Thálerorum* millibus mulctata, reditum parabat, cum rex urbi suæ opitulaturus cœptum iter reflexit, sed Hadikio opportune jam elapso reversus, imperiales V. Novembris ad *Rosbachium* aggressus in fugam egit, inde ad suos reditum accelerans comperit, *Vinterfeldium* in Lusatia a *Niddasdio*, & *Beveranum* a Lotharingo ad *Vratislaviam* capto duce profligatos, & hanc cum *Schveidnicio* in hostis potestate esse. Tanto magis properabat, fortunam, in quamcunque partem se daret, ut fere sit, cum res conclamatae videntur, prælio experiri. Offenderat nostros mimentis suis egressos pugnam, dispare ta-

men

men Ducum sententia, offerre. Struit pro tempore aciem, configit, & quinta post hora vincit. *Wratislavia*, interceptis XVII. præfidiariorum millibus recuperata, fructus victoriæ fuit. Hæc ad Nonas Decembris acta. Patuit tamen, quid utrinque a prælio interesset. Rex militares Præfectos in suis ditio- 1757.
nibus resistere, & Regina Ducem *Beveranum*, liberum dimitti iussit, quod magno etiam Borussorum encomio acceptum, & opinione omnium ille quidem pugna, hæc magnanimitate superior fuit.

Didito de clade nuncio Optimates Hungariæ certatim Viennam confluxere, triginta 1758.
tironum millia cum bellico apparatu Ordinum nomine polliciti: his se Croatarum quadraginta, Sclavonum viginti millia, omnes causam Reginæ suam quoque esse rati adjunxerant. Novis itaque viribus bellum instauratum. *Fermerus*, quem Russorum Imperatrici *Apraxino*, quod obtenta anno priore de Borussia ad *Volaviam* victoria uti neglexerit, substernerat, per hyemem *Regiomonto*, & *Elbinga* occupatis *Pomeraniæ*, & *Silesiæ* appropinquabat. Rex nihil hostis vicinia motus Olomucium obsedit: *Daunius*, qui illum auspiciam dimittere solebat, cum videret prælio locum non esse, obsidentem per intervalla carpere, & commeatu excludere statuit. Commode accepto per exploratores indicio, Borussos magnam apparatus bellici

1758. ~~copiam~~ ex Silesia regi subvehere, obviam illis *Laudonium* cum *Siskodiefio* misit, qui caesis tribus millibus, ceteris fugatis commeatum omnem castris nostris invexit, qua jactura rex oblidionem solvere coactus, in *Rufos Cüstrinum* prementes movit, sed & hic ad *Zorndorfium* dubio Marte congressus prior ex arena decessit, ut *Dresdæ* laboranti opem ferret. Huc ut citato itinere venit, castra ad *Hochkircham* nostris castris opponens frontem tormentis obvallat. Daunius regem aggredi certus, ut metum præferre videretur, in silva, quæ utrosque divisit, concædes aliquot diebus fieri iussit, ita regem sui securum ante diluculum aggressus, quamvis fortiter resistentem, amissis decem suorum millibus, e munimentis ejectum, omni castris apparatu, in quo præter viginti octo signa, centum quoque tormenta fuere, exiit. Rex nihilominus animo sibi constans, non longe remotus rursum castra metatus est. Hic alter alterum observabat, donec *Rufos Soltikowio* duce, cui *Laudonius* se junxerat: in Silesiam penetrasse, & *Frankfurtum* ad Oderam occupasse, nuntiatus est: tum vero periculo suorum admonitus, deserta Saxonia regressus, nec *Daunium* vestigia prementem multum moratus, XII. Augusti tanta pertinacia, quasi fortunam in suas partes videretur velle cogere, cum *Rufis* confligit, rursumque amissis XV. millibus inferior decedere

coa-

coactus: est; *Laudonius* fugientium reliquias 1759.
 quatuor millibus interceptis in cœnosa loca
 adegit; ducenta tormenta cum triginta signis
 legionariis, & castrensi apparatu occupata,
 paullumque post Dresda dedita victoriam
 præ aliis insignem reddidere. Nunquam alias
 rex tanto damno affectus, mox par fere ipsa
 hyemæ perpessus est, cum *Damianus* prope Al-
 bim ad *Maxam Finkiam* cum XIV. millibus,
 sexaginta sex tormentis, omnique belli supel-
 lectile deditioem facere coegit. a)

IX. Tot cladibus: rex cautior redditus 1760.
 posthac magis se tueri, quam alios, nisi ne-
 cessitas cogeret, infestare constituerat, præ-
 sertim quod Russos majoribus, quam ante,
 copiis adventare intelligeret, quibus dum
Laudonius illis se conjuncturus obviam profi-
 ciscitur, per iter *Buquetum* septem munimen-
 tis in arduo obvallatum cum novem millibus,
 eademque celeritate, & fortuna *Glacium* in-
 tercepit. Ducenta tormenta, annonæ prom-
 tuaria, cum ærario bellico in partem præ-
 dæ venere. Ad *Lignicium* tamen, cum Cæ-
 sarei universis viribus regem aggredi con-
 stituissent, & is primum agmen ad circum-
 eunda hostis castra duceret, proditus ante
 tempus a transfuga, regem cum universo
 exercitu ante se pugnæ paratum offendit,

O o 2

&

a) Biogr. cit. ad hos an.

& capto ab animi praesentia consilio praesentia
 1760. liam, quamquam numero inferior, orditur eo
 successu, ut quamvis ipse quinque suorum
 millia amisisset, profligata tamen sinistra re-
 gis ala receptum ea arte instituerit, ut rex
 nunquam se similem vidisse fateretur. Ab-
 hinc regis cura eo praecipue pertinebat, ne
 Caesari hyberna in Silesia agerent, quos ut
 ipse abstraheret, rursus contra Imperiales
 movit, & *Daunius* euntem a latere comita-
 1761. tus castra ad *Torgaviam* fixit. Hic iterum
 XXII. Novembris ad manus utrinque ven-
 tum: jam rex post octo frustra tentatas ag-
 gressiones campum deseruerat, cum *Ziethe-
 rius* occupato monte, & rege revocato vi-
 ctoriam, absente ob acceptum vulnus *Da-
 nio*, nobis e manibus eripuit. Borussiae
 octodecim, Caesareorum duodecim millia eo
 praelio esse amissa, memoria est proditum.
 Hyems solito gravior ingruens, utrosque ad
 capienda hyberna adegit, rex ad Lipsiam,
Daunius Dresdae confedit. Ineunte anno Russi
 duce *Romanzovio* primi motis castris bellum
 auspici Silesiam petebant, quibus dum
 rex, ut eos transitu Odae prohiberet, ma-
 gnis itineribus obviam contendit, & *Laudon-
 nium* sibi ubique ad latus adherere videt,
 ab eo conatu retentus, non longe *Schweidnicio*
 castra metari fuit, nec ante, quam molestus
 itineris comes annonae, & pabulationis de-
 fectu se a Russis sejungere cogeretur, inde

Nis-

Nisam movit, in omnia rei gerendae occasione[m] intentus. Hac mora regi a *Laudonio* 1761. injecta, Russi opportune *Treptoviam* occupaverunt, & XVI. Decembris *Colberg* in potestatem redacta, defixis ibidem hybernis, eos in insequentem annum apparatus facere, ut exacta hyeme rursus bellum in *Sileciam* tractaturi cederentur.

Vortan has destinationes *Imperatrix Elisabethæ* Imperatricis repente interrumpit, aliamque rebus faciem induxit. *Petrus III.* successor illius id primum ab adito folio egit, ut *Russicas* copias a *Cæsareis* fecerni, & *Borussicis* adjungi, paceque confecta regi, quæ occupata erant, reddi jubere, quorum exemplo *Sueci*, qui satis somnolenter jam rem gerebant, regi itidem conciliati sunt; *Gallos* autem, qui ob mutatos crebro duces, variam quoque fortunam experti erant, & damna ab *Anglis* in *America* illata graviter ferrent, jam belli tædebat. Rex igitur gemino hoste, quos ditionum vicinia periculosos reddiderat, liberatus, *Imperialibus* autem, & *Gallis* languentibus rem sibi cum folis fere *Cæsareis* futuram videns *Schweidnitzium* aggressus est, & post trimestrem obditionem, *Dannio* nequaquam opitulante, ad deditionem coegit. Id conciliandæ paci locum præbuit, quæ condito induciarum tempore his conditionibus *Hubertoburgi* coaluit: leges pacis, in quas *Dresdæ* olim conven-

1762. tum erat, nostra pars irritas faciet, quæ bello occupata sunt, restituantur, rex vero pollicebitur, se Principi Josepho ad consequendam regis Romanorum dignitatem in proximis Imperii Comitibus suffragaturum, cauturumque, ut is ex illius fratribus, qui Ducis Mutinensis neptem docturus esset, in eodem Ducatu succedat. a) His pactis anno

1763. sequente XV. Februarii firmatis, bello omnibus, qui in eo partem habuerant, perinde calamitoso finis est impositus, ex quo illud tamen commodum nobis accessit, quod militia Hungarica, cujus exigua apud externos aliquamdiu jam erat opinio, tot continenter bellis exercitis stataræ pugnandi disciplinæ magis consuefcens pristinam nominis existimationem recuperavit, multique ex ea sensim prodierunt, qui ducendis supremo imperio copiis idonei haberentur.

1764. X. Firmata pace Josephus, ut pacifcentibus convenerat, suffragante præprimis rege Borussiae, in Imperii Comitibus die XXVII. Martii rex Romanorum electus, & patri consors est additus. Soluta Imperiali Conventione Regina alium ad XVII. Junii Posonium indixerat, in quo ut Nationi, cujus luculenta amoris in se indicia cum alias, tum recens

a) De pace Dresdensi an. 1745. d. 25. Dec. inita, recole ea, quæ ad h. a. dicta sunt.

cens quoque exstabant, gratificaretur, Præ-
 fectum cohortis Prætorianæ Hungariæ in-
 ter regni Barones adlegit, utque viros etiam,
 qui in re politica operam egregie præstitis-
 sent, novo honoris augmento, quemadmo-
 dum in militari fœderat, ab aliis secerneret,
 Ordinem equestræ, cui nomen a Divo Ste-
 phano Hungariæ primo rege inditum erat,
 instituit, nullo tamen annuo censu designato,
 quod non dubitaret, quemvis pro ea, qua
 in Patriam esset, charitate omne studium ad
 eam ornandam, & in pristinum florem redu-
 cendam sponte, & gratuito locaturum esse.
 Nondum Comitia, quæ ob graves de tribu-
 ti auctione difficultates in alterum annum
 prorogari debebant, finem habuere, cum Re-
 gina novo Romanorum regi Josepho, cui
 biennio abhinc conjux Isabella Ducis Parmen-
 sis filia funere elata erat, alteram con-
 jugem Mariam Ludovicam Caroli VII. Im-
 peratoris filiam dedit, ea, ut credebatur, ra-
 tione potissimum ducta, ut, si quæ adhuc in-
 ter utramque familiam ob illatam Reginæ
 in aditu regnorum a patre injuriam simulas
 superesset, hoc vinculo penitus tolleretur.
 Eadem de causa, ut Domus Borbonica Au-
 striacæ, sopita tot annorum æmulatione, ar-
 ctius jungeretur, Josepho prius ducis Parmen-
 sis filia obtigerat, & nunc Maria Ludovica
 Caroli III. Hispaniarum regis filia Leopoldo,
 alteri Reginæ filio, in manus venit. Nuptias

1764.

1765.

Oeniponti V. Augusti pompa regali celebra-
 1765. **tas mors Imperatoris XVIII. ejusdem mensis**
magno omnium luctu intercepit, cum annum
ætatis sextum supra quinquagesimum ageret,
conjugi suæ animi bonitate, bene merendi
de aliis studio, & cum locus posceret, mu-
nificentia, ceterisque virtutibus, quæ regnan-
tes ornare solent, simillimus.

Regina luctu, quem constanter, dum vi-
 1766. **xit, animo retinebat, ne suis deesse videretur,**
extrinsecus deterfo, Josephum regimi-
nis socium adscivit, paulum post Albertum
Saxoniz ducem, Mariæ Christianæ filiz col-
lato Tescinensi ducatu conjunxit, eique, de-
functo postea Palatino, res Hungariæ suo no-
mine administrandas credidit. Hæc dum ad

1767. **levandas suas curas agit, prope erat, ut cum**
ad Josephi conjugem morbillis correptam in-
visit, eodem malo afflata maritum sequeretur.
Ex indictis per omnes provincias pu-
blicis supplicationibus patuit, in quanto o-
mnium amoris esset. Erepta periculo, ut se

1768. **suis gratam exhiberet, caveretque, ne eo-**
dem, quo defuncta erat, malo corriperen-
tur, prolibus suis primum mox designata
domo, volentibus morbillos inoculari jussit,
quo instituto latius sensim propagato multos
ab ea contagione immunes rei publicæ ser-
vavit. Nec aliorum commodo solum inten-
ta, familiæ etiam suæ futuri provida, cum
 exte-

exteris Principibus conciliata amicitia consultum ibat; dum Mariam Carolinam Ferdinando utriusque Siciliae regi, & sequente anno alteram filiam Mariam Amariam Ferdinando Ludovico Parmensi duci connubio necteret. Hac sanguinis, ut ita dicam, communicatione, cum praeterea jam ante biennium Regina filio suo Ferdinando Carolo Mariam Beatricem, ducis Mutinensis neptem, cum jure successionis ad posteros desponderit, magna Domui Austriacae accessio, non quidem proprietatis, sed auctoritatis, & potentiae in Italiam facta est. Ipse enim situs terrarum in continente Mediolanensem ducatum cum Mantuano, hic Parmensem cum Mutinensi, & hic rursus Etruriam, interposito quidem statu Pontificio, cum utraque Sicilia, mari tamen opportune connectit, ut adeo praecipua Italiae portio unius quasi familiae censeretur possit, quae sibi bello ingruente communiter adjumento sit. Sub idem tempus fere Josephus, ex peregrinatione eadem de causa per Italiam instituta redux, regem Borussiae conducto in Bohemia loco, & tempore convenerat. Plerique ex familiari utriusque congressu stabilem amicitiam coaluisse existimabant, si modo inter reges constans amicitia esse potest, quos saepe publici status diversae rationes cum sua, tum suorum causa vel invitos solent, aliquando etiam debent committere. Actum praeterea cum Galliae

1769.

1770.

liae rege ad refecandas deinceps belli causas de dirimendis Belgii limitibus, quo congressu data occasio est, ut de Antonia Regina filia Ludovico Delphino despondenda tractaretur. Pactis nuptialibus utrinque firmatis, sequente anno eidem conjuncta spem fecerat conciliandæ utriusque Nationis, quæ duobus pene seculis primum occulta æmulatione, postea similitate, & apertis inimiciis inter se dissidebant. Et dabant se, ut Parisios venerat, Natione universa fere præ gaudio insaniente, initia, quæ stabilitatem polliceri videbantur, lætissima, cum repente ipso hoc, quo hæc scribimus, anno colluvies quædam Nationis inter se coorta, erepto per tyrannidem regi Imperio, hunc, & illam in quæstionem vocatos, nullius tamen criminis convictos, carnificis manu sustulit. Sed infami scenæ, quæ ipsi humano generi opprobrio est, obducto sipario, quæ nostri argumenti sunt, persequamur. a)

XI.

a) Causam regis peroravit D. de Seze: existat Germanice hoc titulo: *Vertheidigung Ludwig's. Vien. 1793*: plena nervorum & eloquentiæ. Regina autem apologiam adornavit Eques Germanus anonymus privato studio. Exhibet hanc Girtanner in annalib. politicis an. 1794. mense Januar. N. 2. pag. 134. — 62 Gall. & Germ.

XI. Invaserat fames non solum aliquas 1771.
 ex ditionibus hæreditariis, sed non exiguam
 præterea Europæ partem, neque in alterum
 jam annum remittere videbatur. Regina tot
 mortales inedia perituros miserata, compa-
 rato undique, præsertim ex Hungaria fru-
 mento, miseris gratuito id distribui iussit, &
 ut huic malo alias quoque consuleretur, in-
 stituta in eum finem schola ad agriculturam
 majore, quam hactenus, cura, ceterasque
 œconomiz partes propositis præmiis exco-
 lendas suis incitamento fuit. Ab hoc bene
 merendi de aliis studio repente avocata, 1772.
 copiarum partem in Poloniam deducere co-
 acta est. Occasio hæc erat. Catharina Rus-
 sorum Imperatrix, & rex Borussiae jura sua
 vetera in finitimas suis ditionibus partes vin-
 dicare constituerant, quorum live exemplo,
 live inito communiter consilio ipsa quoque
 pristinum Hungariæ jus in Galiciam, & Lo-
 domeriam, ut regno assereret, militem his
 provinciis immisit. a) Res Varsaviæ diu ven-
 tilata est, Polonis in adversum magnopere
 ob-

a) Franc. Adami Kollar, *Vorläufige Ausführung der Rechte des Königreichs Hungarn, auf Klein oder Roth Ruessen, und Podolien, und des Königreichs Böhmen auf die Herzogthümer Mähren, und Sator.* Vien. 1772. existat item Latine, & Polonor. respons. Gallice.

1773.

obnixis; tandem indefesso studio Legati Cæsarei Caroli *Reviexki* his conditionibus diremta fuit, quod a dextra Vistulæ ripa ducto a Silesiæ limitibus initio usque Sendomiriam ad confluentem amnis *Sani*, tum recta linea præter Zamoscium ad flumen Bogum, ultraque secundum Rulsiam rubram ad Tyram fluvium secreto inter Moldaviam, & *Pocutiam* limite tenditur, a Polonia avulsam Reginz cedit, quo ambitu ducatus quoque *Ošviczenfis*, & *Zatoriensis* jure regni Bohemiæ comprehensi erant. Russorum Imperatrici ea Lithuaniz pars, quæ ab extremo Curlandiæ angulo secundum Borysthenis ripam versus Kioviensem provinciam tenditur, ea conditione obtigit, ne qua incolarum pars jure, quod sub Polonis habuerat, privetur, & omnia in eo, quo reperta erant, statu relinquantur. Id Ordinis Jesuitarum, decreto Romano soluti, reliquias servavit. a) Provinciæ utrinque, quod jure Hungarico assertæ essent, *Hadikius* præfectus est, qui cum Nationis linguam nosset, & consuetæ sibi in omnes moderatione uteretur, haberetque a militari scientia apud Nobiles magnam nominis estimationem, brevi effecit, ut mutatos dominos

a) Merkwürdige Nachrichten von den Jesuiten in Weissen, aus dem Italienischen. Francof. & Lipsiæ. 1786.

nos æquanimiter ferrent. Tam bene, utiliterque de utraque provincia meritum Regina Viennam accersitum Consilii bellici Præsidentem declaravit, quæ prærogativa, ut nulli hactenus Hungarorum collata erat, ita universam Nationem, in cuius fide tantum reponeret, sibi rursus arctius conjunxit.

1774.

Re Polonica in hunc modum feliciter confecta, & firmata inter Russos, & Turcas pace, bellum inter Angliam, & colonias Americanas exortum est, cui Gallia, memor, quibus in ea orbis parte damnis olim ab Anglis affecta fuisset, sponte se suo, ut ex eventu postea patuit, malo, eoque, quod maxime periculosum esse solet, domestico ingesserat. Regina, quæ ex pacto, si ditio, ni regis Angliæ in Europa bellum inferretur, subsidio esse debebat, hac parte libera, dum illi terra, marique inter se decertant, & Dania, ac Suecia intestinis motibus quatitur, studia pacis amplexa nullam rei publicæ partem, quæ aut vitium fecisset, aut spem præberet uberius fructus in communi bonum redundaturi cura sua indignam existimans de suis, aliisque bene mereri pergebat. Polonorum, qui se tot provinciis privari dolenter ferebant, precibus permota aliquam trans Vistulam, & ad Bogum partem nova conventionem inita, servato sibi tamen medio Vistula, & libera navigatione, resti.

1775.

1776.

1777.

restituit, vicissim autem Rufforum Imperatrix *Bukovinam*, ditio est *Moldaviae*, contermina *Pocucia*, saltuosa quidem, sed tres urbes, & trecentos pagos ambitu suo complexa, quam Turcico bello super occupaverat, Reginae celsit. Obstabat quidem Porta Otomannica aliquamdiu, sed, ut bello proximo enervata stabili pace frueretur, sequente anno XXV. Februarii se jure in *Bukovinam* perpetuum abdicavit. Sub hac obitus Maximiliani Josephi Bavariae Ducis, qui Wilhelminae lineae postremus erat, nihil pacati promittebat. Longum esset, nec nostri argumenti causas longinquius accersere, compendio rem memorasse satis fuerit. Elector haerede masculo destitutus bona diversis titulis nixa reliquerat, in quae Palatinus Rheni universe, in partem autem aliquam *Meklenburgicus*, & *Vurtembergensis* Duces, tum Archiepiscopus *Salisburgensis* sibi jus arrogabant: Regina eam Bavariae partem, quae secundum Danubii ripam ad *Oenum* fluvium tenditur, velut feudum a Sigismundo Imperatore Domui Austriacae olim collata, missa, quae hunc tractum usucaperet, militis insidieri iussit, & jam cum Palatino amice transegerat, cum rex *Borussiae*, tamquam rem Imperii, non suam, acturus intercessit, & tractatione clam cum Palatino, & *Bipontino* instituta conventionem Reginae intervertit.

Hinc

Hinc bellum prope jam certum imminet. Cæsar non ignarus regem belli momentum præcipuum in celeritate reponere, cunctantem nunc prævertit, non quidem ut aliena impeteret, sed sua tueretur. Copias ad Reginohradecium locat, & castris ad Albim munitis, ne nomen aggressoris sibi jure tribui possit, regem præstolatur. Rex per Glacensem Comitatum, & Henricus frater ex Lusatia Bohemiam ingressi omnia experiri statuerant, ut Cæsarem ex loci opportunitate prolicerent, initæ crebro velitationes, castra sæpe mutata, procurSIONES in Moraviam tentatæ, suscepta in medio armorum strepitu pacis consilia, non raro etiam receptus simulati, frustra omnia. Ita annus penè abiit, majore regis, quam Cæsaris damno. Regina, ne Europam rursus belli flamma latius corriperet, pacem anhelabat, nec rex diversam a prioribus annis fortunam expertus abnuit. Congressu Tessini X. Martii celebrato multis difficultatibus implexa negotiatio ad mensem Octobrem protracta, demum XV. ejusdem his conditionibus absoluta est: Palatino Theodoro antiquata priori conventionne omnia, quæ Cæsarei in Bavaria occuparunt, reddantur, tractu tamen illarum terrarum, quæ inter Danubium, Oenum, & Juvavum (Salzam) jacent, suo, & successorum nomine se abdicabit, quæ deinceps juris Austriaci erunt, eique ager Burghausensis

1778.

1779.

in

1779. innexus esse censeatur: regi Borussiae priora foedera, quae Vratislaviae, Berolini, Dresdae; & Hubertoburgi alias inita erant, Regina rursus confirmabit; praeterea jus in Marchionatum Byruthinum, & Onoldinum primogenito Domus Brandenburgicae, novo iterum potentiae augmento assertum; fidejussores denique eorum, quae utriusque partis consensu stabilita sunt, Imperatrix Russorum, & rex Galliae constituti. a)

1780. XII. Stabilita his legibus non inutiliter pace, moris sui retinens ditionum suarum commodis cum alias semper, tum vero praecipue, si confecto bello publica onera, quae hostium causa imperantur, levare solebat, intenta, de minuendis exactionibus consilia susceperat, cum illam de his rationes cum aliis solícite ineuntem mors XXIX. Novembris nobis sustulit, eo doloris sensu, quasi communis omnibus mater erepta fuisset, quod nomen ei praeter illo *Magna*, ex assentatione

a) Sammlung aller Staats-, Hof- und Gesandtschaftsschriften — — welche die Baiersche Erbfolge — — betreffen &c. Vien. 1778. T. IV. Item Vergleich wegen der Baierschen Erbfolge, dann königl. Preussische Vorstellung an den Wiener Hof. Berolini, cum adnexis scriptis, quae eo tempore vulgata erant, .

tione ut plurimum, orto, grata posteritas merito tribuit. Paternam hæreditatem adiens illud sibi præcipue habebat propositum, ut regna sua situ, lingua, & moribus diversa suis quodque institutis, quæ a maioribus acceperant, regeret, nec quidquam horum illis non consultis, vel invitis, mutaret. Hoc æquabili in omnes, quibus præerat, Nationes, animo fiduciam cujusvis, præsertim Hungariæ, priorum temporum injuria labefactam, sibi, Domuique suæ conciliavit. Id in causa erat, quod Hungari de hæreditate periclitanti, aliasque bello impetitæ inter primos correptis armis, collato sponte sua ære, annona, ceterisque, quæ in potestate habebant, adminiculis nunquam defuerint. Tam prompta voluntatis testificatio Reginam vicissim Nationi ita conjunxerat, ut in ea ad pristinum florem reducenda nulli operæ parceret. Laxatas regni partes, Banatu Temesiensi ultra seculum avulso, & agro *Fluminensi* in alienam ditionem traducto, *juri Hungariæ vindicatis*, suæ integritati, intestinis motibus vastas terras, deductis coloniis, cultas reddidit, auxit pro ditionum situ commercia, contuberniis, ad hanc finem peculiariter institutis, agriculturam, sine qua commercia languescunt, latius propagavit, artibus liberalibus academias, palæstras militiæ, miserorum inopię nosocomia, prolibus parentibus.

~~1780.~~ bus orbatis orphanotrophia, partim erexit,
1780. partim locupletavit.

Sed educatio juventutis, a qua rei publicæ fortuna in utramvis partem pendet, illam præcipue sollicitam habuit. Quam ob causam pagatim fere triviales, in oppidis autem, & urbibus normales Scholæ conditæ, ex quibus formata juvenus, si idoneam se probasset, ad Latinas traduceretur. Has quoque, cum Romanus sermo Nationes lingua dispare, aliqua saltem ratione soleat, possitque connectere, animo complexa, graviores disciplinas, harumque partes multifariam inter se quidem disparatas, sed ad eundem finem mire conspirantes, discentium pro futura vita usui magis accommodatas reddidit. Universitati Scientiarum Tirnaviæ, anno 1777. Budam traductæ, ne quid seu incremento litterarum, seu docentium incremento deesset, amplissimos fundos donavit: hinc, ut in re publica litteraria communio quædam esset, in diversis regni partibus Academiæ, & Gymnasiæ adjunxit, quo Studiosi sumtuum compendio opportune possent confluere; Professoribus, qui jam ante famæ inclamaverant, vel doctrinæ suæ periculum publice fecissent, ubique constitutis larga stipendia, Sacerdotibus tamen, non tam animo suo obsequuta, quæ homines ex meritis, non item amictu æstimare solebat, quam aliorum consiliis deferens minora decrevit,

præ-

præmia insuper omnibus proponens, qui editis operibus auctarium ad scientias facerent. Moderando autem huic corpori ex variis, & loco disjunctis membris conflato Senatuum præstitit, penes quem universe literaria, & politica administratio esset. 1758.

Scientiæ studium quoque religionis, sine qua facile ingenia in utramvis partem exorbitant, conjungi voluit. Idcirco Seminaria, quæ partim minoris censû Nobilibus, partim ad Catholicæ Sacra, traductis creca erant, annuis redditibus locupletans eadem opera, & parentibus, quibus res domi curtiore erat, & avitæ religioni consuluit. Hanc ipsa Majorum suorum exemplo impense colebat, quia diversam professis molesta esset, aut ægre faceret, si modo intra terminos legibus definitos se continerent, alioquin nulli impune fuit, qui Catholicam religionem vel affecisset injuria, vel cavillis; scriptove lacequivisset. Huic in regno corroborandæ Episcopatibus, Albensem, Neosolensem, Rosnaviensem, Sabariensem, & Scepusiensem, excerpta partim ex aliis, quæ latius diffusæ erant, diocesisibus, partim ex fundis, qui olim ad Clericos regulares de societate Jesu dictos dono regum pertinebant, portiones addito cuivis Sacerdotum collegio instituit, primum conditorem divum Stephanum regem Apostolicum imitata, cujus titulum a decessoribus fere neglectum anno 1758. Clemente XIII.

1780. Pontifice Maximo libenter prorsus annuente ab oblivione vindicavit.

Hæc ad promovenda regni commoda at-
tinebant. Nec dissensit character animi. Judi-
cio acri prædita, & laboris supra sexum pa-
tiens cum esset, ipsa consultationibus semper
fere præfuit, & quod ex vario sententiarum
conflictu e re publica ei visum est, non fa-
cile dein mutanda sententia constituit, quod
maturæ, & omnia secundum providentiæ le-
ges, quantum humanæ menti fas est, insti-
tutæ deliberationi proprium esse solet. Jus
sine partium studio omnibus administrari,
nec se, si lis de fœdis Fisco addictis orta
esset, eximi voluit, cuique, quod suum erat,
tribuens, criminis tamen damnatorum mi-
serta, si ob enormitatem sceleris poena con-
donari non poterat, tenere eam certe stu-
duit, & justitiæ laudabili temperamento
mansuetudinem conjunxit. Quo minus sum-
tuosæ pompæ, nisi id dignitatis causa tem-
pus aliquando posceret, erat appetens, eo
magis in suos munifica nunquam infelicio-
rem se existimans, quam si non omnibus,
quod nulli Principum hactenus datam est,
ut cupiebat, obsecundare posset. In quoti-
dianæ vitæ consuetudine majestatis pene ob-
lita, cômle alloquio, facilis aditu, præfer-
tim ex Hungaria vestimentibus, ut hac bene-
voli animi significatione, quæ sub Majori-
bus suis inter utramque Nationem invalue-
rat

rat, diffidentiamne dicam, an metum? po-
nitas tolleret. Huc Jam ab initio regiminis
conatus illius spectabant eo successu, ut ani-
mi utrinque sensim mitescerent, & commercia
essent familiariora, connubia etiam misceretur,
quæ ipsa etiam præsertim inter Opti-
mates non raro conciliare solebat, quem mo-
rem cum paullatim non pauci etiam Nobi-
les æsequarentur, & ceteroquin magna vis
esse soleat conjugibus in maritos, brevi cor-
rem adduxit, ut utraque Natio popularitate,
quasi iniquam coactuisse videretur, nobilio-
rem ob hoc conciliatione triumphum oneritæ,
quam si armis, quæ in corpora solum, non
item animos dominantur, quæcumque hor-
sem vicisset, memoriam sui indelebilem ani-
mis posterorum inscriptam reliquerat.


1988

Mater plurimum liberorum filios, supersti-
tes reliquit, Josephum, Leopoldum, Ferdinandum,
& Maximilianum: filios plures
Ex his Carolinam Ferdinando utrique Sic-
ciliæ Regi, Antoniam Ludovicæ Galliarum Del-
phino matrimonio jungens, Domum Austria-
cam Bourbonicæ annexuit, ut, sublata, quæ
inter utramque crebro intercesserat, simulta-
te, & inimicitia, ditionibus suis in Italia,
Belgio, & Germania consuleret.

Defunctæ continentis serie, intercesserunt,
Josephus, & Leopoldus, uterque hujus No-
minis II. quorum res gestæ, & quæ dein-
ceps sub Francisco Hungariæ Rege, qui illos

in

in regimine exceperat, consecutæ sunt, 1780. quam grave huic, & sanguinarium bellum a Gallis nulla causa iudicam, quæ contra id, & cum quibus constata Fœdera, rursus- que diffusa, & ipsius adeo bellum qua fide, & mirabili etiam in adversis perseverantia a Rege nostro sustentatum, qua ex diverso ab hoste perfidia, quibus rapinis, ac latro- ciniis, quam cruenta civium suorum laniæ- na, conculcatis sacris, pactorum violatione, proditiis, & cæde Regis sui, huiusque Conjugis, ac sororis illius, tum Delphino hæ- reditario Principe veneno & vivis sublato fœ- dissime gestum, contaminatumque fuerit, in recenti quidem omnium memoria versantur, sed, quantum variis, occultisque recessibus impliciter, diverso utem fine, & proposito suscepti, & politica caligine adeo etiam- nam obseptæ sunt, ut designationes illorum, qui in belli partem veniunt, plerasque igno- rare cogantur, quoddam vero in publicum deferre, hoc dum expediat, erunt soliti, qui ubi hæc tempora detegunt, ut solet, quantum- vis restituta, sensum prodere, quin assentan- do, aut, committendo in quamvis partem of- fendant, litteris ad posterorum memoriam libere, & candidè transmittere, & Franci- scum Augustum datum, servatæque fidei, ac mirabilis constantiæ exemplum futuris Re- gibus proponere possint.





THE UNIVERSITY OF CHICAGO
LIBRARY
540 EAST 57TH STREET
CHICAGO, ILL. 60637
TEL: 773-936-5000
FAX: 773-936-5001
WWW.CHICAGO.EDU

AUG 9 - 1930

